


**CRISTOPHORI
EHEMII ... DE
PRINCIPIIS
IURIS LIBRI 7.
QUIBUS...**

Christoph Ehem, Giovanni
Battista Coccini






Ex Bibliotheca
majori Coll. Rom.
Societ. Jesu

25. L. 15.

25

12 12 5 11





Ex Bibliotheca
majori Coll. Rom.
Societ. Jesu

25. L. 15.

25

12 12 12 12





CHRISTOPHORI EHEMII
PATRITII AVGVSTANI,
Iureconfulti,

DE PRINCI-
PIIS IVRIS

Libri VII

Quibus Iurisprudentiam arte, metho-
do, ordineque tradi, propriisq; fini-
bus circumscribi posse, dilucidè o-
stenditur.

*Cum rerum & vocum Indice
locupletissimo.*




Ex Lib.

U. m. Cozzini

HANOVIAE

Apud Guilielmum Antonium,

M D C I.





ILLVSTRISSIMO

PRINCIPI OTHONI HENRI-
cho, Comiti Palatino, vtriusq; Bauarię Du-
ci, Domino suo clementissimo, CHRISTO-
PHORVS EHEMIVS P. Augusta-
nus Iureconsultus,
S. P. D.

DVO sunt hominum genera,
qua præclaris atq; eruditis li-
terarum monumentis, com-
muni hominũ societati pro-
desse, atq; consulere posse existimantur;
vnum, eorum est, qui cogitando & in-
ueniendo ea, qua abstrusa & incognita
sunt, suis laboribus & vigiliis patefacere
possunt, & occulta quarendo inuestiga-
re; alterum vero, eorum, qui iam inuen-
ta & constituta, nondum tamen perfecte
explicata, artificiosè & ordine quodam
distribuere ac docere. Horum alterum

E P I S T O L A

prestare posse, ut arduum est atq; diffi-
 le, ita quoq; summopere ad cognitionem
 & scientiam rerum comparandam utile
 ac necessarium, & utrunq; mea quidem
 sententia, summa laude dignum. Qui
 enim res absconditas & ignotas patefa-
 ciunt, illi reipub. necessaria ad bene bea-
 teg; vivendum praesidia subministrant,
 qui eadem ingeniose expoliunt, res ac di-
 sciplinas ad usum, adq; cognitionem a-
 ptiores reddunt. Et quanquam hac per
 se expetenda & laudanda sint, alterum
 tamen altero ut difficilius, ita & cōm-
 ni sapientum opinione, nobilius ac pra-
 stantius esse iudicatur. Neq; minus ve-
 re quàm scitè scripsit Cicero, inuentionem
 esse principem omnium partiū artis, qua
 si non antecesserit, curaq; & cogitatione
 pertractata non sit, frustra quo pacto ar-
 tificiose & ornate reperta ordinari de-
 beant, inquitur: nam inuentione, prin-
 cipia, media & extrema, in quibus po-
 tissima cuiusq; rei vis consistit, scientia-

runt

N V N C V P A T O R I A.

*rum caterarumque rerum peruestigan-
tur; quæ licet quandoque exigua sint,
suis tamen progressionib. vsa augentur,
facileque excoluntur. Cuius equidem
rei difficultatem prisci philosophi intel-
ligentes, sapienter homines monendos
esse censuerunt, in quolibet negotio, siue
id ad actionem, siue ad contemplationē
pertineret, principiorum, quorum diffi-
cilis & periculosa est inuestigatio, potis-
simam rationem haberi oportere; qui-
pe cum vel leuissimus in horum consti-
tutione commissus error, in immensos at-
que inextricabiles labyrinthos excrescat.
Huc accedit, quod multi aliorum inuen-
ta, recte & artificiose excolere, interdum
etiam constituta, augere possunt & or-
nare; inuenire tamen, suoque Marte
quidpiam excogitare non possunt. at qui
res & disciplinas absconditas occultasq;
in lucem proferunt, illi profecto facilli-
me easdem, quotidiano vſu atque expe-
rientia edocti, expoliunt & amplificant.*

E P I S T O L A

Quod sane Aristotelem apud veteres philosophos, & Galenum, ipsumq; ante Hippocratem, apud Medicos potissimū præsstitisse legimus: hi enim non tantum aliorum scripta atq; labores in re philosophica & medica illustrarunt auctioresq; reddiderūt, sed & ipsi multa suapte sponte abstrusa, primi inuenerunt, suasq; disciplinas praeclaris literarum monumentis nobilitarunt. In Iure civili, quanquam multa tum à veteribus, tum à recentioribus erudite & copiose conscripta atq; elaborata sunt, ea tamen fere omnia sine certo aliquo & artificioso ordine congesta, & cumulata potius, quā in unā perpetuam consonantiā redacta sunt, ut non homine, aut tenui philosopho, sed plane Deo aliquo nobis opus sit, qui tam vastū pelagus, certis litorib. seu limitibus circūscribere, quaeq; dispersa ac confusa nunc sunt, colligere apteq; distinguere valeat. Quanquā vero multi, iiq; non indocti, id summis conatibus facere aggressi sint,

mini.

N V N C V P A T O R I A.

minime tamē quod expetebant efficere, aut consequi potuerūt; quod idcirco illis accidisse credo, quia parū exploratis adhuc ingenii viribus, neq; recte constitutis principiis rerumq; fundamētis, tale argumentū tractandū susceperūt; cuius obscuritas & difficultas ea est, ut multi etiā veterū Iurecōsultorum, in omni disciplinarū genere praestantissimi, in hac perturbatissima opinionū varietate, de propriis ingenis desperauerint. Est n. in omni scientiarū genere, certa quēdā docēdi & tradendi ratio, quā qui cōtemnit, aut negligit, nūquā sane ad perfectam scientiae & artis cognitionē peruenire, aut maturos suorum studiorū ac laborum fructus recipere potest. Quā docēdi viā, ab antiquis tēporib. ductam, nō tantum sapientiss philosophorum, sed & prudentiss. Iurecōsultorū consensū obseruatā cōprobatamq; accepimus. Est aut hac, earum rerum notitia atq; cōprehensio, quae tum in inueniendis, tum in explicandis disci-

E P I S T O L A

plinis necessario antecedunt, & principia appellantur. Sunt autem principia, cognitio generis subiecti seu materia, in qua omnis ars seu sciētia versatur; itemque finis ad quem ea dirigitur, & cuius rei gratia omnis consultatio suscipitur. Horum cognitione neglecta, fieri profecto nequit ut artem aliquam aut inuenias, aut inuentam recte doceas; quippe cum potissima cuiusque rei pars principium sit, quo absente, totum coalescere non potest. Sunt & alia nonnulla, his quadam affinitate coniuncta, qua Graeci una voce omnia, ἀρχαί, quod in omni actione & contemplatione profunda & quasi praecognoscenda sint, appellant: quibus illi non tantum imperitos & rudes hominum animos, priusquam ad profundiores difficilioreque disciplinarum quaestiones fiat progressus, instituendos, sed & eorum mentes quasi incendi, iisque inflammari, ne difficultate aliqua oblata ab honestissimo propo-

N V N C V P A T O R I A.

proposito quandoque abhorrerent, arbitrati sunt. Vnde & Caius Iureconsultus, has præfationes (sic enim ille *αεγλεῖν* vertit) libentius nos ad lectionem proposita materia perducere, & cum eò venerimus, eius evidentio-rem præstare intellectum inquit. Quapropter cum harum rerum tam utilis, tamque necessaria sit cognitio, mirum profecto saepe visum est multis, cur nostra ætate, qui de his aut scripsisset, aut saltem scribere in animum induxisset, haberemus neminem: nisi fortasse id statuendū sit, alios, quibus confusa docendi ratio probatur, ut rem otiosam & inutile; alios, ut difficilem & novam, non attigisse, neque de his præcepta tradere voluisse. Quorum equidem opinionibus facile responderem, nisi me inconsiderata ac temeraria ambitionis vel arrogantia notam aliquam incursum, nostrūque institutum aliud postulare intelligerem. Satis enim arduam provinciam

EPISTOLA

cum sustinere arbitror, qui pratermissis aliorum reprehensionib. iis de rebus quæ partim incognita & abstrusa, partim à nullo sunt perfectè explicata, differere, sequæ aduersus imperitiū vulgus, improborū præterea hominum, atq; pestifera nocentissimaq; calumniatorū venena, contra quæ vix ullū (ut Aristoph. ait) aiñdō excogitari pōt, defendere instituit. Quorum ego morsus pfecto formidarē, nisi me et reip. amor, & doctiss. virorum autoritas, atque adeo præclara iuuenum studia, quorum gratia omnis noster hic labor susceptus est, cōmoueret, atq; etiā tueretur. Quando enim hi qualescunq; conatus nō ambitionis alicuius temerariæ aut frivole ostētationis gratia, sed ut, præter ea quæ modo dixi, reb. ad tractandam & docēdam Iuris artiē valde necessariis & obscuris, lux aliqua afferretur, à nobis instituti paratiq; sunt, magna me spes tenet, hoc meum consilium, bonestamque animi voluntatē, & quicquid
tan,

N V N C V P A T O R I A.

tandem in re noua desiderari potest, à viris doctis & bonis, a quibonq; consulti-
tumiri. Neque vero me latet, multa & in his nostris lucubrationibus futura esse, quæ vel diligentiori tractatione, vel exactiori cura & stylo conscribi atq; limari potuissent. Verum qui id obiciant, *Aristotelem* (nisi fallor) philosophiæ principem, in *Elerchis* monentem audient, qui in omni rerum ac disciplinarum inuentione, maximam vim & difficultatem reperiri, neq; ita exacte & absolute unumquodque ab initio constitui, sed iam inuenta, facile augeri atq; ornari posse inquit; quare hoc reliquum eorum qui audiunt, vel legunt, officium esse, ut si quæ prætermissa, minusq; perfecte elaborata sunt, æquo animo accipere ac diiudicare, & si quæ excogitata sunt, debitam primis inuentoribus gratiam referre nō erubescāt. Quantū autem momenti hæc tractatio ad constituendam & docendam *Iuris* artem sit allatura, aliorum

E P I S T O L A.

qui ratione & doctrina, rerumque magistra experientia, instructi sunt, iudicium esto. Hoc enim potissimum nos ad-
 inuestigasse assecutosque arbitror, quod
 & scientiam Iuris, non secus atque alias
 artes, propriis finibus circumscribi, atque
 ex certis principiis deductum esse, cognatisque insuper scientiis ordine coherere
 ostendimus; quae denique vera, & non
 conficta docendarum constituendarum-
 que disciplinarum ratio sit, perspicue de-
 clarauimus. Quod genus argumenti
 cum à nobis superioribus annis compen-
 dio quodam, & plusquam tenuiter, vo-
 tum & ingenii & aetatis ratio ferebat,
 conscriptum, neque tamen diuulgatum
 esset, bonorum virorum hortatu atque ro-
 gatu, idem limandum, augendum, ty-
 pisque excudendum duxi: quoniam diu-
 nexi προνοίας (ut in proverbio est) cre-
 scentibus annis, confirmatoque assidua
 lectione & rerum usu, sapientiores euade-
 re solent. Porro cum & his ipsis nostris
 qua-

N U N C V P A T O R I A.

qualibuscunque laboribus varias calumniatorum reprehensiones non de futuris, animo cogitationeq³ satis perspicere, existimaui eos nō tam firmissimarum rationum presidio munitos, quam gravissimo patrocinio ornatos, in lucem emittendos esse; nimirum ut qui rationibus non acquiescerent, auctoritate tamen territi, a criminationibus abstinerent. Atq³ inter ceteros quidem nostra patriæ Principes, qui & hoc genus studiorum, maximè probarēt, atq³ etiam in tā perturbato horum temporū statu unice defensum conservatumq³ cuperent, T. C. in primis mihi digna visa est, cuius tutela hoc meum exiguum opus cōmitteretur; quippe cum & antea clementissimè id suscepturum esse te promiseris, & te eo delectari, per clarissimum virum, Dominum IOANNEM GEMETIVM utriusq³ Iuris doctorem, Tuae Celsitudinis primum consiliarium, haud obscure significaveris. Vnde id totum tuo

EPIST. NVNCVPATORIA.

patrocinio atque fidei, quæ in cæteris rebus, tum maxime in conseruanda iustitia, morum atque virtutum omnium, honestate, & quod potissimum est, in propugnanda vera religionis ac pietatis doctrina, verè est illustris & regia, committo dedicoque; atq; ut C.T. Deus opt. max. Christianæ reip. bonorum ac doctorum virorum utilitatibus, toti denique orbi, diu incolumem seruet, oro atq; precor. Bene vale. *Augusta,*
MDLV. primo Nouembr.

T.C. deditiss.

CHRISTOPH. EHEMIUS.

TYPO.



TYPOGRAPHVS

Lectori S.



V I Philosophiæ cognitionem à studio Iuris prudentiæ distinguunt, & cuiusq; discipline peculiare fines custodiunt atque regunt; nã illi bonum & æquum facere, atque ab arbitrio fratrum arualium longè securi esse videntur. qui verò segregant atque diuellunt à scientia Iuris Philosophiæ professionem, tanquam non eodem vinculo & cognatione naturali comprehendatur; illi non tam iniquos equissimarum rerũ aestimatores, quàm eius, quam præ se ferũt doctrinæ ignarissimos esse se confitentur. Nã vt omittam fontes & fines vtriusque discipline, qui vel iidem sunt, vel ipsa sibi propè iuncti atque connexi, vt ægrè ratione separari atq; discerni possint; vsu & experientia superiorum temporum satis edocti sumus, Iuris prudentiam elegantiorẽ & florescẽte maxime sincerioris Philosophiæ studio singulariter cultam atq; elaboratam primum fuisse; mox eodẽ de gradu suo deiecto, sedẽ

TYPOGRAPHVS

pristinam. & splendorem antiquum penitus amisisse; iterumq; renatis atq; renouatis æuo meliori sapientiæ studiis & politicæ litteratura, sensim ad dignitatem priorem & auctoritatem maiorum quasi postliminio quodam restitutâ, feliciter adscendisse. Cuius rei non in obscuro causâ versatur, quandoquidem apud eximios quosque Iuris auctores intelligitur istud genus tanquam res summè religiosa, tanto non dicam in amore, sed honore & admiratione semper fuisse: & D. Marcum prudentissimum Principem & religiosissimum Imperatorem legimus ob coniunctam cum imperandi arte & Iuris disciplina Philosophiæ contemplationem omnium non dicâ Philosophorum maximum Imperatorem, sed Imperatorum omnium maximum Philosophum exstitisse. Quid quod Iuris deum consulti veram minimeque simulatam (à cupiditate pecuniæ) Philosophiam adfectare se profirentur? & eorum olim plerique summorum Philosophorum maximè Stoicæ sapientiæ præceptis non leuiter tincti, sed largiter imbuti fuerunt? nostraq; memoria neminem vnum in Iurisprudentiæ professione, sine illarum artium quæ ad humanitatē pertinent institutione, vidi.

LECTORI 3.

vidimus non eximium, sed mediocrem extitisse? Testes sunt & superstites, quorum ora & oculos præsentium intuemur, quorum mentem sensusq; coram perimus; testes & defunctorum memoriæ, quorū scripta & manes religiosos cotidie veneratione. Quo istorum in numero sine dubio præcipue celebratur merito quodam suo CHRISTOPHORVS EHEMIVS, Cancellarius quondam Electoralis Palatinus, vir clarissimus, qui per quā erudito suo libello *De principis iuris*, abunde testatum reliquit, quantos & in civili studio & in Philosophia progressus fecerit; quantoque opere ad Iurisprudentiæ cognitionē necessaria Philosophiæ scientia sit; adeoque ingenuum istum felicitis ingenii sui partum non tantum popularib. suis, sed etiam exteris quibusq; eruditissimis plane approbârit. Quē ego tanti viri, deque tanta re tam breuem tamq; elegantem libellum quum animaduernerem exemplorum inopia, in paucorum è nostris, tantumque non in exterarum nationum manibus solum versari; operæ pretium esse duxi, si repetita editione (quoniam publici iuris factus iam semel esset) in lucem & vsum communem iterum reuocarem. Facies itaque rem, Lector,

TYPOGRAPHVS LECT. S.

ex vsu tuo, meoque voto valdè accommo-
datam, si operulam istam meam tui tuæ-
que vtilitatis caussa potissime susceptam,
beneuolè amicèque consules; & me ad hoc
studiorum genus vltiò promptum, tua æ-
quitate mirificè adiuuabis. Vale. Hanoüie,
Calendis Februarii, An, MDCI.

INDEX



INDEX CAPITVM

QVÆ IN PRIMOLIBRO

tractantur.

P Refatio.	I
1. Methodus & ordo septem librorum.	9
2. Methodus inueniendi species facultatum, & habituum animæ.	14
3. De intellectu.	25
4. De scientia.	33
5. De sapientia.	44
6. De opinione.	49
7. De consultatione.	53
8. De partibus consultationis.	66
9. De arte.	68
10. De prudentia.	80
11. Iurisprudentiam non esse habitum cognoscendi, aut efficiendi, sed agendi, & prudentia partem.	100
12. Conciliatio veterum Iureconsultorum, Iurisprudentiam nunc artem, nunc scientiã asserentium.	114, 115

INDEX

LIBRI II.

- 1 *De duabus prudentia partibus, priuata & communi.* 117
- 2 *De prudentia cōmunis speciebus.* 125
- 3 *De prudentia œconomica.* 126
- 4 *De prudētia ciuili eiusq; speciebus.* 138
- 5 *Iurisprudentiam neq; νομικὴν, neque politicam prudentiam, sed media natura inter utraq; esse.* 141
- 6 *De dignitate & præstantia Iurisprudentia.* 144

LIBRI III.

- 1 *Quem ordinem sibi inter ceteras disciplinas vēdicet Iurisprudētia.* 148
- 2 *Per resolutionem cognatarum Iurisprudentia artium inuentio.* 154
- 3 *Iurisprudentiā sine notitia præcedentium facultatum cognosci minimē posse.* 180
- 4 *Contra leguleios qui Philosophiam à studio Iuris ciuilis distrahunt, breuis disceptatio.* 185

LIBRI IV.

- 1 *De genere subiecto, seu materia Iurispru-*

CAPITVM.

- risprudentia, & qua huius inuestiganda ratio.* 193
- 2 *Actionum diuifio.* 195
- 3 *Actiones ciuiles, effe propriam materiam Iuris.* 202
- 4 *Contra leguleios, qui omnia praecepta legib. & auctoritate Scriptorum comprobanda effe putant, & qua legib. confirmanda fint, & qua non fint.* 209
- 5 *Demonftratio generis fubiekti Iureconfulti, ex rationib. philofophicis, & auctoritate Iurisperitorum.* 215
- 6 *Aliarum opinionum confutatio.* 222
- 7 *Pulchra dubitationis de materia Iurisprudentia diffuffio.* 231, 232

LIBRI V.

- 1 *Iuftitia addeptionem effe finem. Iureconfulti.* 238
- 2 *Iuftitia diftributio & particularis fpecies.* 245
- 3 *De iuftitia vniuerfali.* 268, 269
- 4 *Iuftitia quomodo in fe reliquas virtutes contineat, ut genus, an verò ut totum.* 279

I N D E X

- 5 *Institia definitio qua à Iureconsultis tradita, quomodo non recte intelligatur ab Accursianis & aliis: & quaratione accipienda, & cum Philosophorum descriptionibus concilianda.* 285, 286
- 6 *Institiam particularem non esse finem Iureconsulti, sed uniuersalem.* 293
- 7 *Qua ratione Iureconsultus institia fruatur.* 323
- 8 *Quod officium, & quis scopus Iureconsulti, & quomodo hac a fine differant.* 327
- 9 *Quomodo institia sit finis Iureconsulti, cum nō semper ea fruatur* 341

LIBRI VI.

- 1 *Varia definiendarum artium ratio.* 344
- 2 *Triplex Iurisprudentia definitio, eiusq; explicatio.* 347

LIBRI VII.

- 1 *Varia Dd. de constituenda Iuris arte opiniones.* 360

CAPITV M.

- 2 Definitio methodi. 363
- 3 De duplici methodo, naturali seu cō-
stanti, & arbitraria seu aduentitia.
366
- 4 De natura Methodi naturalis & es-
sentialis. 370
- 5 Methodus ad quem habitum animi
pertineat. 377
- 6 De partibus methodi: deq; ordine.
379
- 7 De resolutione. 384
- 8 De compositione. 396
- 9 De ordine definitiuo. 402
- 10 De via & modo inueniendi & do-
cendi res. 404
- 11 De instrumentis, eorumq; numero et
natura tradendi artes. 406
- 12 Quid sit demonstratio, et quotuplex.
411
- 13 De definitione, eiusque speciebus.
432
- 14 De diuisione, eius praestantia, natu-
ra, & speciebus. 452

CAPITVM INDEX.

- 15 *De instrumento resoluendi, eius natura, & speciebus, & quo genere Iureconsulti potissimum utantur.*
 - 16 *De usu horum instrumentorum, & quomodo disciplina his utantur.*
 - 17 *Ius Civile non minus quam alias artes methodo doceri posse.*
 - 18 *Confutatio argumentorum, quibus Ius methodo tradi non posse ostenditur.*
- Epilogus.*

489

INDICIS CAPITVM
finis.

CHRISTO.



CHRISTOPHORI EHEMII PATRITII AVGV-

STANI, IVRE CONSVLTI, PRIN-
cipiorum Iuris liber primus.

PRÆFATIO.

INTER priscos philosophos Pla-
to, ingenii & doctrinæ prin-
ceps, rectè & sapienter dicere
solitus est, *Ordinem esse animã*
ipsarum rerum : quandoquidem existi-
mabat, in hac vniuersitate nihil effici pos-
se, nihilque conseruari, sine artificiosa qua-
dam & admiranda rerum omnium con-
structione, quæ cùm sensibus, tum mente
pereiperentur : & proinde co sublato, rursus
interire, neque secus ac cætera animalia,
cùm vita priuantur, prorsus extinguï atque
corrumpi. Quod quàm verè dictum sit, fa-
cile intelligi potest, si quis non solùm in ea
quæ à natura fiunt, sed etiam quæ ab arte,
& omnino à nobis aguntur, animum inten-
derit. Ac primùm quidem, si huius vni-
uersæ machinæ ornatum structuramque,

A

● PRINCIPIORVM IVRIS

à qua mundum prisci nominauere, sensu percipere, atque adeo ratione cognoscere conetur, inueniet hercle ipsius partes, concordì quadam amicitia, & mutua charitate coniunctas, ita sese inuicem complecti, vt dissolui nullo modo queant, nisi ab eodem, à quo sunt colligatæ: tantaq; arte conditas esse, & admirando ordine distributas, collocatasque, ac specie, figura, omniumq; motuum harmonia, & quadam *συμπαθεία* ornatas, vt nulla pars huiusce generis redūdans aut deficiens possit reperiri: atque idcirco easdem semper occupare sedes, eadem retinere officia, iisdem fungi actionibus, eundem denique, ad quē natura factæ sunt, motum seruare & exercere. Neque vero scientiæ & disciplinæ artesq; vniuersæ aliud profitentur aut explicant, quàm prudentissimum in producendis eiusdem naturæ rebus consilium, infinitamque omnib. infinitam vim ac potestatem, quę coniuncta sit cum egregia quadam dispositione, aptaq; & admiranda partium cōpositione; in conseruandis iisdem, miram prouidentiam & bonitatem: vt nō immerito à Zenone, *Natura non artificiosa solum, sed planè artifex dicta sit, consultrix & prouida utilitatū operum*

partium

LIBER PRIMVS.

3

portunitatumque omnium: cuius deinde solertiam ars imitatur, fingendo & exprimendo structuram, nexumq; rebus natura constantibus insitum. Eadem dicenda sunt de actionibus vitæ cum publicis, tum priuatis: quæ si nullo iudicio, nulloque rerum, personarum, locorum & temporū habito delectu, à nobis suscipiantur, reprehensione carere nō possunt. Ex quo fit, vt non sapientissimus solum inter cæteros sed & prudentissimus esse iudicetur is, qui rerum omnium, quæ vel suapte vi constant, vel à nobis geruntur & aguntur, ordinem, quoad eius fieri licet, notare potest, ac planè animaduertere: quandoquidem cognitionem omnem, siue necessaria illa sit, siue probabilis, nihil aliud esse constet, quàm consentientem cum intellectu rerum conformationem, & quendam (vt sic dixerim) cōsensum atque conuenientiam: atque idcirco tum demum res omnes rectè se cognoscere vnumquemque arbitrari, cum vel ipsarum cōpositionem, si ex partibus sint conflatae, vel cum cæteris rerum generib. connexum, si quidem simplices sint & vniformes, diligenter didicerit: rursusque nil certi aut veri comprehendere, qui eadem hæc ignoret, rerumque se-

A 2

4 PRINCIPIORVM IVRIS

riem & ordinem, aut naturæ bonitate, aut arte ac disciplina non sit affecutus. Quapropter sæpenumero mihi cogitanti, quid esset, quod nostræ ætatis homines, in pulcherrimo facillimoque Iuris ciuilibus studio tam infeliciter versarentur; tãdem diligentius rem intuenti, ratio ipsa in hanc potissimum me sententiam duxit, vt nullam aliam huius mali causam esse arbitrarer, quàm quòd erudite quondam, & ordinate ab antiquis Iureconsultis tradita Iurisprudentia, in obscuram, confusam, inconditam, ac penè ridiculam barbariem incidisset, vt iam ex summis philosophis, prudentissimisque hominibus, aut nulli sint, aut certe hæc nostra tempestate paucissimi, qui explosa tandem inueterata illa inscitia, ad instaurandam huius disciplinæ dignitatem, pro viribus contendunt; sed potius causidici, proclamatores, rabulæque esse malint, quàm vera eruditione instructi Iureconsulti, quales profecto veteres illos fuisse rei experientia satis comprobatur, eosque sapissimè imitandos censet & M. Tull. Cicero, cuius in iure ciuili conatus honestissimos extitisse, nemo est qui nesciat. Verùm hoc sanè malum vsque adeo omnium animos perua-

LIBER PRIMVS.

3

peruasit, vt plerique ne via quidem & certa methodo id ipsum tradi quinimò experientia quadam tantummodo cognosci, ac proinde vniuersam artem eiusque partes, sine ordine aliquo dispersas dissolutasque, in perpetuam quandam seriem, & in vnam consonantiam cogi minimè posse arbitrati sint. Quorum sententiam, tantum abest vt intelligam, aut approbem, vt potius eos omnes qui ita sentiunt aut scribunt, longissimè à vero aberrare existimem. Principiò quidem, quod cæteras artes ac disciplinas, quæ multis numeris Iure ciuili dignitate sunt inferiores, ordine tractari posse facientur, in sola Iurisprudencia principe atq; regina omnium artium & scientiarum, cum id fieri posse negant, eo ipso quo ceteris antecellit, spoliare & propria veluti anima ac spiritu priuare nituntur: quod mehercle nihil aliud est, quàm ex liberalium disciplinarum numero, atque adeo è rerum omnium vniuersitate, violenter ipsam expellere atque eiicere. Deinde non intelligunt multi, doctissimorum se veterum placitis, euidentissimisque rationibus (vt paulò post ostendetur) repugnare: quarum autoritas ita firma est, vt nullis sophistarum cauillis

A 3

6 PRINCIPIORVM IVRIS

à quoquam, ne probabiliter quidem euer-
tì possit. Sed ex eo credo non paucis vsu ve-
nìre, vt tam deprauatè & corruptè de rebus
iudicent, quod illotis (vt aiunt) manib. nō
constitutis prius finibus, nō cognitis prin-
cipiis, non inuentis mediis, in scientias ir-
rumpant postpositis multarum rerum co-
gnitionibus, quarum sine auxilio fieri ne-
quit, vt perfectè aliquid aut cogitemus, aut
discamus. Etenim tria esse constat, quę ho-
minem doctum, & peritum artis alicuius
artificem reddere posse iudicantur: & na-
turā, & artem & exercitationem; quę sese
perpetuò comitari ac consequi ita necesse
est, vt vno ipsorum ablato, cætera frustra
quæ sita, vel data esse existimentur. Et quā-
quam natura plurimum per se valet, tamen
arte expolita, paratior ac promptior effici-
tur ad contemplandum & agendum; quin-
imo quandoque deprauata, corrigitur di-
sciplina, frequentique vsu & consuetudine
confirmatur. Porro autem hīc intelligi
volo, non solū cognitionem Methodi
& ordinis, sed notitiam aliarum quoque
artium ac disciplinarum, quarum maxima
est ad percipiendam Iuris scientiam vti-
litas: quę quidem omnia vt paucissimis
hac

LIBER PRIMVS.

7

hac nostra ætate concessa sunt hominibus, ita vel præcipuè Iuris ciuilis studiosis, quasi fatali quodam decreto denegata videntur. Nam quot, obsecro, illorum inuenias, qui de fine vltimo & extremo, ad quem cætera referuntur omnia, suæ artis quam proficuntur, interrogati, aut omnino quid respondeant non habent, aut certè perperam respondeant? cum tamen ex ipsius notione finis, in sua resoluta ac diducta principia, non solùm artes, sed & scientiæ, cæteræque disciplinæ omnes inueniantur, inuentisq; principiis, compositione tradantur, aut contractis in vnum partibus, definitione memoriæ mandentur. Iam verò quis de genere, subiecto, seu materia, in qua Iurisprudentia versatur, ita copiose accurateq; dixit, qui dissolutis partibus omnibus inuentisq; primis ipsarum elementis, si non exactam, at obscuram saltem rudemq; artis ostendisset effigiem? quod etsi vni alicui homini perfectè ingenio consequi, eaque omnia quæ dispersa nunc sunt ac dissoluta, arte complecti, difficilè, multis tamen rectè inchoata absoluere, inuentisq; aliorum addere, nō esset impossibile: idq; si (quemadmodum par erat) nonnulli eruditi viri

A 4

8 PRINCIPIORVM IVRIS

summo studio ac diligentia tentassent aliquando futurum esset, vt integram perfectamq; huius disciplinæ, & cæteris artium generibus non inferiorem (quod tamen multi nequaquam fieri posse arbitrantur) haberemus cognitionem : quandoquidem nihil tam arduum, tamq; difficile sit, quod quærendo & inuestigando, tandem inueniri non queat. Ego vero cum tantam huius artis confusionem conspexissem, operepretium me facturum existimaui, si quædam progymnasmata, philosophorû more, quæ ad totam Iuris ciuilis artem rectius percipiendam attinerent, studiosæ iuuentuti proponerem, ex quibus veluti iactis elementis, primisque constitutis principiis, tota deinceps ars deduci posset. Potissima enim cuiusque rei (vt Plato inquit) pars, principium est, à quo si quis initio vel minimum aberrarit, cum sanè in infinitos postea errores incidere necesse est. Sed id quidem non ideo faciendum esse in animum meum induxi, vt quod alius detraho, aut mihi vendicem, aut solum ex omnibus aliis, quod multi summis ingenis exquisitaque doctrina præstare non potuerit, vel si potuerunt, non voluere, effecturum

LIBER PRIMVS.

rum esse polliceri ausim, sed partim quidem vt ostendam Iuris ciuilis reprehensoribus, hanc disciplinam non minus quàm cæteras artes, definitis finibus circumscribi, atque adeo certa perpetuaque methodo & ordine doceri posse: partim vero, vt aliorum ingenia excitem & inflammem, ad reparandam erigendamque collapsam ferè nobilissimæ scientiæ dignitatem. Quod si, vt spero, effecero, existimabo sanè non minimum me ex his honestissimis conatibus laboris præmium fructumq; retulisse percepisseque. Sed iam res postulat, vt institutum negotium aggrediamur.

CAPVT I. *Ordo librorum.*

PLacet igitur, quoniam omnis disputatio de elementis atque principiis Iuris ciuilis futura est, antè constituere ordinem earum rerum, de quibus dicturi sumus, vt intelligatur qua de re, & qua via differatur. Ac primùm quidem disquirendum esse arbitror, *utrum Iurisprudentia ars sit, an scientia, an vero animi quidam habitus, ab arte & scientia, propria differentia separatus.* Et-

A 5

PRINCIPIORVM IVRIS

enim primi & veteres illi Iureconsulti, videntur esse diducti in varias sectas, vt alii quidem opinarentur, Ius esse quandam *artem*; cuius sententiæ, Celsum, M. Tulliũ Ciceronem, Vlpianũ & cæteros fere omnes Iureconsultos fuisse constat. Alii crediderunt Iurisprudentiam esse *scientiam*: quam opinionem sectatus est Imp. Iustinianus, qui eam *diuinarum atq; humanarum rerũ notitiam, iusti & iniusti scientiam* esse descripsit. Nonnulli deniq; (quorum sententia, meo quidem iudicio, cæteris probabilior, & Iurisperitorum scriptis, ipsiq; adeò veritati magis consentanea est) existimarunt Iuris ciuilis cognitionẽ, neq; ad artem, neque ad sciẽtiã referri posse, sed esse potius quandam prudentiæ partem, quemadmodum & *νομολογία*, id est, ferendarũ legum peritiã, quẽ à Iurisprudentia sola ratione, non re & subiecto (vt suo loco dicam) differre videtur. Huius opinionis & Platonem & Aristotelem non vno in loco, sed præcipuẽ tamen alterum in lib. de Republica, & lib. de Legibus, alterum vero in lib. De vita & moribus, vt ex multis colligi potest argumentis, fuisse nondubitatur. Quapropter cum tot extiterint de Iurisprudentiã

tiæ natura, priscorum Iureconsultorum ac philosophorum, tamque discrepantes sententiæ, dispiciendum ac planè diiudicandum est, quæ nam istarum opinionum omnium, veritati rerum magis sit consentanea. quanquam ego quidem, re altius considerata, existimo penitus nullam, aut certè perexiguam tantum verborum controuersiam huic disceptationi inesse, atque idcirco hos omnes, quos paulo ante commemoravi, diuersis notis atque descriptionibus eandem rem significare exprimereque voluisse. De huius nostri seculi hominibus eorumq; placitis, nil est quod certi possim affirmare: quandoquidem nunquam mihi contigerit aut legere, aut audire aliquem, qui ex professo quidpiam de hac dubitatione diceret, scriberetve: sed potius si qui ipsorum sunt (quos certè perpaucos esse reor) qui aliquid conati sint de ea pronunciare ac disserere, certè opinione potius, aut leui aliqua persuasionem ducti, quàm vera ratione & iudicio, inciderunt in ea, quæ pro veris aut verisimilibus habuerunt. Proinde si non artem, sed prudentiam esse demonstrauero, ordo postulabit vt inquirā, ad quam prudentiæ partem referatur. Præterea

quod non simplex & vniformis, sed multiplex & varia est huius virtutis natura, qua in sua membra diuisa distributaque, facile intelligi poterit, ad quod commodè reduci debeat. Iam verò, si quænam prudentiæ pars sit, ratione constiterit, non ab re me facturum existimo, si inquiram, artificiose ne & methodo tradi ac doceri possit, an vero nullis artium finibus comprehensa sit, fortunæque potius temeritate inter homines versetur, aut experientia quadam nitatur, cum quia hæc disceptatio plurimum his nostris temporibus est controuersa, tū vero quia per se vtilis ac necessaria est huius rei contemplatio. Deinde de ordine Iurisprudentiæ, quem sibi inter cæteras disciplinas suo iure vendicat, erit differendum, vt possimus intelligere, qua via ad hanc nobilissimam facultatem sit accedendum perueniendumq; , & quæ scientiæ & artes nobis comparandæ sint, vt facilius & citius eam adipiscamur. Non enim omnes, quamuis profiteantur eandem artem, eodem quoq; modo discendā arbitrātur: pleriq; neglectis cæteris omnib. sciētiis, sese ad Iuris ciuilis studiū cōferunt: multi vero id ipsum sine aliarum artiū adminiculis neq;
rectè

recte doceri, neq; perfecte intelligi posse existimant. Rursus, quia omnis ars & scientia, simpliciterque habitus omnis, aliquod habet genus subiectum seu materiam, cuius proprias affectiones seu passionnes vel contemplatur, vel certè easdem efficere aut conseruare nititur, quæ sit illa, & quales sit Iurisprudentiæ materia substrata, est inuestigandum. Etenim fieri nequit, vt artem constituas, aut constitutam doceas, nisi partes generis subiecti antea cogniti dissolutas, ordine explicaueris. Et quoniã artes, & habitus qui in actione consistunt, hoc ipso à scientiis differunt, quod contemplatio generis subiecti & affectionum, sit finis vltimus scientiæ, & tantummodo à fine quadam ratione & habitudine distinguatur, subiectoque (vt recentiores loquuntur) seu natura eadē sint: in artium verò generibus finis à materia, re & notione differat: propterea de fine Iurisprudentiæ dicam, tum quia finis, in rebus agendis principium est, quod mouet agentem, vt summo studio & alacri animo propositum opus aggrediatur: mouet autem, quia bonum est; finis enim & bonum, vt autor est Aristot. sunt reciproca: boni appetitus, o-

14 PRINCIPIORVM IVRIS

mnibus animantibus natura est insitus: quapropter proposito bono, vtilitateq; rei, reddimur attentiores ad discendas artes atque disciplinas: tum vero quia ex notione finis omnes scientiæ, resolutionis auxilio, & instrumento resoluendi, aut constituuntur, aut constitutę docentur. Ex quibus constare arbitror, Iurisprudentiæ naturam nō bene cognito perspectoque fine, non recte positis principiis inuentisq; mediis, planè ignorari. Huc accedit, quòd eius vis & essentia, nondum fortasse (quod sciam) à quoquam recte fuit explicata, & perspicue exposita. Denique quia ex fine & materia vniuersa ars & scientia, veluti ex partibus quibusdam coalescit ac constituitur, Iurisprudentia ex his iisdem, variis descriptionibus erit à nobis definienda circumscribendaque, vt intelligatur perfecta & integra ipsius natura, & cognita ea in suas facilius diducatur partes.

CAPVT II.

Species facultatum & habituum animæ.

PRæceptum est Aristotelis & aliorum philosophorum, in omnidisceptatione, quæ

que cum ratione ac iudicio suscipitur, prius de multiplici vocum potestate ac significatione (siquidem nomen aliquod multiplex occurrat) agendum esse, vt non tantum vocis ambiguitate nemo in percipiēda aut tradenda rerum doctrina fallatur, sed etiam vt quisque intelligat, qua de re, & quomodo vnumquodque dicatur. Quapropter inuestigaturus, vtrum Iuris prudentia ars sit an scientia, sequar hoc præceptum Aristotelis, ipsiusque artis & scientiæ notiones paucis aperiam. Nulli enim dubium est, nomen *Artis* esse multiplex, atque idcirco distinguendum: cuius quidem multiplicis potestatis non solum præsci philosophi & medici, sed etiam Iureconsulti, testes esse possunt, qui variā artis notionem atque conceptum, diuersis in locis, suis scriptis tradiderunt: rursusque scientiæ vocem, cum artis significatione confuderūt. Porro ars concipitur quandoque pro fixo quodā animi habitu, & notitia intellectus. quādoque vero pro operatione & actione, seu vsu artis, qui ex illo animi habitu proficiscitur. Vnde illud Hippocratis: *Vita brevis, ars vero longa.* quia per artem, hoc in loco, Hippoc. non intellexit habitum ani-

16 PRINCIPIORVM IVRIS

mi, vt Galenus sensisse videtur, sed potius actionem & vsum artis medicæ, qui certè longissimus est atque difficillimus propter tria illa monstra, quæ Medico operanti occurrunt: *occasionem nempe præcipitem, & experimentum periculosum, & iudicium difficile.* Etenim habitus non est longus, propterea quod ex cognitione vniuersalium theorematum ac præceptorum comparatur, quæ breui tempore addisci possunt. Iam vero cum pro habitu animi & notitia intellectus accipitur, aut pro quocunq; habitu, & quacunq; cognitione, apud autores, siue scientia ea sit, siue habitus faciendi quidpiam, vsurpatur: vt cum Galenus in lib. de constitutione artis, artem diuidit in contemplatiuam & actiuam: & Aristot. sexto Metaphysicorum, in eam quæ in actione, & eam quæ in rerum contemplatione est posita. Aliquando etiam pro illo tantum animi habitu concipitur, qui circa res efficiendas versatur, & ab Aristot. sexto Ethicorum, à quatuor reliquis rationalis animæ partis habitibus, mente videlicet, scientia, sapientia, & prudentia distinguitur. Cum igitur tot modis concipiatur ars, postrema tantum huius vocis notio, ad

ad præsens pertinet institutum, qua videlicet à scientia & cæteris habitibus dirimitur. Cognita notione harum vocum, contemplemur modo naturam earum rerum, quæ his vocibus artis videlicet & scientiæ, & reliquarum specierum significantur: quandoquidem ea perspecta, facile nobis constare poterit, qua ratione inter se differant, & quod inuestigatur, Iurisprudentia ars ne sit an scientia, an vero neutrum horum, perspicuè ostendetur: quod sanè futurum me confido, si perpetuo ordine, & via quadam, nostra instituetur oratio. Exordiar igitur à notioribus nobis, & rebus manifestis, ex quibus cætera sua sponte elucescent.

Omnes homines qui iudicio & mente sunt præditi, hoc mihi concessuros arbitror, Iurisprudentiam esse quandam actionem, aut cognitionem, vel vt significantius dicam, habitum cognoscendi aut agendi, quemadmodum videre est in ceteris omnibus cum corporis tum animi affectionibus, quas nunc *ἰσχυρισμός*, nunc *ἐξήγησις* nominant, quæ præditæ sunt vi agendi & cōtemplandi cognoscendique. Siue igitur in actione, siue contemplatione & cognitione ha-

bitus verſetur, ad aliud refertur: refertur autem ad rem, quam vel cognoscere, vel efficiere conatur. Etenim quæ omnino non ſunt, nō cognoscimus: quæ verò effici nequeunt, illa neque facere aggredimur. Nec ſolum refertur ad rem cognitā: in qua verſatur, ſed etiā ad facultatem ex qua naſcitur omnis cognitio & actio: & quemadmodum actio & cognitio ex facultate promuntur, ita neceſſe eſt facultatē ab aliquo principio proficiſci: quandoquidem hæc tria neceſſario ſeſe mutuo conſequantur, actio, facultas, & ſubſtātia ſeu eſſentia: vt eodem modo ſe habeat ſubſtantia ad facultatem, quo actio & cognitio ad rem cognitam & efficiendam. Cognitio enim & actio media ſunt inter facultatem cognoscendi agendique, & rem cognitam & efficiendam. Porro principium omnis facultatis, vt author eſt Ariſtot. in Phyiſicis, duplex eſſe conſtat; alterum, quod cognoscit vel agit, alterum, quo quidpiam cognoscimus aut agimus: illud compoſitum eſt, hoc efficiens vel forma: vt facultatis & actionis videndi, principium quod, & ſubſtantia quæ videt, eſt totus oculus, quemadmodum apprehenſionis Socrates. Principium quo hæc

hæc actio perficitur, solus est videndi humor crystallinus in oculo: apprehendendi, manus aut digiti; sic cognitionis principium itemque actionis, quod agit & cognoscit, est ipse homo (loquor enim de actione & cognitione, quæ homini tantum, quatenus homo est competit.) Principium autem quo hanc actionem & cognitionem efficit, est hominis anima, seu mens rationis particeps, cuius beneficio res aut efficit, aut effectus contemplatur. Sed hæc anima multas habet vires, quas Aristoteles aliquando *partes* nominat, quarum sine ope & auxilio nihil moliri & efficere potest: quæ cum multiplices sint atque diuersæ, fit vt diuersa agendi ratio, & dissimilis cognoscendi modus nascatur: quandoquidem facultas, & id quod ex facultate proficiscitur, relatiua sint, quorum ea vis est & natura, vt alterum sine altero, aut constitui, aut cognosci nequeat; & proinde necessarium sit, vno eorum diuiso, ac in sua membra differentiasve diducto, alterum quoque in suas partes dirimi ac distingui. Anima ergo hominis vt autor est Aristot. 1. & 6. Ethicorum, duas habet vires, alteram rationis participem, & alteram rationis

20 PRINCIPIORVM IVRIS

expertem: quæ partitio non sensui tantum, sed & rationi evidens est, atque idcirco nulla penitus demonstratione indigere videtur. Pars autem seu vis rationis expert, cū brutis animātibus homini communis est, quæ continet facultates appetendi, sentiendi & vegetandi. Particeps rationis potestas, sola hominis est propria: quia proficiscitur à ratione & intelligentia qua à cæteris animātibus homo distinguitur. Sed rationis particeps, eius deniq; expert, hīc intelligi volo, id quod suapte natura, nō societate, communicatione ve tale est. Nam rationale, aliquando capitur pro eo quod rationi societate iūgi potest, ei; subiici, & à ratione regi atq; gubernari, & opponitur illi quod nō potest parēre rationi: quemadmodum dicere consuevimus, vires concupiscēdi & irascendi, esse facultates rationis participes quia rationi recta & vtilia præscribenti obediunt, & ex quibus animæ viribus virtutes eæ, quæ circa mores versantur, & ἠθικαὶ à Græcis appellantur, ortum trahunt. At sensum, imaginationem, & tres illas vegetandi vires, quæ ad nutriendum, augendum & generandum animal pertinent, rationis expertes: quia fieri nequit,

quit, vt rationis imperio quandoque coër-
ceantur. Aliquando vero rationale id ap-
pellamus, quod suapte natura ratione præ-
ditum est, quodque alius præscribit quid sit
faciendum, quidve fugiendum, contem-
plandi & cognoscendi, eligendi fugiendiq;
vim naturâ infirmam obtinens. Et hanc no-
tionem opponimus illi, quæ quod sua natu-
ra irrationale est, quodque ex alterius tan-
tum arbitrio cognoscit & agit, aut neutrum
horum duorum, hoc est, quod neq; suapte
vi, neque societate & communicatione, ra-
tione præditum est, significatur. Rationa-
le igitur & irrationale, vt nuper dixi, hæc
intelligi volo, quod sua substantia tale est.
Porro irrationalem animæ vim, siue in sen-
tiendo & fingendo, siue in appetitu posita
sit, cum ad præsens institutum non perti-
neat, consulto prætereo: quandoquidem
existimem, neminem vsque adeo indoctum
esse, qui Iurisprudentiæ habitum in ea a-
nimi parte inesse arbitretur, quæ rationis
non est compos; sed potius nostri officii esse
duco, illarum virium affectiones & habitus
explicare, quæ ratione præditæ sunt & co-
gnoscendi vim obtinent: cognoscendi, in-
quam, quia voluntas & electio, cum in ap-



22 PRINCIPIORVM IVRIS

petendo versentur, vt superiores illæ ratione carentes facultates, huc non pertinent. Harum autem omnium finis est, veri inuentio, & declinatio falsi: quemadmodum appetitus, boni adeptio, & fuga mali. Inuentio veri nihil aliud est, quàm cognitio rerum, vt sunt, per affirmationem aut negationem: vtraque enim, tam affirmando quàm negando, verum aut falsum dicimus. Itaq; si cognitio assimilis est rebus quæ cognoscuntur, & res cognitæ non solum specie, sed & genere sunt diuersæ, cognitionem quoque, quæ de qualibet re habetur, dissimilē esse necesse est. Nam quemadmodū inter se genere, quatuor sensuum obiecta distinguuntur, sonus videlicet, sapor, odor, & color, ita diuersos etiam efficiunt genere sensus: cuius rei signum est, quòd parens rerum natura, dissimilia his omnib. fabricata est sentiendi instrumenta, vt quilibet id perciperet ac sentiret, ad quod ab eadem natura homini datus est. Ita quoque cum res quæ cognoscuntur dissimiles sint, ac specie & genere inter se differant, efficitur vt cognitiones quibus singulæ apprehenduntur, & vires seu facultates animi ex quibus omnis cognitio pro-
manat,

manat, inter se longissimo interuallo distent. Rerum autem alia sunt *necessaria*, alia *contingentes*. *Necessaria* sunt, quæ non possunt aliter se habere. *Contingentes* sunt, quæ aliter ac nunc sunt, euenire & contingere consueuerunt. Porro non possunt aliter sese habere ea omnia, quæ vel principia sunt necessaria, vel ex principiis necessariis gignuntur; ex quibus quia colliguntur & efficiuntur, propterea necessaria quoque vocantur. Aliter ea contingunt quæ ex principiis contingentibus conficiuntur, aut rerum contingentium ipsamet sunt principia. Principia rursus duplicia sunt, alia *cognitionis*, & alia *rei*. *Cognitionis* principia sunt, vniuersalia quædam pronunciata, quæ ad vniuscuiusque rei cognoscendam naturam, aut proprias eius affectiones, adhibentur; Græci ἀπὸ τῆς φύσεως nominaant. *Rei principia* appello, quæ constituunt & efficiunt rei substantiam, & essentiam alicuius informant. Horum quatuor sunt genera, efficiens, finis, materia, & forma. Quapropter ut rerum necessariarum tam cognitionis, quam rei principia sunt necessaria, ita probabilium & contingentium, probabilia

24 PRINCIPIORVM IVRIS

ac contingentia. Si igitur res cognitæ, vt nuper dicebam, sunt genere diuersæ, cognitionem quoque genere diuersam esse necesse est: fieri enim nequit vt rerum contingentium, necessaria, aut necessariarum, contingēs sit cognitio; alioquin verum diceret is, qui & id quod est, non esse, & quod non est, esse affirmaret, quod fieri non potest. Ex quo efficitur, vt & vires & habitus, quibus res cognoscuntur & intelliguntur, inter se distinguantur, siquidem res cognitæ & cognitiones, vt iam demonstratum est, sint naturâ distinctæ. Diuiditur ergo rationalis animę vis, in triplices vires: primas quidem, quæ versantur in cognitione & contemplatione earū rerum, quæ aliter se habere nequeunt, quæ *necessaria* appellauī: alteras, quæ *res contingentes* apprehendant, easque quæ nunc fiunt quidem, sed non fieri tamen possunt, cum propter causarum & rerum inconstantiam, perpetuamque earum mobilitatem ac volubilitatem: tertias vero, quæ & res contingentes & necessarias intelligant, quas certe vires longè inter se distare, res illæ circa quas versantur, planissimè demonstrant. Verumenimvero substantiæ ne

tia ne an ratione differant, inquirere non est nostri instituti, sed alterius disciplinæ, quæ de animæ natura, ipsiusq; potentiis ac facultatibus pertractat. Satis mihi sit illarum differentias probabiliter ostendisse, ceteraque quæ probatione indigent loco *ὑποθέσεως* subiecisse. Sed potestas animi quæ contemplatur res necessarias, ab Aristot. *νόησις θεωρητική*, nuncupatur, quæ vel cognoscit principia necessaria, vel conclusionem necessariam, quæ ex principiis necessariis oritur: vel utraq; tam principia, quàm conclusiones. Prioris potestatis perfectio seu habitus, *νοῦς*, id est, *mens* appellatur, seu *intellectus*: alterius, *scientia*: postremæ, *sapientia*. Altera animi vis, quæ cognoscit res contingentes, *λογισμός* dicitur à Græcis, à nostris *consultatio* aut *rationatio*: interdum ab Aristot. *νοῦς πρακτικός* appellatur, id est, *mens activa*: & hæc potestas est vis iudicandi & consultandi, hoc esse faciendum, illud non faciendum: cuius habitus, *consulatio* aut *habitus practicus* dicitur. Tertia potestas, quæ res tam necessarias quàm contingentes contemplatur, *δόξα*, id est, *opinio*, & ipsa vis habitus, nunc *opinatio*, nunc *opinio* ab Aristot. dicitur. Has ut dixi animæ

perfectiones longissimè inter se differre, naturam earum consideranti facilè fiet perspicuum ac manifestum. Agè igitur & altius sumpto exordio cuiusq; vim ordine explicemus, ab intellectu exorsi, qui & natura & dignitate cæteris prior est ac præstantior.

CAPVT III.

De Intellectu.

INtellectus, seu mens, quam Græci νοῦν appellant, quandoque capitur pro facultate & potestate animi, quandoq; pro eiusdem facultatis perfectione ac habitu: potestate quidem, cum distinguitur contra διλογίαν, id est, cogitationem, quæ ratiocinatur, & δόξαν, quæ est vis opinandi, & φαντασίαν, id est, imaginationem, αἰσθησιν, id est, sensum: de qua mente Aristoteles tum in libr. De anima, tum in lib. Posteriorum analyticorum copiose disputauit. Pro habitu vero concipitur ab eodem Aristotele in sexto Ethicorum, cum à scientia & sapientia separatur. Neque id mirum cuiquam videri debet, propterea quod sæpissimè facultatis nomen, cum propria voce caremus, ad eiusdem apud scriptores habitum transfertur. Cum ergo duobus modis concipi possit

possit Intellectus, nos pro habitu nunc & perfectione potestatis animæ vsurpamus. Intellectus porro nihil aliud est, quam habitus mentis, prima demonstrationis principia, simplici medioq; carente, ex sola vocum apprehensione, animi appulsu, aut leui aliqua persuasione cognoscens, à natura omnibus hominibus naturaliter affectis insitus, aut institutione & experientia cum sui, tum demonstrationis gratia comparatus.

Habitus est quædam affectio, & affectio qualitas: at qualitas accidens; accidens omne in subiecto est; subiectum, est corpus aut anima. Intellectus ergo accidens est, aut corporis, aut animæ. *Corporis* quidem accidens esse nequit, quia habitus corporis nihil cognoscit & comprehendit, sed potius comprehenditur & continetur à corpore: at intellectus cognoscit & intelligit, quod sane ipsius nomen satis ostendit: dicitur. n. intellectus ab intelligēdo. *Anima* igitur habitus est, & animæ quidem rationalis (de hac enim sermo est.) Sed rationalis anima tres habet vires, mentē, cogitationem, & opinionem. Intellectus cogitationis perfectio esse non potest, quia cogitationis proprium est ratiocinari, conclusionēq; per cōueniētia &

PRINCIPIOR. IVRIS

idonea media cognoscere & intelligere : at intellectus non cogitat, non ratiocinatur, sed intelligit tantum. Neque etiam opinio- nis, quia opinio tã vera quàm falsa cogno- scit, intellectus res veras & necessarias tan- tum comprehendit. Erit igitur mentis ha- bitus atq; perfectio. Sed si est habitus men- tis cognoscens, & cognitio alicuius est co- gnitio & apprehensio, necesse est aliquid eũ cognoscere & intelligere. Cognoscet igitur aut sensile, aut intelligibile. *Sensile* appel- lo, quod sub sensum cadit, & particulare, seu indiuiduum est. *Intelligibile*, quod sub intellectum, & vniuersale est. Cognoscere autem singulare nequit, quia sensu id iudi- catur & percipitur. Intellectus sensus non est; propterea rectè dixit Aristoteles, sensum esse rerum particularium, & intellectum v- niuersalium. Porro vniuersale aut est prin- cipium & elementum demonstrationis, vt propositio; aut ortum de elementis, vt con- clusio & *νόημα*. At intellectus, conclusio- nis non est, quia conclusio nihil aliud est, quàm propositio necessaria, ex propositio- nibus necessariis & vniuersalib. per demon- strationem collecta. Sed intellectus non ra- tiocinatur, vt nuper dixi: relinquitur ergo, vt sola intelligat principia. *Principia intel- ligi*

ligi volo, quæ prima sunt & simpliciter prima, quæ ad alia non referuntur, & demonstrari minimè possunt, quia ipsorum cognitio, est scientia meliori modo acquisita quàm scientia conclusionis, quæ acquiritur per demonstrationem: cuius rei signum est, quod sine his neq; intelligi quicquam, neq; queri aut disputari potest: atq; idcirco si probarentur, aut per demonstrationem cognoscerentur, & sic non essent principia, aut in infinitū fieret progressus in principiis, quod certe fieri nequit. Quapropter simplici medioq; carente cognoscuntur animi intelligentia, quemadmodum & illa quæ sensib. exposita sunt omnia. quod sanè idcirco euenire iudicatur, quia euidens ac perspicua est principiorum veritas & natura: quãobrem & cōmunes animi conceptiones & *notitia* appellantur, quas Græci *ἐννοίας* vocant, quæ sola vocum vi perspecta, ilicò cognoscuntur, aut leui aliqua probatione confirmantur. Sed ex vocum apprehensione cognoscuntur illa principia quæ *ἀξιώματα*, id est, *pronunciata* nuncupant philosophi, aut enunciationes, quæ omnibus hominibus à natura sunt insitæ atq; impressæ vnde & nomen apud Græcos sortitæ sunt: quandoquidem cum suapte vi euidentes sint ac perspi-

30 PRINCIPIOR. IVRIS

cuz quasi sine aliqua dubitatione aut contradictione concessa ab omnibus sumuntur in disceptationem: qualia sunt, *Omnes homines natura cognoscere, desiderare: omnia bonum appetere: omnia animantia vim vi repellere: si aequalibus aequalia demantur, qua relinquuntur aequalia esse.* Aliud genus principiorum est, quod etsi per se verum est, nullaq; demonstratione indiget, tamen non ita prima statim fronte atque inspectione ab illis qui autem aut disciplinam addiscere cōtendunt, cognoscitur: quapropter explicatione & leui aliqua, seu probabili ostensione, vt iis assentiantur indiget, quod genus Græci *ἑσιν* appellāt: cuius alia est definitio, alia *ὑποθέσεις*: & huius rursus alia *ὑποθέσεις*, alia postulatum & *ἀίτιμα*. Sunt autem hæc propriè principia scientiarum, & ob id non facile primo aggressu intelliguntur. Sed hæc omnia perfecte explicare, non est huius instituti. satisq; sit rudi quodam typo, crassaq; (vt aiunt) Minerua, quæ ad huius habitus intelligentiam attinēt, attigisse. Confirmantur ergo, vt iam antea dicere cœperam, hæc principia, non scientifica demonstratione, sed verisimili aliqua probatione, vt inductione, sensu, consuetudine, & experi-

peri-

perientia. Inductione quidem, scientiæ mathematicæ; sensu, naturalis; consuetudine, moralis; experientia, medicæ artis principia. Horum pronuntiatorū omnium potestas est ipsa *voûs*, id est, mens, cuius habitus, *intellectus* appellatur. Porro autem omnis habitus, est quidam terminus & finis, & quoddam extremum, extremum inquam & finis mutationis & motus. Sed omnis motus & mutatio cietur ab aliquo motore & efficiente; quia nihil in seipsum agit, nec à seipso, quatenus ipsum est, patitur, sed ex aliqua alia causa (cum nullius rei, causa remota, origo reperiri possit) gigni necesse est: quare & intellectum ab aliquo efficiente genitum productumque esse oportet. Sed efficiens, aut natura est, aut homo. Natura quidem ingenerat omnibus hominibus (naturaliter tamen affectis) illa principia quæ *axiomata* & *pronunciata* appellavi: quandoquidē nullus ad eorum perceptionē præceptore institutione ve indigeat, sed suapte vi audita statim intelligat. Dixi *naturaliter affectis*, ut eos homines qui aliquā in mēbris, quæ ad intelligendum necessaria sunt, mutilationē lēSIONEM ve perpeSSI sunt, aut nondū eō ætatis quæ ad intelligendum & ratio-

cinandum idonea est peruenerunt, ab hoc habitu excluderem: quales sane & stultos, qui ratione nunquam potiuntur, & pueros, in quibus eadem, humiditate impedita, esse constat. Quemadmodum ergo primæ illæ notitiæ, à natura omnibus hominibus potestate insunt, sic cætera principiorū genera, quæ primò & per se ad disciplinas referuntur, aut institutione, aut experientia, aut disciplina & consuetudine comparantur: & habitus horum principiorū proprius est artificum, qui artes atque disciplinas profitentur, & in iis longo tempore sunt versati. Nam vt Geometra definitiones, hypotheses, & postulata geometrica optime cognoscit, ita Medicus, medicas, & Iureconsultus eas potissimum rectè perspectas habet, quæ sua arte ac disciplina sunt comprehensæ. Porro habitus qui versatur in cognitione principiorum, alicuius boni gratia id facit; quia omne quod à natura, aut à nobis fit, id alicuius boni gratia fieri necesse est. Sed earum rerum quæ cognoscuntur, aliæ sui tantum gratia cognoscuntur, aliæ alterius, quædam & sui & alterius. Sui tantū gratia, ea omnia cognoscuntur, ad quæ cætera referuntur: vt finis in aliqua arte & scientia, cuius causa omnia theoremata & problemata contem-
pla-

plamur. Alterius gratia cognoscuntur, quæ ad finem semper destinantur. Sui & alterius, quæ etsi suapte natura scire pulchrum est, neque alia quapiam re, vt intelligantur, indigent, ad aliarum tamen rerû naturas cognoscendas conducunt. Huius generis prima principia esse, nemo est qui ambigat, quæ etiamsi perfectam cognitionem suapte natura constituunt, referuntur tamē ad demonstrationem; quia ex his colligitur & concluditur necessaria conclusio, quæ parit scientiam. Et ob id non immeritò prisci philosophi *νοῦν*, id est, intellectum, principium scientiæ nuncupauerūt, quia ex principiorum connexu tāquam ex quibusdam elementis conflatur omnis scientia, iisdemque sublatis, ipsa rursus aufertur. Ex his manifestè patēre arbitror, quæ sit intellectus natura, qua cognita, quid à scientia differat, iudicatu & inuentu non est difficile.

CAPVT IV.

De Scientia.

Scientia nihil aliud est, quàm ratiocinatoricis animæ potestatis habitus, per demonstrationem, ex propositionibus, propriis, veris, necessariis, primis, proximis,

notioribus, causisq; tum rei, tum conclusionis, ad diuinarū & humanarum rerum proprietates cognoscendas acquisitus.

Est, inquam, habitus animi, quēadmodum & intellectus, quoniam est constans, animæ perfectio. Perficit autem eam animę partē, quæ ratione prædita est, non quidem totam, sed definitam ipsius potestatē. Nam quemadmodum res cognitæ, vt nuper dicebam, sunt genere diuersæ, ita & cognitiones & vires cognoscentes, genere diuersas esse necesse est. Etenim cognitio, alia est *principiorum*, alia *conclusionis*, alia vtriusq;. Principiorum ergo scientia esse non potest, quia ipsorum est intellectus, quemadmodum satis demonstratum est. Neque vtriusque, conclusionis inquam & principiorum, cum quia nobilior facultas hæc apprehendit, tum quia scientia principiis vtitur iā notis & manifestis, atq; idcirco ea non demonstrat, quia in infinitum principia probarentur, quod fieri nequit. Est ergo scientia habitus cognoscendi conclusionem: hoc est, finis scientiæ, est cognitio conclusionis. Sed omnis conclusio est in genere relatiuorum, quia refertur ad sua principia, quorum conclusio esse dicitur, quia ex his colligitur, efficiturque; colligitur, inquā, ex principis,

LIBER PRIMVS. 31

cipiis, à potestate & animi vi, quæ ratiocinando & cogitando quasi exprimit ex principiis veris & necessariis, conclusionem veram atque necessariam, ex qua nascitur scientia. Scientia itaque est habitus quidam & vis perquirendi, ratiocinandi: aut, vt multo rectius dicam, scientia est habitus per ratiocinationem ac demonstrationem acquisitus. Ratiocinari porro & cogitare nulla animi vis potest, nisi apta sit ad nectendas propositiones cum sua conclusione, & idonea ad ratiocinandum. Sed huiusmodi ea est tantum, quæ Græcis *λογιστική*, nostris quandoq; cogitatio, quandoque vis ratiocinandi, interdū à nonnullis *discursus* dicitur, cuius officium est, disceptare, animi conceptus sibi inuicem nectere, & conclusionem ex mutuo principiorum complexu perquirere atque inuenire. Et tamen si aliæ animi potestates quoq; intelligant, nulla tamen earum ratiocinatur: mens enim, vt sæpe dixi nobilioris est originis, quam vt ad cogitandum nata sit: quinimo prædita est acerrima & acutissima quadam vi, & quasi acie, illico percipiendi rerum conceptus & naturas, ad quarum apprehensionem nullo cogitandi ratiocinandiue labore indiget, sed

simplici appulsu omnia intuetur, cognita-
 que iam retinet: atque idcirco non imme-
 rito à quibusdam philosophis appellatur *o-
 culus anima humana*, propter quandam si-
 militudinem & affinitatem, qua coniuncta
 esse videtur oculis corporis, & sensui visus.
 Etenim inter cæteros corporis sensus, visus,
 ad cognoscendas multiplices atq; minutis-
 simas rerum differentias (vt inquit Aristo-
 teles) est accommodatissimus & acutissi-
 mus. Iam vero ipsi quoque sensus omnes, si
 & sani sunt & valentes, & omnia remouen-
 tur quæ obstant & impediunt, quamquam
 incorruptè de rebus iudicant, tamen id to-
 tum citra aliquam commentationem per-
 ficitur: quandoquidem deterioris naturæ
 existant, quæ ad cogitandum minimè est
 apta atque idonea: & proinde vt hi propter
 ignauiam, ita mens ob naturæ præstantiam
 non ratiocinatur. Præterea neq; *φαντασία*,
 id est, fingendi vis id ipsum præstare posse
 videtur: quia *φαντασία* nihil aliud est, quàm
 formarum & imaginum, quæ sensu sunt
 perceptæ ac cognitæ, statio & conseruatio:
 quod ipsius nomen satis cōprobat. Etenim
 dictā esse aiunt *φαντασίαν*, quasi, *πρὶ φαν-
 τασίας*, id est, visæ imaginis stationem
 seu

seu quietem. Si igitur sensus non cogitat, certe multo minus phantasia id efficere poterit. At scientia est quidam habitus cognoscendi conclusionem, expressam ex certis & necessariis principiis. Eandem ob causam, neq; opinionis affectio esse potest, cum quia opinio conclusionis tantum, sine aliqua commentatione est comprehensio: conclusionis inquam, vel à sensibus acceptæ, vel à cogitatione illatæ. Præterea opinio, tam falsa quam vera esse potest, at scientia non nisi æterna est & perpetua. Itaq; relinquitur scientiæ esse habitum potestatis animi, quam *δυναμις* appellavi, quæ sola ratiocinatur, cogitat, atq; ex propositionibus necit conclusionem, ex qua nascitur scientia. Verum enimvero si exprimit conclusionem ex certis principiis & pronunciatis, profecto à reliquis animæ partibus ea proficisci necesse est, à mente, inquam, opinione, & phantasia: non à sensu, quia propositiones per se, à sensu depromi non possunt, propterea quod sensuum sedes est ipsa fingendi vis, qua omnes homines præditi, quantumvis affectis sensib. ratiocinantur. Huc accedit, quod sensus versatur circa res singulares & indiuiduas, at imaginatio vniuersalia contemplantibus facultatibus magis est assimilis. Itaq;

38 PRINCIPIOR. IVRIS

cum tria sint propositionum genera, quæ ex diuersis animi potestatibus depromuntur, conclusionem scientificam ex harum aliqua oriri necesse est, ita quidē vt *ἀπόδειξις*, aut acceptis à mente principiis, aut opinione, aut phantasia nectat demonstrationem, quæ parit scientiam. Quare si à mente acceptis iis ratiocinetur, veram & necessariam colliget conclusionem, quæ propriè ab Aristotele dicitur *demonstratio*, ex qua nascitur habitus demonstratiuus, seu scientia: quandoquidem communes animi notitiæ & conceptiones, ex quibus syllogismus nectitur, semper veræ sunt, æternæ atq; perpetuæ, quæ nunquā aliter euenire possunt quā nunc sunt. Quod si eadem cogitandi vis ad opinionē se conuertat, atq; adeo argumentorum & probationum principia ab ea sumat, verisimilem & probabilem efficiet cōclusionem, ex qua dialectica ratiocinatio gignitur, quæ aliter atq; aliter euenire cōsuevit: nec est æterna & perpetua, propter res quæ cōtinua alteratione mutantur. Opinio quoq; non semper res veras cognoscit, sed quandoq; specie recti & boni decipitur. Denique si cogitatio imaginationi coniungatur, & cognitas ab ea perceptasq; propositiones accipiat, constituet captiosam & sophisti-

phisticam argumentationem, quæ falsa est & e mentita. Omnis enim e mentita opinio à phantastica virtute oritur, quæ cum rerum species & typos perperam sensu diiudicatas recipit, eosdemq; cogitationi subministrat, eam secum in errorem trahit. & quemadmodum ex principiis veris ac necessariis, nõ nisi verum & necessarium, ita ex falsis vtrplurimum non nisi falsum effici potest. Sciẽtia ergo effectus phantasie esse nequit, quia scientia contemplatur res veras, æternas atq; perpetuas, & imaginatio falsas. Neq; etiam opinionis, quia id quod scimus, aliter se habere non potest: at quod opinamur, quandoq; aliter atq; aliter euenire consuevit, esse & non esse, fieri & non fieri potest. Relinquitur igitur, scientiam esse effectum demonstrationis, & habitum demonstratiuum, cuius opifex est ipsa cogitatio, quæ ex propositionibus, à mente & intelligentia acceptis, nescit conclusionem perpetuam & æternam. Nescit autem hanc conclusionem ex principiis veris, propriis, necessariis, primis, proximis, notioribus, & causis tum rei, tum conclusionis. Ex veris quidem, quia ea quæ non sunt, non tantum non scimus, sed ne opinamur quidem esse. Sed non satis est vera esse hæc principia, nisi etiam

40 PRINCIPIOR. IVRIS

sint propria : quia ex propriis , non ex communibus , demonstratio nectitur : nullus enim scientiæ demonstratiuæ professor , ex communibus demonstrat , sed solus sophista , aut dialecticus : qualis fuit demonstratio Brylonis , qui conabatur quadraturam circuli ex communibus ostendere. Et si quandoque videatur aliqua sciētia vti principiis communibus , tamen prius non vtitur , nisi communia faciat propria. Ne longius abieris , contraria contrariis expelli , & si æqualia æqualibus adempta sint , quæ remanent esse æqualia , sunt pronuntiata communia : quia complures scientiæ & artes , non vna tantum , vtuntur his principiis : vtuntur autem non tãquam communibus , sed vt propriis , quia ex cõmunibus adiungendo materiam faciunt propria. Exempli gratia : Medicus hoc modo ad finem suę artis accommodat , contrariis morbis contraria conuenire medicamenta ; vt , inanitionem repletionem , & repletionem inanitione curari ; addita enim differentia communi principio , efficit illud particulare & proprium. Sic Iureconsultus eodem vtitur principio , sed diuersa ratione , quatenus videlicet ad artem quam proficitur , vtile est ; vt contrariis peccatis , contrarias quoque pœnas decernendas & constitu-

tuendas esse. Geometra vero commune illud principium, Si ab æqualibus, æqualia demas, &c. ad magnitudines, aut quantitatem continuam accommodat; Si ab æqualibus magnitudinibus, æquales magnitudines auferas, quæ reliquæ sunt, certe inter se æquales etiam sunt. Arithmeticus idem de numeris pronuntiabit: Si ab æqualibus numeris, æquales numeri demantur, reliquos etiam qui relictæ sunt parcesse inter se. & sic in cæteris par est ratio. Itaque scientia seu demonstratio, ex propriis, non communibus concludi atque effici potest. Cæterum quia hoc ipso differt scientia ab opinione, arte & prudentia, quod sit certa, & rerum necessariarum: opinio autem, ars & prudentia, rerum contingentium: & prudentiæ finis incertus, & quæ ante finem sunt, incerta; idcirco principia erunt necessaria; alioqui si nos sciremus sine principiis necessariis, profecto quod sciremus, id ipsum planè nesciremus, quod quidem valde absurdum est: quia qui scit nullo modo mutatur; quia scientia est immutabilis. Immutabile est, quod nō potest aliter se habere; id autem est necessarium, quare principia scientiæ sunt necessaria. Porro autem si principia sunt necessaria, sequitur etiam ut sint incorruptibilia; quoniam

42 PRINCIPIORVM IVRIS

æternorum est demonstratio & definitio, tam illa quæ est principium demonstrationis, quam ea quæ efficitur conclusio. Si ergo constat nos scire per principia necessaria, etiam erit necessarium scire per priora & notiora; notiora quidem, quia ignotum scitur per principium notum; notiora autem sunt principia, quia sunt causæ, cur sit, & cognoscatur cōclusio; nam propter quod vnumquodq; tale est, certe id magis tale esse necesse est. Sunt ergo principia notiora conclusione, & cognoscuntur meliori cognitionis modo, vt antè dixi, quàm per demonstrationem, qua cognoscitur cōclusio. Priora etiam principia sunt cōclusioni, quia cōclusio est effectus, at effectus est posterior sua causa. Prius enim esse, duob. modis dici solet; aut id quod simpliciter & suapte natura prius est, aut quo ad nos, hoc est, quod primo nostrę occurrit cognitioni atq; intelligētīæ. Sua natura priora sunt causæ, principia, & elementa, suis effectus compositis, & confusis. Quo ad nos, nostrūq; cognoscendi modū, antecedunt effectus suas causas; & composita, sua principia; & vt semel dicam, quæ sensibus subiacent, ea quæ ratione atq; intelligentia comprehenduntur. Principia ergo sunt causæ, & cur sit, &

cur efficiatur conclusio. Sed cur sit, & cur efficiatur conclusio, causę esse non possunt, nisi sint & primę, & immediatę, & verę causę. Immediatę quidem, quoniam (vt inquit Aristoteles) tunc arbitramur vnumquodq; nos scire, cum causas proximas, & principia atq; elementa proxima cognoscimus. Ex his ergo principiis & propositionib. tanquam ex materia quadā colligitur & gignitur demonstratio, ex qua oritur scientia, scientia, inquā, & cognitio affectionū seu proprietatum, rerum humanarum atq; diuinarum. Etenim vt definitione, rerum naturę ac substantię explicantur, ita demonstratione passiones & accidētia cognoscuntur. Hęc est perfecta descriptio scientię qua distinguitur ab intellectu. Quamquam enim vterque habitus res necessarias contemplatur, tamen id fit diuersa ratione: quia intellectus est habitus primorum principiorum; & scientia conclusionum, quę ratiocinatione quadam efficiuntur. Et quemadmodū intellectus est effectus mentis, ita scientia cogitationis.

CAPVT V.

De Sapientia.

AT qui si primorum principiorum habitus, mens est, & conclusionum scientia, utrorumq; sanè, principiorum, inquam & conclusionum, alium omnino constitutum esse habitum, nemo est qui ambigat: etenim & diuersa sunt illa quæ cognoscuntur, & neuter eorum habituum quos enumeraui, id quod ex principiis & conclusione cõpositum est, cognoscere nititur. quapropter Aristoteles huic generi rerum adiudicauit sapientiam. Sapientia vero duplex est, altera communis, & altera propria. Cõmunis est, quæ in omnibus artium generibus, & artificibus earum cernitur; quandoquidem hæc sapiētia præscribit artifici modum rectè operandi & agendi in arte, vt non temere quidpiam moliat, efficiatve, sed recta ratione ea omnia quæ ad futuri operis constructionem, & ornatum pertinent, sine errore aliquo perpendat inueniatque, & inuenta, vt vsus exigit, adhibeat. Atque hæc quidem sapientia ab Aristotele *singularis* & *particularis* appellatur quia est singulorum artificum, eorumque qui in aliqua arte par-

ticu-

ticulari aut scientia peritissimi habentur. qua significatione veteres dicere conuenie-
rant Phidiam & Polycletum esse sapientes
statuarios, quod insignes essent sculptores
& artifices, omniumq; rerum formas & i-
magines artificiose sculpendo imitarentur;
quorum alter Mineruæ statuam miro arti-
ficio fabricauit, amplitudine cubitorum vi-
ginti & sex, quæ ebore & auro constabat; in
cuius scuta Amazonum prælium cælauit,
& deorum gigantumq; dimicationem in
soleis Lapitharum & Centaurorum. hunc
Plinius vocat *nunquam satis laudatum arti-
ficem*. Alter vero diligentia & decore supra
cæteros, vt inquit Quintilianus, ex ære si-
gna fecit nobilitata scriptorum præconio,
cum primis quidē astragalizontes, hoc est,
talis ludentes, quo opere nullū absolutius
iudicant. & Herculem finxit cum pelle &
hydra. Hæc itaque sapientia dicitur sin-
gularis ab Aristotele. Altera porro est gene-
ralis & propria, quæ non partis alicuius sci-
entiæ, aut vnius artis rationem reddere po-
test, sed omnium artium & omnium do-
ctrinarum causas inquirat, vt in Margite di-
xit Homerus:

Τὸν δ' οὐτ' ἄρ' σκαπῆσαι θεοὶ θέσαν,
οὐτ' ἀροτῆσαι, οὐτ' ἄλλως ἔσιφόν.

46 PRINCIPIOR. IVRIS

Siquidem & fossor in ipsa fodiendi arte, & arator in arandi genere, & alii in alia re excellere, atq; in sua arte sapiens appellari potest. Attamen hi omnes quadatenus sapientes sunt, non simpliciter & generatim: etenim qui proprie sapiens est, omnium rerum causas reddere potest, quia scientiam habet omniū artium atq; disciplinarū. Posita hac notione sapientiæ, Aristoteles generalem & propriam, sexto Ethicorum, hac ratione descripsit: *Sapientia est habitus animi, ex intellectu & scientia compositus, velut rex & moderatrix omnium artium & scientiarum, in rerum suapte natura prestantissimarum comprehensione versans.* Est enim sapiētia, habitus intellectus, quia principia & pronunciata quæ ad demonstrationem adhibentur, cognoscit, & circa illa (ut Aristotelis verbis utar) *verum dicit: nō tamē eadem ratione qua intellectus, qui simplici intelligentia ea apprehendit, sed quādum cum demonstratione ac ratiocinatione, collecta aut ex prioribus & causis, aut certe posterioribus, & effectibus.* Nam intellectus seu mens, principia per se nota ac manifesta comprehendens, scientiæ & cogitationi illa subministrat; quæ si ab aliquo aut ompino non probentur, aut cum hæsi-

tatio-

tatione & dubitatione quadam concedantur, ad superiorē artificem, sapientem nimirum, aut dialecticū, tanquam ad sacram anchoram confugit, qui ratione & probatione ea confirmare stabilireq; nituntur: sed id quidem diuerso modo ac ratione; Dialecticus enim probabiliter, sapiens scientifice de iisdem disputat. Quod facile quis intelliget, si animo suo artium ac disciplinarum pronunciata, primaq; eorum principia perlustrauerit: quæ cum ex propriæ scientiæ, aut artis præceptis & cōclusionibus, vel prioribus aliis principiis probari nequeāt, aliunde suæ certitudinis testimonium petere coguntur. Nam ex præceptis & cōclusionibus, atq; in vniuersum ex iis quæ posteriora sunt suis principiis, eadem confirmari ac stabiliri nō possunt, quia principia debēt esse notiora cōclusionē; cæteroquin aut nota probaretur per ignotiora, aut ex illis nihil omnino cognosci nihilq; percipi & concludi posset, quorum vtrunque fieri nequit, nisi quis illud demonstrandi genus admittendum esse contendat quod in sese reciprocatur, & recurrit in modum circuli, vnde etiam à philosophis *circularis probatio* dicitur, cuius autoritas satis luculenter ab Aristot. in lib. Priorum resolutionum est labefactata,

penitusq; euerſa. Quod ſi dixeris, ex prioribus principia probari poſſe, velis nolis concedas oportet, aut ipſa non eſſe principia, quia non ſunt prima, aut in infinitum res confirmari poſſe, quod abſurdum & impoſſibile eſſe iudicatur. Quapropter ſi nulla ars, aut ſcientia & diſciplina propria axiomata & pronuntiata confirmare poteſt, reliquum eſt vt à ſuperiori facultate id fiat, quam ſapientiam appellauimus. Verum quia hæc multis fortasſe non ita nota ſunt, propterea rem omnem exemplis illuſtrabo. Ædificator, aut quilibet alius artifex. in ædificando domo, aut alio opere, amuſſi & perpendicularo vtitur, vt ædificium quod ſtruit, ad rectam lineam euehat; neq; tamen huiusce rei cauſam, cur videlicet poſito tali inſtrumento, recta linea efficiatur, reddere poteſt; ſed veluti conſeſſum ac notum ſumit hoc vniuerſale pronunciatum, omnia ea recta eſſe, quæ ad meſuram perpendiculari eriguntur. Ita Geometra punctum eſſe definit, cuius pars nulla ſit: & hanc ſuam deſcriptionem ponit loco principii manifeſti, nec cur res ita ſe habeat, inquirit, ſed conquieſcit audita ea deſcriptione. Idcirco ſi huiusmodi pronuntiata ab aliquo vel non intelligantur, vel certe vt vera eſſe ne gentur, ilico ſapientis auxilium

lium artifex implorat, aut dialectici, qui hæc comprobare stabilireq; nituntur. Atq; hi quidem alterius principii causam grauitati corporis adscribent, quod ad rectos angulos rectamq; lineam deorsum labitur; alterius vero, quod omnis terminus seu mensura eo ipso quod metitur, vna dimensione superetur: ac proinde cum corpus quod tribus dimensionibus affectum est, superficie circūscribatur, superficiem duas tantūmodo sibi vindicare: iterumq; cum superfici ei, quæ duas habet dimensiones, terminus linea sit, lineam dimensionem vnā retinere: denique cū linea punctis claudatur quæ vno termino affecta est, puncto omnino nullam amplius dimensionem reliquā esse statuēt. Et hoc pacto sapientia id præstat, quod ab artifice fieri non poterat. Sapientia ergo nititur demonstrare omnium artium ac disciplinarum principia & pronūciata, quæ philosophi complexa nomināt: & ab hac, quasi axiomata sua scientiæ mutuuntur. Neq; solum axiomata & principia complexa, sed etiam sua genera subiecta quæ cōtemplantur, suasque passiones quæ subiectis insunt, quæ à philosophis principia incōplexa nominantur; quia, vt auctor est Aristot. in lib. Metaphysicorum, omnium artium ac sci-

entiarum genera subiecta & passionēs, ab hac sapientia oriuntur, & quasi per quædam additamenta, ut ille inquit, constituuntur. Ex his satis constat, quomodo sapientia speculetur prima principia. Sed hæc eadem quoque est artifex cognoscendi conclusionem: quia, ut antea dixi, est habitus ex intellectu & scientia compositus: quapropter est regina, moderatrix & caput cæterarum artium & scientiarum, non tantum ratione modi cognoscendi rerum naturas, sed etiā quia contemplatur res cum primis nobiles atq; præstantes; hoc est, prima rerum & cognitionis principia, quæ certè præstant suis conclusionib. quia eodem modo se habent ad cōclusiones, quo caput ad reliqua membra: caput autē præstantius est iis quæ ab ipso dependent. Itaq; sapientia antiquior & nobilior est scientia, quia eidē sua principia suppeditat ac subministrat. atq; etiam intellectu, quia rationes & causas principiorū contemplatur. Perfecta igitur omnibusq; numeris absoluta est hæc sapientia, utpote quæ nullius alterius ope ad cōprehendēdas rerū cognitiones indigeat. Hinc fit ut veteres philosophi nūc *αὐτὴν θεῖαν*, nunc *ἀρχαῖαν τε καὶ κλεινὴν* & diuinam appellarent. *αὐτὴν θεῖαν* quidē, quia cæteræ omnes

scien-

LIBER PRIMVS.

SE

scientiæ, & artes vniuersæ, sua principia & esse, & vera esse supponunt, etiam si cur ita sint minimè cognoscant. Et diuinam, quia contemplatur res suapte etiam natura præstantissimas, easq; neq; generationi, neque corruptioni obnoxias: quales sunt incorporeæ illæ & materia carentes naturæ, quæ semper actu sunt, neq; ex eo in quo sunt statu exturbari quādoq;, & in aliū mutari possunt. Hæ ergo rerum naturæ cum materia careant, generationis corruptionisve sunt expertes: quia materia est causa mutationis propter insitam illam vim ac potestatem, semper alteram & alteram formam appetendi suscipiendiq;: atq; idcirco vt earum rerum quæ transmutantur, propriè est scientia, ita æternarum sapientia. Præterea dicitur ἀρχηγόνικη, quia est regina & moderatrix cæterarum artium ac disciplinarum, quemadmodum prudentia virtutum moralium, quib; imperat ac præscribit rectam rerum agendarum rationem. Sapientia ergo (vt eò reuertamur vnde digressi sumus) est composita ex intellectu & scientia; sed intellectus quidem esse dicitur, quatenus circa principia verū dicit: scientia, quatenus ea quæ ex principiis cōcluduntur, apprehēdit. Sed non sine ratione quærat hīc quis-

piam: Si habitus omnes, de quibus hactenus disputatum est, genere inter se differunt, quomodo sapientia à mente & scientia distinguatur, cum sapientia nihil aliud esse videatur, quam eadem mens ac scientia. An dicendum est, mentem & scientiam non ita esse in sapientia, ut species in suo genere, sed potius ut partes in suo toto? quia sapientia est quoddam compositum ex his duob. habitibus. An vero neque id quidem verum est, quod sapientia sit totum, & scientia & intellectus, partes? quia diuersa est cognitio sapientiae, qua principia apprehendit, à cognitione mentis. Mens enim sine medio & ratiocinatione, sapientia cogitatione quadam ea intelligit. Et hæc quidem de habitibus illius animæ potestatis, quæ in rebus æternis ac necessariis versatur, quantum ad præsens institutum attinet, satis sint disputata: quibus explicandis de industria prolixior fui, ut ipsorum natura penitus perspecta, facile ad quod hæc nostra Iurisprudētia genus reducenda reuocandaq; esset, intelligeretur; idq; non difficile erit inuentu, si cæteros animi habitus eodem ordine ac methodo persequutus fuero. Proinde venio iam ad illam animi partem, quæ intuetur res necessarias & contingentes. Et quanquam altera illa vis quæ
tan-

tantummodo res contingentes apprehendit, doctrinae ordine ac tractatione (quod mediorum cognitio ex extremorum disciplina comparetur) prior sit, attamen cum non æquè magnam vtilitatem ad rem propositam adferat, lubens priori loco explicandam suscepi, ne commutata orationis serie, ordo quoque rerum perturbaretur.

CAPVT VI.

De Opinione.

Potestatem animi, quæ res æternas aut cōtingentes pertractat, prisci philosophi *δόξα* nuncupauerunt, id est, *opinionem*: ipsiusq; habitum, seu perfectionem, nunc *opinationem*, nunc *opinionem*: quia, vt supra commemorauimus, nil mirum videri debet, si quandoq; facultatis potestatisve nomen, ad eiusdem apud autores habitum, ex inopia linguæ & vocum, transfertur. Porro *opinatio* nihil aliud est, quam *opinionis* quædam affectio & dispositio, qua contemplatur res & æternas, & generationi corruptioniq; obnoxias: easq; vel in nostra potestate, vel extra positas, vniuersales, particulares, certas, incertas, veras aut falsas, cogitatione aut sensu animo ingenerata.

Est ergo opinatio, opinionis *διαθεσις*, id est, dispositio, quemadmodum scientia cogitationis, & intellectus mētis perfectio. Perfectio quidem est constans & perpetua, difficile mobilis: at opinatio facile mobilis est, quia nō dependet ex principiis necessariis, neque cognitio firma est & stabilis, sed coniuncta cum quadam hæsitatione, & suspicionem falsi. Propterea rectè dixit Aristot. *nos opinari ea quæ non admodum scimus*. Multa enim esse opinamur, atq; animo esse concipimus, quæ non planè nobis explorata & cognita esse fatemur; ita tamen nos sentire profiteamur, quoad melius nobis visum fuerit. Et quanquam hæc cognitio incerta, habitu confirmata non sit, sed ex persuasionem quadam, aut leui suspicionem genita, animoq; ingenerata, nihilominus tamē potest esse illarum rerum quæ sunt necessariae & æternæ. Verbi gratia: Si quis opinetur, mundū esse interitus & ortus expertē, quemadmodū opinatus est Aristoteles; aut mundos esse infinitos, vt Heraclitus; aut diametrū, proportionem respondere lateri figuræ quadratæ; quæ etsi in rerum vniuersitate non sunt, tamen vt illa quæ sunt, & perpetuū sunt, animo concipiuntur. Neq; verò de æternis solum, sed etiā iis quæ generantur

nerationi & corruptioni obnoxia sunt, multa opinamur, quo vel maximè differt opinio à scientia, intellectu & sapientia, quæ concipiunt res æternas atq; perpetuas: vt, si quis opinetur, cras vel perendie venturū Carolum quintum Imperatorem, aut casuras grandines & pluuias, quæ certè aliter euenire possunt. Sed quæ aliter euenire possunt, aut sunt in nostra potestate posita, aut nō sunt; & in vtroq; genere versatur opinatio seu opinio. Nam si bonam esse artem aliquā aut scientiam, cui nos operā daturos arbitramur, existimemus, tunc opinari dicimur, & opinionem habere eius, quod in nostra potestate est. Rursus cum rerū quædam sint vniuersales, quædam singulares, de vtrisq; opinionem quoq; cōcipimus: vt si omnes homines bonos aut malos vel Socratē bonum esse sentiamus. Et hæc cogitatio & persuasio, aut certa est aut incerta, vera vel falsa: quæ certè est propria differentia opinionis, qua à cæteris habitibus, qui res veras contemplantur, perinde differt, ac consultatio bono & malo. Atq; idcirco dicere consueuimus, opinionem esse veram, aut falsam, sed consultationem bonam aut malam: quia opinio est propriè earū rerum quæ ad contemplationem cognitionemq;

referuntur; consultatio vero earum quæ ad opus & actiones spectant. Et quemadmodum in cognitione verum & falsum, ita in consultatione bonum aut malum cernitur. Opinando ergo nemo bonus aut malus dicitur, sed verax aut mendax. Et si quispiam opinaretur, aut fortiter esse agendum, aut iuste, aut temperanter, tamen fortis, iustus aut temperans idcirco non est; quia nemo laudatur vituperaturve ob bonam malamve opinionem, sed veram aut falsam. Porro autem omnis opinatio duobus modis oriri ac gigni potest: quandoque enim ratione & syllogismo quodam, quandoque sine ratione opinioni aduenit. Ratione quidē nascitur opinatio, cum cogitatio acceptis à reliquis animæ virib. principiis quibusdam & propositionibus, conclusionem necit. Sine ratione, cum opinio comprehensa aliqua propositione, eaq; vel à sensu, vel ab imaginatione percepta, veram aut falsam esse existimat. Vt perinde se habeat hæc opinatio, ad ignorantiam illam quæ *simplex & pura negationis* ab Aristotele appellatur, quemadmodum prior illa, ad ignorantiam prauæ dispositionis, quæ syllogismo conclusa, animo innascitur. Hæc est natura opinionis & habitus opinandi.

CAPVT VII.

De Consultatione.

Cognita natura opinionis, persequamur
 illam animę perfectionem & habitum,
 qui contemplatur res tantū contingentes,
 easq; quæ aliter atq; aliter euenire possunt.
 Hanc Latini *consultationem*, & *habitum con-*
sultatiuum, seu *deliberatiuū*, Græci λογισμὸν
 appellant, qui hac ratione commodè descri-
 bi poterit:

Consultatio est habitus ratiocinatricis ani-
ma facultatis, perquirendi utilia & idonea a-
gendi, efficiendiue media atq; instrumēta, qua
eum in nostra potestate sita sint, ut plurimum
euenire possunt, incerta tamen sunt & indefi-
nita, sed ad certum definitumque finem adipi-
scendum excogitata & inuenta.

Cogitatio, quam superiori loco *δυσκολία*
 appellaui, duas habet vires: alteras, quibus
 quid in vnaqua; re verum sit, cernit; alte-
 ras, quibus res actioni & effectiōni subditas
 diiudicat ac discernit. Quapropter si veri-
 tatis causa, & cognoscendi rerum naturas
 gratia ratiocinetur, scientiam parit si agen-
 di & efficiendi, vt bonum aliquod adipisca-
 tur, consultationem gignit, quæ ab Aristo-

8 PRINCIPIOR. IVRIS

τελευτῶς ἀρχαὶ appellatur, quemadmo-
 dum altera illa, quæ in cognitione posita
 est, *ἡ ἀρχὴ* dicitur. Nam ut huius fi-
 nis & scopus est cognoscere, ita illius agere,
 & quidpiam efficere. Porro autem quia o-
 mnis consultatio à cogitatione oritur, cu-
 ius proprium est ratiocinari & cogitando
 inquirere, efficitur sanè ut consultatio sit
 quædā inquisitio: atq; id quidē vel maximè,
 quia cōsultatio est assimilis resolutioni, vel
 potius quædā resolutio: atqui omnis reso-
 lutio est inquisitio, cuius finis est inuentio
 verorum principiorū, ex quibus omnis a-
 ctio & cōtemplatio oritur. Est, inquam, in-
 uentio, quia posita demonstrationis cōclu-
 sione, aut rei alicuius fine, aut effectu, eorū
 quæ proxime ac continenter ad cōclusionis
 confirmationem adhibita sunt, vel cōiun-
 ctarum causarum est inuestigatio, deinde
 illorum quæ proximè antecedeabant, tum
 superiorū rursus, & ita deinceps aliorū sem-
 per perquisitio, donec ad prima principia &
 elementa ventum sit, quæ amplius in alia
 resolui nequeant. sed ipsa sint prima. Hanc
 ergo resolutionem consultatio imitatur:
 quia posito & constituto aliquo fine agen-
 do efficiendove, inuestigat & inquit ea o-
 mnia quæ idonea sunt, & ad acquiren-
 dum.

LIBER PRIMVS.

55

dum propositum finem vtilia, donec ad principium aliquod cogitatione peruentum sit, à quo actio seu effectio orditur. Siquidem, vt rectè inquit Aristot. vniuersæ contemplationis finis, est principium actionis: & principium cōtemplationis, est finis actionis. quapropter omnis consultatio, est quædā inquisitio. Dixi, *quædā inquisitio*, quia nō recipiuntur inquisitio & consultatio: quia omnis cōsultatio est inquisitio, sed nō omnis inquisitio est cōsultatio: quādoquidē multa inquirimus, de quibus nō consultamus. Inquirimus enim & peruestigamus magnitudinē solis, stellarum, mūdi, cursus astrorum, eorundem eternitatē & interitū, quæ omnia non cadunt in deliberationem & consultationem. Sed de iis propriè cōsultare solemus, quæ posita sunt in nostra potestate, quæque efficere aut non efficere possumus. Ex quo id liquido cōstat, cur cōsultatio nō sit sciētia, aut intellectus, aut sapientia; nam quod scimus & intelligimus, id non quærimus; & cognitio non est inquisitio; at enim id de quo cōsultamus, inquirimus, & consultatio est inquisitio. Iam vero inquisitio est in genere relatiuorum, quia est alicui rei inuestigatio ac perquisitio. Inquirimus autem ea omnia quæ non pos-

C

6

6

30 PRINCIPIORVM IVRIS

entiarum genera subiecta & passionēs, ab hac sapientia oriuntur, & quasi per quādam additamenta, vt ille inquit, constituuntur. Ex his satis constat, quomodo sapientia speculetur prima principia. Sed hęc eadem quoque est artifex cognoscēdi conclusionem: quia, vt antea dixi, est habitus ex intellectu & scientia compositus: quapropter est regina, moderatrix & caput cæterarum artium & scientiarum, non tantum ratione modi cognoscendi rerum naturas, sed etiā quia contemplatur res cum primis nobiles atq; præstantes; hoc est, prima rerum & cognitionis principia, quę certè præstant suis conclusionib. quia eodem modo se habent ad cōclusiones, quo caput ad reliqua membra: caput autē præstantius est iis quę ab ipso dependent. Itaq; sapientia antiquior & nobilior est scientia, quia eidē sua principia suppeditat ac subministrat. atq; etiam intellectu, quia rationes & causas principiorū contemplatur. Perfecta igitur omnibusq; numeris absoluta est hęc sapientia, vtpote quę nullius alterius ope ad cōprehendēdas rerū cognitiones indigeat. Hinc fit vt veteres philosophi nūc *αὐτὴν θεῶν*, nunc *ἀρχὴν πάντων* & diuinam appellarent. *αὐτὴν θεῶν* quidē, quia cæteræ omnes scien-

scien-

scientiæ, & artes vniuersæ, sua principia & esse, & vera esse supponunt, etiamsi cur ita sint minimè cognoscant. Et diuinam, quia contemplatur res suapte etiam natura præstantissimas, easq; neq; generationi, neque corruptioni obnoxias: quales sunt incorporeæ illæ & materia carentes naturæ, quæ semper actu sunt, neq; ex eo in quo sunt statu exturbari quādoq;, & in aliū mutari possunt. Hæ ergo rerum naturæ cum materia careant, generationis corruptionisve sunt expertes: quia materia est causa mutationis propter insitam illam vim ac potestatem, semper alteram & alteram formam appetendi suscipiendiq;: atq; idcirco vt earum rerum quæ transmutantur, propriè est scientia, ita æternarum sapientia. Præterea dicitur ἀρχὴ πᾶσιν, quia est regina & moderatrix cæterarum artium ac disciplinarum, quemadmodum prudentia virtutum moralium, quib; imperat ac præscribit rectam rerum agendarum rationem. Sapientia ergo (vt cōreuertamur vnde digressi sumus) est composita ex intellectu & scientia; sed intellectus quidem esse dicitur, quatenus circa principia verū dicit: scientia, quatenus ea quæ ex principiis cōcluduntur, apprehēdit. Sed non sine ratione quærat hic quis-

piam: Si habitus omnes, de quibus hactenus disputatum est, genere inter se differunt, quomodo sapientia à mente & scientia distinguatur, cum sapientia nihil aliud esse videatur, quam eadem mens ac scientia. An dicendum est, mentem & scientiam non ita esse in sapientia, ut species in suo genere, sed potius ut partes in suo toto? quia sapientia est quoddam compositum ex his duob. habitibus. An vero neque id quidem verum est, quod sapientia sit totum, & scientia & intellectus, partes? quia diuersa est cognitio sapientiae, qua principia apprehendit, à cognitione mentis. Mens enim sine medio & ratiocinatione, sapientia cogitatione quadam ea intelligit. Et hæc quidem de habitibus illius animæ potestatis, quæ in rebus æternis ac necessariis versatur, quantum ad præsens institutum attinet, satis sint disputata: quibus explicandis de industria prolixior fui, ut ipsorum natura penitus perspecta, facile ad quod hæc nostra Iurisprudētia genus reducenda reuocandaq; esset, intelligeretur; idq; non difficile erit inuentu, si cæteros animi habitus eodem ordine ac methodo persecutus fuero. Proinde venio iam ad illam animi partem, quæ intuetur res necessarias & contingentes. Et quanquam altera illa vis quæ
tan-

tantummodo res contingentes apprehendit, doctrinæ ordine ac tractatione (quod mediorum cognitio ex extremorū disciplina comparetur) prior sit, attamen cum non æquè magnam vtilitatem ad rem propositam adferat, lubens priori loco explicandam suscepi, ne commutata orationis serie, ordo quoque rerum perturbaretur.

CAPVT VI.

De Opinione.

Potestatem animi, quæ res æternas aut cōtingentes pertractat, prisci philosophi *δύναμις* nuncupauerunt, id est, *opinionem*: ipsiusq; habitum, seu perfectionem, nunc *opinationem*, nunc *opinionem*: quia, ut supra commemorauimus, nil mirum videri debet, si quandoq; facultatis potestatisve nomen, ad eiusdem apud autores habitum, ex inopia linguæ & vocum, transfertur. Porro *opinatio* nihil aliud est, quam *opinionis* quædam affectio & dispositio, qua contemplatur res & æternas, & generationi corruptioniq; obnoxias: easq; vel in nostra potestate, vel extra positas, vniuersales, particulares, certas, incertas, veras aut falsas, cogitatione aut sensu animo ingenerata.

Est ergo opinatio, opinionis διαθεσις, id est, dispositio, quemadmodum scientia cogitationis, & intellectus mētis perfectio. Perfectio quidem est constans & perpetua, difficile mobilis: at opinatio facile mobilis est, quia nō dependet ex principiis necessariis, neque cognitio firma est & stabilis, sed coniuncta cum quadam hæsitatione, & suspitione falsi. Propterea rectè dixit Aristot. *nos opinari ea quæ nondum admodum scimus.* Multa enim esse opinamur, atq; animo esse concipimus, quæ non planè nobis explorata & cognita esse fatemur; ita tamen nos sentire profitemur, quoad melius nobis visum fuerit. Et quanquam hæc cognitio incerta, habitu confirmata non sit, sed ex persuasionem quadam, aut leui suspitione generata, animoq; ingenerata, nihilominus tamē potest esse illarum rerum quæ sunt necessariae & æternæ. Verbi gratia: Si quis opinetur, mundū esse interitus & ortus expertū, quemadmodū opinatus est Aristoteles; aut mundos esse infinitos, ut Heraclitus; aut diametrum, proportionem respondere lateri figuræ quadratæ; quæ etsi in rerum vniuersitate non sunt, tamen ut illa quæ sunt, & perpetuū sunt, animo concipiuntur. Neq; verò de æternis solum, sed etiā iis quæ genera-

nerationi & corruptioni obnoxia sunt, multa opinamur, quo vel maximè differt opinio à scientia, intellectu & sapientia, quæ concipiunt res æternas atq; perpetuas: vt, si quis opinetur, cras vel perendie venturū Carolum quintum Imperatorem, aut casuras grandines & pluuias, quæ certè aliter euenire possunt. Sed quæ aliter euenire possunt, aut sunt in nostra potestate posita, aut nō sunt; & in vtroq; genere versatur opinatio seu opinio. Nam si bonam esse artem aliquā aut scientiam, cui nos operā daturos arbitramur, existimemus, tunc opinari dicimur, & opinionem habere eius, quod in nostra potestate est. Rursus cum rerū quædam sint vniuersales, quædam singulares, de vtrisq; opinionem quoq; cōcipimus: vt si omnes homines bonos aut malos vel Socratē bonum esse sentiamus. Et hæc cogitatio & persuasio, aut certa est aut incerta, vera vel falsa: quæ certè est propria differentia opinionis, qua à cæteris habitibus, qui res veras contemplantur, perinde differt, ac consultatio bono & malo. Atq; idcirco dicere consueuimus, opinionem esse veram, aut falsam, sed consultationem bonam aut malam: quia opinio est propriè earū rerum quæ ad contemplationem cognitionemq;

16 PRINCIPIOR. IVRIS

referuntur; consultatio vero earum quæ ad opus & actiones spectant. Et quemadmodum in cognitione verum & falsum, ita in consultatione bonum aut malum cernitur. Opinando ergo nemo bonus aut malus dicitur, sed verax aut mendax. Et si quispiam opinaretur, aut fortiter esse agendum, aut iuste, aut temperanter, tamen fortis, iustus aut temperans idcirco non est; quia nemo laudatur vituperaturve ob bonam malamve opinionem, sed veram aut falsam. Porro autem omnis opinatio duobus modis oriri ægigni potest: quandoque enim ratione & syllogismo quodam, quandoque sine ratione opinioni aduenit. Ratione quidē nascitur opinatio, cum cogitatio acceptis à reliquis animæ virib. principiis quibusdam & propositionibus, conclusionem necit. Sine ratione, cum opinio comprehensa aliqua propositione, eaq; vel à sensu, vel ab imaginatione percepta, veram aut falsam esse existimat. Ut perinde se habeat hæc opinatio, ad ignorantiam illam quæ *simplex & pura negationis* ab Aristotele appellatur, quemadmodum prior illa, ad ignorantiam prauæ dispositionis, quæ syllogismo conclusa, animo innascitur. Hæc est natura opinionis & habitus opinandi,

Ca

CAPVT VII.

De Consultatione.

COgnita natura opinionis, persequamur
Cillam animę perfectionem & habitum,
qui contemplatur res tantū contingentes,
easq; quæ aliter atq; aliter euenire possunt.
Hanc Latini *consultationem*, & *habitum con-*
sultatiuum, seu *deliberatiuū*, Græci λογισμὸν
appellant, qui hac ratione commodè descri-
bi poterit:

Consultatio est habitus ratiocinatricis ani-
ma facultatis, perquirendi utilia & idonea a-
gendi, efficiendiue media atq; instrumenta, qua
eum in nostra potestate sita sint, vt plurimum
euenire possunt, incerta tamen sunt & indefi-
nita, sed ad certum definitumque finem adipi-
scendum excogitata & inuenta.

Cogitatio, quam superiori loco *συνείσις*
appellauimus, duas habet vires: alteras, quibus
quid in vnaquaq; re verum sit, cernit; alte-
ras, quibus res aëioni & effectiōni subditas
diiudicat ac discernit. Quapropter si veri-
tatis causā, & cognoscendi rerum naturas
gratia ratiocinetur, scientiam parit si agen-
di & efficiendi, vt bonum aliquod adipisca-
tur, consultationem gignit, quæ ab Aristo-

dum propositum finem vtilia, donec ad principium aliquod cogitatione peruentum sit, à quo actio seu effectio orditur. Siquidem, vt rectè inquit Aristot. vniuersæ contemplationis finis, est principium actionis: & principium cōtemplationis, est finis actionis. quapropter omnis consultatio, est quædā inquisitio. Dixi, *quædā inquisitio*, quia nō reciprocantur inquisitio & consultatio: quia omnis cōsultatio est inquisitio, sed nō omnis inquisitio est cōsultatio: quādoquidē multa inquirimus, de quibus nō consultamus. Inquirimus enim & peruestigamus magnitudinē solis, stellarum, mūdi, cursus astrorum, eorundem eternitatē & interitū, quæ omnia non cadunt in deliberationem & consultationem. Sed de iis propriè cōsultare solemus, quæ posita sunt in nostra potestate, quæque efficere aut non efficere possumus. Ex quo id l. quid cōstat, cur cōsultatio nō sit sciētia, aut intellectus, aut sapientia; nam quod scimus & intelligimus, id non quærimus; & cognitio non est inquisitio; at enim id de quo cōsultamus, inquirimus, & consultatio est inquisitio. Iam vero inquisitio est in genere relatiuorum, quia est alicui rei inuestigatio ac perquisitio. Inquirimus autem ea omnia quæ non pos-

60 PRINCIPIOR. IVRIS

ſidemus, vel de quibus dubitamus. At ne-
 mo de fine dubitat, aut finem inueſtigat; ſi-
 quidem quis ſit ille, artifex iam nouit. Pro-
 pterea conſultatio de fine inſtituenda non
 eſt, ſed potius illis, quæ cum ad finem per-
 tineant, ignorātur, & ab artificib. exquirun-
 tur, exquiſitaq; ad eundem deſtinātur. Et-
 enim neq; medicus, an ſanare; neq; orator,
 an perſuadere; neque legiſlator, an legibus
 repub. inſtituere debeat, ſecū animo co-
 gitat & deliberat. ſed quomodo, & quibus
 mediis ad propoſitū finem perueniat, ratio-
 ne perpendit: ſique plura ſint quæ ad vnum
 finem referātur, per quæ facillime & tutiſſi-
 me id fieri poſſit: aut ſi vna tantum effi-
 endi agendive via ſeſe cogitanti offerat, qua
 ratione ea vtendum ſit, animo ratiocinatur.
 Verum enim vero eorum quæ quæruntur,
 duplex eſt modus. Nam interdum quærun-
 tur inſtrumenta, quibus res propoſitæ per-
 ſiciantur: interdum verò ipſorū inſtrumen-
 torum vſus, vt quid, quantum, quomodo,
 quando, & vbi, hoc vel illo inſtrumenti ge-
 nere vtēdum ſit; intelligatur. Exempli cau-
 ſa: Imperatores quandoq; equeſtribus an
 pedeſtribus copiis hoſtes inuadendi ſint, ſe-
 cum deliberant: quandoq; quo modo pede-
 ſtribus aut equeſtribus copiis ad potiendam
 victo-

LIBER PRIMVS. 61

victoriam vti debeant. Sic medicus, nunc
 de instrumenti genere, pharmaciane an chi-
 rurgia, aut ratione victus, æger curandus
 sit, nunc vero quomodo & quando exhibē-
 dum pharmacum, vel secunda vena, vel ex-
 hibenda sit ægro cœna, expendit. Et magi-
 stratus interdum de præmii aut pœnæ ge-
 nere, interdum de horū vsu deliberat. Por-
 ro autem siue de instrumentis, siue ipsorum
 vsu quæstio sit, ad mediorum inquisitionē,
 non finis (vt ante dixi) referenda est. Sed
 hæc instrumenta, & media, nihil aliud sunt,
 quam actiones, quibus finem propositum
 adipisci nitimur. Etenim cōsultamus, quo-
 modo vnumquodq; vtiliter & commode a-
 gamus & efficiamus. Sed actiones sunt ge-
 nere diuersæ & contrariæ; quædā enim fie-
 ri possunt, quædam fieri non possunt. Non
 possunt autem fieri illæ, quæ vel in rerū na-
 tura omnino non sunt, vel quæ cum factæ
 sint, amplius effici nequeunt, veluti res &
 actiones præteritæ. Sed qualesquales sint hæ
 actiones, non possunt cadere in cōtempla-
 tionem artificis; de eo nanq; quod non est
 nemo consultat. Ne longius abieris, si quis
 consultare velleret, vtrum cælū (quod de Gi-
 gantibus poëtę fabulantur) nobis sit expu-
 gnandū, aut quomodo alicui volandū sit.

62 PRINCIPIOR. IVRIS

quod de Icaro dicitur, nōne ab omnib. iure optimo rideretur? Sed huius quidē rei euidentissimū argumentū esse potest id: quod cum de rebus consultamus, & in aliquam quæ fieri nequeat, incidimus, statim ab ea abstinemus, & tādīu nobiscum cogitamus, donec in rem, quæ quauis ratione fieri posse existimatur, incidamus, eamq; nulla tēporis interposita mora (siquidem apud nos ita conclusum sit) alacri animo & confidenti aggredimur. Quapropter ex his constat, de iis tantum actionib. homines cōsultare ac deliberare, quæ fieri possunt. Neque vero de his omnibus, quoniā ipsarum aliæ sunt quæ per se & suapte natura, alia quæ ex accidenti eueniunt. Quæ ex accidenti eueniunt, aut casu, aut fortuna fiunt; itaq; de his minimè consultamus, quia non sunt in nostra potestate positæ, neque à nobis effici aut nō effici possunt, sed temere citra naturę aut cogitationis propositum electionemve eueniunt. Quis enim de thesauro inueniendo, fodiendi tātum gratia accessurus, aut in forum quidpiam emendi causa iturus, inimicum fortasse obuiam factum gladio interimendū, secū deliberaret? Quinimo propterea *fortuna euenire* hæc omnia dicuntur, quia nobis ignorantibus, & aliud cogitantibus

tibus obueniunt. Deliberant igitur omnes homines de iis quæ per se & suapte natura euenire consueuerunt. Sed eorum quæ per se fiunt, alia à natura, alia ab hominibus aguntur. A natura illa fieri dicuntur, quæ aut semper ac perpetuo, aut raro efficiuntur. Quæ perpetuo fiunt, alia sunt posita in quiete, & alia in motu. Horum ergo omnium quæ à natura fiunt, nulla est consultatio aut deliberatio, quæ quanquam fieri possunt, in nostra tamen potestate sita non sunt: quia nullus. utrum mundus sit æternus, genitus, an ingenitus, secum deliberat: neq; etiam de ortu stellarum, occasu siderum, solstitiis, anniq; temporibus, quæ vicissim & perpetuo mutantur: neq; iis quæ raro & indefinite accidunt. utrum videlicet hac die Cometæ sint apparituræ, aut pluuiæ & niues casuræ. Et si quandoque de his deliberamus, tamen nō propterea id facere nos existimo, ut fierine à nobis, an non fieri possint, quæramus, sed si euenerint, quid agendum nobis sit: siquidem ex re nostra, & ad nostram vtilitatem pertineant) intelligamus, aut quid omittendum, si damno futuras prospiciamus; veluti si grandinis & pluuiarum impetus ac tempestates præsentiendo effugiamus, iam vero neque omnium eorum,

64 PRINCIPIOR. IVRIS

quæ ab hominibus aguntur, consultatio esse potest: quædam enim à nobis ipsis, quædam ab aliis aguntur. Sed de illis quæ ab aliis efficiuntur, nullus vnquam sanæ mentis deliberat: vt, Lacedæmonii non consultant, quomodo Atheniensibus sit administranda respub. aut Athenienses, quomodo Lacedæmoniis: propterea quod neq; Lacedæmoniorū reipub. administratio in Atheniensem, neq; Atheniensium in Lacedæmoniorum potestate sita est. Reliquū igitur est, de illis tantū consultare homines solere, quæ ab iis effici possunt. & quarum rerum principium agēdi in ipsis est positū. Porro principium agendi duplex in homine cernitur, ratio & appetitus. *Appetitus* iram & cupiditatem cōplectitur. Appetitus ergo non consultat, quia ratione & cogitandi vi destituitur, quæ est causa effectrix consultationis. Sed quemadmodum appetitus non cōsultat, ita quoq; de ipsius actionibus nulla solet institui deliberatio & consultatio, quibus adscribi possunt & vitales & naturales corporis functiones, quia nullus de incremento, decremento, cōcoctione cruditateve cogitat, sed iis quæ à mente & ratione proficiuntur actionibus. At enim actiones mētis, vel mens humana, aut res cōtemplatæ, aut effice-

LIBER PRIMVS. 65

efficere nititur. De contemplatione rerum, iisq; omnibus quæ ad cognitionem pertinent, nullo modo deliberamus, vt de scientiis earūq; præceptis ac theorematibus: quia scientiæ & præcepta scientiarū sunt certa & determinata, & vt inquit Aristoteles, vndiquaq; perfecta: at consultatio est quædam inquisitio, cum dubitatione coniuncta. In scientia nil incerti, nil dubii inest, sed omnia sunt necessaria: quia scientia vtitur rationibus necessariis, quæ aliter se habere non possunt: & definitis, quæ non cadunt in fortunam, aut dubitationē. Quapropter nulus cōsultat vtrum trigonus habeat tres angulos duob. rectis pares, aut vtrum mundus sit rotundæ figuræ. Atq; idcirco patet, nos de iis tantum deliberare & consultare, quæ facere aut non facere consueuimus, quæq; in nostra potestate & arbitrio vt fiant, an nō fiant posita sunt: denique à nobis ipsis effici possunt, quorum etiam est electio: nam *καὶ περὶ* & consultatio iisdem in reb. versari solent: quia electio est conclusio consultationis ac deliberationis, quemadmodum syllogismi & ratiocinationis vltima propositio. Quanquā vero de iis consultemus quæ à nobis fieri cōsueuerunt, interdum tamen fieri potest, vt de iis quoq; deliberemus quæ

ab amicis efficiuntur; etenim quæ per amicos fiunt, quodam modo à nobis fieri existimantur, quippe cum principium & causa quæ amicos ad rem faciendam incitat, in nobis sit, quod rogantibus nobis id fiat, quod petimus; aut non fiat, non petentibus. Porro omne id quod fit, aut raro, aut sæpe fieri solet; electio ergo tractat illa quæ sæpe, & plerumque; eueniunt quæque; euentus habent incertos & indefinitos: quapropter & consultatio quæ antecedit electionem, ut causa suum effectum: nam de iis quæ raro accidunt, & fortuna aut casu eueniunt, consultat nemo, ut exemplo medicinali ostendi potest. Non enim si quis se ael sumpto veneno conuulserit, illico medicus consultabit, utrum ægrotantibus idem sit exhibendum propinandumve, sed de iis quæ plerumque; vel obesse vel prodesse corpori, experientia didicerit. Consultamus itaque; de iis quæ ut plurimum eueniunt, & euentus habent incertos: hoc est, quæ non semper necessitate reguntur, sed fortuna adiutrice indigent. Cuius rei signum est, quod quandoque; ad cōsultationem rerum arduarum ac difficilium, ex quibus ingens periculum damnumve nobis imminere timemus, aut cōmodum aliquod eueniaturum speramus, nostra deliberatione mi-

nimè

nimè freti alios in cōsiliū adhibemus, nō quod id, de quo consultamus, in nostra potestate situm nō sit, sed periculosum vel difficile, si non rectè cōsultando quod optimū & aptissimū est ad efficiendum, elegerimus. Quapropter rectè dixit Aristot. nos magis deliberare de artib. quàm scientiis, quomodo videlicet discēda sit ars medica aut mercatoria, non quomodo mathematica aut theologia: quia artium & scientiarum præcepta alia sunt magis æterna & perpetua, alia minus. Huc accedit, quod multæ artes quandoque suo fine frustrantur, at scientiæ nunquam, vel certè raro. Sed si consultamus de rebus incertis, efficitur quoq; vt de ignotis: quia nota & manifesta non inquirimus, sed ea iam possidemus: alioqui dicendum esset, in infinitū progredi homines cōsultando, quod fieri nequit. Ex his ergo perspicuum est, in quibus versetur omnis deliberatio, iis videlicet quæ aliter atque aliter contingere possunt, & euentus habent incertos. Verum enim uero huius rei gratia cōsultatio opinio nō est, & cōsulrabile opina-bile: principiò quidem quia opinio vero & falso, cōsultatio bono & malo distinguitur: nā opinio vera aut falsa, cōsultatio mala aut bona esse dicitur: & quemadmodū se habet

opinio vera, ad bonam consultationem, ita falsa opinio, ad malam cōsultationem. Deinde non solū opinamur ea quæ à nobis, sed etiam quæ à natura aliisve causis efficiuntur: at deliberationem de iis quæ naturâ eveniunt, minimè instituimus. Cōsultamus præterea de rebus, quas postea eligimus: eligimus autem eas quas consequi vel effugere possumus. Opinamur cōtrā quid vnumquodq; sit, aut cui, aut quomodo conferat, non ut fugiamus aut cōsequamur; cuius rei signū est, quod multa bona esse opinamur, quæ tamen non appetimus, quinimò contraria quādoq; eligimus. Multi. n. iustitiam & virtutes opinātur res esse honestas & utiles, de iniustis tamen actionibus, quib. maius commodum sese adipisci posse sperant, deliberant, easque actiones expetunt, & in societate hominum exercent. at enim nemo aliquid eligit aut expetit, de quo prius non cōsultet. Iam vero opinio suapte natura falli potest ac decipi: consultatio ex accidenti tantum, hoc est, ratione earum rerū de quibus deliberat, quemadmodum & ars & prudentia. Rursus consultatio est inquisitio rei efficiendæ aut agendæ: opinio, inquisitio nō est, sed potius status & quies animi. Præterea opinio est assensio quædam mentis,

alte-

alterius partis contradictionis in oratione: consultatio nullius determinatè, sed vtriusque ex æquo; quia confert vtilia cum vtilib. aut honesta cū inhonestis, eaq; quæ ad propositum idonea accommodataq; esse cognouerit, demum eligit: quam electionem sequitur vsus, qui non est consultationis. Postremo, opinio & habitus opinandi pertinet ad dialecticum, cōsultatio ad artem & prudentiam. Ex his iam patet quid intersit inter consultationem & opinionem: quapropter redeo ad id vnde digressus eram. Consultationem dixi esse *quandam inquisitionem, & animi motum qui ratiocinando perficitur*. Sed omnis ratiocinatio ab aliquo efficiente gignatur necesse est, quia nullius rei, causa remota, origo reperiri potest. Exiit ergo & suscipitur hæc cogitatio & perquisitio ab homine ratione ac mente prædito, seu vt significantius dicā, viro prudente, qui instructus est recta ratione: nam prudentiam hoc loco appello rectam rationem, quæ præscribit artificis modum agendi efficiendive, & inueniendi media atq; instrumēta, iisque cōmode vtēdi; cuius rei argumentū est, quod stulti, infani, & pueri, cōsultare nō possunt, quia destituuntur ratione & vi cogitandi, quæ opifex est consultationis; atque idcirco

70 PRINCIPIOR. IVRIS

neq; consultabile id appellare cōsueuimus, de quo aut stulti, aut mente capri deliberāt. Huc accedit, quod illi nullo proposito fine & scopo omnia efficiunt, ac pro diuersitate affectuū quibus reguntur, in diuersas animi perturbationes sine iudicio rapiuntur; at consultatio, finis alicuius gratia suscipitur, & qui consultant, boni alicuius causa consultant: boni, inquam, quod iam fixum est & immobile, quo posito & constituto tanquam extremo, inquirunt omnia instrumenta & media, quib. actione id quod expetiuerūt consequantur potianturq;: quā ppter eo positi conquiescunt in consultando.

CAP. VIII.

De pūis consultationis.

Porro autem omnis consultatio, aut operis aut actionis alicuius gratia suscipitur; etenim multū inter se distant *opus & actio*, & *efficere & agere*, quemadmodum communis omnium hominū testatur consensus. Quis enim est qui nesciat, aliam esse musici & aliam ædificantis actionem? nam actio musici finis est, & propter se expetitur; at ædificatoris, nō propter se, sed propter opus quod ex actione fit: quia huius actio ad ali-

aliquid est, & alicuius gratia fit, verbi causa, ipsius domus, quæ diuersa est ab actione artificis. atque idcirco actio, ædificantis finis non est, sed antecedens finem, quia destinatur ad domū; quemadmodum iutoris actio refertur ad calceum & artis fabricandæ nauis, ad nauem, & textoriæ ad pannū: quæ certe opera sunt, & quiescentibus artificib. post actionē permanent: sed actione intereūte, finis quoque aliorum habituum interire solet, qui in eadem versantur: quia non relinquunt aliquod opus, quod cessante operatione ostendere possint: quemadmodū videre est in arte certandi cursu, & saltatoria, & mimica, & musica, quæ certe omnes præter actionē nihil cōtinent, sed vnā cū actione intereunt. Quapropter differre dicendū est actionem & effectiōnē, quia habēt fines diuersos, opus inquā, & actionem. Sed diuersarū genere actionū, diuersos quoq; ac dissimiles habitus, quorum alter in actione, alter in effectiōne versetur, esse necesse est, qui nō eo modo distinguātur, quo genus à specie, vt alter ab altero cōtineatur, sed poti⁹ vt species & formæ diuersæ, vno genere cōtēte: quādoquidē fieri nequeat, vt actio effectiōnē, aut effectiō actiōnē comprehendat. Atq; idcirco Aristot. rectē alterum appellauit ha-

bitum *πρακτικόν*, id est, *actiuum*, alterum
vero *παιητικόν*, id est, *effectiuum*: sed habitū
actionis, prudentiam; effectiōis, artem
constituit. vtrunque tamen, perfectionem
¶ *διὰ τοιαύτην πρακτικὴν*, esse pronunciauit.

CAPVT IX.

De Arte.

ARs ergo nihil aliud est, quam habitus
consultatiuus, recta ratione quidpiam
efficiendi. Habitum consultatiuū Aristote-
les, vt antea dixi, quandoq; *λογιστικόν*, quan-
doq; *ῥῆν πρακτικόν* appellat, quia ratiocina-
tur non cognitionis, sed actionis & effectio-
nis gratia; quo fine distinguitur à mēte cō-
templatiua, quam *ῥῆν θεωρητικόν* nūcupauit.
Ars igitur consultat de opere efficiēdo: quia
nō solum agit, sed etiā opus aliquod efficit,
qđ intereunte actione ostendere potest: atq;
idcirco distinguitur ab habitu actiuo, cuius
finis est actio ipsa, quæ nō refertur ad aliud,
qualis est actio prudētiæ: prudentia enim nō
efficit aliquod opus, sed in sola actione cer-
nitur, quæ bona est & utilis societati huma-
næ. Et si videatur aliquādo prudentia post a-
ctionē quidpiā relinquere, certe id per se nō
fit, sed alia quadā ratione, vt in ipsius natu-
ræ ex-

re explicatione manifestius ostēdetur. Cū
ergo artis propriū sit efficere, & omnē effe-
ctionem præcedat inuentio, & inuentio-
nem inquisitio, necessarium certē erit, effi-
cienda artificem prius adinuenire, & adin-
uenta, antea contemplari: nam quemad-
modum contemplatio principium est in
inventione rerum, sic effectio finis. Qua-
propter rectē dixit Aristoteles, artem cerni
in generatione, inuentione, & contempla-
tione rerum. Generatione quidem, quia
ars est imitatrix naturæ, quæ generat & effi-
cit res. Verū ars non eadem ratione gi-
gnit res, qua natura, sed dissimili & re &
modo. Natura enim formas substantia-
les, quæ suapte vi nituntur, efficit: ars acci-
dentales (vr ita loquar) & aduentitias ef-
fingit. Et quemadmodum natura est prin-
cipium internum, & vis quædam abdita
ciens motus in corporibus necessarios, ita
ars est principium externum, circa formas
aduentitias & superioribus rerum superfi-
ciebus, quas *figuras* appellant, hærentes, oc-
cupata, quas prius contemplando & inue-
stigando ad naturæ imitationē efficit, quæ
sua opera non cognoscit, aut contemplatur,
sed perpetua quadam insitaque ipsi lege,
res & formas rerum, sibi semper similes

74 PRINCIPIOR. IVRIS

producit ac gignit. Et quia ars res aduen-
 titias & externas tantum consecratur, ob
 id iudicabat Agatho fortunam & artem
 esse valde coniunctas, quum quia ambæ
 sunt externæ rerum causæ, tum vero quia
 relinquunt diuersum ab actione opus. At-
 tamen non parum differunt inter se, quia
 ars & artifex ut plurimum propositum fi-
 nem consequuntur, fortuna nunquam;
 quia fortunæ scopus est temerarius, qui
 nunquam consilium & propositum arti-
 ficis comitatur. Cuius rei signum est,
 quod & si quidpiam fortuna inuentum
 esse dicitur, id tamen totum ratione & cō-
 silio, quæ propria sunt artificis, carere ar-
 bitramur: atque idcirco Aristoteles fortu-
 nam in libro Physicorum ad causas quæ
 ex accidenti euenire consueuerunt, retu-
 lit. Separanda ergo nobis ac discernenda
 ars à natura & fortuna: neque solum ab his,
 sed etiam à cæteris animi habitibus de qui-
 bus supra dictum est. Distinguitur autem
 ars à scientia, intellectu & sapientia: quia he
 nihil efficiunt, sed effecta contemplantur;
 & rerum sunt necessariarum, quæque ali-
 ter euenire non possunt: atque ars, ut nuper
 dixi, est effectrix formarum artificiosarum,
 quæ aliter atque aliter fieri possunt, nec
 sunt

sunt perpetuæ & æternæ. Eadem quod differt ab opinione: quia opinio non solum est earum rerum quæ à nobis, sed etiam quæ à natura aguntur. Deinde opinamur quando quæ res necessarias, at efficiamus quæ aliter tantum euenire consueuerunt. Iam vero opinio suapte natura potest esse falsa, & is qui opinatur, mentiri ac decipi: sed ars, & in vniuersum omnis habitus qui in consultando positus est, suapte vi falli nequit, sed est semper verus, quia regitur & gubernatur recta ratione, quæ experta est omnis erroris ac ignorantia.

Sed hîc opportunè roget quis, *quomodo ars & prudentia nunquam mentiantur aut errent, & semper persueantur res veras ac necessarias?* cùm tamen superiori disputatione nihil aliud demonstratum sit, quàm artem & consultationem cognoscere res, vt vocant, contingentes, quæ aliter euenire quæant, atque idcirco fieri posse vt aliquando à fine proposito aberrant, eoque frustrentur: quod si non concedatur, res quoque necessarias ac perpetuas eas contemplari fatendum est, quod pugnat cum iis quæ iam sunt posita. Si ergo cõtēplāntur res mobiles & aduentitias, quomodo

non decipiuntur, & à vero, specie recti quandoque deluse, aberrant? cum veritas orationis rerum naturam consequatur, & vicissim natura rerum orationis veritati respōdeat; ita quidem, ut si rerum natura constans sit & æterna, earum quoque comprehensio & cognitio sit perpetua, immobilis & æterna: si inconstans & mobilis, & cognitio eiusdem naturæ habeatur. Sed hunc in modum interroganti, non vna ratione responderi potest: quia veritas & mēdacium duobus modis intelligi possunt; aut ratione ipsarum rerum, aut ratione potestatis seu habitus & cognitionis: rerū quidem, cum res ipsæ in causa sunt cur cognitio vera aut falsa, constans aut mobilis sit: cognitionis vero & habitus cognoscentis, quum res quidem veræ aut falsæ sunt, sed cognitio aut vis aliqua mentis, rem æternā pro corruptibili, falsam pro vera eligit & concipit. Scientia igitur, intellectus & sapientia, sunt habitus æterni & constantes utroque rationis modo, tum quia neque sibiipsis causam erroris & ignorantia præbent, tum quia intuentur res semper veras & æternas: & quemadmodum res quas contemplantur sunt perpetuæ, ita etiam cognitio ipsarum, semper vera est & perpetua. Atque

ars

ars & prudentia, & in vniuersum habitus
 consultandi omnis, qui recta ratione & iu-
 dicio suscipitur, quandoque sine proposito
 frustratur. Sed non habitum ipsum huius
 mendacii causam esse existimandum est,
 sed rerum ipsarum naturam, quæ minime
 firma & stabilis est, sed aliter euenire con-
 suevit. ac proinde cognitio quidem per se
 vera est, quia nititur recta ratione, quæ sua-
 pte natura falli non potest: sed efficitur fal-
 sa & mendax, ratione rerum quas tractat.
 Exempli gratia; si medicus qui sanitatem
 corpori humano restituere nititur, nihil eo-
 rum quæ fieri ars præceperit, omiserit, sed &
 ipse, & æger, & adstantes, cæterique omnes
 suo officio probè fungantur, nihilo tamen
 magis ægrotus curetur & conualeseat. sed
 moriatur. Rursus, vir prudens, ac nobili-
 bet alius artifex diligenter futuri operis con-
 structionem perpendat, ac diligenter om-
 nia secum examinet discutiaturque, in o-
 pere tamen à proposito sine turberetur; certe
 non est medicus, aut artifex qui consulte
 accusandus, sed rerum ipsarum, & instru-
 mentorum interdum quibus vtitur natu-
 ra, quæ aliter euenire, ac mutari perpetuo
 solet. Propterea Demosthenes cum vitio
 ei daretur, quod ea quæ Atheniësisibus con-

fuluisset, minimè euenissent, ita obiectum crimen ingeniose diluit, inquiens, *nemo enim de futuris certi aliquid predicere aut consultare possit*: rerum futurarum instabilitati, quod in ipso reprehendebatur, adscribēs. Sed opinio, & illa quæ Græcis *ὀπινίη*, id est, *susplicatio* seu *existimatio* dicitur, non tantum ratione rerum quas concipit, sed suapte natura mentiri solet: ac ratione quidem rerum, cum id quod non semper est, esse tamen opinatur: & sui, cum id quod omnino non est, esse tamen putat: nam hoc in loco ipsa sibi met est causa erroris & ignorantie: veluti si quis remum in aquam demersum, fluctuante aqua existimet esse inflexum aut fractum, visione tamen decipiatur. An id quoque verè dici potest, prudentiam & artem verà & recta dicere, sed non eadem ratione, qua intellectus, scientia, & sapientia? quia intellectus & cæteri habitus, semper veritati rerum innituntur, ars & prudentia ut plurimum: quippe cum earum rerum propriè sit consultatio, quæ plerunque, & non semper, eodem modo euenire consueuerunt. Quapropter rectè Cicero inquit, *omnes artes coniecturæ sunt, ultra quam progredi non possunt*. Ea fallit fortasse nonnunquam, sed tamen ad verita-

veritatem sæpiſſimè dirigit: eſt enim ab omni æternitate repetita, in qua cum penè innumerabiles res eodem modo euenirèt, iisdem ſignis antegreſſis, ars eſt eff. cta, eadem sæpe animaduertendo atque notando. Quare ob id veræ putandæ ſunt artes, quia plerunq; veritatem rerum proficuntur. & rarius à propoſito fine diuertunt. At opinio sæpiſſimè fallitur, quinimò ex æquo verſatur in comprehensione veri & falſi. Quanquam id quoque sæpe uſu venire ſoleat, vt artificum errores, in artem eiusque præcepta reluciantur: quod certè ab imperitis non raro fieri ſolet, dum artium præcepta ex hominum moribus & ingeniis metiuntur, atque adeo vitia perſonarum, præceptis non rectè vtentium, ſcientiis adſcribunt. Quid enim, medicina ars non putanda eſt, quia medicum multa ſubterfugiūt, multaq; latent? quid? num imperatorū ſciētia nihil eſt, quia multi amiſſio exercitu, hoſtium fraudibus ſuperari ſunt & extincti? aut num propterea nulla eſt iuris prudentiæ docendæ. aut adminiſtrādę rei publ ratio, quia multa barbaros homines, omnisque grauioris cultiorisque eruditionis expertes latuerunt? aut multa grauiſſimos ſenatores in actione rerū feſelle-

30 PRINCIPIOR. IVRIS

runt? Dicendum est igitur, artem & prudentiam, omnem denique consultandi habitum, certis quibusdam coniecturis niti, quæ certè perraro fallere solent; atque idcirco ut nunquam errare ac decipi, solius Dei, ita perquam raro, hominis & artificis proprium, statuendum existimo. Quod & Galeno placuit, qui cùm de arte medica loqueretur, sic inquit: *Ille melior, qui minus errat.* Ex his patère arbitror, non exiguum esse discrimen inter artem, prudentiam & scientiam, intellectum, sapientiam atq; opinionem. Artis enim proprium est efficiere aliquod opus, non agere aut cognoscere opus, inquam, quod aliter fieri poterat. Cùm ergo ars contempletur aliquod opus efficiendum, efficiet sanè aut immutando res, aut adiiciendo, aut detrahendo & adimendo. Transmutando quidem, ut ars omnis quàm *παρασκευάω* vocant, quæ formas rerum ac figuras materiæ mutatione imitari conatur, veluti sunt artes statuariæ. Adiiciendo & detrahendo, ut ars texendi, ædificandi & medicandi, & cæteræ innumerae artes, quæ ad corporis conservacionem ab hominibus sunt inuenta. Quapropter Hippocrates medicorum princeps, artem medicam nihil aliud esse dixit quàm

quàm *ἀφαιρέσιν καὶ ἀπαίρεσιν*, id est, *ablationem & additionem*: nam medicus aufert ea à corpore quæ superuacanea sunt, & restituit additque necessaria. Est igitur ars habitus efficiendi aliquod opus. Sed non satis est arti & artificio aliquid efficere, nisi id rectè etiam fiat; alioqui nihil interesset inter imperitum, & artis aut scientiæ rudem, & peritum artificem: nam & imperiti efficere aliquid possunt, sed tamen non rectè, sed fortuito & temerè. Quare & artifex rectè efficienda contempletur, debitaque & idonea inueniat media & instrumenta: denique vt sine errore efficiat, recta ratione indiget, quæ viam ac modum artificio præscribat, omnia ad destinatum finem dirigendi perducendique. Etenim recta ratio, est quædam norma & regula diiudicandi res omnes, earumque vsus & opportunitates; qua qui carent, in varios & inextricabiles errores incidunt necesse est. quinimò hac re soladiffert ars ab *ἀπ᾽ ἧς*, quam quidam *inertiam*, quidam *imperitiam* vertunt: quod ars sit habitus, quidpiam recta ratione imperitia, falsa ratione opus aliquod efficiendi. Nam imperitia duob. modis concipi potest: aut pro omnimoda artis priua-

tione & negatione, quæ assimilis est ignorantia, quam Aristot. primo Posteriorum Analyticorū, τῇ κατ' ἀπὸφασιν nominat: aut pro illa imperitia quæ oritur ex prava quadam animi dispositione, quæ similis est ignorantia τῇ κατ' ἁγθεσιν. Sed imperitia quæ secundum habitum dicitur, lōgè magis opponitur arti, quàm altera illa quæ negationis est: quemadmodū etiam ignorantia κατ' ἁγθεσιν, vehementius pugnat cū scientia, quàm quæ κατ' ἀπ. φασιν nominatur. Et hæc quidem de natura artis satis sit hoc loco disputasse.

CAPVT X.

De Prudentia.

VENIO nunc ad alteram consultationis partem, quam dixi versari in actione bona & utili, quæ propriè appellatur prudentia: de qua fusius dicendum est, vt ex huius virtutis cognitione, Iurisprudentiæ natura planissime intelligatur. Itaq; prudentia non vna & eadem semper concipitur ratione apud veteres scriptores: interdum enim (vt autor est Plutarchus) accipitur pro qualibet cognitione, & diligentium rerum.

rerum omnium consideratione ac præsentia: qua significatione dicere consueuimus, Deum opt. max. esse prudentem: nam hoc in loco per prudentiæ nomen, nihil aliud intelligimus, quàm vim cognoscendi, prospiciendi prouidendique eius, quod futurum est; quam *providentiam* nominant. Aliquando hæc eadem vis, attribuitur brutis animantibus, quæ quasi imitantur superiorem illam Dei prouidentiam; quia habent in traducenda vita (vt Aristoteles inquit) *δύναμις ἐργον ἔχουσα*, quæ nihil aliud est, quàm extrema quædam rationis nota, à natura insita, qua quid bonum & utile ad vitam transigendam futurum sit, prospiciunt animalia. Propriè tamen prudentem appellamus eum, qui de rebus bonis & utilibus quæ ad hominem pertinent, & societatem humanam conseruant ac custodiunt, consultare ac deliberare potest. Et prudentiam nihil aliud esse dicimus, quam virtutem estimatricis animæ partis, memoria, experientia & industria comparati, bona humana, quæq; ad felicitatem huius vitæ adipiscendâ pertinet, considerantem, rectaque cum ratione actiuam, bene consulentem, solerter iudicantem, & quæ consulta atque inuenta fuere emenda-

34 PRINCIPIOR. IVRIS

tione indigentia, corrigentem ac diiudicantem. Virtus nihil aliud est, quàm vniuscuiusq; rei nature summa perfectio: quia tum ipsum, cuius est virtus, rectè affectum reddit, tum ad opus bene obeundum instructum atque paratum efficit: quod proprium perfectionis esse iudicatur. Sed perfectio, alicuius rei est perfectio & absolutio. Erit ergo prudentia perfectio, & perfectio quidem animæ: animæ autem, aut totius, aut partis. Totius vero animæ perfectio esse non potest, quia ea, vt aliàs à grauiissimis autoribus demonstratum fuit, est iustitia. Partis ergo perfectio est. Sed anima nostra, ex Plat. & Aristotelis sententia, tres habet partes, quas nunc vires, nunc potestates & facultates nominant. Alia enim ipsius pars est, qua discimus, resque apprehendimus & diiudicamus, quam τὸ λογισμὸν Græci vocant: alii æstimatricem verunt. alia vero, in qua ira residet, omninoq; vis quædam effera, quæ θυμὸς δὲ dicitur: Latini *animosam* appellant. Tertia autem, quæ quod varia sit & multiformis, cum vno nomine appellari nequeat, ab eo quod in ipso est excellens & vehementissimum, cupiditas nimirum, & τὸ ἐπιθυμητικὸν dicitur.

citur. Sed quemadmodum tres sunt ani-
 mæ partes, ita tres quoque secundum par-
 tium numerum virtutes ac perfectiones,
 & quartam insuper ipsius totius, tanquam
 vnius rei ratione prisca philosophi esse con-
 stituerunt: quandoquidem arbitrabantur
 diuersarum genere rerum, diuersas quoque
 perfectiones esse oportere. Porro autem v-
 niuscuiusque rei perfectio, vt autor est Pla-
 to in libro De repub.) duplex est, quemad-
 modum & actio: altera, quæ per se & in sua
 natura spectatæ rei, altera quæ ad aliud re-
 latæ, competit. Exempli gratia: Hominis
 alia est virtus, & actio & perfectio, quâ ho-
 mo est absolutè: & alia, quâ dominus, aut
 seruus, aut filius, aut pater. Quapropter
 cum animæ partes eadem ratione duobus
 modis concipi possint, aut in sua natura,
 aut ad alterum relatæ, diuersas etiam ex v-
 trisque perfectiones virtutesque gigni ne-
 cesse est. Idcirco veteres philosophi virtu-
 tes partiū animæ absolutè consideratarum
 absolutas, relatarum verò, *ῥητικές* nuncu-
 pauerunt. Porro *ῥήσις* & relatio harum
 trium animæ partium nihil aliud est, quàm
 imperium quoddam, quo earum aliæ im-
 perate, aliæ patere dicuntur. Sed imperium

86 PRINCIPIOR. IVRIS

duplex est, alterum herile & δεισπολικόν, & alterum πολιτικόν, id est, ciuile. Herile imperium est, quo anima corpori, vt dominus seruo imperat, qui totus est alterius, hoc est, domini. Ciuile est, quo animæ pars, quæ ratione prædita est, cæteris inferiorib. partibus, iræ videlicet & cupiditati, vt rex suis subditis, aut pater suis liberis dominatur. Quare omnium harum partium seu viriū, & absolutas & ἀεὶ καὶ virtutes perfectionesque inueniri constat: aliàs quidem quæ catenus ipsis conueniant, quatenus per se & in sua natura spectantur: aliàs vero quatenus ad se mutuo referuntur. Plato & Aristoteles & vniuersa scholâ priscorum philosophorum, adiudicauit æstimatrici animæ parti, quæ in cerebro residet, & cognitionis est particeps, per se spectatæ, intellectum, scientiam, sapientiam, & bonam opinionem; de quarum virtutum natura satis antea dixi. Irascibili, quæ in cordē posita animæ pars est, naturalem quandam fortitudinem, cuius proprium sit, se robustam & inuictam præstare, configere, omniaque obstantia profligare, sibi que potenter & violenter subiicere, cuiusque finis victoria sit. Tertiæ potestatis, cupiditatis, inquam,

inquam, quæ in hepate cernitur, virtutem, appetentiam voluptatum esse pronuntiant. Et hæ quidem *perfectiões* ab iisdem appellantur *absoluta*. Aliæ vero, vt nuper admonui, oriuntur ex mutua partium habitudine, qua ad se inuicem sunt affectæ. Etenim ipsarum aliæ natura sua factæ sunt, & datæ homini ad gubernandas compescendasq; inferiores animæ vires: aliæ semper ad parendum idoneæ: tertiæ nunc ad parendum, nunc imperandum genitæ. Natura sua idonea est ad imperandum, vis rationis particeps, quam *πλοῦστικόν*, appellauimus: ea enim melior est & nobilior cæteris partibus; atque idcirco ipsius perfectio prudentia dicitur. Subdita tantum vis est concupiscendi potestas: quæ cum duplices motus habeat, alteros quidem ratione corporis in quo consistit, alteros vero eius quod id conseruetur: duas etiam habet *χρηκᾶς* virtutes, alteram *ἀπολαυστικῶν*, & alteram *πορευτικῶν*. Itaque τῇ ἀπολαυστικῇ, quæ fruitioni præest, frugalitas & temperantia, quæ in moderandis cupiditatibus & corporeis voluptatibus cernitur: τῇ πορευτικῇ verò, id est, quæstuosæ, illa particularis iustitia, quæ virtus quædam est me-

dia inter *ωλεονεξία*, id est, immodicam pecuniae auiditatem, & *μειονεξία* eidem contrariam, attribuitur. Quamquam & tertiam quandam huius partis virtutem esse arbitretur *Iustus Velsius* præceptor meus, iis in libris quos in Ceбетis Thebani tabulam nuper admodum eruditos conscripsit, etiamque *δαπανηκ'ω* seu *παμινηκ'ω* nominat, cuius perfectio sit liberalitas, non illa politica virtus, sed quæ intra animum cernitur. Quapropter si quis exactam harum omnium virtutum diuisionē cognoscere desiderat, is legat quæ ab illo grauius & copiose iis libris sunt disputata: neque enim nostri instituti est hæc diligentius & exactius persequi, sed potius quæ ab aliis scientificè demonstrata sunt, loco *ὑποθέσεως*, subiicere. Porro animosa hominis pars, non tantum rationi recta præcipienti obtemperat, sed etiam cupidinæ facultati imperat. obtemperat autem rationi, quia regitur à ratione, quæ præscribit illi modum intendendi vellaxandi iram, ne quid immoderatè & indecenter agat. Ex quo obediētia nascitur, & *σωφροσύνη*, id est, frugalitas seu modestia, seu temperantia. Rursum regit ac moderatur cupidineam animæ,

partem

partem, non illo sanè modo quo prudentia, sed appetitionis quodam genere, quo illam vel compescit, & in officio retinet, vel externam vim propulsat, & ab iniuria defendit. Quatenus igitur inferiorem partem compescit, eatenus illi virtus, quæ αἰσθεῖα, id est, fortitudo nominatur, competit. Sed ne nimium compescendo in iram feratur, altera virtus ipsi adiudicatur, quæ ἀρετή, & εὐμενία, id est, clementia & benignitas appellatur. Quatenus vero vim externam repellendo, & in hostis vlciscendi desiderium iram refrænando fertur, eatenus humanitate regitur: cuius virtutis nomen, neque apud Græcos, neque Latinos facillè aliud reperitur. Ex his iam facillè constare arbitror, qua ratione prudentia sit æstimatoris animæ partis virtus atque perfectio, quam dixi esse virtutem σοφία, & in habitudine ac relatione positam.

Porro autem cum proprium (vt sæpe dixi) æstimatoris animæ partis officium ratiocinari, & æstimare, ac cogitando rerum usus atque opportunitates perpèdere: profecto prudentiam, quæ ipsius perfectio est, habitum quoque consultandi, seu consultationem esse necesse est. sed consultatio,

90 PRINCIPIOR. IVRIS

est quedam inquisitio, cuius finis est cognitio. & omnis quæ cogitatione & ratiocinatione fit cognitio, ex antegressa (vt autor est Aristoteles libro primo Analyticorum) oritur notitia: quare & prudentiam, & artem, & scientiam, ex præcedenti cognitione gigni oportet. Sed antecedens notitia omnis, teste Aristot. primo Metaphysic. ex particularium visorum ac notionum observatione, conseruatione, retentioneque oritur, quarum propria est, experientia: experimur enim ea quæ obseruauimus & collegimus: quia experientia nihil aliud est, quam, vt quidam eruditi viri definiunt, ἡ τῶν πεπραγμένων καὶ κτ' π' αὐτὸ ἐωραμένων ἢ π' ἀπὸ ἀλλήλων ἢ τήρῃς, καὶ μνήμη. id est, eius quod sapienter, & eodem modo conspectum est, aut comprehensio, aut obseruatio & memoria: nam citra memoriam neque obseruamus, neque colligimus res, & retinemus: quia memoria (vt inquit Plato in Philebo) ἐστὶ ἀδιάσπαστος σκευή, αὐτὴ ἡ τῶν πάλαι ἐγνωμένων καθόχῃ, αὐτὴ ἐξ ἑκαδικῆς ὑπολήψεως. Rursus experientia citra industriam fieri nequit: neque enim temere & sineratione aut consilio experimur, sed arte quadam & iudicio, quam Aristoteles πῶς δε-

νόησις nuncupat. Quare liquidò constat,
 hæc omnia concurrere ad constituendam
 naturam prudentiæ, quemadmodum ad
 cæterorum habituum essentiam, qui in co-
 gitatione versantur. Sunt enim hæc tria,
 memoria inquam, experientia & industria,
 veluti concause, quæ efficiunt & gignunt
 prudentiæ habitum. Verum enim uero cum
 prudentia sit consultatio, & habitus cōsul-
 tationis, necessarium est ut in iisdem verse-
 tur experiendo, memoria retinendo, exe-
 quendo, quæ cadunt in deliberationem ac
 consultationem. Sed consultatio, ut an-
 tea commemoravi, propriè earum rerum
 est, quæ aliter atque aliter evenire fieri ve
 possunt: sunt tamen in nostra potestate, ut
 fiant, aut non fiant, possint. In nostra po-
 testate sita sunt ea, quorum autores su-
 mus: veluti opinio, cognitio, appetitus,
 declinatio. At de opinione non consulta-
 mus, quemadmodum neque de iis quæ ad
 cognitionem pertinent sed potius illis, quæ
 aut appetimus, aut declinamus & fugimus.
 Porro appetimus quæ bona sunt, & declina-
 mus contraria mala. Prudentia ergo erit ha-
 bitus consultandi de bono & malo, hone-
 sto & turpi, utili & inutili: de illo inquam,
 quod vel ad nos, vel ad alios pertinet,

dummodo principium faciendi aut omit-
tendi, in nobis positum sit. Quandoqui-
dem nemo de alterius damno aut utilitate,
quo illud effugiat, hoc consequatur, dubi-
tat; aut si id facit, certè ea ratione agere vi-
detur, quia partem incommodorum aut
commodorum ad se pertinere arbitratur.
Etenim solemus interdum & amicorum
fortunæ gaudere, & calamitatibus tristi-
ri: quia eorum res ad nos pertinere arbitra-
mur. Atque hanc quidem esse prudentiæ
naturam, ex multis ostēdi potest argumen-
tis. Principio, ex communi hominum o-
mnium consensu & notitia, quam mentib.
de viro prudente habent impressam, & pla-
nè confirmatam; quia prudentem esse a-
iunt illum, qui rectè de rebus bonis & ma-
lis, honestis & inhonestis, utilibus inutili-
busve potest consultare ac deliberare, re-
rumque occasiones & opportunitates, & e-
ventus, & quasi antecessiones perquirere.
Atque idcirco Periclem & cæteros pruden-
tes esse, qui hæceadem præstant & effi-
ciunt. Quinimo & bruta interdum ani-
mantia, quæ *δυναμὴν καὶ νοῦν*, id est,
vim providendi & perspiciendi id quod v-
tile noxiumve futurum est, possident, qua-
dam similitudine prudentia appellare con-
sue-

sueuerunt, quo prudentis officium planius
demonstrent. atq; id quidem videre licet in
multis animalibus, quæ sua industria imi-
tantur hominum consilia & actiones, vt
ratione & intelligentia prædita esse existi-
mentur; veluti in vrsis, formicis, apibus &
araneis, quemadmodum eleganter cecinit
Poëta in Georgicis, de apibus loquens:

*Veniur aq; hyemæ memores, æstate laborem
Experiuntur, & in mediũ quæsita reponunt.
Nanq; alia victu inuigilant, & scædere pacto
Exercen:ur agris: pars intra septa domorum
Narcissi lachrymã, & lentũ de cortice glutẽ,
Prima fauis ponunt fundamina: deinde te-
naces*

*Suspendunt ceras: alia, spem gentis, adultos
Educunt fœtus: alia purissima mella
Stripât, & liquido distendũt nectare cellas, &c.
Et paulo post:*

*His quidam signis, atq; hæc exempla secuti,
Esse apibus partẽ diuinã mentis, & haustus
Aetherios dixere, &c.*

Neque enim ratio aliud est, quàm mens di-
uina, qua homo Deo similis efficitur; quæ
si adulta est, prudentia appellatur. Præter-
ea prudentiam esse vim perspiciendi ac di-
iudicandi bona malave, quæ ad hominem
pertinent, id maximè argumentum esse

94 PRINCIPIOR. IVRIS

potest, quod intemperantia, quæ in voluptatibus & dolorib. posita est, cæteris existimationes cognitionesque (vt inquit Aristoteles) veluti sapientiam, artem & scientiam, extinguere non potest: solam prudentiam quandoq; euertit, & prudentiæ actiones sua vi retardat & impedit, vt in rebus quid verum sit aut vtile & bonum homini, cernere nequeat. Propterea temperantia quæ opposita est huic vitio, à Græcis *σωφροσύνη* dicta est, quia *σώζει τὴν φρόνησιν*, id est, custodit & conseruat prudentiam: conseruat, inquam, cum neque illecebris & iucunditate voluptatum, neque dolorum asperitate rationem vinci patitur. Etenim voluptas & dolor bonarum & malarum actionum causæ sunt: & quicquid agitur, aut voluptatis, aut doloris causa efficitur. Prudentia igitur est habitus consultandi de bonis & malis humanis, iisque quæ vel sibi vel aliis euenire consueunt: neq; enim referre arbitror, vtrum de alterius rebus quis deliberet dubitetve, an suis, modo potestas & principium eas adipiscendi fugiendique, penes eum sit qui cogitat. Atenim bona & mala de quibus consultare homines solent, non vnius sunt generis: quædam enim sunt animi, quædam corporis, nonnulla fortu-

na. Prudentes ergo viri de omnibus dubi-
 tant: quia sunt custodes societatis & felici-
 tatis humanæ; quæ sine his vniuersis com-
 mode constare non potest. Quinimo is qui
 generatim simpliciterque prudens appella-
 tur eo ipso à prudente particulari, quem ar-
 tificem esse dixi, differt, quod hic etsi de bo-
 no aliquo consultat, non tamen de omni
 bono quod felicitatem parit, deliberat, sed,
 exempli gratia, ædificator de ædificanda do-
 mo, sutor efficiendo calceo, mercator ac-
 quirendis pecuniis, itemque medicus de
 conseruanda sanitate: quæ omnia quidem
 bona sunt, sed non propter se expetuntur:
 ille vero generatim de vniuersis ac singulis
 bonorum generibus cogitat, quæ pariunt
 felicitatem, ad quam cætera omnia refe-
 runtur, tanquam partes aut fructus summi
 illius boni, quod propter se tantum expeti-
 tur. Quare verè prudens censendus est is,
 qui nō de parte aliqua, sed vniuersa felici-
 tate humana deliberat, eaque proposita tan-
 quam scopo, quæcunque ad illius adeptio-
 nem pertinent, inuenire potest, inuenta-
 que ingenio & sapientia diiudicare. Ve-
 rumenim vero hæc cogitatio nihil aliud est,
 quam recte rationis inquisitio ac inuestiga-
 tio, quæ quasi forma est & natura prudentiæ.

sine qua conseruari ipsa non potest. Nam
 vt deprauata ratio imprudentiam, sic vera
 & recta ratio prudentiam parit. parit, in-
 quam, prudentiam, quia iudicat & discer-
 nit ea quæ sunt expetenda aut fugienda.
 Expetuntur autem *συνεπῆς*, id est, mode-
 rata & mediocria; fugiuntur vitanturque
 contraria & extrema. Porro extrema & cō-
 traria sunt, excessus & defectus; quæ pro-
 pterea fugienda sunt, quia sunt causæ cor-
 ruptionis & interitus rerum. Mediocras
 conseruat, & efficit habitus bonos ac lau-
 dables, qui in actione spectantur, ad quam
 recta ratio collimans, ab utroque extremo
 deflectit. Exempli gratia, motus & exerci-
 tationes corporis, tuendæ conseruandæque
 valetudinis causa susceptæ. quandoq; ha-
 bitum sanitatis custodiunt, quandoq; cor-
 rumpunt; custodiunt autem, cum mode-
 ratæ sunt, & mediocritate ac modo effici-
 untur; econtrà corrumpunt eandem sani-
 tatem, cum modum & mensuram naturæ
 aut excedunt, aut deficiunt. Simili ratio-
 nis modo & fabri, & statuarii, & ædificato-
 res, simpliciterque habitus omnes in actio-
 nibus quæ intendi & remitti possunt, ver-
 santes, mediocritatem vt bonum expetūt,
 contraria fugiunt vt malum; ideoque in
 effici-

efficiendis operibus, & magnitudinem, & numerum, & cōformationem, & figuram, & compositionem, in agēdis modum, tempus, locum, & quæ reliqua sunt seruare nitūtur. Est ergo mediocritas nil aliud quàm modus quidam & mensura, certis limitib. comprehensa determinataq; , seruandi omnibus in rebus id quod oportet, quātum oportet, & quomodo, & vbi, & quando oportet, vt cuiusque natura & vsus postulauerit: quam Poeta his verbis descripsit:

*Est modus in rebus, sunt certi deniq; fines,
Quos ultra citraq; nequit cōsistere rectum.*

Hæc mediocritas definitur ac circumscribitur recta ratione, vt autor est Aristot quæ est forma & essentia prudentiæ, versaturque in actione rerum: quia nihil efficit vt ars, sed moderatur & regit cæteras virtutes vniuersas quæ in actione positæ sunt, & sine prudentia consistere nequeunt. Agit autem, quia consultat de mediis pertinentibus ad bene beateque viuēdum, futura cautè prospicit, præteritā diligenter expendit, ac præsentibus commodè diiudicatis ytitur: quæ omnia opera non sunt, sed actiones bonæ, quibus nihil efficitur aliud, sed ipsæ finis sunt, & propter se expetuntur. Dicuntur autem bonæ actiones, quia boni tantum-

modocausa, non cupiditatis & voluptatis, aut gloriæ gratia suscipiuntur. Et quamquam vir prudens actione bona pariat felicitatem, felicitatem, inquam, vel sibi, vel familiæ, vel ciuitati, tamen nō eodem modo id facit, quo ædificator domum, aut factor calceum, aut medicus sanitatem: quia felicitas non est opus, sed actio ipsa, qua intereunte ipsam quoque interire necesse est. Quod facile quis intelliget, si hac ratione totam rei naturam contempletur. In arte medica, triapotissimum spectantur: ars ipsa seu artifex, sanitas quam efficit medicus, & operatio seu actio, quæ ab habitu sanitatis gignitur. Artifex igitur efficit sanitatē, & sanitas actionem, sed dissimili ratione ac modo: quia artifex in alio efficit sanitatem, quæ opus aliquod est. & pereunte artifice ipsiusq; actione etiamnum permanet: at sanitas & homo sanus edit actiones sanas in seipso, nō in alio: quia nullum opus externum relinquit, sed habitum acquisitum actione confirmat. Sic prudentia non efficit felicitatem, vt medicus sanitatem, sed pro modo vt sanitas, actiones sanas: etenim dum recte & prudenter agit, se & alios felices reddit. Et actio viri prudentis est felicitas ipsa, quam ex accidenti sequitur tranquillitas.

quillitas vel in domo, vel republica, veluti
vmbra suum corpus. & hæc fuit opinio A-
ristot. sexto Ethic. capite 12 Sed inter actio-
nem sanam quæ ex habitu proficiscitur, &
actionem prudentis, id tantū interest, quod
illa quidem eius, qui ipsam efficit, perfectio
est: hæc & eius qui agit & alterius: quia pru-
dentia quandoque refertur ad alterum, &
spectatur ipsius actio in re familiari, aut re-
pub. quam cōsilio & recta rerum admini-
stratione conseruat, non tamen eo modo vt
medicus corpus humanum sanitate perfi-
cit, quæ habitus est illius qui recipit, & ali-
quod opus actionemque medici consequi-
tur. Felicitas habitus non est. sed tota in a-
ctione versatur, qua extincta extinguitur,
intercēteq; interimitur: Sed hoc loco que-
rat opportunè quis: Si prudentia, & habi-
tus omnis qui in actione cōsistit, nihil post
operationem relinquat, & in ipsa bona a-
ctione tanquā vltimo & extremo fine con-
quiescat, quomodo à scientiæ actione di-
stinguatur? siquidem & scientia præter cō-
templationem actumque intelligendi nil
molitur, sed ipsa contemplatio est finis sci-
entiæ. Illi hoc modo interroganti respōde-
rem: longe à se inuicē differre, actionem &
contemplationem. Nam quemadmodum

cognitionem sequitur actio, ita scientiam veritatis inuentio tantum: at prudentia, simpliciterque habitus actiui non solum quid utile & bonum intelligere cognoscereque, sed etiam eo ipso, intercedente actione, frui nituntur, ut id quod appetitus expetendum, & recta ratio agendum præceperit, consequantur. Ars verò & habitus illi, quorum finis est effectio & opus, neque contemplatione, neque actione sola continentur, sed opus aliquod efficiunt, quod cum diuersum ab actione sit, digito demonstrare, atque adeo intereunte actione relinquere possunt. Quare satis apparet, qua ratione actio sit finis prudentiæ, & quomodo à cōtemplatione effectioque sit distinguenda ac discernenda. Porro autem hæc actio viri prudentis, quæ ad custodiam felicitatis humanæ suscipitur, non est vniformis, sed varia & multiplex: ideoque distinguenda est, ut ipsius prudentiæ vis ac natura rectius intelligatur. Est, inquam, multiplex hæc actio: quia proprium viri prudentis est, non solum proposito fine recta ratione media ad bonum finē pertinentia inquirere, quidque agendum sit præscribere, sed etiam de iisdem bene consultare, rursusque quæ consulta atque deliberata fuere, ad propositum finem

finem perducere: demum quæ inuenta factaque fuere (siquidem aliqua emendatione indigeant) corrigere. Quæ tria officia, seu tres, ut alii volunt, prudentiæ partes ab Aristot. per *εὐβουλία*, *σωφροσύνη*, & *γνώμη*, nobis sexto Ethicorum ostenduntur. *Εὐβουλία* ergo, id est, bona consultatio, nihil aliud est, quam rectitudo quædam consilii seu consultationis, qua quis utilitatis ratione consequitur ut oportet, cum oportet, id quod oportet expetere hoc est, finem bonum vel simpliciter, vel secundum quid, cuius prudentia vera existimatio est. At *σωφροσύνη*, id est, intelligentia seu perspicacia, facultas quædam cogitationis est, diiudicandi ea quæ à nobis aguntur, quæque in nostra potestate sunt, à prudentia præcepta & excogitata. Et *γνώμη*, ut auctor est idem Aristot. quam sententiam nominavit, est æqui & boni viri iudicium rectum: cuius officium est rebus perceptis diiudicatisque nonnihil quandoque ex æquitate addere, & personarum, rerum, modorum atq; causarum habito delectu, omnia discernere ac determinare. Itaque prudentia, harum rerum omnium præceptrix est & magistra, propterea quod finem ultimum, suapte

natura experendū sibi proponit, actionesq; & media ad fruitionē propositi finis pertinentia & vtilia ostendit. Cui bona cōsultatio quasi adiutrix accedit. Hanc subsequitur perspicacia, quæ prudentiæ præcepta & inuenta percipit, perceptaq; rectè diiudicat. Demū succedit sententia, quæ non solum deliberata diiudicat, sed ea in melius quandoq; trāsfert, quæq; perperā cōsultata sunt, & reprehensionē incurrere possunt, corrigat & emendat. De his prudentiæ partib; multa mihi dicenda essent, si perfectā earum naturā vellem explicare: sed quia non arbitror pertinere ad nostrum institutum, plura de his dicere quæ ab Aristot. grauitè & copiosè sexio Ethic. sunt disputata, ea tantū attingenda duxi, quæ necessaria essent ad cognoscendam naturam prudentiæ.

Cognita natura & essentia prudentiæ, facile apparet qua ratione ipsa à cæteris animi habitibus tum vniuersis, tum singulis distinguatur. Ac primū quidem differt ab iis qui in intellectu cōtemplatiui positi sunt: quia prudentia diiudicat bona & vtilia humana quæ pro diuerso hominū genere, & dissimilibus vitæ institutis mutantur. Habitus contemplatiui considerant res quæ non opinione, sed natura constant, easque perpe-

perpetuas & æternas, quæ nunquam alterantur & mutantur. Vnde recte Aristot. 3. Ethic. inquit: τὰ δὲ καλὰ καὶ τὰ δίκαια πρὸς ὧν ἡ πολιτικὴ σκοπεῖται, τοιαύτως ἔχουσιν ὅσον καὶ πρὸς ἀνίω, ὥστε δοκεῖν νόμῳ μόνον εἶναι, φύσει ὅ, μὴ. Τοιαύτως δὲ ἵνα πρὸς ἀνίω ἔχουσιν καὶ τὰ ἀγαθὰ ὅσον πρὸς πολλῶς συμβαίνειν βλάβας ἀπὸ αὐτῶν. ἤδη γάρ πινυ ἀπὸ πόλεως ὅσον πλῆπν, ἔπεροι ὅ δὲ αἰδέεσθαι. hoc est: *Honesta autem iusta, de quibus civilis disciplina disputat, tantam differentiam, tantamque varietatem in se continent, ut lege seu institutione vel opinione, non natura esse videantur. In bonis etiam talem quandam dissimilitudinem inesse propterea patet, quod multi ex illis quæ bona existunt, damno afficiuntur: quippe cum non pauci extiterint, qui vel ob diuitias, vel ob fortitudinem fuerunt interfecti. Itaque multa apud nos iusta & honesta esse putantur, quæ apud alios & iniusta sunt, & grauissimis poenis ac suppliciis, qui talia agunt, puniuntur.*

A scientia quoque pari ratione distinguitur: quia scientiæ finis est cognitio; prudentiæ, actio. Deinde quæ sciuntur, sunt vniuersalia; quæ aguntur, particularia

& indiuidua: propterea prudentes consul-
tant de rebus particularibus. & scientes cō-
templantur vniuersalia. Ex quo loco sol-
uitur problema, quo quæritur, *cur pueri &
adolescentes scientia habitu pradii esse pos-
sint, prudentia vero non possint.* Quod ideo
accidit, quia prudentia tractat negocia in-
diuidua & particularia, in quibus locum
habet, & maximè valet experientia, quæ
non nisi multarum rerum peritia, & longo
tempore acquiritur; scientia resolutione
generis subiecti, & cognitione passionum
comparatur, quæ brevis est, & breui tem-
pore addisci potest. Pueri ergo nō possunt
esse prudentes, quia carent rerum experi-
entia, quæ longissimo tempore nobis inge-
neratur. Rursus, prudentia non est intelle-
ctus, quia hi duo habitus sunt rerum con-
trariarū & oppositarū; nam intellectus est
habitus primorum principiorum, & pru-
dentia rerum vltimarū, quæ in actione cer-
nuntur. Id tamen vtriq; cōmune est, quod
quemadmodū principiorū nulla reperitur
demonstratio, ita neq; actionū & rerū parti-
cularium, quarum est prudentia & intelle-
ctus. Sed principia idcirco non demon-
strantur, quia per se nota sunt, & ipsorum
cognitio melior est, quàm ea quæ per de-

mon-

mōstrationem habetur. At indiuiduarum demonstratio propterea esse nequit, quia deterioris sunt naturæ, quàm vt comprobari valeant. Iam verò eadem prudentia differt à sapientia, quia vincitur dignitate & præstantia, à sapientia: etenim sapientia contemplatur subiectum nobilius & excellentius & firmiori vtitur cognoscēdi ratione quàm prudētia: cōtemplatur enim substantias illas ab omni materia abstractas, Deum videlicet, & mentes cælestes. prudentia bona tantum humana confectatur, quæ deterioris naturæ sunt, quam illa. Et quemadmodum sapientiæ cognitio firma est & immobilis & certa, ita prudentiæ peritia instabilis est & incerta, perpetuoque mutatur alteraturque. Præterea multa sunt & varia prudentiæ genera, propter diuersa bona & contrarios fines, qui ab omni animantium genere diuersimodè expectuntur; Sapientia vna est, & eadem tantum; quia res quæ sapientiæ subiiciuntur, semper eodem modo eueniunt. Quinimo in eadem specie animalis, hominis videlicet, varietate quandoque hæc bona & vtilia, rectaque insuper ratio, vt nuper dixi, distinguuntur. Huc accedit, quòd prudentia diiudicat bona humana, de quibus

homines solent consultare & deliberare; sapientia, diuina, quæ Aristoteles *Σαπφονία* appellat. Cuius rei signum est, quod Anaxagoram & Thaletem sapientes, & non prudentes appellare consueuimus, propterea quod ignorant ea quæ sibi conducunt. Nam cum in cognitione eorum quæ hominum ingenia excedunt, occupati sint, commoda vitæ & vtilitates negligant, idcirco superuacua, & admiranda, & difficilia, & diuina cognoscere dicuntur. Superuacua, quia non conferunt ad commoditates & vsus vitæ: admiranda, quia excedunt communem hominum cognitionem: difficilia, propterea quod labore ac multo studio opus est, antequam ea quis percipere possit: diuina autem seu *Σαπφονία*, quia animum quasi à corpore, cui addictus est, cogitatione seducentes, cum diis versari videntur, eorumque naturas animo perlustrare atque intueri. Hæc autem sunt supra hominem, & non pertinent ad naturam prudentiæ. Præterea finis sapientiæ cognitio est & contemplatio: prudentiæ, consultatio, deliberatio, & actio ipsa. Denique prudentia, ratione & experientia nititur, quia est habitus actiuus:

quin-

quinimo experientia primas partes sibi vēdicat in viro prudente: quoniam (vt inquit Aristot.) experientia plus valet in actione rerum, quàm ratio. Sapientia in sola cogitatione cernitur, quæ experientia vel nunquam, vel certe raro indiga est. Porro autem prudentia, neque opinio esse potest: quia qui opinatur, nil agit; sed qui prudens est, agit quidpiam. Et opinio vera vel falsa dicitur; actio prudentiæ, bona vel mala. Rursus prudentia suapte vi non decipitur, quia nititur recta ratione, quæ falli nequit: opinio sua sponte quandoque errat & labitur in comprehensione rerum. Sed fortasse quid quantumque à prioribus animi habitibus distet, iam est cognitu & perceptu facillimum; ab arte vero quomodo distinguenda sit, non ita cuius obuium & manifestum, quia ars & prudentia habent vicinam naturam, & sunt genere coniunctæ; quandoquidem referuntur ad consultationem, cuius antea partes esse statuimus. Verùm si quis ea omnia, quæ superiori loco à nobis disputata sunt, diligenter intuebitur, magnum profecto horum habituum inueniet discriminē; etenim prudentia, est rerum agendarum; ars, efficiendarum. Et quemadmodum prudentiæ fi-

nis est ipsa actio bona; ita artis, opus. Præterea prudentia est virtus, ars virtus non est; nam prudentiam, & viros prudentes laudamus, imperitiam & imperitos vituperamus. Atqui laus propria virtutis est, quemadmodum honos, artis & scientiæ. Deinde, artis virtus esse potest, prudentiæ virtus esse nequit; quia virtutis virtus non reperitur. Virtus autem artis seu artificis est, artificiose & prudenter in rebus efficiendis versari, & quasi providere, ne quandoque in actione, vel negligentia, vel vitio rerum, peccet. At vir prudens non peccat, sed sequitur rectam agendi rationem, cuius virtus alia esse non potest. Iam vero qui in arte peccat, maiori venia dignus esse iudicatur, quam qui prudentiæ & cæterarum virtutum habitu præditus, data opera fallitur erratve. Denique omnes animi habitus obliuioni tradere possumus, prudentiæ non possumus; quia & artes & scientiæ vel longo temporis interuallo, vel febre cæterisque morbis (ut de quibusdam traditum est) extinguuntur, planeque in homine aboleri. Huc accedit, quod ex cæteris habitibus non semper operamur, ex prudentia perpetuo agimus; quoniam prudentia iuncta est cum appetitu, qui cum ab homine sciungi non

non possit, semper ab ea dirigitur in bonū: appetitus enim semper agit in homine, qui ut recta & vtilia expetat, indiget recta ratione, quæ modum & occasionem præscribat appetendi bona, & fugiendi mala. Quapropter cum homo extra tempus, extraq; ipsū bonū, itemq; sine actione & affectu, in hoc vitæ spacio, quibus omnibus prudentia diiudicatur, esse nequeat, certè necessarium est ut semper homo aliquid agat, ex qua perenni actione semper augetur, minimeq; extinguatur habitus prudentiæ: quia obliuionis causa, oritur ex intermissione actionū, ut in Ethicis scripsit Aristot. Atq; hæc quidem sunt, quæ de natura horum quinque habituum dicenda esse existimaui, ut ex eorum cognitione, ad quem Iuris prudentia referenda esset, facile cuique innotesceret. Etenim hanc ego ex sententia, veterum philosophorum, vniuscuiusque propositæ questionis veram dissolutionem semper esse iudicaui, in qua natura & vis termini prædicti & subiecti, cōmentatione quadam explicaretur: ea enim cognita, facile intel-

ligi potest quid cuiq; rei insit,
aut non insit,

CAPVT XL.

Iurisprudentiam non esse habitum cognoscendi aut efficiendi, sed agendi, & prudentia partem.

Cognita natura omnium animi habituum, reliquum est ut eodem ordine, eademque via inquiramus ad quem Iurisprudentia commode reducatur quod quidem neque inuentu, neque factu est difficile. Iurisprudentia igitur aut ad cognitionem, aut actionem pertinere necesse est. Sub cognitione, opinionem quoque comprehendere volo. Sed ad cognitionem referri nequit: quia Iurisprudencie finis non est cognitio, seu contemplatio, sed potius quedam actio, quae posita est in deliberando & consulando. Atqui cognitio nihil aliud est quam separatio, & discretio veri à falso: Iurisprudentia non distinguit verum à falso, sed bonum à malo, iustum ab iniusto. Deinde, qui quidpiam cognoscit, id sibi cognoscit; at qui consulit, & sibi & aliis videtur consulando consulendoque prodesse. Rursus, iustitia non est cognitio & scientia, ut Socrates opinatur; at Iurisprudentia est habitus iustitiae, iustitiae inquam politicae, quam Iureconsultus nititur conservare atque custodire.

studire. Huc accedit quod officium scientis
 & cognoscentis sit, rerum naturas atq; pro-
 prietates per suas causas comprehendere ac
 contemplari. Iuris peritus non tantum con-
 templatur iusti & iniusti naturā, sed ad o-
 nē in Repub. tuetur ac defendit, id quod v-
 tile esse recta ratione cognouerit. Iam vero
 si est habitus cognoscendi, erit scientia, aut
 intellectus, aut sapientia, aut opinio. Sed
 scientia esse non potest; quia scientia versa-
 tur circa res quæ natura constant, æternas
 atq; perpetuas: Iuris prudentia circa contin-
 gentes corruptioni generationique quæ in
 nostra potestate sitæ sunt, obnoxias. Neque
 intellectus, propterea quod intellectus est
 habitus percipiendi prima rerum quæ ad de-
 monstrationem referuntur, principia: Iuris-
 prudentia est rerum vltimarum, ipsarumq;
 actionum quæ sensu, non ratione & intelli-
 gentia percipiuntur. Quod si neq; scientia
 est neq; intellectus, multo minus sapientia
 esse poterit: quia sapientia est habitus ex sci-
 entia & intellectu compositus. Sed à quo
 remouentur partes, ab eodem quoq; remo-
 uetur totum. Iuris prudentia ergo sapientia
 esse nequit. Neq; etiam opinio, quia opinio
 est rerum earum quæ tū à natura, tū earum
 quæ à nobis efficiuntur, itemque earum

112 PRINCIPIOR. IVRIS

quæ sunt, vel non sunt: atqui Iurisprudencia nō est habitus percipiendi illa quæ à natura fiunt, sed diiudicandi actiones quæ ab hominibus proficiuntur. Ex his patet Iurisprudentiam non esse habitum cognoscendi, sed consultandi atque deliberandi. Porro autem consultamus, aut de opere efficiendo, aut agendo tantum. Si de opere efficiendo consultamus, ars est: si de agendo, prudentia. Iurisprudencia igitur aut ars est, aut prudentia. Sed ars esse non potest principio, quia nomen huius disciplinæ non indicat esse artem, sed prudentiam quandam iuris & iustitiæ: quia videtur esse quædam custodia & conseruatio iustitiæ: atqui iustitia conseruatur recta ratione, quemadmodum & reliquæ, tum per se, tum ad alterum relatæ virtutes. Recta ratio nil aliud est quàm prudentia, cuius partem Iurisprudentiam esse necesse est. Rursus, non efficit aliquod opus, sed agit tantum, quia eius finis, est actio bona: quoniam actione discernit æquū ab iniquo, licitum ab illicito: tuetur totius reipub. incolumitatem tranquillitatemq; conseruat ciuium concordiam, eaq; omnia facit, quæ bonæ actionis nomine continentur. Nam vt quælibet ars habet proprium & particularem aliquem finem, cuius gratia

quip-

quippiam efficit: & propriam materiã, circa quam efficiendo expoliendoq; versatur, veluti sutoria circa corium, ex quo calceos: statuaria circa lapides, ex quibus statuas, & ædificandi ars circa ligna, ex quib. domum (quæ vel ad voluptatem, vel ad corporis tutelam omnia pertinent) efficit: ita Iureconsultus non voluptates, non priuatas corporis aut fortunę, sed totius adeo humanæ societatis bona consecratur: quia versatur in civili societate, in qua felicitatē, cuius gratia omnis societas constituta est, nititur cōseruare custodireq;. Eadem faciunt legislatores, qui de omnibus quæ Rempub. continent, leges sanciant: quia Iureconsulti & legislatores, vt suo loco manifestius ostendam, eadem tractant: tractant, inquam, actiones iustas & iniustas, legitimas atq; illegitimas, quibus vel præmia & honores, vel pœnas & supplicia decernunt. Sed hoc interest, quod Iureconsultus à legislatore præcepta, diligenti prudentiq; interpretatione explicat, quæq; ab eodem propter temporis & casuum perpetuam varietatem omissa sunt, ex similibus iisdemq; casibus adiungit, mentemq; adeo legislatoris ipsarumq; legum perspicuè aperit. Iam vero non tantum materia & sine ars à Iurisprudencia di-

stinguitur, sed etiam tota natura ac definitione: quia ars est habitus recta ratione efficiendi opus, hoc est, addendi & auferendi & transmutandi materiam. Iurisprudentia nihil mutat, nil addit adimitve materię in qua versatur. quia actio est res carens materia; atque ob id, est iusti & iniusti, boni & æqui, quod in actionibus cernitur, separatio atque diiudicatio: quoniam non sat est Iureconsulto quid æquum aut iniquum, licitum vel illicitum sit cognoscere, sed eo ipso actione frui. Tuetur ergo Iureconsultus iustitiam politicam, virtutū omnium præstantissimam ac nobilissimam, quę suo ambitu cæteras omnes continet complectiturque: nam hæc iustitia est finis & scopus Iureconsulti, quem cū assequitur, ab omni actione quiescit; quia fruitur proprio bono, quod antea expetebat; & præter hanc actionem nil, ut quidam arbitrati sunt, relinquitur. Etenim si quis contendat tranquillitatem Reipublicę (quę opus aliquod esse videtur, & similis esse sanitati, quę à medico corpori humano inducitur) post actionem Iurisconsulti etiamnum permanere ac relinqui, illi responderem, tranquillitatem Reipub. comitari actionem Iureconsulti, nō per se, sed ex accidenti, veluti ymbra conse-

qui-

quitur corpus, & felicitatem voluptas; nam primo & per se expetitur à Iureconsulto iustitia, quam sequitur tranquillitas, ut ali- quod accidens.

CAPVT XI.

*Conciliatio veterum Iurisconsulto-
rum super Iurispruden-
tia genere.*

EX his manifeste patere arbitror, Iurispru- dentiam non esse artem aut scientiam, sed virtutem potius, & prudentiæ partem; quod cum veteres Iureconsulti animaduertissent, hanc disciplinam nonnunquam artem, interdum scientiam nuncuparunt, artis & scientiæ nomen latius nuncupantes: ut hac ratione planè indicarent, Iurisprudē- tiam neq; ad artem propriè, neque ad scientiam reduci posse; & proinde tum artem, tum scientiam pro habitu quodam animi, multis præceptionibus, iisque ad vitæ commoditates, utilibus, & ad vnum aliquem finem tendentibus, constantem, recta ratione actiuum, conceperunt. Ex quo id li- quido constat, grauissimè eos errare, qui Iurisprudentiam ad artem aut scientiā propriè conceptam, referre conantur, cum quid

PRINCIPIOR. IVRIS

ars aut sciētia sit. vel omnino nō intelligāt,
vel non rectē quid sentiant, explicent: nisi
fortē artis vocē pro ordine ac methodo do-
cendi utantur, quod etiam nos hēter con-
cedimus: siquidem existimamus hanc di-
sciplinam non minus quā ceteras artes,
ordine ac methodo conscribi atque doceri
posse. Hanc ego arbitror esse veram Iurē
sultorum ac philosophorum de natura Iu-
risprudentiæ sententiam, ipsique adeo ve-
ritati rerum consentaneam: est enim per-
spicua & facilis, denique doctissimorum vi-
rorum iudicio & autoritate comprobata.

Verum hæc res multo apertius intelligen-
tur, si id quod secundo loco pro-
positum erat, expli-
cabitur.

PRIN.



PRINCIPIORVM IURIS LIBER II.

CAPVT I.

*De duabus prudentia partibus, pri-
uata & communi.*



VM in priori libro breuiter ex-
positum sit, qua ratione Iuris-
prudentia ad naturam pruden-
tiæ referatur, itemq; quid sit
ars, quid scientia, quidq; sapientia & intel-
lectus, denique quid opinio & consultatio;
ordo deinceps postulare videtur, vt id quod
secundo loco propositum erat, eadem me-
thodo explicemus, atque adeo ad quã pru-
dentia partem ipsa pertineat, scientifice o-
stendamus. Etenim cum non simplex sit &
vniformis, sed multiplex & varia prudentie
natura, distinguenda ea est, atq; in sua quasi
membra partienda, vt cognitis iis, facile id
quod quæritur, possit intelligi. Nam quem-
admodum non satis est Physiologo, cogno-
scere quod homo animal sit, aut corpus: &

118 PRINCIPIOR. IVRIS

medico, quod febris sit affectio præter naturam, aut morbus ex intemperie; sed etiã, quale animal sit, hoc est, quod rationis particeps. eiusdemve expertus; aut morbus ex intemperie humida, vel calida, vel frigida, vel sicca scire omnino est necessarium; ita futuro Iurisconsulto non multum utile erit intelligere, Iurisprudentiã, prudẽtiam esse, nisi qualis ea sit, & ad quam prudentiẽ partem referatur, diligentissime percipiat atq; cognoscat. Quandoquidẽ perfecta vniuscuiusq; rei scientia, ea demum esse iudicatur, quæ ad infimas vsq; species, ipsaq; indiuidua & particularia, cognitione progreditur, vti diuinus noster Plato, artifices ab vltiori inuestigatione iubebat cõquiescere; indiuidua enim infinita sunt, & infiniti nulla potest esse comprehensio. Prudentia igitur (vt auctor est Aristot. 6. Ethic. capite octauo) alia est absoluta, alia *ῥητική*, seu relata. Absoluta est, quæ ad vnum tantum, & ad priuatum hominem pertinet; relata, quæ ad plures, non ad seipsum refertur. Absoluta, breuioris doctrinæ gratia, priuata nunc à nobis; relata, communis dicatur. Dicitur autem prudentia priuata, illa quæ cuiq; priuato homini, bona malave, vtilia & inutilia, cõmoda & incõmoda vitæ, cognoscẽdi, diu-

diudicandi, adipiscendi fugiendiq; viam
commonstrat; vnde virtus quædam animi
absoluta, minimeq; ad alterū relata appella-
tur; hoc est (vt significantius dicam) in so-
cietate non spectatur, sed intra hominis ani-
mū absolutius, quia regit moderaturq; in-
feriores animæ vires, iram videlicet atq; cu-
piditatem; quæ si rectæ rationi obediunt,
propriæ, vt sæpe antea dixi, fortiuntur per-
fectiones, hæc quidem temperantiam, illa
fortitudinem. contra quas distinguitur hæc
virtus prudentia, estque earum princeps ac
moderatrix; quandoquidem præscribit re-
ctæ agendi ordinē. ostenditq; quid, quomo-
do & quantum & quo loco, & quo denique
tempore sint appetenda bona, & declinan-
da mala; ex qua obedientia, vnio seu con-
sensus & harmonia quædam, harum trium
animæ partium gignitur, quæ *iustitia* nun-
cupatur; nō illa, quæ ad alterū refertur, atq;
in societate cernitur, sed quæ hominis & a-
nimæ est propria. Hęc igitur prudentiæ spe-
cies omnib. hominib. (naturaliter tamē af-
fectis) tributa est à natura, vel saltem ipsius
quædam particula; quādoquidē homo na-
tura sua, est animal sagax, prouidū, plenum
rationis & consilii, quo se, vitam corpusque
tuetur, declinatq; ea quæ nocitura videntur,

omniaq; ea preparat (vt Tullii verbis utar)
quæ ad bene beateq; viuendum sunt neces-
saria. Hanc ob causam Iamblichus antiquis-
simus philosophiæ magister, prudentiam
oculum mentis & animæ appellauit, propter
similitudinem quandam, quam cum cor-
poreis oculis obtinet. Etenim vt oculi cor-
poris ppter ea à natura homini donati sunt,
partim vt variarum rerū aspectu, scientiam
earum quæ cæteris sensibus percipi neque-
unt sibi comparet, partim vt ea quæ corpo-
ri noxia aut vtilia sint, diligenti ac prouida
adhibita animaduersione inspectioneque,
rationi hoc terrenum domicilium inhabi-
tanti significet, ac plane denunciet: ita pru-
dentia cæteris omnibus animæ eiusq; par-
tium virtutibus non vitur tantum, sed &
ordinem ipsis, modum occasionemq; recte
quidpiam agendi efficiendive commōstrat.
Est ergo hæc prudētia, vt nuper dixi, virtus
quædam absoluta, quæ in animo tantum
hominis cernitur, nec cum vlla adiectione
spectatur. Altera vero prudentiæ pars, quæ
ad plures refertur, ipsa quoque *prudētia &
virtus* appellatur, sed non simpliciter, & ab-
solute, sed eorum respectu ad quos refertur,
quorumque commodis ac vtilitatib. seruit:
quoniam non in homine, sed omnino in
socie-

societate quadam hominum inter se cernitur, quam necessariorum rerum, earumque quæ ad vitæ commoditatem, societatis conseruationem iucunditatemq; ad facultates rerum atq; copias, ad opes, ad potentiâ, quibus & se & alios iuuare possint, vtilia sunt, præparatione inuestigationeq; conseruare atq; custodire nititur. Neq; tamen re & subiecto (vt verbis Aristot. vtat) à priori differt, sed ratione & habitudine tantû & materia in qua versatur. Etenim vtriusque virtutis idem planè & simile est officium, idem finis, eademq; penitus forma. Officiû, quia vtriusq; est rectè consultare de rebus, easque diiudicare, atq; facta dictave emendatione indigentia, corrigere & emendare. Finis, quia vtraq; id quod homini optimum & vtilissimum in actione esse perspexerit, ratiocinando coniectari approbareq; solet. Forma quoq; non distinguuntur hæ virtutes, propterea quod vtraq; recta ratione, tâquam fundamento proprio nititur: quinimò recta ratio est eorum essentia & substantia. Differunt tamen ratione, & rebus subiectis, & propterea sunt habitus diuersi. Nam qui per se prudens est, propria suaq; commoda & incommoda expendit; at prudens ex adiunctione, aliena, & ad societatem aliquam

pertinentia. Quandoquidem perinde se habet prudentia ex adiunctione, ad simplicem & absolutam, ac tota virtus, ad iustitiam illam legitimam: est enim utraq; (vt autor est Aristot.) re eadem, ratione autē diuersa: nā vt ad alium refertur, iustitia dicitur; vt vero habitus est animi perfectus, & quidā cōsensus omnium animi virtutū, simpliciter tota *virtus* appellatur. Simili rationis modo, felicitas vnius hominis, & societatis alicuius, 1. Ethic. eadē esse dicebatur, propterea quod vtriusq; finis est idem, bona videlicet actio, & secundum virtutē: at hec plurib. cōmunis est, illa vnius tantum propria. Et propterea prudentia cōmunis videtur esse præstantior atq; nobilior quā priuata, quia plurib. vtilitatem affert, etenim bonū quo cōmunius est, eo præstātius quoq; est. Neq; vero hoc loco audienda est sententia vulgi, ab Euripide in Philoctete recitata, quæ profitetur illā solūmodo verā esse, & proprie dici posse prudentiā, quæ & priuata est. & in animo tātum cernitur: alteram illā, in societate spectatam, aut *πολυπραγμοσύνη* esse, aut *φιλοπραγμοσύνη*: videtur enim communis prudentia, ea quæ alterius sunt, quæq; ad se nō pertinent, quærere: quod sane proprium est hominis curiosi; curiositas enim semiuiriis.

ab omnib. scriptoribus, atq; id quidē rectē,
adscribitur. Nam præterquam quod falsa &
erronea est hæc curiositatis descriptio, etiam
reprehensione non vacat id quod inquit, a-
lienæ tantum utilitati studere ex adiunctio-
ne verum prudentem. Est autem *Curiositas*,
seu, ut Gellius vertit, *multarū rerū aggressio*,
teste Plutarcho, φιλομαθεία ἀλλοτρίων κα-
χῶν, id est, *studium cognoscendi aliena mala*,
& aliena quidem priuata. At enim prudens
ex adiunctione, quiq; societatem custodire
conseruareq; nititur, primum pridē ea quæ
publica sunt, quæq; ad communem utilita-
tem cōmoditatemq; referuntur, expendit,
atq; de iis consultat: quādoquidem tuetur
Rempub. aut familiam bonis consiliis, re-
cta q; administratione pœnarū ac præmio-
rum. Deinde etiā de priuatis aliquousq; re-
bus deliberat: quia quod publicē omnib. bo-
num est & vtile, id etiā ipsi, velut societatis
vniuersæ parti, vtile esse necesse est. Quare
iure optimo reprehendit Aristot. hanc vulgi
opinionem, vtriq; ex æquo prudentiæ nomē
competere, exactissimē demonstrans: quin-
imo Politicam illi (vt nuper dixi) & ciuilem
longe esse præstantiorem priuata. Iam vero
altera sine altera esse non potest, propterea

quod homo suapte natura genitus, & in lucem editus est ad colendam societatem, sine qua vel omnino non viuere, vel certe cōmodè viuere nequit: quandoquidem vt a libi scribit Arist. citra societatem viuere aut omnino diuinū sit, supraq; hominis naturam: aut certè feritatis & agrestis cuiusdam inhumanitatis indicium, quodve in bruta quidem animātia cadat; quippe quæ si perpetua societate priuentur, aut temporis ac solitudinis tædio citius consumantur, aut certè infelicissime viuant. Ex quo efficitur, vt absolutè quis prudēs esse, actionesq; prudentiæ exercere nequeat, nisi vel in domo seu familia, vel in ciuili societate id faciat: ita quidē vt neq; priuata sine cōmuni, nec communis sine priuata cōmode consistat. Præterea qua ratione quis de proprio bono rectè iudicabit, nisi illud cum publica vtilitate coniūctum intellexerit? quod vt intelligat, vniuersali sanè huic prudentia opus est. Deniq; prudentia, sine longa eorum quæ vidi-
mus, quæq; audiuius, experientia cōparari nequit; & experientia sine societate nō acquiritur: quare alteram alteri coniūctā esse necesse est, itaq; copulatā, vt à se inuicem auelli non valeant. Hinc soluitur problema propositū ab Aristot. ipsiusq; interpretibus:

CUR

Cur cum pueri & iuuenes non sint prudentes, sapientes tamen arithmetica, mathematicarum peritissimi alii qui habeantur? quæ disciplinæ omnes, etsi non minorem ingenii ac mentis exercitationem requirant quam prudentia, facilius tamen ac citius à pueris percipiuntur. Et ratio in pròptu est: quia prudentia sine experientia acquiri nequit, quæ non cadit in pueros: etenim ea opus habet longissimo tempore, liberoque à perturbationibus animo, pueri verò cum non diu vixerint, etiam animum variis cupiditatum ac libidinum motibus irretitum implicatumque obtinent, itaque prudentes esse non possunt. Verum hæc quæstio etiam superiori loco proposita est ac dissoluta.

CAPUT II.

De speciebus prudentia communis.

QUæ igitur prudentia sit communis, quæque priuata, iam satis perspicue apparet. Restat autem querendum, quotuplex rursus utraque sit; constat enim non simplicem earum esse naturam, sed omnino compositam atque diuiduam. Sed priuata in alias amplius partes seu species non diuiditur, sed in sua indiuidua tantum; communis verò multiplicem patitur partitionem, maxime ex earum rerum differentia ad quas

126 PRINCIPIOR. IVRIS
refertur, & quib. in reb. sese, suūq; officiū ex-
ercet. Refertur aut̃ tum ad familiā, tum ad
ciuitatē & Rempub. propterea quod vel fa-
miliæ vel ciuitatis curā gerit, earumq; com-
moditates vtilitatesq; cōsecratur. Prior *œco-
nomica*, posterior *civilis prudentia* appellatur.

CAPVT III.

De prudentia œconomica.

FAMILIARIS igitur rei & œconomica pru-
dentia est, quæ in re familiari ac dome-
sticis negotiis cernitur, in administratione
familiæ, ipsiusq; partium mutua quadā &
concordi societate inter se conspirantiū vti-
litate[m] versans. Etenim domus, & familia
vniuersa, ex multis componitur partibus,
quarum vnaquæq; propriam (siquidē rectē
& secundum naturā omnia administrētur)
fortitur perfectionē; quam primo ac per se
contēplari, ipsaq; actione frui, nititur prudēs
ac diligens familiæ gubernator. Componi-
tur autem primaria quidē ratione domus,
ex duabus, iisq; minimis ac simplicissimis
partibus, possessore & possessione, quemad-
modum & reliquæ omnes societates, quæ
interea cōsistunt, dum quodā imperio, cer-
taq; quadam administratione coercentur
con-

conseruanturq; Sed .n. vt proprium possessoris officium est, rectè & vtiliter imperare, iubere, mādaraq; ac præcepta præscribere: ita rei possessæ est parère, ac mādatis fideliter obsequi: quæ quidē administratio propriè imperium *δ.σ πολικόν*, seu *herile*, quo dominus seruo imperat, nuncupatur, & à ciuili (quod *πολικόν* appellāt) distinguitur. Possessor autē est dominus, vxor, liberi; sed non eadē ratione: nam alio modo parentes, alio liberi imperant, quinimò liberi parentibus quoq; subditi sunt, & quasi medium locum inter possessorem remq; possessam sibi vendicant, quippe cum partim pareant, & partim imperent: pareant, inquā, parentibus, imperent autem seruis & rei possessæ, & (vt Imperator ait) *uiuo quoq; patre quodammodo domini existimantur*. Sed tamen non eodem modo suis parētib. subduntur, quo serui suis dominis: quādoquidē imperium dominorum in seruos, herile, parentum in liberos, ciuile & *πολικόν*, aut certe regiū appellatur. Et quēadmodum in priori, domini tantum commoditates vtilitatesq; queruntur, ita in hoc non tā parentib. quam liberis prospicitur: quicquid .n. parētes laboris ac negotii suscipiūt, quicquid agūt, & sui &

liberorum gratia suscipere agereque existimantur. Quemadmodum igitur inter eos qui imperant, magnū inuenitur discrimen, ita quoq; inter ea quę parēt, nō exiguę sunt diuersitates ac differentię; quandoquidē res possessa, aut est animata, aut inanimis. *Inanimis*, mobilis vel immobilis; *animata*, aut brutū, aut ratione præditum animal, vt seruus. Itaq; prudentia œconomica seu rei familiaris administrandę ratio, naturā harum partiū cōtemplanti, facile inuestigari ac intelligi poterit, si quidē duos vniuersales ante oculos sibi quis figat scopos; alterum, vt exactissimē cognoscere, quā habitudine atq; relatione, hę familię vniuersę partes, ad sese mutuō sint affectę; alterū, vt actiones cuiusq; partis, ad quas à natura quælibet facta est, diligentissimē inquirere cōtendat: quas certē omnes, ex propriis instrumentis & naturalib. organis, facilē ac sine labore adinueniet. Etenim ex his duob. fontibus, non solum vniuersa domus administrandę ratio, sed etiā tota Iuris ciuilis legumq; peritiā depromi potest. Neq; tamen hoc loco existimandū est, prudentiam œconomicā, solius domini propriam, cæterasq; familię parres, omni recta & secundum rationē agendi videsitutas esse ac planē orbatas; sed maximē

cam

eam ad dominū tanquam architectū, & totius huius societatis moderatōrē ac principem primo ac per se, cuius ex nutu cætera omnia dependeant, pertinere. Quādoquidē vniuscuiusq; partis, propria & peculiaris est virtus, & ppria ad obeundū opus suū, recta, à natura vel institutione cuiq; agendi concessa ratio. Itaq; prudentiæ rei familiaris vis primò omnium spectatur inter virū & vxorē, hæc .n. prima & maximè secundū naturā est societas; siquidem commune animantium omnium est, coniūctionis appetitus, procreandi causa, ac simile sibi producendi, per qd̄ quasi perpetuo viuere expetunt, quod sine maris & foeminæ cōmixtione fieri non potest; vt non tantū secundū naturā, sed necessaria quoq; sit huiusmodi cōiunctio. Verū inter marem & foeminā hoc maxime interest, quod mas veluti caput est ac princeps foeminę, quemadmodū & totius societatis, atq; idcirco nobilioris præstantiorisq; originis, & ad cōmoditates vtilitatesq; vitę perspicendas aptissimus, maximèq; idoneus. Quē sequitur mulier vt. *arippoms*, vt Aspasia apud Xenophontem inquit. Maris ergo & foeminæ officia, autoritas, rectaq; regendæ & administrandæ familię ratio, primum quidem à facultatib. naturalib. cuiq; à na-

130 PRINCIPIOR. IVRIS

tura cōcessis (vt antea dixi) petēda sunt. Finxit. n. natura hominē, vt bene cōstituta domo, non tam stabilitate ac ædificii firmitate sed & cœli tēperie, opportunaq; habitātium commoditate prouisa, iisq; quæ tum ad cōseruationē vitæ, tum ad incōmodorum quę extrinsecus quandoq; accidere solēt, defensionē pertinent, præparatis ac diligenter cōstitutis omnib. principio sui propagationē, vt perpetuo viuere possit appetat, hunc quidem in alio, illam vero ex alio; quam quidē sobolis propagationem, studiumq; cōiunctionis huius etsi cum cæteris omnib. animantib. habeat cōmune, tamen multa in his ipsis inueniūtur discrimina: quādoquidem vt alia lōgius ab immanitate & feritate absunt, eo prudentia quoq; magis participant. Quædam enim sine vllo discrimine aut habito delectu cocunt, instinctu tātum naturæ ad hoc incitante; veluti quæ animalia efferaiora sunt; quædam etiam societatis & mutui auxilii gratia sibi coniungūtur, vt mutua ope & custodia sese adiuent atq; tueātur: quod in cicuribus & prudentiorib. bestiis licet intueri, vt formicis & apibus, quę futuri memores, cibum colligunt, suisque oculis inferunt & recondunt, recōditas opportuno tempori reseruāt. Verum in homine

mine excellentius atq; diuinius id apparet, utpote qui non propugnationis tantū causa explendiq; desiderii gratia societatem hanc naturā expetat, sed etiā ut cōmodē & tuto, minori; cum molestia vitā transigat, & ut Aristot. inquit, *ἢ εὖ ἔστι συνέργει ἀλλήλους ἦ*. Bene igitur viuere, consequētia cernere, futura non ignorare, faciliē totius vitæ cursum videre, ad eamq; degendā præparare res necessarias, solius hominis, quo à brutis differt proprium est. Cōmoda aut huius vitæ tum in animi, tum in corporis, tum etiam in fortunæ bonis posita sunt; quæ certe omnia ad perfectam absolutamq; requiruntur societatem. Sed animi bona ut præstantiora sunt cæteris, ita à diis immortalib. petuntur: unde recte viri prudentes & œconomi, de diis immortalib. leges initio sibi constituendas, & pro quotidianis muneribus ac beneficiis, quibus homines ab iisdem afficiuntur, debitam gratiam referendam. ad hæc victimas & sacrificia, qualia illi à nobis requirunt, piē offerenda arbitrantur. Enimvero inter corporis & fortunæ bona, illud sanè præcipuū est, ut in cōiunctione & societate hæc talē uxorem quisq; sibi deligat, quæ ad virtutis vsum perducī, bonisq; moribus imbui possit. Maximaverò ea q̄ in mulierib. requiritur tem-

perantia: cuius pedissequa solet esse *pudicitia* & *modestia*. Rectè enim Hesiod⁹ inquit, Παρθενικὴν ὅ γαμεῖν, ἵνα ἡθεα κιδιὰ διδάξης. Diuersitas nanq; morum, nequaquam ad societatem apta est. Eadem Aristot. libr. 1. Oeconom. confirmat, dicens: ὥστε δέοι αὖτε παῖδας πῶς ἔγωγε γυναικὸς ὁμιλίας οἰκονομήσας καλῶς. πῶς δὲ ὅτι πὸ, πῶτα ἵνα δεῖ ταύτην εἶναι ὡς σκευάσαι. id est: *Quare oportet ea quæ ad conuersationem & societatem uxoris pertinent rectè disposuisse, hoc est, prouidisse ut talis sit, qualis esse debeat.* Imbuuntur autē his rebus fœminæ, partim admonitione & precibus, partim bonis consuetudinib. interdū etiam correctione seu eriori, aut etiam tolerantia & humanitate quadā, præcipuè illæ, quæ nō natura aut volūtate in vitia proclives sunt, sed casu animiq; perturbatione, sui oblitæ officii, peccant. Proximū ab his est, vt opera & munera cuiq; obeūda, in quasdam veluti classes ordine distribuantur, quidque faciendum cuiq; sit, præscribatur. vt & vir & fœmina ex æquo in studium & curam rei familiaris summo studio nitantur: quod Xenophon pulchrè in Aspasia nobis scriptum reliquit. Ipse quidem vir sedulo omnia quæ ad vitæ cōseruationem, cōmoditatem,

tem, vtilitatemque necessaria sunt, acquirat; illa vero labore parata & acquisita, rectè dispense. Ad quæ officia rerum patens Natura vtriusque tum animi, tum quoque corpus finxisse formasseque videtur; alteri enim corpus durum, robustum, patiens frigoris atque laboris, ad ea quæ foris essent obcunda; alteri molle, infirmum ac debile, ad ea quæ domi agenda, concessit. Animus quoque alterius ita affectus est, ut domi malit esse: alterius, ut foris. Itaque ex his omnibus facillè quis intelligere poterit, quænam sit natura & vis prudentiæ rei familiaris, quæ in prima hac, viri nimirum & vxoris societate, cernitur. Altera verò societas, & secunda prudentiæ pars in liberis consistit; ex quorum diuersa ad parentes habitudine, diuersa quoque prudentiæ documenta oriuntur: horum enim alia ad parentes, alia ad liberos spectant. Parentes educationem & institutionem liberis ceteraque necessaria vitæ præsidia debent: qui spectant in eos solos, neque aliud vllū possunt habere profugium. Liberi parentibus, quorum beneficiis maximè obligati sunt, officium, animique gratitudinem. Nam (ut Aristoteles inquit) parentes, valentes adhuc animo & corpore, imbecillos suo la-

bore atque industria fouere debent, vt mox imbecilli ob senium facti, ac laboribus fracti. eadem à filiis expectent. Instituuntur autem liberi. totaq; insuper familia, tribus potissimum rebus: rationibus, legibus, cōsuetudinibus & exemplis. Rationes enim & cohortationes, consilia & sermones, docent, induntque desiderium, ac iuuentutē ad virtutē incitant. Leges partim metu deterrentes, eos à vitiis coërcent; partim honoribus & præmiis allicientes, inuitant. Consuetudines autem & studia & exempla, animum formant & accendunt ad officium, ad æmulationem rerum honestarum, de qua Hesiodus præclare loquitur: denique ad actiones omnium virtutum. Quæ quidem omnia in honesto, vtili & iusto cōuenire decet, aut saltem duobus, ita tamen, vt primum locum occupet honestas, alterum iustitia, tertium utilitas. Huius ergo societatis præcepta vniuersa, cū pro naturalium facultatum ratione & modo, tum pro diuersa ad se mutuo habitudine, traduntur. Vltima ac postrema societas est, quæ ad rem possessam pertinet, quæ quia tantum parer (est enim omnino alterius, possessoris nimirum) idcirco ex alterius præscripto viuit, nulla vel sane exigua
pruden-

prudētię particula indigens. Inanimata enim res, & muta possessio, quia ratione & mente vacat: itemq; animata, sed quę ratione caret, brutorumq; est animantium, nullis omnino prudētię p̄ceptis reguntur; soli serui, maximeq; hi qui nō laborib. sed curandę familię destinati sunt quadātenus eius munere, vt Aristot. primo Politic. cap. 8. scribit, donantur, vt dominorum p̄cepta & iussa facilius capeſſant, ipſorumque voluntatibus libentius obtemperent. Porro autē animatę possessionis, ad bruta animantia pertinentis, varia reperiuntur discrimina; quędam enim sunt mansueta, quędam fera & agrestia; veluti quę in aquis, aëre & terra capiuntur. Mansueta tum ad vsum, tum ad fructum, tum ad vescendum accommodantur. vsum, vt ad vecturam, equi; venationem, canes; culturam terrę, boues. Fructum ea p̄bent, quę lac, lanam & pelles ad corpora vestiēda, reliqua; similia suppeditant, vt oues; quorum etiā animalium magna ex parte, victu & cibo vtimur. Inanimata quoq; possessio, non est vniformis & simplex, sed alia quidem secundum naturam, alia p̄ter naturam, alia medium locum obtinere cōspicitur. Quę p̄ter naturam est, ea

proprie ad acquisitionem nummorum, & nummulariam pertinet; quæ mercaturam, quam ἐμπορία, *emporiam*, quam κατήλια, *katēlia*, *saeviationem*, quam ἑκισμός, & *mercenariam*, quam μισθία, *Aristoteles* appellare solitus est, continet. Est autem maximè præter naturam, quia extenditur in infinitum: pecuniæ enim appetitio infinita res est, nullis conclusa terminis, minimeque omnium ad tuendam societatem idonea. Sed enim possessio illa omnium optima est, quæ naturalibus visibus succurrit, & ad comparisonem rerum in vita necessariarum, quibus omnis societas continetur, est idonea: talis autem est ipsa agricultura, illarumque rerum deinde quæstus, quæ ex terra proueniunt, ceu metallorum, ut auri & argenti fodiendi, & lapidicinæ, & sylvæ cædæ; quæ quanquam non omnino præter naturam sunt, tamen non ita humaniter fiunt, atque agricultura; cum in metallis fodiendis, terræ velut parenti, ac rerum omnium genitrici, afferantur manus, eius viscera fodiendo; in agricultura autem fodiat benignius, quippe cum iusta nec iniuriosa sit huiusmodi fossio, neque violenta, sed mitis & pia, quæ neque inhu-

mani-

maniter, neque ab inuitis extorqueatur. Huc accedit, quod natura omnis educatio à matre est: quare & hominib. à terra, quā terra hominum pecudumque parens & educatrix existat. Adde, quod plurimum prodest, tum ad robur & vires corporis, tū ad fortitudinem animi: quandoquidem & corpora robustiora facit per tolerantiam laboris, & animos reddit imperterritos firmosque aduersus imminetia atque impendentia belli pericula, propter exercitia perpetua tuendi ac defendēdi res proprias, quæ vt plurimum neq; munitionibus, neque propugnaculis coercentur, sed omnibus periculis, hostiumque irruptionibus sunt expositæ, cum cæteræ artes omnes nō ad viriles labores, sed muliebrem & effœminatam sedulitatem sint comparatæ. In harum ergo rerum curam, prudens paterfamilias non minimam suæ diligentia, industriae atque providentia vim collocare, iisque adhibere nititur, vt non solum quaratione hæc singula comparentur commodè, intelligat, sed etiam quomodo recte cōseruentur, cognoscat: denique vt singula rectè dispensentur, suisque vsibus accommodentur, studiose provideat. etenim nulla quærendi esset utilitas, nisi quæ sita quo-

que commodè conseruarentur, & suo loco suisq; temporibus in opportunos familiæ vsus, ratione & iudicio expendereutur. Propterea rectè Ouidius inquit:

*Non minor est virius quàm querere parta
tueri:*

Casus inest illis, his erit artis opus.

Hæc derei familiaris prudentia, quam Aristoteles tum in libris Oeconomicis, tum in Politicis, doctè ac cōpiose explicat, dixisse sufficiat.

CAPVT IV.

De Prudentia ciuili.

COgnita natura prudentiæ œconomicæ, ciuilis explicationē aggrediamur necesse est; quæ, quāquam in maiori iā versatur societate, eaq; perfecta, & nullo indiga, quam *Ciuitatem* appellamus, ex iisdem tamen propemodum principiis, iisdemque scilicet membris cōstat, quibus domus. Est autē & ipsa quidem, propter varias, ac diuersas partes, varia & multiplex: quandoquidem Respub. aut legibus, aut recta rerum gerendarū administratione necessario conseruatur. Recta administratio, in deliberando, & consultando, & iudicando posita est.

Prior

Prior *legalis*, altera *del. b. r. tina*, tertia *iudicialis* vocetur. Legalis prudentia est, quæ legib præest: cuius officium in condendis optimis atq; vtilissimis ciuitati legibus, quæ tum ad mores ciuium, tum ad vrbis situm accommodatæ sint, cernitur. hæcque ab Aristotele *ἀρχιπρωτική* appellatur, quoniã totius ciuitatis incolumitatem respiciēs, sola imperat, ac veluti peritissima nauis gubernatrix puppi insidens, manu clauum tenet, quid agendum sit, quidve omittendū, præscribens vetansq; omnibusq; inferioribus artib. & scientiis, quæ ad conseruandam societatem hæc pertinent, imperans: etenim (vt Aristoteles primo *Ethic* inquit) & quas scientias artesque in ciuitate esse debeat, ostendit: & quales, & quousq; vnumquemque discere oporteat, commonstrat. vnde non immeritò *architectonica* appellatur, & *prudentia vniuersalis*; quia nihil agit, sed tantum rationem agendi præscribit vt architectus. Altera vero ciuilis prudentiæ pars ab eodem Aristotele particularis, & nomine generis *πολιτική* nuncupatur, quæ propriè agit, inq; rerū administratione agendarum, vt prior illa in vniuersalib. versatur: versatur inquā in actione rerū particulariū,

quia exequitur ea quæ à legibus præcipiuntur. Et propterea hi soli ciuitatem administrare dicuntur, legislator autem regulas & præcepta recte & iuste viuendi tantum præscribere. Neque vero ad rem pertinet, quod legislatores quandoque ad Reipub. gubernacula vocantur: ea nanque si suscipiunt, non vt legislatores id faciunt, sed quatenus magistratus gerunt; quia accidit legislatori agere, perinde ac musico albescere aut architecto quandoque manibus artem exercere. Est igitur legislatrix facultas architectonica, & princeps; politica vero seu ciuilis, ministra & famula eiusdem. Atque hæc quidem prudentiæ pars, magistratus, eorumque qui Rempub. administrant, est propria; etenim hi agunt propriè, eaque omnia quæ leges iubent, exequuntur; vnde etiam *custodes legum* appellantur. Exequuntur autem præcepta legum, aut deliberando & consultando, aut iudicando. Deliberando quidè, cum de vtilitatibus publicis, ac Reip. commoditatibus, tranquillitateque ciuium consultant. Iudicando vero, cum bene & modeste se gerentes, honoribus ac præmiis afficiunt; immodestos autem legumq; contemptores & ciuilis societatis perturbatores, poena infli-

infecta coercerent. Porro omnis consultatio, vt Aristot. primo Rhetoric. lib. inquit, de quinque potissimum rebus instituitur; aut enim de quæstu, aut de bello & pace, aut de custodia ciuitatis, aut de iis quæ iniunguntur & euehantur, aut de legibus deliberatur; quarum rerum consideratio omnium ad Magistratum pertinet, cuius officium est, Rempub. administrare, saluam & incolumem, vt leges præscribunt, conseruare. Ex quo perspicuum est, legislatricem facultatem longe præstantiorem esse ciuili prudentia, ac perinde se ad illā quemadmodum architectus ac princeps ad suum subditum ac ministrum habere.

CAPVT V.

Iurisprudentiam, neque legalem, neque politicam esse prudentiam, sed mediam inter utranque.

POSITA hac diuisione prudentiæ, facile iam inuentu est, ad quam ipsius partem Iurisprudentia sit referenda; quandoquidem neque ad vniuersalem illam neque ad particularem simpliciter & absolutè reduci potest, sed mediæ videtur, & inter utranque ambigentis, naturæ, atque adeo

vtriusq; particeps esse. Nam ad *νομοθετικὴν*,
 hac potissimum de causa referri nequit,
 quia legislatoris proprium officium est, le-
 ges ciuitati condere; at Iureconsultus leges
 non condit, nisi ex accidenti id fiat. Deinde
 legislator tractat vniuersalia & *θυσια*, nil a-
 gens, sed quid agendum sit præscribens; Iu-
 reconsultus vero particularia & *ὑποθετικὰ*,
 propterea quod non solum generatim na-
 turam legum contemplatur, sed etiam a-
 ctiones in ciuili societate efficit: quando-
 quidem præcepta à legislatore præscripta,
 ad causarum disquisitionem & cōsultatio-
 nem accōmodat. Rursus omnifariā à legali
 disciplina separari non potest: quoniā legis-
 latōres & Iureconsulti habent idem genus
 subiectum, eandemq; materiam, leges vi-
 delicet, actionesque ciuiles ac legitimas.
 Huc accedit, quod vterque totius Reipub.
 cōseruationem incolumitatemque cō-
 seruare atque custodire nititur. Iam ve-
 ro neque ad ciuilem prudentiam simplici-
 ter & per se reducitur; quandoquidē huius
 officiū est, ea exequi quæ à legislatore sunt
 constituta, ac circa particularia & indiui-
 dua tantum cogitare deliberareque. Sed
 Iurecōsultus omnium legum naturam fa-
 cile per se contemplari potest, neque exe-
 qui

quitur ea quæ à legislatore sunt præcepta, tantumque de iis quæ accidunt, consultando deliberat, quidve in omnibus actionib. faciendū is iusserit, dilucidè ostendit. Quare necessario hinc colligitur, Iureconsultum medium locum sibi vendicare, & utriusque naturam ac prudentiam participare. Statuendum igitur est, legislatorem esse optimum condendarum legum autorem ac principem; Iureconsultum earundem peritum interpretem; Magistratum diligentissimum prædictarum executorem. Verum id quoque inter Iureconsultum & legislatorem non parum interesse existimandum est, quod legislator rationem omnium legum nouit veram & immediatā & proximam, vnde etiam recte ἐπισήμων appellari posset; Iureconsultus, non proximā & necessariam, sed potius probabilem, & coniecturis verisimilibus constantem, vt πειθευμένης rectius quàm scientificū nuncupare liceat, quod etiam ipsius nomen attestari videtur. *Iurisperiti* enim à peritia nominantur, quæ nil aliud est quàm solertia quædam, probabiliter rem inuestigandi ac cognoscendi efficiendique, quæ à vera scientia, & causarum proximarum cōpre-

144 PRINCIPIOR. IVRIS

hensione multum differt. Atque hoc est quod Aristoteles primo De partibus animalium nobis scriptum reliquit, inquit; *In omni scientia, & in omni disciplina, qua ordine scilicet & modo procedit, siue nobilioris sit ordinis, siue ignobilioris conditionis, duos habitus esse possi; quorum alter rei ipsius sit scientia, cum videlicet ex veris & immediatis procedit causis, vniuersam ipsius essentiam declarantibus: alter vero peritia quadam, qua ex vniuersalioribus ac probabilib. possis de qualibet re suam ferre sententiam, & perspicaciter & apposite iudicare, ratione adiuncta, vtrumne recte, an secus, in medium sint adducta factaue.* Itaque Iureconsultum peritum artificem nuncupamus; legislatorem vero scientificum & intelligentem. Concedimus insuper medias ipsi partes inter legislatorem & magistratum politicum, ita quidem, vt quantum prestantia vincitur à legislatore, tantum cognitione iusti & iniusti superet magistratum.

CAPVT VI.

De dignitate & prestantia Iurisprudentie.

EX superiori disputatione dissoluitur facile, haftenus diu multumq; in scholis de

de præstantia ac dignitate Iurisprudentiæ
 agitata controuersia, qua quæri solet, *nobi-*
litate medicinam, ceterasq; disciplinas an-
teuertat. Nemini enim dubium est, habi-
 tus animi actiuos, eorūq; quorū finis actio
 est, præstare habitibus factiuis, qui opus ali-
 quod actione efficiunt; idq; duab. potissi-
 mum de causis, cum quia circa nobilius ver-
 santur subiectū, & in præstantiorem magis-
 que expetibilē destinatur finem. Nam quæ-
 admodum Arist. primo de Anima, inquit,
scientia & habitus dignitas trib. potissimū so-
les æstimari rebus: genere subiecto, sine & modo
demonstrandi: ideoq; scientiam scientia præ-
stantiorem esse, qua nobilius habeat genus sub-
iectum, aut melioris gratia finis sit adinuenta,
aut certiori utatur genere demonstrationis.
 Quæ si vera sunt, necessario efficitur Iuris-
 prudentiam dignitate finis & generis sub-
 iecti reliquis omnibus artibus præstare; ne-
 que solum artibus, sed etiā aliis habitibus,
 qui in actione consistunt. Fine equidē cæte-
 ris artib. præstat. propterea quod Iurispru-
 dentiæ finis est ipsum bonū simplex, summū
 & extremum, quod per se tantū expetitur,
 & ad quod cætera omnia tanquā ad perfe-
 ctissimum & vltimum aliquod referuntur,
 & porro finis, est p̄sa felicitas, quæ in so-

cietate humana spectatur. Sed artes vniuersæ quanquam & ipsæ bonum aliquē finem expetant, is tamē non simpliciter bonus est, sed cum adiunctione; quinimo earum finis, est pars & portio summi illi⁹ boni, quo fruitur Iureconsultus: vt, artis ædificandi finis, est ipsa domus; texendi, pannus; medicinæ, sanitas; quæstuariæ, pecuniæ: quæ omnia etsi bona sint, non simpliciter tamen talia sunt, sed ad felicitatē illam referuntur, quā Iureconsultus nititur conseruare atq; custodire: quæ non ex corporis tantum, sed etiā animi & fortunæ bonis consistere, rectē aliàs fuit demonstratum. Iam vero genere subiecto alias artes à Iurisprudētia longe superari, quis non videt? quippe cum earum subiecta, aut corpora sint, aut res corporeæ; Iurisprudētiæ vero longè diuinius quiddā, homo videlicet, quatenus ratione præditus est, eaque in societate hac, & ciuili communiōne vititur; quam Iureconsultus omnib. virtutum generibus, maximè vero ea quæ ad iustitiam pertinet, instructam ornatāq; efficere conatur: quorum profecto nihil artes efficiunt per se, sed per accidens tantum: contingit enim conseruato corpore, animū quoq; conseruari. Quemadmodum igitur Iurisprudētia artibus præstat, ita quoque

cæte-

cæteros habitus qui in actione cernuntur, longo post se interuallo relinquit. Etenim civilis facultas omnium aliorum habituum regina est & princeps, vt Aristot. in Ethicis copiose disputauit: quia & scientiis & artibus, itemq; potentiis & facultatib. præcipit, earumq; gubernatrix est & domina; nec solum illis imperat, sed iisdem quoque vitur, perinde vt architectus præcipit viturq; suis ministris. Sed sapientiæ non ita imperat, vt cæteris artibus: quandoquidẽ sapientia præstantior & dignior est prudentia ciuili, cum ratione partis in qua posita est, tũ quia prudentia refertur ad sapientiam tanquam ad caput omnium habituũ ac facultatum. Atque idcirco si prudentia & civilis facultas iubeat, ac sapientiæ præcipiat, attamẽ dignior propterea non est: quãdoquidẽ & medicina præcepta tradat de cõseruanda sanitate, melior tamen ea non sit, neq; theologia Deo. Itaq; vt aliqua scientia & ars sit domina & princeps ceterarum artium, necessarium est duas concurrere conditiones: primo quidẽ, vt præcipiat alicui sciẽtiæ & facultati, vt architectus ministris: deinde vero, vt illa vitatur. Quod si hæc vera sunt, iteq; illud, Iuris prudentiã ciuilis facultatis esse quandã partem, qd̃ antea probatũ est, certe necessario

hendatur, neq; certa ratione, vt cæteræ disciplinæ, circumscribi valeat. Est enim hæc controuersia, sicut aliæ non pauca, à plerisque huius nostri temporis eruditissimis Iureconsultis, minus tamen methodi & ordinis præceptionibus eruditissimè attentata; à nullo tamē, quod sciam, adhuc perfectè explicata. Verū enim uero quia hæc difficultas antea cōmodè neq; explicari, neq; dissolui potest, quam de fine & genere (vt nostri loquuntur) subiecto Iurisprudentiæ, ipsiusq; docendi ordine (quibus quasi fundamentis hæc disceptationi nititur) non nihil dicatur, idcirco eam ad finem huius operis, ne eadem sæpe iterare ac repetere necesse sit, tractandam suscepi: cognita enim integra perfectaq; Iurisprudentiæ natura, facile quoq; id quod nūc quærimus, intelligetur. Dicā interea de ordine doctrinæ, & collocatione huius artis, seu ciuilis prudentiæ, vt quisq; perspectū habeat, quē locū inter cæteras eiusdem ordinis disciplinas ea sibi vendicet: quoniā cognito hoc ordine, non solum quæ disciplinæ ad veram & solidam, non vmbrailem & fucatam eius cognitionem aspirantibus, cōparandæ sint, sed etiam à qua (siquidē rectè, & vt ipsa rerum postulat natura ac veritas doceatur) initium sumendum sit, ex hac commenta-

none perspicui poterit Maxima enim & certe
 cuiusq; rei potissima, vt Plato nosterq; I. C.
 testantur, pars principium est, à quo si quis
 vel minimum aberrarit, eum in infinitos &
 inextricabiles errores incidere necesse est.
 Sed vt planius & apertius res intelligatur, v-
 tar instrumē: o resoluendi, quod aptissimū
 est ad inueniēdas artes & sciērias, & ad quæ-
 stionum quæ dubitationē habent disquisi-
 tionē summo opere necessariū. Nemini ergo
 dubium est, Iurecōsultum versari in cogni-
 tione ipsarum legum, & notitia actionum
 humanarum atq; ciuiliū quæ vel legibus
 fieri iubentur, vel iisdem prohibentur, quæ-
 admodum & legislator, qui ratione tantum
 à Iurecōsulto, vt antea ostensum est, distin-
 guitur. Ex qua hypothesi, duplex sese nobis
 offert querēdi ac inuestigandi modus; quo-
 rū alter ad actiones, alter ad leges pertinet.
 Siue igitur ab actionibus, siue à lege exor-
 diū resolutionis sumas, in eadem principia
 decumbes: actiones enim & leges ita sibi so-
 cietate coniunctæ sunt, vt alterum sine alte-
 ro explicari nequeat; ac proinde necessariū
 sit, vno eorum in suas causas, principia atq;
 elementa diducto, alterū pari rationis mo-
 do in eadem dissolui. A lege ergo, ipsiusque
 notione; sumamus exordium.

Lex.

Lex, vt Marcus Tullius interpretatur, à legendo dicta est Latinis: Græcis, à *λύω* cuiq; tribuendo: nam vt hi æquitatis, sic illi delectus vim in lege ponūt. Proprium tamen vtrumq; legis est: deligūtur enim ea, quæ æqua sunt & iusta; & lex nihil aliud est quàm iustorum iniustorumque distinctio, ad illam antiquissimam & rerum omnium principē expressa naturam, ad quam leges hominum diriguntur, quæ supplicio improbos afficiunt, & defendunt ac tuentur bonos. Æquū igitur & iustum quiddam lex est, quæ ppter & bonum, & bonum quidem homini necessariū; quia lex, est perfectio & quoddam vinculum, quo custoditur vita & societas hominis, & coniunctio hominum inter se, perinde ac sanitate cōseruatur corpus, & virtute animus. Et quēadmodum corpus humanum sanitatis causa, & animum virtutis gratia, omnibus à Natura datum hominib. parente rerum esse constat, ita hominem ab eadē natura, ad colendam societatem factū, eiusque cōseruandæ gratia in hanc lucē æditum productumq; esse, perspicuum est ac manifestum. Cuius quidem rei firmissimū argumentum est, & quotidiana rerum, vitæq; omnis magistra, experiētia, quæ nō tantū homines, sed ne bruta quidē animātia, &

ne societate & perpetua ad se inuicem vitæ
 consuetudine, cōmode viuere posse attesta-
 tur:& principia illa , quæ omnis cōmunita-
 tis & societatis sunt quasi perpetuum quod-
 dam & indissolubile ligamentum, ratio, in-
 quam, & oratio: quibus adiuncti sunt. tan-
 quam satellites ac nuncii quidam , ipsi sen-
 sus; figura insuper corporis habilis, & apta
 ingenio humano moderatio vocis: deniq;
 omnes illæ rerum præstantissimarū scientiæ
 artesq; innumerabiles, quæ omnia cōciliant
 inter se homines, coniunguntq; eos natura-
 li quadā societate, sine qua, vt Tullius ait, i-
 psoꝝ vita infinitis calamitatibus subiecta,
 morti magis quā vitæ similis esse censetur.
 Porro autem omnis societas, cum aliquoꝝ
 eorumq; inter se consentientiū societas sit,
 in multitudine spectatur: neq; enim ad cō-
 stituendam societatem, vnus vel alter suffi-
 cere potest, sed omnino necesse est multas
 esse partes, & quasi membra, ex quib omnis
 sociata multitudo veluti quoddam corpus
 coalescat, constituaturq;. Et quemadmodū
 partes in corpore humano variæ sunt ac di-
 uersæ, nec inter se tantū certo quodā & con-
 stanti ordine compactæ, sed etiam ad totius
 integritatē constituendam, inter se conspi-
 rantes consentientesq; à natura coagmen-
 tata:

tatæ; ita hæc societas atq; cōmunitas ex variis collecta hominū ordinibus, ac dignitatum officiorumque distincta varietatibus, admirādo ordine, ac pulcherrimo quodam connexu, vnita componitur, ac perinde vt harmonia quēdam, ex tēperatione grauiū, acutarum & mediarum vocum concinnatur; eademq; tantisper conseruatur, dū certa atq; laudabili rerum omniū administratione gubernatur, ac pereunte & dilabente ea, illico dissipatur atq; dissoluitur: & vt semel dicam, quemadmodū ex multorū concordia, omnis societas conciliatur, ita ex eorundem dissensione ac discordia, eadem cōmunio diuellitur ac dissipatur. Itaq; vt hæc societas quam diutissimè & firmissimè constaret, neq; constituta iam & coalita statim rursus dissolueretur, prudentissimæ matrifamilias naturæ, non satis fuit hominem ad hanc societatem ineundā colendāq; fabricasse, sed etiam operæpretium erat quēdam instrumenta ac vincula, quib. ea conseruari atq; custodiri posset, hominibus ad hanc natū, largiri atq; suppeditare; quippe cum omnia, siue duo vel plura sint, ad cohærendū tertium aliquod requirant, & quasi nodum vinculumque desiderent, quo se concordiquadam amicitia & mutua charitate com-

plectantur. Sed vinculorū id est aptissimum atq; pulcherrimū, quod ex se atq; de his quæ astringit, quā maximè vnū efficit. Id optimè assequitur *αἰαλογία*, hoc est, comparatio, seu proportio, quæ maximè in iustitia cernitur, cuius gratia omnis societas instituitur.

CAPVT II.

Cognatarum Iurisprudentia artium inuentio.

Porro autem omnes naturæ, quæ nō solitarie sunt, neq; simplices, sed cum aliis coniunctæ, atq; proportionē quadam connectæ, tum rectè conseruantur, cum aliquis principatus iis inest, à quo cætera tanquam à principe & duce aliquo dependent, cuiusq; nutu atq; imperio gubernantur: quod quidem in hoc amplissimo theatro, quod *mundum* appellāt, itemq; in paruo illo, qui ipsius magni quoddam est simulachrū, licet euidenter cognoscere ac intueri, quibus inest quædam vis præcipua, ac principatus, quod *ἡγεμονικόν* Græci vocant, quo nihil in quoq; genere nec potest, nec debet esse præstantius. Etenim in magno illo mūdo, in quo omnes quotidie versamur & viuimus, vnum vide-

mus.

mus esse principem, vnumq; magistratum præstantissimum, optimum, sapientissimū atq; potentissimum, quem *Deum* appellamus, cuius perpetuo nutu atq; prouidentia, vniuersum cœlum, terra, maria, & quæ in his continentur animalia, stirpes, plantæ, & quicquid tandem in toto orbe est gignitur, genitumq; sua bonitate alitur atq; conseruatur. Idemq; in paruo mundo, quem philosophi *hominem* appellāt, reperitur, in quo animus corpori, & in animo mēs cupiditati & iræ, tanquā rex, imperare, creditur; cuius tranquillitatē & harmoniam tantisper permanere ac durare videmus, donec imperio mentis dominanti, inferiores animæ vires obsequuntur. Quod si à superiorib. illis naturis, ad inferiores vltimasq; procedere volumus, eadē certe, aut superiorib. similia adinueniemus: nā & in bellua quiddā simile mētis est, vnde oriuntur motus, rerūq; appetitus: ex quo accessus ad res salutare, à pestiferis recessus. Et in arborū quoq; & earū rerū quæ gignuntur à terra, radicib. inesse principatus putatur. Quod ergo in ceteris reb. omnibus, quæ societate quadā coniunctæ sunt, reperitur id in præstantiss. ac nobiliss. generis humani natura, eiusq; societate ac cōsuetudine, multo prius existere credendū est,

eamq; sicut & cæteras res & animalia vni-
uersa, ab vno aliquo summoq; duce, recte &
sapienter gubernari atq; custodiri existimā-
dum, vt sapienter Homerus dixit:

Οὐ μὲν πως πάντες βασιλεύσομεν ἀντ' αὐ-
τῶν Ἀχαιοί

Οὐκ ἀγαθὸν πολυκοιρανίη· εἰς κοίρανος ἔστω.

Quinimo quo hæc societas & cōmunio ho-
minū inter se, cæteris societatis. longè præ-
stantior & nobilior est eo quoq; principatū
eius omnium optimū, omniumq; rerū no-
bilissimū atq; præstātissimū esse necesse est.
Porro aut is optimus est magistratus, maxi-
meq; ad conseruandā societatem idoneus,
qui potissimū subditos ad felicitatē perdu-
cere, eosq; ad tranquillitatem & iustitiā re-
uocare, atq; in ea quādiutissime retinere po-
test atq; cōseruare. Vnde fit, vt iustissimū, o-
ptimum & æquissimū magistratum esse ne-
cesse sit, eundemq; sincerū atq; incorruptū
ab omni vitio, animiq; perturbatione solu-
tum ac liberū, qui neq; seductione aut frau-
de fallatur per ignorantiam, aut odio, vel
nimia indulgentia vim Reipubl. inferenti-
bus, & societatis ciuilis perturbatorib assen-
tiatur, neq; vlla occasione, aut vtilitatis spe,
à iustitiæ semita ad iniustitiæ diuenticula
flexio-

flexionesque pertrahatur, sed ut Euripides inquit;

Τοῖς μὲν δίκαιοις ἔνδικος, τοῖς δὲ αὖ κακοῖς
Πάντων μέγιστος πολέμιος, καὶ χθόνα.

Quam sententiam Themistius philosophus sequutus, illum principatus & imperii nomen verè gerere existimavit qui auro inexpugnabilis, rationem ducem in omnibus rebus sequatur, libertatem exercent, virtutem laudet, contumaciam & inhonestas vitæ actiones odio ac pœna persequatur. Huc quoque pertinet quod apud Plutarchum legitur. Thebis iudicum imagines absque manibus, & supremi iudicis oculos conuiuētes videri, eo quod iustitia nec manibus capiatur, nec hominum vultu flectatur.

Verum non satis est hunc magistratum iustum esse, sed eum prudentia quoque & sapientia reliquis antecellere oportet. Quæ enim ratione societatis commoda utilitatesque perquirere, incommoda vero eiusdem euitare poterit atque depellere, & pro dignitate seu meritis, præmia & honores bene se gerentibus ciuibus distribuere, pœnasque inobedientibus infligere, denique à vitis malisque impendentibus siue pru-

158 **PRINCIPION. IVRIS**

dentiae præceptis institutisq; coercere? cuius profecto ea vis est, vt nec iustitia, nec reliquarum virtutum vlla, sine ipsius præsidio incolumis consistere queat. Ad hæc, vt tranquillitas in societate ac Repub. conseruetur, & vnumquodque ad propositum finem perducatur, omnino potentia opus est; quia potentia veluti manus iustitiæ est, sine qua nulla actio rectè obiri potest. Denique vt ad cuiusq; vtilitatem commodè benigneque ea que geruntur, conducant, clementia & humanitas magnopere prouidet. Etenim vt turpe est pastorem oues suas odisse, & pecorib; quæ tueri debet, infensum esse; ita in magistratu seueritas, sine humanitate adiuncta, omnino est vituperanda. Nec ineptè Demosthenes multos regum ac principum sine mente, imperitos statuarios imitari inquit, qui colossos ita demum putant magnos videri, si multum diuaricantes, distentos & hiantes fecerint: nam & illi principes grauitate vocis, asperitate vultus, difficultate morum, & conuersandi aspernatione, magnitudinem ac seueritatem imperii exprimere se existimant. Ex quo satis patère arbitror, quatuor hæc necessario ad omnem principatū requiri, cumque & iustum, prudentem, potentem.

tem ac clementem esse debere, qui rectè aliis velit imperare.

Quid est autem, non dicam in homine, sed in omni cælo atq; terra ratione, qua cetera sunt omnia expertia, melius atq; præstantius? quid sapientius? quid potentius & benignius? quæ cum adoleuit, recta ratio, & ritè sapientia nominatur; hæc ita constans & firma est, sibi que semper similis, ut nec amore nec invidia patiatur se ab honestate atque iustitia vnquam abduci; quam qui sequuntur, *iusti & sapientes* appellantur: eademque tantam vim, tantamq; infinitam potestatem continet, ut pertinacissimos hominum animos, efferatasq; & barbaras mentes, ad virtutis cultum etiam inuitos quandoq; pertrahat, & à vitiis ac vitæ turpitudine, sceleratissimos atque flagitiosissimos quosque suo robore auocet absterreatq;. Hæc sola hominum coetus primum congregare, societatesque, si experientiæ credimus, colligere, easdemq; collectas & iam constitutas, conseruare atque custodire cœpit; quam quæ sequutæ sunt societates, quamdiutissimè viguerūt, & ab omni perturbatione incōcussa atq; illæ se perstiterūt. Neque vero benignitate atque clementia rationem vacare arbitrandum est; quippe

cum bruta animantia ex eo efferatiora & immaniora sint & habeantur, quod hac ipsa careant; cuius cum quædam ex iis vel minimam particulam adipiscuntur, mitiora fiunt & humaniora; ut canes, & reliqua huius generis non pauca, quæ nos domestica appellamus; à quarum natura longissimè absunt leones, vrsi, apri & quæ his sunt similia. Ac proinde inter homines eum quoque maxime humanum, liberalem, iustum & sapientem esse videmus, qui refrænatis ac domitis animi affectibus atque perturbationibus, in actionibus vitæ cum potest licetque (possumus autem omnes semper) rectam rationem tanquam ducem sequitur; à qua si abducitur, in infinita incommoda & errores inextricabiles incidit. Recta ergo ratio dux est, & magistratus, & vinculum huius societatis, ad quam nati sunt homines à natura; quæ tantisper salua & incolumis permanet, dum eidem paretur & obtemperatur. Porro autē recta ratio nihil aliud est, quam ipsa lex: quia ratio, est ipsius legis forma & essentia; quemadmodum anima & mens, est forma corporis. & proinde nomen quoque non temere, ut Plato ait, lex menti ac rationi proximum obtinuisse creditur; quippe cum

νόος mentem ac rationem, νόμος vero legē significet, sine qua nec domus vlla, nec ciuitas, nec gens, nec hominum genus vniuersum stare, nec rerū natura, nec ipse mundus potest: hæc enim præest, præscribitque recta & vtilia, & coniuncta atque consentanea naturæ, & vt Chrysippus ait, tam diuinarum quàm humanarum rerū omnium regina est, non solum rebus honestis turpibusque præsidens, sed etiam principatum ac ducatum tenens, & per hoc regulam præscribens iustis simul & iniustis, vtpote quæ animantibus natura ad colendam societatem idoneis facienda iubeat, prohibeatque non facienda. Veramque vocem Cicero expressit: *Lex (inquit) illa quam dii humano generi dederunt, est ratio mensque sapientis.* Idem præclarè scribit, *Legem magistratui, populo magistratum præesse: vereque dici posse, magistratum esse legē loquentē, legem autē magistratum mutum.* Neque ab re olim præstantissimi illi ac celeberrimi, Minos, Lycurgus, Solon, Græcorum legislatores fecisse videntur, qui suas quas populo condebant leges, in tria numina, *Iouem*, inquam, *Solem* & *Mineruam* retulerunt: etenim cum Sol, quia Planetarum dominus est, potentiam, Iupiter clementiam, Minerva sapientiam significet, legibus hæc tria, quarum

descriptione omnis societatis moderatio continetur, inesse debere arbitrati sunt. Aristoteles quoq; in Polit. scribit, multò vtilius esse parère optimis legibus, quàm optimo viro, quod in iis τὸ πρὸς θεὸν non sit, hoc est, quod neque perturbationibus animi, neque motibus concitatis, vel ad iram, vel ad cupiditatem, aut amorem, ut hominum animi, flectantur: & qui legem Reip. imperare iubeant, eos ipsum Deum præficere videri; qui autem hominem, belluam præfesse velle; quippe cum libido talis sit, quæ etiam viros optimos ad iniustitiam, ad odiū atque fauores incitare posset. Et Platon *νόμος θεῖον & θαυμάσιον* appellat. Quo Cicero respectans, leges expressas esse dicit ad principem omnium rerum naturā & à numine deorum tractam rationem. Et Homerus à Ioue datas leges ad nos manasse: *οἱ τε θεοὶ καὶ πρὸς Διὸς ἐμύναται*, &c. sunt enim stabiles, perpetuæ, æternæ, & ab omni cupiditate liberæ, siue scriptæ illæ sint, siue non scriptæ: & hæ, aut summa illa, quæ diuina mens est, æterna prohibendi imperandique sapientia, siue quæ proximè hanc attingit, in humana mente lucens recta agendi ratio: & hæc, siue lex naturæ sit, siue

ex huius fonte manās æquitatis iudicium,
 siue quæ consuetudine recepta est, bene vi-
 uendi disciplina. Lex ergo, vt ex hac com-
 mentatione liquet, vinculum est & custos
 atque princeps humane societatis; quapro-
 pter & perfectæ societatis; hæc enim aut
 pars est, aut certè altera societatis differen-
 tia: & quod alicui toto conuenit, id quoq;
 totius parti conuenire necesse est. Sede-
 nim perfecta societas ciuitas est, propterea
 quod, vt Aristoteles primo lib. Politic. in-
 quit, ea nihil aliud est, quàm *ὁ ἐκ πολλῶν
 κωμῶν κοινωνία τέλος. ἡ δὲ πάσις ἔχουσα πέ-
 ρας τῆς αὐτοκράτειας· γινομένη οὕτω τῷ ζῶντι ἐνεκα
 ἕσσης δὲ τῷ εὖ ζῶντι.* Legem ergo vinculum &
 principem, & summum ciuitatis magi-
 stratum esse necesse est. Vnde rectè, mea
 quidem sententia, Martianus ex Demo-
 sthene & Chrysippo legem descripsisse vi-
 detur, cum ait, *Legem esse cui omnes homi-
 nes parere debeant, multis de causis; tum
 præcipuè, quia est inuentum quoddam co-
 mune deorum, decretum prudentium ho-
 minum, consultorum inconsultorumque flagi-
 tiorum emendatio, conspirantis deniq; ciuita-
 tis conuentum, ad cuius præscriptum ciues o-
 mnes vitam instituere debeant.* Et nō minus

præclare inquit Cicero; *ut corpora nostra sine mente, sic ciuitas sine lege, suis partibus & nervis, ac sanguine & membris, viuere non potest.* Legum ministros magistratus, legum interpretes iudices, legum deniq; seruos omnes esse: nam his aut oppressis aut neglectis, nihil esse quod suum quisq; possit dicere, nihil certum habere, nihil quod liberis suis se relicturum sperare possit. Bene & Papinianus, *communem Reipub. spon- sionem:* & Lycophron Sophistes, *præter quod- dam consentientium inter se ciuium* appella- uit. Ex qua commentatione id effici con- stat, cum qui vel leges societati ac Reipub. bonas & salutare constitutere, vel eas com- modè & utiliter interpretari velit, totius Reipub. naturam, partesque ipsius & earum officia viresq; exactissimè prius ac pe- nitus discere atque cognoscere oportere. Ita- que sæpissimè admonet Plato, legislatori principio omnium tenendum esse, ac dili- genter peruestigandum, Reipub. statum: cognoscendas communis vnus cuiusq; partes, discendos mores, ac probandos ani- mos & ingenia ciuium; ea denique perlu- stranda omnia, quæ vel ciuili societati pro- desse, vel eidem obesse possunt: quod qui- dem non ratio tantum, sed & cæterarum
artium

artium scientiarumque omnium præcepta planissimè demonstrant. Nam vt à minimis notissimisque incipiam, quæ ars aut vilior aut abiectior est, ad vsus tamen hominum utilis & accommodata, quam pastorum & bubulcorum? quorum tamen ea est circa equorum, ouium, bouum, caprarum culturam foeturamque peritia, tantaq; passionis, medicationis atque educationis scientia, vt sine perfectissima rerum omnium, naturæ, inquam, morum, proprietatum, cæterarumque rerum comprehensione ac disciplina, nullum in bonum pastorem aut bubulcum euadere posse fateantur. Quid de agricultura dicemus? an ne agricolam illum esse putabimus, qui terræ illius quâ arare nititur, aut instrumentorum quibus ipsi ad agriculturam opus est, aut seminum leguminumve atque frumentorum quæ mandantur terræ, naturam, genera, viresque & facultates, item quo tempore vnūquodque horum parandum, quomodoq; & quantum, & quo loco, & quid vbique ferendum sit, nunquam cognouerit? Certè ne cytharædi quidem & musici, sine cognitione chordarum instrumentorumque, recte & suauiter vnquam lyram, temperatione vocum acutarum, grauium & me-

diarum cōcinnabunt; nec pictores sine notitia colorum ac lineamentorum, artificiose pingent; neque coqui suavi obsoniorum seu condimentorū præparatione palatum vnquā delectabunt, nisi quæ dulcia, quæq; amara sint, quomodoq; hæc inter se misceri & temperari, & temperata commodè, quas vires facultatesque sensui imprimere possint, longa experientia ac labore didicerint. Sanè si vilioribus & ignobilioribus artibus prætermiſſis, in nobiliores præstantioresq; scientias ac disciplinas, & cum nostra Iurisprudentia maiorem similitudinē atq; comparisonem habentes, oculos cogitationesq; nostras dirigamus, nullā profecto earum omniū, sine generis sui subiecti cōtemplatione, aut materiæ in qua versantur, cuiusq; actiones & passionēs cognoscunt, scientifica præcepta seu theoremata præscribere posse adinuenimus. Quapropter & geometra, qui quantitatis continuæ passionēs propriasq; eius affectiones, quas Græci $\pi\alpha\theta\eta$ vocant, contemplatur, eas non nisi cognita prius quantitatis natura, partibus ac differentiis, ex quarum varia habitudine & $\alpha\iota\alpha\lambda\omicron\gamma\iota\alpha$ præcepta constituuntur, methodo inuestigatis, adinueniet, ac

de

de proprio genere subiecto demonstrabit. Et astronomus qui eandem quantitatem, sed mobilem considerat, per quam cæli ac syderum motus, autoremq; diei ac noctis & mensium & annorū inspicit, sine totius huius egregiæ & nobilissimæ machinæ, quam cælum appellamus, structura, eiusq; & partium, locorum & regionū contemplatione, nihil quicquam de multiplici syderū motu, varioq; partium usu, facultate actioneq; disputabit. Ad cuius rei confirmationem facit, quod & geometræ & astrologi, simpliciterque aliæ artes ac disciplinæ omnes, initio suorum librorum, priusquam ad theorematum demonstrationem se accingant, loco principiorū generis subiecti, eiusque partiū, definitiones seu descriptiones, variasq; & multiplices earū diuisiones subiiciunt: vt, quid sit punctum, quid linea, quid superficies, quid corpus, quid triangulum, quid quadratum, & id genus reliqua; ex quibus primis atque necessariis principiis scientificas tandē demonstrationes cōcludunt. Eademq; in physicis, iisque artibus quæ in naturæ consideratione positæ sunt, inueniuntur. Etenim vt motionū ac mutationum omnium *ῥοίαι* & affectiones & differentias inueniant, prius corporis

physici prima principia atque elementa, ex quibus superiora pendent oriunturque, diligenter inquirunt. Sanè & medici, qui sanitatis conseruandæ morbiq; profligandi præcepta tradunt, eodem docendi & medicandi ordine vtuntur. Vt enim præstantissimum ac nobilissimū hoc bonum corporis commodè adipiscantur, totius corporis sectione quam *anatomia* vocant, adhibita, compositionis & fabricæ rationem oculis & ratione perlustrant, & naturā, quantitatemque & qualitatem, conformationem, figuram, omnium denique partiū situm, vsum, actionesque, & agendi patientiq; facultates, sedulo ac studiose inuestigant. Iam vero omnes illę disciplinę ac facultates, quæ non in cognitione, sed in actione positæ sunt, & præcepta de moribus vitæque formanda tradunt, iisdem legibus, eodemque progressu ac docendi ordine vtuntur. Etenim vt quid virtus ipsa sit, & quotuplex ea sit, & quæ sint eius prima principia, & causa ex quibus ipsa gignitur, intelligant, initio de subiecto cui inhæret, hoc est anima humana disputationem instituunt: qua in suas partes viresque & potestates deducta, facile quæ morum & honestatis prima origo sit, intelligitur. Hanc

inueniunt

inuestigandi & inueniēdi in disciplina morum viam & methodum, obseruauit Plato, & ante illum Socrates, & nonnulli alii, qui de his præcepta cōscripserunt; quos sequutus Aristoteles, multo doctius, copiosius, & maiori artificio de iisdem elaboratum opus posteris reliquit. Vnde primo lib. Ethicor. capite vltimo, diligenter monet, vt qui scientiam de moribus tractare, vel rempub. gubernare & capeßere instituūt, prius de anima eiusq; viribus, itemq; de repub. & ciuitatis ciuiuraq; natura & partibus, vnde omnis officiorum & totius reipub. administratio oritur, studiose inquirent; idq; aptissime exemplo à medicorum curandi ratione desumpto ostendit. Vt enim qui ex arte (inquit) curare & corporibus mederi volūt, & singulorum & totius corporis naturam cognoscere debent, vt naturali eorum constitutione perspecta scire possint, quid ipsis contigerit, quantumque à naturali statu ac pristina habitudine exturbata fuerint, atq; ita accommodatis remediis ad pristinū statum ipsamque sanitatem reuocare; ita eos qui in animæ virtutib. ac moderatione reipub. cognoscendis elaborāt, animæ humanæ ciuilibusque societatis constitutionem, de cuius cura ac conseruatione agunt, exactis-

H

sime discere atq; intelligere necesse est; atq;
eo quidem magis, quo civilis disciplina lō-
ge melior est medicina, eademque honora-
tior. Rursusq; primo lib. Rhet. sic loquitur:
Nec minus vero diligentia atq; opera impēden-
dum est, cum de sanciendo legibus & consti-
tuendis agitur, quia salus reipub. in constitu-
endis legibus posita est. Quamobrem primum
nosse oportebit, quot sint reipublica status &
forma, deinde qua cuiq; conferant, atque cor-
ducant; tum demum ea cognoscere, quib. que-
que deleri evertiq; possit, siue illa nimium pro-
uehantia & prospera videantur esse, siue ad-
uersa plane atque contraria. Et paulo post:
Vtile vero est ad componendas leges, non solum
perdiscere, qua reipub. institutorumque forma
expedierit a tate maiorum, & in nostra ciuita-
te, sed etiam nosse, qua apud alias quoq; natio-
nes, & qua quibus locis congruere & conueni-
re videantur. Ex quibus colligi potest, fe-
rendis sciendisq; legibus utilissimum esse,
peragrarē orbē, & leges intueri omnes, qui-
bus alię gentes & nationes vtuntur; in con-
siliis deliberationibusve plurimum valere
notitiam rerum gestarum, quę ab autori-
bus historiarum commendatę sunt literis.
Multoq; pręclarius Politic. quarto, capite
primo, scribit, leges cum his considerandas
esse,

esse, quæ optimæ sunt, & vnicuique gubernationi conueniunt; esse enim leges omnes ad rempub. accommodandas, non autem rempub. ad leges. Esse etiam rempub. institutionem ciuitatis circa magistratus honoresque publicos, quæ quomodo eos impartiri conueniat, & in quo potestas autoritasque summa debeat consistere, & quis sit finis cuiusque societatis, edoceat. Leges autem earum varias reperiri. per quas modus reipub. gubernandæ significatur, secundum quas debeant illi, qui magistratus gerunt, imperare, & transgressores earum prohibere. Ex quo liquido constare, necessarium esse differentias & numerum tenere singularum rerum pub. iis qui leges cōdere volunt. Neque enim fieri posse, vt eadē leges vtilēs sint paucorū potentia, ac popularib. omnibus; siquidem plures sint, & non vna popularis potestas, neque vna duntaxat paucorum potētia. Quo ergo docendi discendi que ordine hæ artes ac disciplinæ, eodem quoque cæteræ omnes videntur, sui que generis subiecti, materiæque propositæ, in qua versantur, naturā. ipsiusque partes ac differentias prius contemplatur, quam ad sequentium theorematum ac problematum demonstrationem se conuertant. Cuius rei causæ ac rationes neces-

faria multæ aliæ afferri possunt; inter has
 tamen hæc est præcipua, quod affectiones &
 passionēs & *συμπτώματα* & actiones, simpli-
 citerq; quæcunq; res consequuntur, iisque
 hærent vel accidunt, è subiecto principium
 sui ortus trahunt, vel à partibus eiusdē sub-
 iecti, eorundemq; mutuo respectu & habi-
 tudine oriuntur, aut saltem ad hæc omnia
 referuntur. Itaque quicquid cognoscit ma-
 thematicus vel philosophus, quantitatis vel
 corporis cognoscendi causa facit; quicquid
 efficit medicus, corporis gratia efficit; quic-
 qd agit moralis vel ciuilis philosophus, ani-
 mi & ciuitatis causa agit: omnis deniq; actio
 & contemplatio, ad materiam subiectā, tan-
 quam ad scopum vnicum dirigitur ac deri-
 uatur. Ac proinde rectè monet Aristot. libr.
 primo Analyt. post. in omni scientia ac di-
 sciplina genus subiectum prius esse cognō-
 scendū, non tantum quod in rerum natura
 sit, sed etiam quid sit, quemadmodū & pri-
 ma demonstrationis & artis principia, ante-
 quam ad præcepta sequentia progrediamur.
 Ex quibus omnibus id iam demonstratum
 esse arbitror, legislatori, ipsiusq; ministro
 Iureconsulto, ciuitatis ac reipub. cognitio-
 nem non tantum esse vtilem, sed etiam ne-
 cessariam, sine qua neque bonas & salutares
 sci-

reipub. leges præscribere, neq; latas recte, & ad commodum ciuium interpretari possit. Itaque vtrique tota huius societatis fabrica & compositio perlustranda est, ac partium numerus, & qualitas rerum atq; conditio: itemq; partium omnium habitudo & αἰαλογία, qua ad se inuicem referuntur, est penitus discutienda discendaq;. Et quoniam aliud quidem est in ciuitate vel in domo, & in corpore humano, quàm in structura ædium (in qua etiam numerus partium, qualitas, quantitas, demum & compositio spectatur) vbi partes non ociosæ sunt, sed actionem & vsum quendam obtinent, certè & de harum vfu actioneq;, quæ ex cuiusque partis natura, ingenio, institutioneq; & aptitudine cognoscuntur, considerandum est. Ac postremo, qua ratione hæc omnia in suo vigore & statu conseruari & custodiri possint, & siquidem aliqua à sua naturali integritate cōstitutioneq; recessisset, quomodo ad pristinam constitutionem sit reuocanda ac reducenda. Atque hæc quidem contemplatio omnis ad politicum, ciuilemque administrationem spectat, cuius legislator eiusq; interpret Iureconsultus, maxima & potissima pars sunt. Porro autem omnis res.

H

pub. & ciuitas, est quædam societas, eaque perfecta, atque ex variis partibus ad felicitatem ciuiumq; inter se retinendam tranquillitatem necessariis composita; quarum varia compositio atq; *ἀλογία* seu comparatione ea continetur, corpusque humanum quadam similitudine in partium numero, earumque constructione imitatur. Partes enim corporis humani duorum sunt generum: aliæ sunt primæ, quæ & simplices & homogeneæ, ceu *σινίαι* appellatur, quod partis & totius idem sit nomen; aliæ secundæ, quæ compositæ & heterogeneæ, cuius partes totius nomine non continentur, à philosophis & medicis dicuntur. Priores sunt, veluti caro, neruus, os, vena, arteria. & id genus reliqua: posteriores, vt caput, pes, brachium, lingua, digitus, &c. vt enim carnis pars caro, nerui neruus, ossis os, venæ & arteriæ partes, venæ & arteriæ dicuntur, ita brachii vel digiti vel capitis & pedis partes, totiusque circumscriptione ac nomine minime continentur. In repub. ergo & in omni bene composita ciuitate similis sanè partiū ratio obseruatur: etenim aliæ sunt simplices & primæ, aliæ ex his compositæ. Compositæ, vt domus & vicinia, quæ partes dissimilares & organicas similitudine imitantur. Simplicis

plices, vt maritus, vxor, liberi & possessio; quæ similes & homogeneas, ex quibus priores illæ gignuntur. Neq; enim domum & viciniam, pro lignea aut lapidea illa structura, vicorumq; amplitudine & via solū concipimus, sed iis quæ inhabitantium cōmoda & conuenienti multitudine, rebusq; vtilibus, & ad bene beateq; viuendum necessariis ac opportunis sunt instructa. Porro autem has esse veras & proximas cuiusque reipub. partes, non tantum ipsa experiētia, sed & ratio cōmonstrat: recteq; ab Aristot. ciuitas lib. 1. Oeconom. descripta est, esse multitudo domorum, agro & pecuniis sufficienter abundans ad bene beateq; viuendum. Quod ex eo manifestū esse inquit, vt si compotes horum omnium esse nequeant homines, statim societas contracta dissoluitur. Disciplina ergo quæ his partibus compositis præest, domusq; naturam, partesq; singulas cōseruare custodireq; nititur, œconomice, quod rei familiaris curā gerat, appellatur. Ex quo id liquido patet, rem familiarem priorem esse & tempore & generatione republ. cum & opus & pars ipsius sit reipub. quemadmodum & disciplina œconomices, disciplina reip. Quod si igitur domus reip. ac disciplina œconomica ciuilis ac rei-

pub. scientiæ pars est: eiusdemq; artificis opus & officium est, totius & partium naturâ facultatesq; contēplari; nulli sane dubiū est quin futuro legislatori aut politico, totius rei familiaris status, eiusq; disciplinæ ratio atq; cognitio habenda sit. Rursusque, quoniam, ut nuper dixi, res familiaris eiusq; scientia republ. prior est, certe necessario eius quoq; cognitio, reipub. & ciuitatis notitiam antecedere debet. Ex quo efficitur, ut & legislator, ipsiusq; interpret Iureconsultus, & simpliciter quicumque ad reip. gubernacula vocatur, non nisi bene cognita re familiari eiusque administratione, rectè suo officio fungi possit. Atq; præclare dici solet, neminem rempub. rectè gubernare posse, qui rei familiari ac propriæ domui prius imperare non didicerit. Iam verò ut ex multitudine domuum & familiarum conficitur ciuitas, ita ex personis & rebus, domus. Et quemadmodum felix & beata tum efficitur ciuitas, cū & singulæ domus & familiæ omnes, ita sunt constitutæ comparatæq;, ut ad totius felicitatem constituendam tranquillitatemq; conseruandam sint idoneæ & opportunæ; ita & domus, quæ personis & rebus constat, non nisi adhibita conuenienti cura ac disciplina, nunquam constare, aut cōseruari

uari

uari poterit. Perinde enim in his se res habet, ac in corpore humano, quod tū demum sanum appellare consueuimus, cum singulę eius partes sanę sunt; ita & rempubl. & domum felicem & tranquillam non nisi eam dicere licet, cuius etiam singulę partes tales sunt. Finge enim aut domus & familias, aut personas in domo, ita esse dissolutas atque perturbatas, vt neq; habeatur ratio imperandi nec parendi, nulla sit officiorum & auxiliorum cōmunitas, nulla consuetudo vitę, itaq; permixta & confusa omnia, vt neq; legibus, neq; doctrinis, bonisve consuetudinibus locus sit vllus, sed aut vi, aut metu, aut dolo, malisve artibus gerantur omnia: quis tandem reipub. aut domus, quam felicē appellare possis, status futurus erit? Finge rursus omnes corporis humani partes, aut saltem aliquas ex his, mala intemperie, aut alio quouis morbo ita infectas, vt ad totius vsum parū vel nihil conferant, anne sanum id dicere quisquā poterit? Sanē vt tum egrotare aliquem dicimus, cū vel minima eius pars vel particula morbosa est; sanū autem non nisi tum, cū rectē valent, suoq; officio funguntur partes omnes: ita rempubl. aut domū eam infelicem & perturbatam appellamus, cuius aliqua pars vitiosa est; e contra

178 PRINCIPIOR. IVRIS

beatā & tranquillā, cuius membra inter se consentiunt & conspirant, eaq; ratione singula administrantur, & geruntur omnia, vt vnum quoddam omnes, & variæ illæ videntur esse partes, eadem velle & sentire omnia. Itaq; vt ad rei familiaris administrationem Oeconomice, ita ad cuiusq; priuatę personę institutionē doctrina de morib. quę *Ethice* appellatur, adinuenta est: ea enim in omni actione, quid honestum, quid vtile, quid fugiendum, quidve expetendum & sequendum sit, demonstrat, eademq; & actionum humanarum prima principia inuestigat, & honestatis & utilitatis causas & rationes inquirat, & inuentas iā examinat & perpendit, examinatas legislatori & ciuili philosopho subministrat. Vnde non sine ratione ab Aristot. *potissima politica seu ciuilis facultatis pars, vel principium primū magnorū Moral.* appellatur: cum enim nullus in rebus ciuilibus quippiam laude dignum efficere queat, nisi prius qualitate aliqua præditus, honestiq; appetens sit: & honestum esse nihil aliud sit, quam virtute præditum esse, eiusq; contemplatio ac moderatio ad ethicū pertineat; proculdubio ciuilem & politicum moralis philosophiæ præceptis, priusquam ad domus vel reipub. administrationē studium

dium suum conuertat, imbutum esse oportet, quippe cum totius cognitio ex partium notitia habeatur. Quod si ergo disciplina de moribus pars & principium est ciuilis facultatis, tum quia bonos ciues reip. & ciuitati subministrat, tum quia veras honestatis & vtilitatis rationes perquirat, & actionū humanarum ac ciuiliū principia & opportunitates ostendit, omnium deniq; rerum occasiones & momenta perpendit, necessario colligitur, legislatori & cuiq; politico viro, siue Iuris, iusti & iniusti notitiam (quod proprium est Iureconsulti) profiteatur, siue iustitiā, vt magistratus, administret & tueatur, huius moralis disciplinæ scientiam nō solum esse vtilem, sed etiam quam maximè necessariam, atq; in hunc modū studio iuris & iustitiæ coniunctam, vt est oculus corpori, & mens animo. Nam vt corpus sine oculo videre, aut animus sine mente verū cernere non potest, ita nec legislator aut I. C. sine notitia actionum & virtutum, causas & principia legum rectè & sine errore intueri potest. Atque hoc est quod Vlpianus ait, *lustritiam nos colere, quia boni & aequi notitiam profiteamur, aequum ab iniquo separantes, licitum ab illicito discernentes, bonos non solum metu pœnarum, verum etiam premiorum*

quoq; exhortatione efficere cupientes; & *veram* (ni fallor) *philosophiam*, non *simulatam affectantes*. Veram eam appellat, quæ non in ociosa iusti & iniusti contemplatione, sed in actione, quæ ad usus utilitatesque hominum dirigitur, quæq; ex veris iustitiæ fontibus & non simulatis oritur, consistit. Itaq; initio statim primum iuris præceptum esse monet, *ut honestè vivamus*: honestè autem vivere nihil aliud est, quam secundum virtutem vivere; cuius honestatis causas rationesque aperit ethicus. Huic sententiæ in De legibus libro subscribit etiam M. T. Cicero, qui Iuris præcepta & initia ex intima philosophia repetita repetēdaq; esse censet; eosq; qui aliter Iurisprudentiam docent, litigādi potius quam iustitiæ vias tradere arbitratur. Quæ sententia vera est, & veterum Iureconsultorum scriptis consentanea.

CAPVT III.

Iurisprudentiam sine notitia precedentium facultatum cognosci non posse.

Posita ergo atq; constituta hac resolutione, duo iam manifesta sese pronuntiata nobis offerūt: quorum primū ad id spectat, ut quem ordinē nostra Iurisprudentia inter

cete-

cæteras eiusdem generis artes ac disciplinas sibi vendicet, intelligamus. Alterum cōpertinet, ut quæ artes atque scientiæ futuro Iureconsulto discendæ sint, perspectum habeamus. Vtrunque profecto ut plurimum continet delectationis, ita veram huius artis & non simulatam scientiam affectanti, summopere cognitu est utile ac necessariū. Quod igitur ad primum attinet, id sine cōtrouersia statuendum est, Iuris ciuilis disciplinæ cognitionem sine politices, œconomices & ethices notitia haberi minimè posse, tum quia hæ disciplinæ sunt partes & principia Iurisprudentiæ, tum quia suppeditant rationes & causas actionum, & honestatis fontes aperiunt. Res autem tum cognoscere (ut Aristot. primo Phys. ait) arbitramur, cum earum causas, principia & elementa cognoscimus. Quod si sunt principia, ut ex resolutione demonstratum est, necesse profecto est eadem esse priora, priora (inquam) ordine doctrinæ, hoc est, prius necesse est ea doceri ac cognosci, ipsa Iurisprudentia. Ita enim natura comparatum esse videmus, ut in omnibus tū rebus, tum scientiis & artibus, quæ vltima sunt in cognitione & resolutione, priora sint in actione & compositione, & econtrà: resolutio

182 **PRINCIPIOR. IVRIS**

enim & compositio (vt in posteriori huius operis parte dicam) contrario itinere progrediuntur: prior, à fine ad principia prima excurrit inueniēdo; posterior ab iisdem inuentis, docendo & componendo ad extremum & vltimū finem progreditur: quod in rebus artificiosis licet satis euidenter intueri, vt in arte ædificādi: artifex enim qui domum ædificare instituit, prius naturam eius contemplatur, quàm ad operationem se accingat. Itaque initio, contemplando mente atq; animo, scopum seu finem, cuius rei gratia ædificaturus est, concipit, conceptumque in prima sua principia dissoluit. Ædificaturum enim se idcirco arbitratur, vt ab æris intemperie, vëtorum & imbrium, caloris & frigoris, cæterarumque rerum extrinsecus adiacentium incommodis, se suaque omnia defendere ac tueri possit. Proposito hoc scopo, inquit eius principia & causas, quibus eundem actione postea adipiscatur; ac primū quidem, nullam rem id commodius præstare posse, quam tegumentum, ratione & experientia cognoscit. Sed quia tecti seu tegumenti moles per se consistere, eoque cui firmè ac solidè innitatur, carere non potest, idcirco fulcimentis & parietibus ad sustinendum opus esse intelli-

telligit. Iam vero quia & parietes tum per se, vt iniurias omnes arcere valeant, multum firmamenti & virium habere debent, quod nunquam vlla vi labefactari, locove vnquam dimoueri possint, tum præter hæc grauiissimam ac ponderosam tecti molem constanter sustinere, idcirco fundamētum & basim, quæ totam hanc machinam ac domum sua firmitudine sustineat, necessario requiri animaduertit. Sed vt eadem basis apta sit & commoda ad sustinendam molem, diutissimeq; cōseruetur, & immobilis permaneat, fossionē terræ, in qua quasi radices more plantarum agat, cuique firmissimè hereat, vtilem ac necessariam esse, hoc quasi syllogismo ac ratiocinatione colligit. Fossio ergo est vltimus finis & extremus huius contemplationis & resolutionis, quæ postmodum in actione, hoc est, in ipsa ædificatione fit primum principium; quemadmodum initium contemplationis fit vltimus & extremus finis in actione & compositione, in quem dirigitur, & in quo quiescit artificis operatio. Etenim initio ædicator molitur telluris fossionem, deinde iacit fundamenta futuri operis; mox struit parietes, tandem parietibus imponit tectum, quo imposito, affectus est suum.

finem, nimirum custodiam ab inclementia & iniuria aeris & cæli, Eadem inueniendi & docendi ratio in cæteris artib ac disciplinis reperitur; quinimò quicquid inuenitur vel docetur artificiose, hoc est, non temerè, sed cum ratione, id omne hac via inuestigari necesse est. Est enim hic modus inueniendi perpetuus ac necessarius, qui nunquā fallit, sed semper dirigitur ad veritatem, quem ipsa adeo natura in componendo imitatur: siquidem natura, vt Aristoteli placeat, propriè non dicitur inuenire; inuentio nanq; est quedā ratiocinatio, & ratiocinatio cognitio; at natura nō cognoscit, etiāsi propter finem aliquē certum ac determinatū agat semper. Hunc quoq; inueniendi in disciplinis & tradendi modum, tota seruauit & imitata est antiquitas. Et Aristot. vniuersæ philosophiæ, tam actiuæ quàm contemplatiuæ præcepta, eodem adinuenit, & adinuenta tradidit.

Legem ergo & actiones ciuiles, in quib, legislator & Iureconsultus versantur, resolvendo & ratiocinando, tandem ad eam facultatem deuenimus, quæ mores eorūq, principia contemplatur, tanquam ad extremum terminum, à quo veluti principio, in docendo & discendo componendoq; rur-

sua

sus auspiciamus, & ab ea ad œconomicen, ab hac ad politicen, deniq; ab his omnib. ad Iuris ciuilis cognitionem progredimur; quę disciplinæ finis est, & quasi terminus superiorum artium ac disciplinarum, ad quę referuntur. Sit ergo hoc firmum & perpetuum pronunciatum, *Iuris ciuilis studium ultimum inter has artes sibi vindicare locum, tumque rectè & magno cum fructu doceri ac tradi, si priores illa scientia, tanquam prima eius principia & elementa, præcedant.*

CAPVT IV.

Contra leguleios qui Philosophiam à studio Iuris ciuilis distrahunt, brevis disceptatio.

QUO in loco sese multorum hoc nostro tempore Iurecōsultorum insignis error & imperitia satis detexit. Pleriq; enim Iurisprudentiæ studium ita à philosophiæ cognitione distrahunt, vt nihil commune iis aut simile esse opinentur, planè existimantes rem esse ociosam & inutilem, non tantum eius disciplinæ, sed & aliarum artium præcepta, quorum maximus est vsus, memoria comprehensa habere. Ad con-

firmationem sui erroris adducunt breuitatem huius nostræ vitæ, causantur magnitudinem, longitudinē & difficultatem disciplinæ, queruntur numerum Interpretū & commētariorum; & quod magis ridiculum est, existimant vna eademq; opera lus ciuile & cæteras disciplinas, ex vno eodemque scripto addisci posse, ita quidem, vt qui leges recitare possit, illicò bonus Grammaticus, insignis poeta, eloquentissimus orator, acutissimus dialecticus, &, vt quibusdam etiam videtur, geometra & naturalis philosophus ex eadem schola prodeat: satis itaque esse, vt quod per pauciora remedia fieri potest, per plura & longiora ne efficiatur. Alii vero etsi philosophiæ cæterarumque artium præstantissimarum vsum non ignorant, moderatius tamen id fieri volunt, tantumq; studium, tamq; multam operam ponendam in eo non arbitrantur, satis nos officio nostro fecisse arbitantes, si primoribus, vt aiunt, labris hæc attigerimus, & more apum optimos quosq; flores ex infinitate illa decerpserimus. Sed philosophiæ quidem vituperatorib. quorū longè maior est error, facilè respōderi, aliis nō æquè potest. Quid enim ineptius excogitari aut dici à quoquam potest, quàm mole,
magni-

magnitudine, numero, confusione librorū,
& Interpretum, artis & scientiæ æstimare
velle difficultatem, breuitatem atque lon-
gitudinem? Neque enim ex artifice ars, sed
ex arte artifex iudicatur; cæteroquin fieri
posset, vt artes etiam nobilissimæ præstan-
tissimeque vitio artificum essent ignobiles
ac turpissimæ. Multi profecto qui artem
medendi profitentur, interdum homines
sanare volentes, eos imperitia sua potioni-
bus occidunt; an propterea ars medica, suis
laudibus fraudanda est? Multi naufragium
negligentia & nauigandi inscitia commit-
tunt, an idcirco ars ea nauigandi vitupera-
bitur? Sanè plerique Iuris ciuilis præcepta
nullo ordine, nullaque via & methodo cō-
scribi ac doceri posse arbitrantur, atque ita
etiam docent, an propterea id artis vitio,
quæ ex se pulcherrima est, tribuendum exi-
stimabimus? Tenenda ergo est differen-
tia & discrimen inter hæc, quantumq; ars
& artifex inter se communicent vel dissen-
tiant, diligenter perspiciendum. Disci-
plinæ enim ex se, & suapte natura non sunt
longæ, etsi altera lōgior & difficilior est al-
tera; quia cognitione theorematum & præ-
ceptorum constant, quæ non sunt infinita,
sed numero aliquo comprehensa, & certa

atque definita; quorum cognitioni & comprehensioni satis vita sufficit, eiusque respectu brevis non est. At vero usus & exercitatio artis ut difficillima est, ita quoque est longissima, atque vnius hominis vitæ longitudine, propter infinitas circumstantiarum varietates perplexitatesque, commodè haberi non potest. Iam vero quod ex vno eodemque iure civili, reliquarum artium præcepta disci posse opinantur, quid obsecro aliud est, quam cælum terræ miscere, artium ac disciplinarum fines, scopos, præcepta, temerè & sine ratione confundere, atque ex multis diuersis & disparatis scientiis, quinimo ex infinitis rebus planeque contrariis, vnum quid facere? Quis enim ignoret, aliud esse Latinè scribere & loqui, scientificè & probabiliter in vtramque partem de quacunque proposita quæstione differere posse; & aliud, iusti & iniusti notitiam numerorum vel humani corporis cognitionem habere? Scientiæ nanque & artes omnes ita inter se differunt, quemadmodum & res & materiæ quas contemplantur, & fines, ad quos diriguntur: fierique non potest ut vna eademque ars diuersas rerum naturas cognoscat. Multæ etiam sunt, quæ etsi res non contemplantur, nec quippiam

agant,

agant, vsum tamen adhæc præstant, suntq;
veluti instrumenta & organa, sine quibus
neq; cognoscere rerum naturas, neq; quip-
piam commodè efficere possumus; veluti
sunt omnes illæ artes, quæ sermonis ora-
tionisque ac docendi modum tractât. Sed
enim neque illud quidem semper verè di-
citur, *frustra fieri per plura, quod per pauciora*
fieri potest: multa enim sunt, quæ commo-
dius & citius lōgiori via assequimur, quàm
breuiori; quæ si difficilis & obscura est, inc-
pta est ad discendum & agendum. Titius
enim (exempli gratia) si in forum ire de-
creuerit, vel regia via, quæ longior fortasse
aliquot passib. est, sed plana alioquin & mū-
da; vel cōpendio aliquo aspero & lutofo, eò
proficisci potest; certè (nisi mentis compos-
non sit) longiorem & cōmodiorem eligeret,
citiusq; quam si breuiorem & intricatam
ingressus fuisset, ad destinatum locum per-
ueniet. Similis est ratio in scientiis & disci-
plinis, quæ sibi ita sunt affines & connexæ,
vt multæ sine aliarum cognitione, aut o-
mnino, aut certè commodè haberi nō pos-
sint. Est enim quædam iis similitudo & co-
gnatio, cum corpore humano ipsiusq; par-
tibus, qua mirum quædam in modum in-
ter se conspirant & consentiunt, alteraque

alteri vsum mutuumque auxilium præstat, ut separatæ ac disjunctæ, officio omni atq; actione sua priuentur. Denique memini non paucos à præceptis philosophiæ abhoruisse. quod à plerisque incultè satis & barbarè ea conscripta esse conspicerent; quibus ego quoque assentior, dum modograuiores scriptores, de iisdem rectè & copiose disputantes, non contemnant. Qui vero nostrum philosophiæ studium non in totum reprehendunt, si remissius & moderatius agatur, in eo rectè mihi facere videtur, quod (vt ego arbitror) hominum animos à reb. non vtilibus, sed spinosis & non multum vtilibus, quæ in quibusdam philosophorum scriptis continentur, auocantes, eos ad honestiora & ad vitæ vsum conferentia præcepta hortantur. Est enim modus seruandus in perdiscendis disciplinis, statuendusque scopus aliquis, ad quem rationes omnium nostrorum studiorum dirigantur, cum fieri nequeat vt in omnibus ex æquo excellas, satisque sit eatenus vnamquaq; disciplinam attigisse didicisseq; quatenus rei necessitas postulare videatur. Est etiam discrimen aliquod seruandum in omnibus disciplinis: quædam enim plus delectationis, quædam plus necessitatis in se habent.

Quæ

Quæ necessarię sunt & vtilis, non tantum degustadæ, sed & penitus perdiscendę sunt; quales sunt eę, quę omnibus communes sunt, suumq; vsum omnibus præstant, vt ars differendi, & scribendi, & loquendi, quę sunt veluti instrumenta & manus, quibus scientiæ & disciplinæ omnes tanquam reb, necessariis vtuntur. Itemque illæ quę viciniore sunt, & similes & cognatę, & vt philosophia iūt, *subalternata*: veluti, medico magis in naturali philosophiæ parte laborandum est, quam in morali; & Iureconsulto in hac magis quam naturali: quia vt medicus principia sui subiecti, itemque rationes & causas à naturali mutuatur, ita Iureconsultus à morali & ciuili. Eademque similitudo & cognatio in cæteris disciplinis inuenitur. Artes vero ac disciplinæ quę non ita necessarię sunt, sed plus delectationis & exercitii continent, etsi planè omitteri non debeant, leuius tamen attingendę sunt, cum fieri nequeat, vt omnes eodem fructu, pariq; vtilitate addisci possint. Nam & in his id vitandum est, ne nimis magnū studium multamq; operam in res obscuras atque difficiles conferamus, easdemq; non necessarias; vt in astrologia, vel in geometria aliqui faciūt: multi in dialē-

eticis, plures in cognitione vtriusq; sermonis, Latini & Græci. Quæ omnes artes, quanquam laudabiles sunt, & nonnullæ earum summopere necessariae, earū tamen studio à proposito abduci, contra omnem rationem est. Sed philosophiæ quidem vituperatoribus, iisque qui difficilem quandam temperantiam postulant in reb. præclaris & honestis atque etiam necessariis, quæ admittæ coerceri neq; possunt, neque debent reprimi, satis iis libris respondebimus, quos de sectis Iurecōsultorum inscribemus. Ex his iam satis patere arbitror, quis & qualis sit ordo lectionis huius nostræ Iurisprudentiæ; adhæc, quæ disciplinæ ipsam necessariò doctrinæ ordine antecedant; denique quæ ad ipsius cognitionem utiliter adhiberi possint ac debeant, si modo perfecta & non fucata eius notitia desideretur.



PRINCIPIORVM

IURIS LIBER IV.

CAPVT I.

De genere subiecto Iurisprudentiæ.



Ognito doctrinæ & lectionis ordine, ratio deinceps postulare videtur, vt proximius ad Iurisprudentiæ naturā explicandam accedamus. Natura autem artium ac disciplinarum omnium, duabus potissimū solet æstimari rebus; genere subiecto, seu materia in qua ars & sciētia versatur, cuiusq; affectiones & passionēs quælibet earū contemplatur aut efficit: & proprio fine, ad quē omnis effectio vel contemplatio dirigitur, omniaq; quę in arte aut disciplina docentur præcepta, referuntur. De genere igitur subiecto & materia Iurisprudentiæ dicendum est; quam facile adinueniemus, si ea quæ superiori loco à nobis posita constitutaque sunt, diligenter, vt par est, perpendesimus.

Atque id quidem initio citra omnem controuersiam, quod & sæpe antea dixi, statuerendum est, vnum idemq; esse & legislatoris & Iureconsulti genus subiectum: quippe cū alter ab altero, non scopo, qui vtrique vnus est, sed ratione & ~~q̄er~~ tantum differat; ac legislatoris proprium officium sit, proposita sibi iustitia, leges in repub. salutare & vtilis condere; Iureconsulti verò, easdem commodè & ad subditorum ac ciuium tranquillitatem atq; concordiam tuendam, accommodatè interpretari. Qui igitur ea de quibus leges feruntur & statuuntur, cognouerit, is etiā qua in re vtriusque actio versetur, quæq; vtriusq; materia subiecta sit, intelliget: quippe cū vtriq; habitus sit quidam, vel leges rectè cōdendi, vel easdem bene interpretandi, & ad ciuium vsum vtilitatemque accommodandi. Itaq; lex, vt nuper dixi, est vinculum humanæ ac ciuili societatis, eademque conseruatrix iustitiæ, cæterarumq; virtutum omnium, quæ in hominū vitæq; consuetudine reperiuntur. Conseruatrix, inquā, iustitiæ est, quia societati ciuili, tanquam supremus aliquis rex & magistratus imperat, præscribens iusta, recta & vtilia, iis qui parent & imperant, vetansq; ac prohibens horum contraria; bonos & modestos

destos ciues præmiis ad virtutem alliciens, malos inflicta pœna à vitiis deterrens atque coercens: vt non immeritò à Cicerone dictũ sit, *magistratum esse legem loquentem, & legem esse magistratum mutum & tacentem.*

Quum ergo legis officium sit, imperare honesta, iusta & vtilia ac prohibere horum contraria, efficitur vt de actionib. lex quidpiam statuatur, easve contempletur. Iustum enim & iniustum, honestum & inhonestũ, bonum ac malum, in actionibus cernitur; quippe cum boni & mali, iusti & iniusti homines, ob actiones bonas vel malas, iustas & iniustas ita denominentur, simpliciterque virtus & vitium in actione quæ vel laude vel vituperio digna est, consistit. Lex ergo de actionibus fertur, in quibus quid honestum & inhonestum, quid iustum & iniustum sit, aperit. Quapropter & legislatores & Iureconsultum, qui leges condere aut interpretari nituntur, easdem contemplari necesse est.

CAPVT II.

Species actionum.

SEd. n. actiones sunt multiplices & variæ, Sideoq; diuidendæ ac distinguendæ. Quæ.

dam nanq; sunt rerum animatarū, quædam inanimatarum. Actiones rerum inanimatarum sunt, quæ tū à simplicium, tum compositarum rerum facultatibus natura insitis, oriuntur; veluti, ignis dicitur calefacere, aqua & ær humectare, terra frigefacere, Magnes lapis ferrum attrahere; quæ actiones omnes, huiusq; generis reliquæ propè infinitæ, pendent à suis principiis naturalibus, quas *δυνάμεις* appellant, quia à natura rebus ingenerantur. Hæ ergo actiones, quia bonæ aut malæ propriè, iustæ vel iniustæ, neque sunt, nec dicuntur, ad nullam legem referuntur, neque de iis quidpiam statui à legislatore potest, quippe cum neque societatem hominum tueri, neque etiam lædere possint.

Actiones vero rerum animatarum, aut sunt propriæ earum quæ ratione utuntur, aut communes cum iis quæ ratione carent. Ratione utentium, ut hominum; carentiū, ut brutorum: facultas enim & actio generandi, nutriendi, augendi, concoquendi, attrahendi, expellendique, itemque appetendi, respuendi, simpliciterq; omnes eæ quas tum vitales, tum naturales appellant, communes sunt hominibus cum brutis animantibus, quæ ratione minimè reguntur, sed natura:

tura : ideoque in potestate & arbitrio nostro positę non sunt. Vnde fit, vt neque lege prohiberi, neque iuberi, nemoque bonus vel malus, iustus aut iniustus, ab his appellari possit. Quare superest, vt solę illę actiones quę in potestate nostra sunt, & hominum proprię à legislatore considerentur; quippe cū ex his iusti & iniusti, boni & mali homines dicantur, laudenturq; ac vituperentur, iisq; societas ciuilis custodiri, eadem vel lædi dissiparique valeat. Sedenim hę actiones, quę in nobis positę sunt, & à nobis profiscūtur, aut sponte, aut inuite fiūt. Sponte fieri dicuntur, quę sine vi, iudicio & studio ac voluntate nostra geruntur. Inuite fiunt, quę contra voluntatem per vim & imperium, vel ignorantiam & inscitiam perpetrantur. Ignorantia duplex est, altera iuris, altera facti. Hę actiones omnes, bono & malo, honesto ac inhonesto diiudicantur, hominesque ab iisdem, boni vel mali, laude vel vituperio digni censentur, ideoq; his vel pręmia vel supplicia à legislatoribus eorumque legibus proponuntur. Vt enim recte factis beneficia & fructus, ita peccatis poenę & reprehensiones debentur. Vnde recte Demosthenes legem sic definiuit: *Lex est, cui omnes obtemperare conuenit, cum ob*

alia multa, tum vero maxime, eo quod lex omnis iuventum ac munus deorum est, consultum prudentium hominum, coercitio eorum qua vel sponte vel ignorantia delinquuntur, communis sponsio ciuitatis, ad cuius prescriptum omnes qui in ea reipub. sunt vitam instituere par est. Porro autem eadem actiones, quæ à nobis sponte aut ignorantia geruntur, duobus modis cōcipi possunt; aut simpliciter, absolutè & per se, hoc est, intra hominem, quatenus mente cogitantur, tātum neque in opus prorumpunt; aut verò relatione quadam ad alterum, quatenus exeūt in opus, ciuilemque societatem & communitatem reipubl. lædere possunt, eandemve custodire. Plurimum enim inter has interesse credendum est, quippe cum multi animo & cogitatione intemperantes, adulteri, auari, audacesque & iniusti reperiantur, metu tamen pœnarum, quæ à legibus proponuntur, perterriti, animo cogitata proferre, factoque vitium mentis deducere non audent; ac proinde de his actionibus, etsi laude vel vituperio dignæ sint, leges nō sunt sollicitæ, propterea quod ciuilem societatem neque lædunt, neque conseruant; ipsaque lex nihil aliud sit, quam vinculum huius societatis & reipubl. quæ partes omnes concordia-

mici-

amicitia inter se connectit Quapropter recte
Ulpia. noster dixit, cogitationis poenam ne-
minem pati, si, vt rectè. Interpretes annotāt,
cogitationē nihil sequatur, quod alteri no-
ceat. Quanquā vero legib. hæ actiones non
contineantur, tamē ad alterius artificis præ-
ceptiones referūtur, qui quid in his laude vel
vituperio dignum sit, ostendit; pertinetque
proprie hæc cōsideratio ad eam philosophiæ
partem quæ de moribus tractat, vitæq; pri-
uatæ moderationem institutionemq; pro-
fiteretur: ea enim nō crassa tantū. quæq; oca-
lis manibusq; percipiuntur hominis vitia,
præceptis institutisq; vitæ corrigit, sed mul-
to magis latentia animi mētisq; peccata ex-
pellit, & affectibus cæterisq; tum animi tū
corporis perturbationibus cōmodè mederi
docet. Perinde igitur se habet politicus & le-
gislator ad philosophū moralem, quemad-
modū medicus ad physiologū; & vicissim,
vt physiologus ad moralem, ita medicus ad
legislatorem vel Iureconsultū. Medicus. n.
hominem sanum eum esse pronunciat, qui
omnes actiones corporis & animi. vitales
inquā, naturales animalesq; ita affectas atq;
dispositas habet, vt nullum in his manife-
stum incōmodum sensu percipi lēsioue ali-
qua insignis, membri functionē impediens,

oculis cerni possit. Ægrotum vero illum, in quo perspicuum euidensq; apparet actionis impedimentum, ita quidem, ut levis aliqua humorum, aliarumve rerum mutatio sensum effugiens, ad sanitatem constituendam, morbumve inducendum sufficere nō videatur. At Physiologus qui occultas rerū naturas rimatur, non ad inferiores corporis sensus se demittit, sed ratione duce causas rerum omnium quæ gignuntur, exactiori modo perquirat, & sanitatem vel morbum non ex actione corporis, sed potius eius cōstitutione metitur; sanumq; hominē cum demū esse opinatur, qui exactissimam in partibus simpliciorib. maximeque constantem obtinet temperiem; in compositis autem, quas organicas appellant, perfectam, nulloque vitio, quod sensu, sed ne ratione quidem cerni possit, depravatam compositionē. Par est ratio legislatoris & moralis philosophi; etenim legislator ipsiusque interpreter Iureconsultus, non de omnibus actionibus loquuntur, sed de iis tantum quæ manifeste societatem reipub. corrumpunt aut custodiunt; neque eos iustos iniustosve, temperantes aut intemperātes esse pronunciant, qui solo consilio animiq; propositione ea cogitant, nisi quoq; aliquis actus access-

accesſerit, qui reipub. aut prodeſſe aut obefſe poſſit. Vnde Tryphonius fugitiuum eſſe ait, non eum qui ſolum fugiendi conſilium à domino ſuſceperit, licet id ſe facturum iactauerit, ſed qui in ipſo facto fugæ, vitium mentis deduxerit. Nam & furem, & adulterum, & aleatorem, quanquam alia ſignificatione ex animi propoſitione cuiusque ſola dicere quis poſſet, etiam hunc qui nunquam invito domino rem alienam ſubtraherit, qui nunquam alienam matrem familiàs corruperit, ſi modo eius mentis ſit, vt occasione data, id cõmiſſurus ſit, tamen oportere hæc crimina, aſſumpto actu intelligi; & ideo fugitiuū quoque & erroneū, non ſecundum propoſitionem ſolam, ſed cum aliquo actu ſumi oportere. Diſſimilis eſt ratio in philoſopho morali, qui & ipſe rationem modumque recte viuendi & agendi præſcribit, ſed tamen non eodem modo quo legiſlator: quandoquidem vt hic exterioreſ actiones moderatur, ita ille interioreſ quæ in animo ſunt perturbationeſ & affectuſ ſenſum minime incurrenteſ compeſcit, ac ratione diiudicat,

CAPVT III.

Ciuiles actiones esse propriam materiam iuris.

Actiones ergo ad quas legislatorum & Iureconsultorum placita diriguntur, *ciuiles* nuncupabimus, quod in ciuitate & repub. & omnino in quadam societate, hominumq; cōmunitate spectetur. Porro autem actiones ciuiles, de quibus nunc loquimur, duorum sunt generum. Vnum genus est earum quæ sæpe & plurimum fieri solent, & quotidie accidunt: alterū, earum quæ nunquā aut raro. Quæ sæpe fiunt, certò defini-ri ac præceptis comprehendi possunt, quæ raro eueniunt, quum indefinitæ & indeterminate sint, in nullam artificis disciplinam, vllamve doctrinam præceptionemq; incidunt: quapropter neq; de his legislatores leges condendas existimarunt. Rectè igitur Theophrastus inquit, Iura constitui oportere in iis quæ ὅτι πὺν πλείων, non in his quæ ἐν ὁρίων (sic enim, & mea quidem sententia, rectius Pandectæ Florentinæ habēt) accidunt. Et Paulus, ὅτι γὰρ ἀπαξ ἢ δις, ὁρίζονται οἱ νομοθέται. Et Celsus, ex iis quæ forte vno aliquo casu accidere possunt, iura

NON

non constitui. Nam ad ea potius debere aptari ius, quæ & frequenter & facile, quam ad ea quæ perraro eueniunt. Quod ita accipiendum est; de aqua pluuiâ ius constitui oportet, quæ ut plurimum cadere solet, non etiam de lapidibus pluuiis, qui nunquã aut semel tantum ceciderunt. quod si sæpius præter hominum opinionem lapidibus vel auro, aliãve re inexpectata plueret inciperet, leges nouas de his ferri oporteret. Itaq; quia contractus, maleficia, successiones, bella, itemq; huius generis prope infinita frequenter ac sæpenumero accidunt, ideo de his leges statui oportuit. Ideoque ridiculæ sunt glossarum & doctorum quæstiones ac solutiones hoc loco propositæ, de homine, qui cum testatus decedit, & ab inferis rursus reuertitur, aut decapitatus vitæ restituitur (quod etsi semel tantum euenit, amplius tamen non potest) an ad possessionem suorum bonorum admittatur; aliq; nō paucę, quas breuitatis causa ut inutiles & ociosas omitto. Huc pertinet Solonis illud dictum, cuius meminit Cic. in oratione pro Ros. Amerino. Is enim cum interrogaretur, cur nullum supplicium constituisset in eum qui parentem necasset: respondit, *se id neminem facturum putasse*. Sapienter fecisse dicitur, cum de-

eo nihil sanxerit, quod antea commissum non erat, ne non tam prohibere, quam admonere videretur. Quod si quid eiusmodi, quod antea nūquam euenerit, accadat, profecto noua Principis constitutione decreto-ve, aut interpretatione legum, quæ ad similes casus latæ sunt, opus est, quemadmodum recte Imperator Iustinianus in præfatione Pandect. constitut. 3. sic loquitur: *Sed quia diuina res quidem perfectissima sunt, humani vero iuris conditio in infinitum decurrit, & nihil est in eo quod stare possit perpetuo (multas etenim formas edere natura nouæ deproperat) non desperamus, quadam postea emergere negotia, quæ adhuc legum laqueis nō sunt innotata. Si quid igitur tale contigerit, Augustum imploretur remedium: quia ideo Imperialem fortunam rebus humanis Deus præposuit, ut possit omnia, quæ nouiter cōtingunt, & emendare & componere, & modis ac regulis competentibus tradere: & hoc non primum à nobis dictum est, sed ab antiqua descendit prosapia, cum & ipse Iulianus legum & edicti perpetui subtilissimus conditor, suis libris hoc retulerit, ut si quid imperfectū inueniatur, ab Imperiali sanctione hoc repleatur. Et hoc non ipse solus, sed & diuus Hadrianus in compositione edicti & senatus consulto, quod*

eam sequutum est, hoc apertissimè definiuit, ut si quid in edicto possum non inueniatur, hoc ad eius regulas, eiusq; coniecturas & imitationes possit noua instruere autoritas. Hæc Iustinianus. Id tamen animaduersione dignum esse arbitror, quod glossa ac Dd. non perpendunt, voces has, Sæpe & raro, bifariâ posse dici; aut simpliciter & absolutè, sine collatione ac similitudine; aut respectiuè & relatiuè, ad alterum eiusdè, vel diuersi generis. Absolutè euenire dicimus, quod indies accidere solet: vt, aquam pluuiam cadere, hominem mori, & quæ his sunt affinia, quorum vsus est quotidianus. Absolutè raro fieri dicitur, quod semel aut bis tantum euenit, aut euenire potest; vt, foeminam vno partu septem filios edere; hominè mortuum resuscitari, quod in Lazaro factum legimus; vel lapides pluerè, cæteraque huius generis. Hæc ergo omnia dicuntur absolute raro vel sæpe fieri, quia ad nullâ rem certam definitamque referuntur. Alia ratione dicitur quid sæpe fieri respectiuè; veluti cum duas res conferimus, quarum vtraque euenire quandoque solet, sed altera magis quàm altera, vt vox Sæpe, comparisonem significet: veluti cum dicimus, sæpe homines intestatos mori, comparatione

facta, ad eos qui testatò moriuntur. Plures enim ab intestato, quam testatò occidunt. Huc pertinet illud, cùm quæritur à Paulo Iureconsulto, ex quota parte interim hæres existat, qui posthumum cohæredem habere potest, cum fieri possit, factumque quandoque sit, ut quatuor pariter puellæ à matrefamilias natæ sint: & non leuibus autoribus traditum sit, quinquies quaternas enixam Peloponnesiam, & multas Ægypti vno vtero septenas: sed & tergeminos senatores cunctos Romam habuisse Horatios; Læliumque vidisse in Palatio liberam mulierem, quæ ab Alexandria perducta esset ut Hadriano ostenderetur, cum quinque liberis, ex quibus quatuor eodem tempore enixa dicebatur, quintum post quadragessimū diem. Quid ergo? prudentissimè inquit, *Iuris autores medietatem quandam secuti sunt, ut quod fieri non raro admodum posset, iustuerentur*: id est, quia fieri poterat ut tergemini nascerentur, quartam partem filio superstiti assignauerunt. Quem locum ut non intelligunt interpretes, ita hac nostra distinctione facillimè explicatur. Ter geminos nanque nasci, etsi per se & suapte natura raro accidere solet, sæpe tamen euenire dicitur, si cum eo conferas, quod septem.

ptem aut quinque vnico partu nascantur: itaque de his quæ vel suapte natura, vel saltem in suo genere, quoad eius fieri potest, & relatiuè sæpe euenire solent, leges ferendas Iuris autores existimarunt. Ex his iam (vt breuiter omnia ea quæ fuisse disputata à nobis sunt, colligamus) manifestum esse arbitror, proprium legis, ipsarumque auctoris ac interpretis genus subiectum, & materiam in qua versantur, nihil aliud esse, quàm actiones humanas quæ in nostra potestate vt fiant, aut non fiant, positæ sunt, quæque vi vel ignorantia contrahuntur, & vt plurimum euenire solent, & ciuiles & legitimæ sunt; vel si magis succinctè rem nominare libet, actiones, ciuiles Iureconfulti & legislatoris materiam esse statuendum est. Hæc enim differentia addita actioni, complectitur sua vi ac potestate priores omnes, ipsamque materiam legis distinguit à cæteris artificibus. omnibus, qui actiones rerum contemplantur. Porro autē ne quis hîc decipiatur, actiones ciuiles non eas intelligi volo quæ in iudicio exerceri solēt, quas Imp. nihil aliud esse inquit, *quā iura persequendi in iudicio, ea quæ sibi debentur*: sed simpliciter oēs act⁹, & negocia humana ac ciuilia, siue in iure, siue

in facto consistent, quæ in hominum inter se tuenda societate spectantur: vt sunt contractus, tutela, possessio, dominium, exhereditatio, usufructus, præscriptio, & in vniversum omnes causæ, de quibus legibus quidpiam cautum esse intelligitur. Etenim *actionis* nomē, vt glossa & interpretes in Inst. tit. de actionibus annotāt, ad multas significationes extenditur. Quandoque enim pro accusatione criminali ponitur; quandoque pro iure agendi & persequendi in iudicio; quandoq; quod *δικω* appellant, pro administratione; itemque pro causa, vt sensit Io. Platea, sed non recte, vt ibi perfuse notatur: & pro administratione seu *οικονομία*, vt Cicero: quos ego habui omnium mearum actionum monitores. Itemque pro pronuntiatione, quam *ὑποκρίσειν* vocant. Cic. in Orat. Est enim actio quasi corporis quædam eloquentia, cum constat è voce atque motu. Itemq; pro oratione scripta, vel historia, vt Ciceronis in Verrem. Et Quintil. lib. 7. Cuius actionem equidem solam in hoc tempus emiseram. Quandoq; etiam dicitur defensio, & *δικαλογία*, siue oratio pro causę defensione, aut alicuius rei de qua agitur. Cic. Q. Valerio: Actionem meam C. Cæsar

Cæsar

Cæsar primo suo consulatu lege in Agra-
ria comprobauit. Sumitur quoque inter-
dum actio, pro beneficii accepti, verborum
grata redditione: vt Cicero pro Planco: *Quā-
quam gratiarum actionem à te non desidera-
bam.* Et generaliter tandem pro omni o-
peratione, atque actu, siue animi sit, siue
corporis: vt Cic. libro primo Offic. *Virtutis
enim laus omnis in actione consistit.* Qua ra-
tione à nobis hoc loco etiam concipitur, &
à legibus, de his earumque iuribus præci-
pitur. Iura enim aut ab actionibus gignū-
tur, aut ad easdem vt fines referuntur. Actio
ergo legitima & ciuilis esto verum Iurispru-
dentia ac legislatoris genus subiectum ac
materia, quam contemplantur.

CAPVT IV.

*Contra leguleios, qui auctoritatibus
omnia comprobant.*

VERUM vt res euidentis alioquin per se,
manifestior fiat, conabor hanc meam
de Iurisprudentia subiecto sententiam, nō
tantum rationibus philosophicis, sed et-
iam Iureconsultorum auctoritatibus com-
probare, ne illud mihi fortasse à quoquam
obiici possit, turpe esse sine lege loqui, quod

pleriq; legulei faciūt, qui neq; momēta rationū, neq; quib; quoq; loco vtendum, satis intelligunt. Vt enim semper cū necesse est, rei que natura, de qua disputatur, postulat, sine lege quidpiam pronūciare aut statuere periculosum minimeq; decorum est: ita quælibet præcepta ac pronuntiata legibus demonstrare velle, ridiculum est, planeq; ociosum. Seruanda nanq; est diligens & artificiosa docendi ratio, ne iisdem rationibus ex eadem disciplina assumptis, eiusdem scientiæ vel artis theoremata & principia comprobare velle videamur; quæ sane præceptio accuratè & prudenter ab Aristotele primo posteriorum Analyt. tradita est; quam qui non sequuntur, grauiter errant, tum quia demonstrationum genera confundunt, tum quia eadem faciunt notiora & ignotiora, tum deniq; quia disciplinarum præcepta finesque & limites, quibus constringuntur omnes, perperā inuoluūt, ac res superfluas easdemq; inutiles & superuacaneas miscent, necessarias interim inscitia prætermittentes. Quæ docēdi ratio quia peculiaris est multis hoc nostro tempore Iureconsultis, paululum à re proposita digressi quātum in se vitiositatis leuitatisq; contineat, ostendemus. Ac pri-

mum.

num quidem, ut à notissimis & manifestissimis exordiar, quis est tam omnium disciplinarum ignarus, ac sciētiarum expers, qui non artes omnes, earumque præcepta, suis propriis finibus, quas transgredi vitiosum est: circumscriptas & quasi circūuallatas intelligat? Quod vel hinc colligi potest, quod neque physicus sua theoremata & pronuntiata, quę in natura dubitationem habent, ex aliarum artium propositionibus, sed ex propriis; nec mathematicus ex Iurisprudentiæ aut physicæ axiomatibus; neque aliarum scientiarum vlla, ex alienis sua demonstrare nititur: quippe cum media, quorum beneficio extrema coniunguntur, eiusdem naturæ & ordinis cum extremis esse debeant, si vera, & non apparens demonstratio esse contendat. Itaque mathematicus mathematicis, physicus physicis, medicus medicis, moralis moralibus mediis, ad nectendas propositiones conclusionibus, utetur. Quod si id ipsum ita est, ut certè est, quam ridicula est eorum tradendi Iurisprudentiam ratio, qui cæterarum disciplinarum non tantum præcepta legislatorum autoritatibus confirmant, sed ne yllam quidem sentētiā, interdum etiam ne vocem quæ legislatoribus cognita, aut

lege comprobata non sit, proferre audent? egregiè se suo officio functos existimantes, si non columnas, non paginas, sed terniones, ac nisi quandoque tædium lectori allaturos se putarent, longissimos libros, Doctorum & legum non necessariis citationibus & autoritatibus repletos conscribant; ociosi & indocti hominis iudicium, ab omni rectaratione, cuius potissima in doctrina laus est, alienum. Quid enim definitio Dialecticorum, genere & propriis differentiis cõstans, vera & necessaria? An medicorum regula, *Cõtraria contrariis curari*, perpetua non erit, nisi lege aliqua, aut opinionibus multorum Doctorem confirmetur? An, *contrariorum eandem esse disciplinam*, falsum? vel, vt semel dicam, an tota argumentandi ratio nulla futura est, nisi aut Vlpiani aut Pauli Iureconsultorum doctissimorum responso comprobetur? Vitanda profecto est hæc disciplinarum confusio, & reprimenda atque castiganda insignis & impudens hominum audacia, ne bene cõstituti artium fines, temerè aliorum imperitia misceantur, & adolescentum ingenia rudia adhuc & imbecilla, perplexitate ac confusa rerum omnium multitudine, ab honestissimo proposito deterreantur, rerumq;

rumq; per se facillimarum comprehensione fraudentur. Alterum est vitium, quod pleriq; in rebus manifestis, nullaque demonstratione aut confirmatione indigentibus, inutiliter eas legum & doctorum virorum autoritatibus confirmando, insistant. Cùm enim omnis demonstratio ad obscurarum rerum explicationem adhibeatur, frustra illi laborant qui res notas, nullaque dubitatione implicatas, euoluere aperireq; contendunt. Sunt autem quædam nota per se & suapte natura; vt quæ exposita sunt sensibus; videlicet, ignem calefacere, & quæ omnium hominum animis à natura insitæ atque impressæ sunt notitiæ, quas *ἐννοίας κοινὰς* & *ἀξιώματα* Græci appellant, cuiusmodi sunt, *Contraria contrariis curari: Vim vi repellere licere*, & quæ his sunt similia. Quædam autem nota quidem sunt & manifesta, non per se, & suapte natura, sed positione tantum; tum quia in qualibet arte quasi præsupponuntur esse artificii cognita & concessa, tum quia ex eiusdem artis vel scientiæ theorematibus demonstrari non possunt. Huiusmodi est genus subiectum artis, eiusdemque finis & principia prima, ex quorum cōnexione demonstrationes conficiuntur. Vt enim me-

dicus non nititur probare sanitatem esse finem, nec corpus humanum esse subiectum suæ artis, vel quantitatem continuam geometra, aut ciuilis & politicus rempub. ita neq; legislator vel Iureconsultus de actionibus ciuilibus & iustitiæ conseruatione quidpiam dubitant, sed hæc tanquam cōcessa artis suæ principia sumentes, leges de actionibus ciuilibus ad æqualitatem illam iustitiæ tendentes condunt, vel conditas iam interpretantur. Vel si quidpiam de genere subiecto aut fine proposito disputant, id non ex propriæ artis, sed aliarum scientiarum, quæ ipsam antecedunt, sumunt. Cum enim theoremata ac præcepta artis, ex eiusdem artis vel scientiæ principiis demonstrantur, fieri profecto nequit, vt eadē principia ex iisdem conclusionibus cōprobentur; ceteroquin principia nō essent principia, quia non essent prima; & cōclusiones essent notiores principiis, & sic eadem notiora & ignotiora; deniq; daretur progressus in infinitum, quia principii esset principii, quod ab omni sensu & ratione abhorrens est & alienum. Vt ergo seruetur recta docendi in disciplinis ratio, quædam citra demonstrationem sumenda sunt, quædam sine probatione admittenda non sunt. atq;

ineptæ

ineptè illi faciunt, qui non nisi rebus magna legum infinitate conclusis, fidem adhibent.

CAPVT V.

*Demonstratio generis subiecti
Iurisconsulti.*

His ita breuiter expositis, ad propositum reuertamur, & qua ratione actio ciuilis & legitima, propria Iurecōsulti & legislatoris materia sit, demonstratione tū philosophica, tum legali ostendamus. Aristoteles itaque omnis philosophiæ princeps, in libro Analyt. posteriorum, quatuor res ad generis subiecti alicuius scientiæ naturam necessarias esse (& rectè id quidem mea sententia) arbitratus est: principia nimirū, partes, & passionēs seu proprias affectiones, quas *πᾶθη* & *συμπῶματα* Græci appellant: denique vt omnia illa quæ in disciplina, cuius subiectum esse ostenditur, ad illud tanquam primum quoddam principium referantur, ita quidem, vt quicquid artifex moliatur, agat vel contempletur, id totum eius rei gratia fecisse videatur. *Principia* appello, tum sua elementa quæ insunt, qualia sunt, materia

& formatum suas causas, quæ non insunt, ut efficiens & finis. *Partes* eas voco, quas nostri dialectici *species*, barbari *partes subiectivas*, quod generi subiectæ sint, nominant. Passiones autem, propriæ sunt affectiones, seu propria accidentia, quæ de genere subiecto eiusque partibus demonstrantur. Principia ergo in omni disciplina cognita sunt necessaria, quippe cū ex his demonstrationes necitantur, ex iisque propriæ passiones oriantur. Sed hoc interest, quod non omnis ars vel disciplina, omnia principiorum genera contemplatur; quædam enim artes his omnibus coniunctim, quædam duobus, quædam vno tantum vtuntur. Physicus nanque & materiam & formam primam, & efficiens & finem cognoscit. Metaphysicus efficiens primum, & formam primam. Mathematicus solam formam, vel ut alii volunt, huic adiunctam materiam, sed intellectione formatam. Moralis philosophus, itemque Iureconsultus, & simpliciter omnes ii qui reipubl. vel moribus præsunt, præcipuè finis rationem habent, interea tamen causam efficientem & materialem non negligentes. Quinimò omnis demonstratio quæ in his facultatibus necitur, ex fine vel efficiente vt plu-

ut plurimum peti solet: quia omnis actio alicuius boni gratia fit, & à fine diiudicatur. Propriæ autem affectiones ideo sunt in disciplina necessariae, quia ex his generi suo & partibus eius adiunctis, demonstrationes colliguntur: in scientiis quidem, ut generis subiecti ac passionum natura cognoscatur tantum; in artibus verò & habitibus animi actiuis & factiuis (ut ita dicam) ut modus agendi efficiendive inuestigetur; ut in mathematicis affectionem propriam triaguli, scientiæ & cognitionis gratia demonstramus; in medicina passiones corporis, ut eas vel præsentibus propellamus custodiamusve, vel absentes reuocemus. Eadēq; ratio est in Iure ciuili, & disciplina morali: in his enim affectiones animi, & reipub. actionūve ciuiliū, nō ideo contemplamur ut cognoscamus tantum, sed ut vel vitiosas fugiamus, vel bonas & laudabiles imitemur. Recteq; dixit Aristoteles in fine decimi libri Ethic. *ὅτι ἐστὶν ὁ βίος πολιτικός τέλος τοῦ θεωρῆσαι ἑκάστην ἐργάζεσθαι, ἀλλὰ μάλλον τὸ πράττειν αὐτὰ, ὅθεν δὴ καὶ ἀρετῆς ἰκανὸν τὸ εἰδέναι, ἀλλ' ἔχειν καὶ χρῆσθαι, ποιεῖν, ἢ εἰπὼς ἄλλως ἀγαθὸν γινόμεθα.* Verba enim sola, & solæ disputationes, bonos & ciuiles reddere nos non

possunt, nisi actio & usus quoque accesserit.

Partes insuper & species generis subiecti ad hunc potissimum usum cognoscuntur, ut ex iis præcepta ac theoremata constituantur. Denique non satis esset hæc decenti ac conuenienti methodo ac ratione inuenisse, nisi ad unum aliquem finem, vnumve principium referrentur omnia: quæ enim aliter fiunt aut cognoscuntur, dissoluta prorsus sunt, nec sibi inuicem hærent. Itaque ut omnia coniuncta sint in disciplina, ordoq; & series præceptorum cõstans & æquabilis habeatur, nihilque sit redundans aut superuacaneum, necessariũ omnino est genus subiectum, doctrinæ, ut philosophi aiunt, esse adæquatum; hoc est, omnia quæ in arte aut scientia traduntur, ab illo tanquam rege & supremo principe dependere, & ad vnũ extremum finem referri. Has quatuor res, ad omne genus subiectũ necessarias, in eo quoque, quod nos Iurisprudentiæ subiecimus, reperiri, satis apparet: quippe cùm & principiorum, & partium, & passionum ratione habeat, & omnia præcepta ac theoremata in vnã actionem ciuilem, tanquam receptaculum quoddam referat. Versatur enim hæc operatio ciuilis & politica in materia

teria quadam, eaque aut re, aut persona, aut tertio quodam, quod ex horum relatione & habitudine, ut deinceps dicam, oritur: materia enim ex qua aliquid fit, non est huius instituti sed refertur ad res naturales & artificiosas, de quib. non loquimur. Nec solum contemplatur hanc materiam Iureconsultus. sed etiam causas efficientes, finales & formales. Efficientes quidem, ut naturam & rationem civilem, à quib. tanquam fontibus homines ad agendum impelluntur. Finem verò, ut iustitiam ac tranquillitatem reipub. Forma seu formale principium reducitur ad finem, perinde ac in reb. naturalibus, ubi finis & forma in idem redundant. De partibus ac speciebus actionis, nihil est quod dicam, cum eius sint prope infinite; ut, tutela, cura, ususcapio, præscriptio, obligatio, iudicii persecutio, & quæcunq; tandem actionis nomine continentur. Passiones quoq; & proprietates eius à Iureconsulto considerantur, cum & quæ, & qualis, & quanta, & quo tempore, & quo loco quælibet suscipienda sit, demonstratur. Tandem quid obsecro in toto Iure civili, tam amplo atque vasto pelago, disputatur, quod non unam actionem respiciat, ad eamq; referatur? Nā cum omne ius aut personas, aut res, aut actiones iudicia-

rias contineat, nihil profecto in his inueni-
 re licet, quod non ad actionem civilem per-
 tineat: nam & quæ ratione personæ custo-
 diendæ, sibi inuicem iungendæ, separandæ-
 ve, & quæ his sunt similia, in prima Iuris
 parte, quæ ad personas spectat, traditur. Et
 quomodo res vel acquirendæ vel amitten-
 dæ, in secunda, quæ ad res pertinet, docetur.
 Et in tertia, quæ actiones & quales in iudi-
 cio intentandæ vel omittendæ: quomodo-
 que vel personarum, vel rerum iura nobis
 sunt conseruanda, copiosè disputatur: vt o-
 mnia, nostræ actionis civilis nomine com-
 prehendatur; recteque dici possit, actionem
 legitimam seu politicam, vel si mauis, acta
 & facta politica, esse propriam materiã seu
 genus subiectum, quod Iureconsulti & le-
 gislatores contemplantur. Eadem senten-
 tia confirmari potest multis ac prope infi-
 nitis rationibus, ex media Iurisprudencia
 desumptis. Nam vt definitiones illas legis,
 quæ vel solæ nostram hac de re sententiam
 tueri possunt, superiori loco recitatas, omit-
 tam, audiamus loquentem Vlpianum Iure-
 consultum, qui sic inquit: *Ius est ars boni &*
aqui, cuius merito quis nos sacerdotes appellet.
Iustitiam nanq; colimus. boni & æqui no-
ticiam profitemur, æquum ab iniquo separ-
ran-

rantes, licitum ab illicito discernentes, bonos non solum metu poenarum, verū etiam præmiorum quoque exhortatione efficere cupientes, & veram (nisi fallor) philosophiam affectantes. Bonum autē & æquum, licitum & illicitum, iustum atq; iniustum, in quibus obsecro rebus cernuntur, quam in dictis factisve hominum? quæ si bona & honesta sunt, laudantur; si mala & inhonesta, vituperantur, metuque poenarum coercentur; atque in vniuersum, vt virtutes, ita & vitia in actione consistunt. Idem scribit, tria esse Iuris præcepta, veluti tria omnis iustitiæ principia ac fundamēta, ad quæ omne ius reducat: *honestè nimirum viuere, alterum non ledere, ius suum cuique tribuere.* Quibus sane omnes virtutis partes, & vniuersas vitæ nostræ actiones est complexus: vita enim hæc nostra ciuilis & politica, non otiosa & inanis est, sed tota in actione rerum honestarum & vtilium atque contrariarum fuga & abstinentia posita est. Quapropter rectè Modestinus *legis virtutem esse ait, imperare, vetare, permittere, ac punire.* Et Cicero: *Omnia lex iubet, aut vetat: iubet ea quæ facienda sunt, prohibetq; contraria, permittit licita, punit illicita, quæ omnia ad moderandas hominum actiones, quibus societas con-*

ius vitæ consuetudo coalescit continereturque, referuntur. Tandemque Vlpianus, totum ius aut in acquirendo, aut in communi seruando, aut in minuendo cōsistere testatur; aut enim hoc agitur, quemadmodum quid cuiusq; fiat, aut qua ratione quis rem suam, vel ius suum conseruet, aut quomodo alienet, vel amittat Ex quib. sanè omnib. multisq; aliis, quæ consultò prætermitto, luce meridiana clarius apparet, nostram de materia genereque subiecto legum ac Iurisprudentiæ sententiam, non tantum veterum Iureconsultorum opinioni, sed ipsi adeo rerum veritati esse conformem atque consentaneam.

CAPVT VI.

Opinionum contrariarum refutatio.

Porro autem hoc in loco non immerito quis à me querat qua ratione actio legitima & ciuilis, seu facta dictaq; hominū politica, statuantur propria materia Iuris, cum Imperator statim ab initio suarum Institutionum, & Paulus l. C. l. i. *de statu hominum*, omne ius quo vtimur ad tria pertinere, personas nimirum, vel res, vel actiones, dicat; quæ sententia si vera est, & ab omni nō tantum

tum

tum antiquitate recepta, sed etiam à nostræ ætatis Iureconsultis vno ore comprobata, quo tandem pacto cum nostra consentire atque conuenire poterit? Hæc obiectio etsi speciosa est, tamen nihil in se continet difficultatis; quinimò si diligentius à nobis excutiatur, planè cum nostra hac de re sententia conspirare, idemque sentire inuenietur. Quandoquidē illi facilioris doctrinæ gratia perspicuitati rerum studentes, partes huius generis subiecti, quod actiones esse diximus, loco materiæ & subiecti posuerunt: omne enim, vt nuper dixi, genus subiectum, habet proprias partes seu species, quæ in vno genere conueniunt, & de quib. præcepta atq; theoremata in disciplinis cōstituuntur. vcluti in scientia naturæ, corporis partes sunt quædā simplices, quædam cōpositæ; & hæc rursus variæ ac multiplices, vt in physicis docetur. Et in disciplina de moribus, cuius materia est homo, eius partes sunt anima & corpus; animæ aut, vis intelligēdi, vis irascendi & cōcupiscendi. Eadē ratio est in cæteris artib. ac sciētiiis omnib. vt in illis, ac nostro Iure ciuili, in quo partes & species actionis politicę sunt personæ, res & actiones: sunt in quā partes, nō simpliciter & p se cōsideratæ (quomodo .n. persona aut res per se specta-

ta, operationis actionisve partes esse possent?) sed in quadam relatione & comparatione, quatenus ad se mutua habitudine referuntur, & ex his hominum inter se contractus & συντάγματα proficiscuntur. Itaque legislator non de re, ut res est, nec de persona ut persona est, leges statuit: est enim hæc contemplatio alterius artificis, qui eorum naturas ac principia contemplatur; sed quatenus res aut acquiruntur, aut conservantur, aut amittuntur. Itemq; de personis disputat quatenus possident, usufruunt, tutelam curamve gerunt, serviunt aut dominantur. deniq; de actionibus quibus inter se personæ vel de rebus, vel de dignitate harum, quæ omnia vel acquirere sibi, vel conservare, vel amittere possunt, vel contra non possunt, contendunt: hoc. n. pacto omnia vno actionis nomine continentur: & personæ, res & actiones, sunt quasi fundamenta, ex quibus negotia civilia, operationesq; & actus hominum inter se, gignuntur. Quandoquidem negotium aut respicit personas, & constituit ius personarum; aut respicit res, & hinc oriuntur præcepta de rebus; aut utrumque, cum videlicet personæ vel inter se vel de rebus contendunt, & ex hoc oritur ius de actionibus. Habentque hæc omnia inter se
hunc

hunc ordinem, ut priores quidem fiat personæ, ex quibus subiectis res veluti scaturiunt: ex rebus ipsis personisque rursus actiones emanant. Verbi gratia, persona est, dominus, servus, maritus, vxor, tutor, pupillus. Inter hæc iam nunc quædam cōmercia & *συναλλάγματα* deprehenduntur, ut inter dominum & servum: hic enim servire, ille vero imperare visitur. Parique ratione inter vxorem & maritum, tutorem & pupillum, non tantum commercia quæ ad ipsorū personam spectant, sed etiam res quæ intercedunt reperiuntur, ex quarum permutatione necesse est actiones oriri, atq; ita ad iudiciū procedi, ut hic quidem accusetur, quod mala fide rē domini vel pupilli gesserit, ille vero contra vim & iniuriam defendatur. Et hac ratione Iustinianus personas, res & actiones consideravit, nō simpliciter & absolute, sed quatenus in ciuili societate spectantur; & ex earum mutua comparatione, omnes actiones, omniaq; dicta ac facta scriptave ciuilia atque legitima scaturiunt, oriunturque. Atque huic quidem nostræ sententiæ ad stipulantur omnes iuris interpretes, qui opinionem Accursii non tantum in Institutionib. de iure personarum, sed & in Pandect. de statu hominum, in quib. locis triplex hæc iu-

in rem vel personam dirigatur. Itaq; falsum esse hanc enumerationem, *personæ, rei & actionis*, cum pauciora sint, & plura dicantur; satisq; esse si bipartita proponatur divisio, ut omne ius aut *personarum* sit, aut *rerum*, cum actiones istæ forenses in rebus nostris annumerentur. Adhæc, quod si cui actiones, cum eiusmodi sint, dignæ videantur, quæ inter principes Iuris partes numerentur, nihil causæ videri cur nō & obligationes & iudicia eodem loco ponamus: illæ enim procedunt & producunt actiones, iudicia sequuntur eas, & ad exitum perducunt. Sed hæc quidem sententia mihi non satis probatur, multas sanè ob causas: ac primum quidem, quia non cōmuni tantum omniū Dd. atq; interpretum rectè hæc de re scribētium opinioni, sed etiam Iustiniani Imper. Pauli & Caji Iureconsultorum verbis planè aduersatur. Iustinianus enim cū initio suarum Institutionum, ius omne aut ad personas, aut ad res, aut ad actiones pertinere dixisset; & primo libro personas, secundo res, & deinceps tertio, vsq; ad sextum titulum quarti, copiam, conseruationem, & amissionem, ac simpliciter omne genus contractuum explicasset, vltimum tandem tractatum sic orditur: *Superest ut de actionibus*

loquamur. Actio autem nihil aliud est, quam ius persequendi in iudicio, quod sibi debetur. Ex quo dicendum est, rerum appellatione, contractus etiam omnes, & delicta, ex iisq; descendentes obligationes comprehēdi debere. atq; id hanc rationem, quam illi non satis expendunt, habet: quia Iureconsulti & legislatores, ut nuper dixi, de rebus ut res sunt nō cōsultant, sed quatenus acquirūtur aut amittuntur, aut conseruantur, ex iisque homines aut res sibi inuicem obligantur: omnia enim hæc *ἡ ἀκτὴν* & comparationē accipienda sunt: omnisque rerum diuisio ad id tendit, ut quo pacto singulæ nostro dominio subiiciantur, aut alienentur, aut conseruētur, perspicuē ostēdatur. Et quamquam rei appellatione quandoque actiones contineantur, tamen id perpetuum nō est: quod & Accursius & alii omnes Interpretes sentiunt, sententiam Pauli & Imperatoris Iustiniani comprobantes. Ideoque vera est eorum enumeratio, neq; aliqua vitiosa redundantia laborat, cū actionis nomen pressius ibi accipiatur, & contra personas atque res distinguatur. Cur autem actiones, & nō obligationes, quæ actiones producant, aut iudicia, quæ easdem sequūtur, in suprascripta diuisione enumerentur, multæ possunt affer-

afferri rationes. Nam denominatio alicuius rei fieri solet, aut à præstantiori, aut à notiori, & ab ea quandoque quod maximè in aliquo excellit. A præstantiori quidem, ut cum res omnes naturales à forma denominantur, etsi habeant adiunctam materiam, quæ est altera substantiæ pars; quia forma dat esse rei, & materiam illustrat & perficit. A notiori, ut cum Socratem philosophum dicimus, & non Socratem Sophronisci filium: quia quod philosophus sit, plures fortasse quàm quod Sophronisci filius, vel econtrà, intelligunt. Ab eo quoque quod in quavis re potentius atque excellentius est, denominatio sumi solet; veluti cum dicimus, rem esse acidam vel frigidam: quam enim habeat aliquid adiunctum dulcedinis vel caliditatis, tamen quia alterum præpollet alteri, & qualitate sua obscurat qualitatem alterius, ab eo quoque denominatur. Sic ergo in proposita questione, etsi obligatio, actio & iudicium ad idem referri dicantur, eundemque scopum respicere, quia actionum mater sit obligatio, eandemque sequatur iudicium, tamen manifestior est natura actionis quàm obligationis, & à reb. ac personis magis distincta. Est quidem manifestior obligatione, pro-

230 **PRINCIPIOR. IVRIS**

pterea quod est effectus obligationis, & effectus sunt notiores sua causa, quemadmodum filius est notior sua matre: omnes enim homines filios esse scimus, at matres non illicò cognoscimus. Est etiam actio magis à re & persona dissita quàm obligatio: quia res & personas statim sequuntur commercia & obligationes, iisq; perpetuò inhærent: at actiones non semper, sed tum demum, cum persona inter se de rebus, vel earū dignitate & officio contendunt. Quoniam ergo actiones longius dissitæ sunt à rebus ac personis quàm obligationes, merito aduersus eas diuiduntur. Neque refert quod his non opponantur, vt diuisionis lex requirere videtur; species enim speciebus non opponuntur, sed differentiæ differentiis: vt, homo non pugnat cum boue, sed rationale cum irrationali. At hæc diuisio in species facta est, non in oppositas differentias. Quod autem actiones & non iudicia connumerentur inter principes Iuris partes, nō mirum cuiquam videri debet: quippe cum iudicia, actionum causa sint inuenta atque instituta; cessante enim actione, cessarent profecto iudicia. Cum ergo sola actione tanquam satellite & ministra tutissima, nos nostraq; omnia, aduersus vim & iniu-

iniuriam & fraudes aduersariorum tueamur, nil absurdi res in se continet, si iis quæ vel ipsam pariunt, vel eam sequuntur, quæque eius gratia inuenta sunt, præponatur. Satis enim est in his disciplinis, quæ exactâ methodi & scientiæ rationē ac demonstrationem non admittunt, ita singulas quasque partes adinuenisse collocasseq; quatenus inconstans atque mutabilis rerum natura. & circumstantiarum varietas patitur. Sed hæc disceptatio quia à nostro proposito, qui breuitatem affectamus, est aliena, in locum cōmodiorem excutienda reiiciatur. Ad rem igitur reuersi dicimus, actiones seu facta hominum legitima & politica, esse propriam materiam, propriumque Iureconsulti & legislatoris genus subiectum.

CAPVT VII.

Dubitatio de materia Iurisprudentiæ resolutio.

Verū enim uero hoc in loco meritò quis ambigat, qua ratione actiones legitimæ seu ciuiles esse possint materia seu genus subiectū Iurisprudentiæ, cū omnis artis atque disciplinæ, siue in cognitione siue

actione posita ea sit, vnum tantum quod habeat, genus subiectum reperiatur; quapropter effici videtur, vt aut actiones solas, aut id quod legitimum est, materiam Iuris esse statuere oporteat. Sed alicui hunc in modum dubitanti, responderem non duo, sed vnum quid actione legitima indicari: etsi enim duæ sint voces, eandem tamen & vnam rem constituunt, quæ vno nomine seu voce exprimi nequit. Neque enim absolute actio à Iure consulto, aut id quod legitimum ac ciuile est, consideratur, sed quatenus hæc duo ad se inuicem referuntur, & quatenus actio qualitatem hanc, legitimam videlicet, habet. Idque in cæteris scientiis ac disciplinis penè omnib. inuenitur. Nam Musica numeri naturam contemplatur, at non simpliciter, sed quatenus ad harmoniam aptus est. Et physicus, corpus quatenus mobile: geometra quantitatem, vt immobilis est, & motione caret. Et vt semel dicam, quodlibet genus subiectum propria notatur differentia, qua à cæteris artium subiectis differt. Atque id est quod Aristoteles dixit, solam metaphysicam, seu primam philosophiam esse *αὐτὴν πρώτην*, nō tantum ratione principiorum, sed etiam ratione generis subiecti: hæc enim sola sua habet

bet principia, quæ ab aliis probari non possunt, sed sunt simpliciter prima, & genus subiectū simplicissimū, Ens videlicet quatenus ens est. Aliæ vero scientiæ ac disciplinæ omnes, non tantum principia eorūq; demonstrationes mutuantur à metaphysico, sed etiam genus subiectum; quia earū subiecta, vt ille ait, per additamenta fiunt: veluti mathematicus enti addit quantum, & fit materia mathematici: physicus enti adiungit motum, & arithmeticus quanto discretū: & sic aliæ omnes adiuncta differentia propria sibi sumunt subiecta. Quandoque etiam fit, vt duæ scientiæ nō distinguantur ratione sui subiecti, nisi addatur differentia, quæ eas disiungat; veluti physicus & medicus considerant ambo corpus, sed alter naturale, alter humanum, & sanabile, & ægrotabile. Et arithmeticus & musicus contemplantur naturam numeri, sed hic quatenus harmoniam & consonantiā efficit, ille quatenus ad res numerandas aptus est. Par profecto est ratio in nostra Iurisprudencia, iisque quæ huic sunt proximæ atque cognatæ scientiæ. Nam & disciplina de moribus, quæ moralis, & ratio administrandæ familiæ, quæ *œconomice* dicitur, & facultas instituendæ ac regendæ ciuita-

tis, quæ *politice* appellatur, actionum humanarum, dictorum factorumq; sunt studiosæ, & de his præcepta, ad vitæ commoditatem vtilia tradunt, sed non eadem ratione. *Ethice* nanque actionum priuatarum rationem habet, & quid in his laude vel vituperio dignum sit ostendit. *Oeconomice*, familiæ atque domus actiones præceptis moderatur. *Politice*, totius ciuitatis mores, ciuiumq; facta contemplatur. Tandemque Iurisprudentia, quæ politice potissima profecto pars est, eiusdē ciuitatis, ciuiumq; eam inhabitantium actiones, quatenus lege vel prohibentur vel iubentur, considerat, quidq; in his iustum vel iniustum, legitimum vel illegitimum sit perquirat. Hæc enim differentia addita actioni quæ antea erat communis multis, nunc efficitur peculiaris & propria Iureconsulti, quâ à cæteris eiusdem ordinis disciplinis distinguitur. Generi ergo si adiuncta sit differentia, efficitur species; quæ quandoque vno nomine exprimi potest, quandoq; non potest: veluti si animali iungatur rationale, homo gignitur; at in scientiis id raro vsu venire solet, sed vt plurimū duabus genus subiectum exprimitur vocibus. Sed rursus querat aliquis: Si omne genus subiectum propria

pria notatur in disciplinis differentia, vtnuper demonstratum est, cuius nam contemplatio potior sit in arte: veluti in Iurisprudencia, actionisne, an eius quod legitimum est: & in medicina, corporisne an sanitatis. In hac controuersia multis in eam sententiam adducor rationibus, vt existimem, Iureconsultum primo & per se, considerare id quod legitimum est, seu leges; secundo loco, ipsas actiones. Et medicum primo ac per se sanitatis rationem habere, deinde corporis. Etenim cum duæ aut plures res cadunt in contemplationem alicuius scientiæ, quarum alteram ponimus esse in alia disciplina vel scientia perspicuam ac demonstratione manifestam, alteram vero vt ignotam disquirimus, profecto id primo ac per se cognoscere expetimus, quod etiam inquirimus atq; inuestigamus. Scientiæ nanque artesque singulæ ea quæ nota sunt non inuestigant, quia illa iam cognita habent ac animo possident artifices, & quæ possidemus, non quærimus; ignota vero quia non tenemus, ideo quærimus, vt tandem inueniamus. Actiones autem earumque vis & natura, in lib. De moribus & Repub. iam explicata est, ideoque cognita non inuestigatur. In iis enim quæ

ipſarum ſint principia & cauſæ efficientes, voluntas nimirum & electio, copioſe explicatur: & quæ ipſarum forma, vt quid, quantum, quomodo, vbi, & quo tempore, & cuius rei gratia agendum ſit, oſtenditur. Iureconſultus ergo primo & per ſe, id quod legitimum eſt, hoc eſt, actiones quatenus lege definiuntur, contemplatur. Ariſtoteles quoque omnis philoſophiæ princeps, recte 4. Diuinorum, id præcipuum in aliqua diſciplina locum tenere atteſtatur, ad quod omnia quæ in ea traduntur præcepta atq; theoremata, primo ac per ſe referuntur. Leges ergo, & id quod legitimum eſt, primaria ratione à Iureconſulto conſideratur. Iam vero & philoſophi naturales, corporis cognitioni per accidens, motus autem primo ac per ſe incumbunt: & medici corporis, propter ſanitatē, rationē habent; quapropter & Iureconſultos eoſdem artifices imitari par eſt. Huc accedit, quod differentia addita ſubiecto, habet rationem formæ, qua vt res ſeparantur, ita illa ſcientiæ diſtinguuntur. Quod autem rem à re diſtinguit, id magis vnicuiq; eſt proprium; actio enim non diuidit Iureconſultum ab ethico, economico vel politico, ſed legitimum & civile tantum, & modus conſiderandi has actiones.

actiones

actiones, quatenus videlicet legib. describuntur. Denique si Iureconsultus consideret actiones per se & primo, utique & de earum principiis, causis atq; elementis necessario disputaret, quod sanè negligit, sed ponit loco principii à philosopho morali antea demonstrati. Ex his perspicuè apparet, actiones seu facta dictaque legitima & ciuilia, esse materiam & propriū genus subiectum Iurisprudentiæ, de quo omnis Iuris disceptatio atque controuersia suscipitur. Neque referre arbitror, an eius loco hominem, quatenus ciuilitè & legitimè agit, subiectum statuas: quippe cū actiones has hominum esse constet, quorum gratia, ut Imp. ait, omne ius constitutū est. Id etiam perspicuum est, Iureconsultos & legislatores de rebus ac personis non aliter disputare ac loqui, nisi quatenus efficiunt aliquid aut patiuntur, & in commercium, permutationem, vsumque hominum ac reip. deducuntur. Hanc ego arbitror esse veram de nostræ Iurisprudentiæ materia genereq; subiecto sententiam, eāq; non tantum rerum veritati, sed etiam omnium rectè opinantium Iureconsultorum scriptis consentaneam.



PRINCIPIORVM IURIS LIBER V.

CAPVT I.

*Iustitia adeptionem esse finem
Iurisconsulti.*



QV M Ius ciuile materiam & genus aliquod subiectum habere prius demonstratum sit, quodque & quale id sit, satis perspicue vt arbitror ostensum, sequitur vt de ipsius fine, propter quem omnis iurisconsultatio suscipitur, non nihil dicamus. Nam differunt artes & disciplinae quæ in actione positæ sunt, à scientiis quæ rerum contemplationi innituntur: quod his finis aut nullus omnino propositus est, aut is non re & natura, à genere subiecto, sed ratione tantum distinguitur: illis autem & finis proprius, ad quem actiones diriguntur, constitutus est, atque tota natura a materia earum separatur. Arithmeticae nanq; genus subiectum est ipse numerus, physicae corpus, geometriae qua-

tita

titas continua. Finis autem omnium harum disciplinarum, est cognitio suorum subiectorum, quæ ratione, non essentia, a subiecto differt. At medici subiectum est corpus humanum quod a fine eiusdem, sanitate nimirum, tota natura distinguitur. Veluti politicæ materia est respub. quæ a fine, felicitate scilicet, eadem ratione distat. Similis est ratio cæterarum artium ac disciplinarum omnium, quæ non in cognitione veri, sed actione honesta aut utili versantur. Quis ergo & qualis sit Iurisconsulti finis, ad quem omnis sua deliberatio dirigitur, est inuestigandum: neque solum quis sit finis, sed etiam quæ natura, scopus, & quod officium eiusdem; tum quia hæc tria ita sibi sunt coniuncta atq; similia, ut non facile a quoquâ discerni possint; tum vero quod nostris hoc tempore Iureconsultis, aut nunquam, aut sanè non satis perspicuè sint exposita atque declarata, Horum præterea cognitio non tam ad artis ac discipline perceptionem & inuentionem est utilis, quam necessaria; quippe cum ex notione finis, eiusdemque diductione ac resolutione in suas causas atque principia & elementa, omnis disciplinæ partes, præceptaque ac theoremata inueniantur, & ad eundem,

tanquam normam quandam perpetuam, & Lydium quendam lapidem, examinatur. Recteque Galenus in libello de optima secta ad Thrasybulum, & Aristot. 3. Polit. inquit; *omne præceptum tribus potissimum rebus æstimari debere, veritate, utilitate, atque consensu*: ex quibus si vnum deficit, fieri non posse ut inter propria disciplinæ theoremata connumerari queat. Nam omnes scientiæ & artes, cum nihil aliud sint quàm collectiones multorum præceptorum, eorumque quæ & vera sunt & utilia, & ordine inter se coherentia, atque sibi inuicem consentientia hinc fit ut quæ falsa sunt & ementita, vel ad usum & commoditatem huius vitæ inutilia, vel propositis principiis ipsique adeò fini non consentanea, sed potius repugnantia, ab iisdem negligentur. Veritas autem cuiusque præcepti, quatenus sub comprehensionem artificis, eiusdemque intellectum cadit, cognoscitur: quæ enim omnino non sunt, aut non vera sunt, ea non comprehendimus. Utilitas sine diiudicatur, quatenus ad usum & communionem huius vitæ refertur. Consensus autem tum ex principiis constitutis, ex quibus dependet, tum ex proprio fine ad quem dirigitur, tum denique ex cæteris eiusdem disciplinæ præce-

præceptis, quib. ordine cohærent, æstimatur. Ex quo satis apparet, quàm necessaria sit huius finis cognitio, ut qui eam negligat, ad nullius artis scientiæ constitutionem cognitionemve peruenire queat. Quid ergo de his omnibus, veteres tum philosophi tũ Iurecõsulti senserint, conabor breuiter ordine ac via explicare, vsusq; instrumento resoluedi, quod est apuissimum ad problemata recte & sine errore inuestiganda. Nemini itaque dubium est, omnem finem esse quãdam perfectionem: quia finis est quidam terminus & extremũ, ad quod omnis actio seu contemplatio dirigitur, & in quo omnis motus tandem quiescit & cessat: quẽ cum non assequitur quidpiam, nulla ex parte perfectum, sed rude & inchoatum adhuc esse iudicatur. Ideoq; quilibet artifex qui sibi fabricat notionem finis, is & perfectionis conceptum habeat necesse est. Eiusque rei euidens argumẽtum esse nobis potest, quod Iureconsulti atque philosophi in constitutione huius vltimi finis, diducti in varias ac multiplices sectas atq; sententias, quoniam concipiebant hunc finem sub ratione perfectionis. Alii enim Iurisprudentiæ finem tranquillitatem rei pũb. alii iustitiæ (seu ut Cic. inquit) legitimæ & ṽsitatæ in reb. cau-

242 PRINCIPIOR. IVRIS

sisq; ciuium æqualitatis conseruationem;
 nonnulli deniq; cum in legibus interpretā-
 dis & æquitate populo explicādis constitue-
 runt. Qui quidem omnes fines, sunt quædā
 perfectiones, propterea quod ciuilem socie-
 tatē præsentēs custodiūt, absentes vero cor-
 rumpunt ac dissoluunt. Cum ergo præsen-
 tes custodiant, retinendos, absentes aut læ-
 dant, reuocādos instituendosq; esse arbitra-
 ti sunt: cōcipitur itaq; finis sub ratione per-
 fectionis. Omnis aut perfectio & absolutio
 rei est quoddā bonū; imperfectio, vt ita lo-
 quar, malum; quod enim perficit, cōseruat;
 quod imperfectum est, naturā destruit. con-
 seruare aut vt bonum est, ita destruere ma-
 lum. Finis ergo, perfectio atq; bonum, sunt
 reciproca: recteq; dixit Aristot. bonum esse,
 quod omnia appetunt; quia bonum est fi-
 nis & expetibile, & expetibile est finis & bo-
 num. Bonum aut est duplex; alterum, quod
 primo & per se, & propter se expetitur; alte-
 rum vero, quod propter aliud. Quod primo
 ac per se bonum est, id appellamus, quod
 suapte natura non tantum bonum est, sed
 illud etiā ad quod cetera omnia, quæ vel sua-
 pte natura, vel quadam comparatione bona
 sunt, referuntur. Quod vero propter aliud
 bonum est, id est quod aut summi illius bo-
 ni gra-

ni gratia expetitur, aut ipsius per se boni est quidam fructus, ipsumq; per se bonum sine medio consequitur. verbi gratia, corporis humani per se bonum expetibile, est ipsa sanitas, quoniam ad hanc omnia reliqua bona referuntur, ipsiusq; sanitatis gratia corpori adesse conspiciuntur. Fructus aut huius summi boni qui consequitur, est bona & integra corporis operatio, itemq; pulchritudo, robur, bona habitudo, & quæ reliquarum partium omnium propriæ sunt, & secundum naturam affectiones seu dispositiones, vniuscuiusq; membri constitutione comitantes. Bona quæ sanitatem hanc antecedunt, & ad illam tanquam extremum & vltimum bonum referuntur, illa propriè esse dicuntur, quæ vel sanitatem efficiunt, vel conseruant: veluti sunt, deambulatio, somnus & vigilia moderata, cibus & potio debita, simpliciterque omnia illa quæ habent vim efficiendi, conseruandi sanitatem, vel depellendi contrarium morbum. Eadem bonorum partitio reperitur in vniuersis aliis scientiis, ac disciplinis omnibus quæ in actione positæ sunt, maximeque in iis quæ ciuilem societatem tueri ac defendere nituntur. In hac enim societate est summum quoddam bonum, quod per se, & propter se,

atque etiam primò expetitur, ipsius nimirum æqualitatis legitimæ conseruatio, quæ *iustitia* appellatur. Quicquid enim in libera ciuitate aut repub. geritur, quicquid à legislatore vel Iureconsulto, deliberationis atque consilii suscipitur, id omne iustitiæ gratia, ad quam aliarum rerum vsus commoditatesq; & opportunitates per se ac primo diriguntur, fieri existimandum est. Dixi autē *primo ac per se* quia finis, & vnū quodque quod absolutè bonum est, non tantum sui ipsius gratia & κατ' αὐτὸ, sed etiam *ὑπὲρ*, hoc est, primo & ante omnia est expetibile. Recteque monet Aristot. lib. primo post. Analyt. hæc duo non parum inter se differre: quod enim primo expetitur, id etiam per se, & sui ipsius gratia expetitur. Sed non conuertitur hæc enunciatio, propterea, quod per se expetibile, maioris est ambitus, quam primo expetibile. Etsi ergo multa per se & suapte natura ab hominibus expetuntur, nihil tamen præter hanc iustitiam & æqualitatem illam in ciuili societate, primo & ante omnia desiderari potest neque debet. Quod autem summum hoc bonum in repub. consequitur, est ipsa ciuium & reipubl. totius tranquillitas atq; concordia: **quæ.**

quemadmodum ipsius sanitatis fructus, est totius corporis decor ac pulchritudo. Quæ iustitiam antecedunt, sunt illius efficientia ac conseruantia, simpliciterq; ea omnia quæ tanquam media & instrumenta ad eam retinendam percipiendamque adhibentur.

CAPVT II.

Iustitia distributio, & particularis species.

Porro autem iustitiæ (vt Aristot. quinto Ethicorum scribit) duplex habetur species; quarum altera *particularis*, altera *universalis* ab eo dicitur. *Particularis* quidem, quia est pars totius virtutis, & contra cæteras animæ humanæ virtutes distinguitur; eaque vel in distributione & recta ac legitima diuisione, vel in commerciis hominum emendandis consistit. Distributione quidem, vt puta honoris, infamiæ, præmiorum, poenarum, dignitatum, coronationum, atque etiam pecuniæ, vel aliarum rerum, qui inter eos partiri possunt, qui ciuili societate continentur, eiusdemq; vel ciuitatis, vel regni, vel optimatum status, vel censu factæ administrationis sunt participes. In his enim omnibus sæpe contingere solet, vt

non omnes eiusdem rei vel digni, vel indigni habeantur, multique sint qui vel plus quam digni sint vel minus, habeant. In quibus profecto quadam distributione op' est, ut æqualitas & concordia civium conferretur; atq; ei quidem qui plus reipub. aut civitati, consilio, ope, factove cōmodauerit, plus etiā honoris, dignitatis vel præmii: ei vero qui minus, minus etiam earum rerum tribuatur. Consistit autem hæc distributio in quadam comparatione tum personarū, tum rerum inter se, quæ personis tribuuntur, vocaturq; ἀναλογία geometrica à mathematicis, quæ propriè in eo spectatur, ut æqualibus æqualia, inæqualibus secundum comparationē inæqualia tribuantur: quæ admodum iniustitia huic contraria, in horum quoque contrariis, ut æqualibus inæqualia, inæqualibus præter convenientiam dentur inæqualia. Altera huius particularis iustitiæ pars est. quæ contractus commerciaque hominum inter se dirigit, atque ad æqualitatis normam reducit: estque hæc rursus bipartita quidem, ut & ipsi cōtractus seu commercia. Quædam enim commercia quia consensum ex utraque parte exhibent, spontanea atque *voluntaria* dicuntur; quædam vero quia sine consensu partium fiunt,

inuolutaria appellantur. Spontanea sunt, ut emptio, venditio, mutuatio, sponsio, usura, depositio, conductio: in his enim omnib. spontè contrahere dicimur. Nā qui mutuat & sponso rem accipit, in eo commercium facit, quod pro pecuniis sponsonem accipit. Qui item ad dies aliquot aut serui aut iumentum sui operas ad agri cultionem locat, pro eoq; vel nummos vel frumentum vel aliud quippiam accipit, is proculdubio cum altero contrahit. Contrahit etiam cum alio, qui apud alterum quidpiam deponit, cum pro deposito probitatem ac fidem hominis, apud quem deponit suam rem, quodammodo recipere videatur. Quando igitur in huiusmodi rebus, qui emit quippiam (verbi causa) precii partem dederit, reliquum daturum se promiserit, sed non det tamen, id quod nihil aliud est quam iniuste agere, tunc emendatrice hac iustitia opus est. Par est ratio, si quis rem depositam nolit restituere, aut vadimonium deferat, aut demum in cæteris omnib. ea non præstet, quæ mutue conventionis obligatione facere præstareve tenetur. Ea autem quæ contra voluntatem obuenire solent, aut ex ignorance, aut vi quadam inferuntur. Ex ignorance nobis contingunt furta, adulteria, veneficia, lenocinia, seruorum seductiones, dolo

248 PRINCIPIOR. IVRIS

& fraude perpetrata homicidia, falſorum
teſtium productiones, quæque his ſunt af-
finia. Per violētiam patimur vincula, mor-
tes, raptus, verbera, oppreſſiones, mutila-
tiones, contumelias atq; conuicia. Siue igitur
clandeſtina hæc mala ſint, ſiue vi illata,
vbi deprehenſa fuerint, ab emendatrice iu-
ſtitia corriguntur atque emendantur. Sed
meritò dubitat Ephēſius quinto Ethic. quo-
modo hæc omnia *συναλλάγματα* & cōmer-
cia eſſe dicantur, aut quidnam iſ à quo fur-
to quidpiam auferitur, pro ablato recipiat.
Cum enim ea commerciorum ratio eſſe vi-
deatur, vt res cum re commutetur, atq; al-
terum pro altero recipiatur, quid, obſecro,
iſ qui verbera, aut etiam mortem perpeſſus
eſt, pro damno recipere dici poteſt? Forſaſſe
inquit, ob eam cauſam *συναλλάγματα*, hæc
appellantur, quod qui furatus eſt, pro furto
interdum alia quædam reſtituit, interdum
aut flagellis cæditur, aut manibus auribus-
ve, aut oculis priuatur: qua in re eſſe & da-
tio & acceptio quodammodo videtur, in
quibus commercandi contrahendique ra-
tio conſiſtit. Nam cum ſurriperit pecunias
fur, aut quidpiam aliud, pro illis poenam
ſoluit. Simili modo qui adulterium com-
miſit, vel pecuniis vel ſupplicio aliquo mul-

cta-

Status, flagitium luit. Qui item veneno a-
 liquem sustulit, par aliquod damnū etiam
 ipse perpetitur. Non aliter etiam qui sedu-
 xit seruum, vel necem alicuius dolosè mo-
 litus est, simili aliqua iactura scelus pepe-
 tratum compensat. An potius dicendum
 est, nomen *συναλλάγματα* non ita stricte
 accipiendum esse, vt nostri Iureconsulti v-
 surpare solent? sed potius id dicendum ex
 sententia Aristot. cum res dominum suum
 mutat; quæ notio omnibus superscriptis
 casibus, siue vi, siue ignorance contrahan-
 tur, accommodari potest, & magis ad obli-
 gationis seu commercii naturam pertinet:
 recteq; Græcus Aristot. interpres Ephesius,
 ait, *συναλλάγματα* non ea solummodo ve-
 teres appellare consueuisse, quæ sponte ho-
 mines inter sese ex conuentione quadam a-
 gunt, verum etiam illa quæ legibus institu-
 ta sunt. mutuare & contrahere iubentibus
 & fortasse inde etiam factum esse vt *συναλ-
 λάγματα* proprie appellarentur, id est, cō-
 mutationes & compensationes. propterea
 quod in aliorum consociatione non volun-
 taria & sponte suscepta, sed ex necessaria per-
 mutatione conciliata existant: neminem e-
 nim aut adulterium committere, conuen-

cione habita cum marito mulieris quam vitiat: aut sacrilegium facere, ex conventionione eius cuius sacra diripit: & quæ his sunt affinia.

Quemadmodum ergo prior iustitiæ privata species in proportionem seu cōparatione geometrica, ita hæc posterior in arithmetica, ut Aristoteli placet, atq; id quidem recte, cernitur. Quid autem sit proportio quam *ἀναλογίαν* appellāt, & quot eius species, breviter, ut huius virtutis natura intelligatur, dicendum est. Est autem proportio, ut idem Aristot. inquit, rationum æqualitas, in quatuor terminis minimis consistens. Rationem mathematici *λόγον* vocant, quam Euclides lib. 5. Elementorū geometricorum, dicit esse duarum eiusdē generis magnitudinū seu terminorum secundum quantitatem, ad sese inuicē quandam habitudinem. Exempli gratia: linea bipedalis ad lineam quatuor pedū certo quodam modo affecta est; subdupla enim eius dicitur. Hæc igitur affectio seu habitudo quam ad se mutuo hæ duæ lineæ obtinent, *ratio* dicitur: quæ autē eandem rationem habent, *ἀνάλογα* dicuntur; veluti quatuor ad duo, & sex ad tria: ut nimirum *ἀναλογία* nihil aliud sit, quam ra-

tio

tionum similitudo, seu, vt Aristot. earundem æqualitas. Ex quo id conficitur, vt quemadmodum ratio in duobus, ita comparatio seu proportio duab. rationibus. quatuorq; ad minimum terminis consistat. Huius proportionis seu comparisonis plura sunt genera, quæ si quis scire cupit, Nicomachi scriptoris Græci, vel Pselli & Boetii seu Iordani arithmeticas legat. Quod vero ad præsens institutum attinet, duæ tantum sunt species cognitu nobis admodum necessariae, geometrica & arithmetica: illa quidem vt iustitiæ distributiue, hæc vero vt commutatiue natura intelligatur. Atq; esse quidem *arithmetica* dicitur *proportio*, cum terminorum, qui sese inuicem excedunt, differentia est eadem quantitate, qualitate vero diuersa; veluti sex ad quatuor, & quatuor ad duo, arithmeticam habent proportionem, propterea quod, quantum senarius quaternarius, binario nimirum, tantumdem quaternarius binarium superet. Habent igitur hi numeri in differentiis excessuum quantitatem æqualem, qualitatem vero minimè: senarius enim ad quaternarium sesquialteram habet rationem; quippe cum quatuor semel & dimidium eius, id est, duo, continent: quaternarius vero ad binarium constat ra-

tionē dupla, quia duo bis in quaternario reperiuntur. Arithmetica igitur ratio est, quæ ut in quantitate æqualitatem servat, sic in qualitate inæqualitatem habet atque *dissimilitudinem*. Sed & hæc proportio rursus duplex est, altera continua & altera disiuncta. *Coniuncta proportio* dicitur, vbi vnus & idem terminus, duobus extremis copulatus correspondet; id est, bis sumptus, præcedenti subiectus, & sequenti præpositus, duas rationes subit, veluti in superiori exemplo demonstratum fuit: quaternarius enim bis sumebatur, ac senarium quidem sequebatur, binarium autem præcedebat. *Disiuncta proportio* est, vbi nullus idem terminus, duorum vicē subit, sed omnes sunt separati semelq; singuli accipiuntur: veluti cum dicimus, quo octonarius senariū, hoc quaternarius excedit binarium: hic enim semel tam senarius quam quaternarius sumitur. Atque hæc Arithmetica dicitur proportio, quæ in iustitia commutativa seu emendaria maxime locum habet, vbi rebus, cluera damnis conferuntur, atq; adeo commercia hominum inter se inæqualia, ad æquitatis normam revocantur. Nam ut recte Aristot. libr. quinto De moribus inquit, in arithmetica proportione non dignitas

tas & comparatio personarum sed quantitas damni & lucri & excessuum æstimator, quæ iudices seu iustitia ad æqualitatem reducunt. Idæoque parum referre putat, probusne vir malum, sua re fraudauerit aut leserit, nobilis an ignobilis furtum aut adulterium commiserit: quippe cū in nulla lege ita scriptum sit, *Qui nobilem aut principem virū contumelia affecerit, maiori poena mulctetur, quam qui improbum vel ignobilem*: sed in vniuersum, *si quis Principem laesi, decem minas soluat, aut patria exulet*: nulla ratione habita, an nobilis vel ignobilis, probus vel improbus is qui læsit, inueniatur. Indeque fit vt parem personis legislator mulctam irroget, cum apud eum personæ, quæ afficiunt & afficiuntur iniuria, habeantur æquales, solaque nocumēti ab eo differentia spectetur. ita quidē, vt si magna sit læsio, magnam etiam poenam infligat: si parua, parua. Quæ Aristotelis sententia non caret dubitatione. Etenim si legislatores non personarum, sed tantum damni & lucri, simpliciterque excessuum rationē habent, cur obsecro grauius punitur is qui virum magistratum gerentem percusserit, quam qui ciuem? vel qui Principem quam plebeium? Eadem refert Aristot, lib. quinto De

254 PRINCIPIOR. IVRIS

moribus, cap. quinto, vbi Pythagoreorum de iustitia (haud scio quàm rectè) opinionem multis argumentis reprehendit. Pythagorei enim ius ipsum simpliciter *πῶς αἰνῶν*, id est, *retaliationem*, vel, vt significantius dicam *mutuam atq; reciprocam passionem* definebant: quod Aristoteli nō placet, cum nullo modo id ius esse videatur, vt singuli eadem patientur quæ ipsi fecerint: verbi causa, vt dens euellatur ei qui dentem alteri excusserit, aut oculus eruat-
 tur ei, qui alterum oculo priuarit: habendum enim esse delectum personarum arbitratur, ita quidem, vt retaliatio ex dignitate atque conditione personarum, vt antea dixi, æstimationem accipiat. Verum hanc ego (vt Aristotelis pace dicā) Pythagoreorum descriptionis sententiam nunquam fuisse existimauerim: neque id voluisse exercitatissimæ mentis homines crediderim, vt eadem seu æqualia simpliciter subeunda alicui censerent, quæ fecisset ipse, sed secundum tradendi quandam proportionem. Cuius rei coniecturam ex eo facio, quod in tradendis rerum definitionibus plerunque mathematicis vocibus, in quibus tanquā exemplaribus hæc inferiora contineri existimabant, vterentur. Atque idcirco

πῶς αἰνῶν

τὸ αἰὲν πρὸς ὅθι, non simpliciter, & ita cras-
 se, vt Aristoteli visum est, intelligo, pro re-
 ciprocā nimirum & mutua passione, sed
 pro tali comparatione, in qua inueniuntur
 vtrinq; & antecedentes & consequentes ra-
 tiones: quā ratione etiam αἰὲν πρὸς ὅθι ταχί-
 ματι, sexto geometricorum Elementorum
 lib. Euclides descripsit. Atque hoc qui-
 dem pacto, si quis ipsorum definitionem
 accipiat, neque reprehensioni subiacet, ne-
 que aliqua correctione seu commendatio-
 ne indiget. Vnde Aristot. non reuera, sed
 ad speciem (vt sic dixerim) vt sæpe aliās i-
 p̄sis contradicit; nisi fortè id ipsum repre-
 hendere dicamur, quod non apertas & pro-
 prias, sed obscuras inuolutasque atque eni-
 gmaticas, suo more, adferant rerum descri-
 ptiones: quod tamen ex Aristotelis verbis
 nō ita facile colligi potest. Est profectò hæc
 reprehendendi ratio valdè peculiaris Ari-
 stoteli, qui in recitandis diiudicandisque
 veterum philosophorum, maximeque præ-
 ceptoris sui Platonis sententiis, solet esse li-
 berior, quandoque etiam iniquior. Hanc
 in Aristot. verbis contradictionem viderunt
 etiam interpretes, sed eā non satis ex-
 plicunt. Quidā, n. Aristotelē, cum in cemen-

256 PRINCIPIOR. IVRIS

datiua iustitia nullam rationem personarum aut dignitatum haberi inquit, de eo quod ut plurimum euenire solet, locutum esse arbitrantur. & per accidens id fieri ut magistratus aut honoris aut dignitatis estimatio fiat. Præterea de priuatis tantum personis eum locum accipi debere: quippe si quis Principem aut alium senatorem læserit, non ita puniatur tanquam priuatam personam percusserit, sed quòd vim ipsi reipub. ac magistratui intulisse, non autem personæ, intelligatur. Auerroes Arabs ideo grauius puniri arbitratus est, quod talis iniuria quæ principi inferitur, ab intensiori (ut ipse loquitur) malitia proficiat. D. Thomas Aristotelem de pecuniatio nocumento, nō personali, locutum esse inquit: in contractibus enim qui merces tantum respiciunt, nulla personæ qualitas cōsideratur, sed lucri & damni excessus tantum; veluti, idē frumentum non pluris venditur principi quàm plebeio. At in obligationibus personam spectantibus, vbi personæ læduntur, illarum quoque dignitatis atque conditionis ratio seruari solet. Rectius quidem sentire videntur, qui omnem iniuriam dupliciter æst: mari posse aiunt, aut ut reipub. interest, aut ut priuati alicuius, vel certe quatenus

tenus quis est priuatus. Quatenus ergo rei-
pub. interest, ad iustitiam referri distributi-
uam, & secundum hanc. pœnam constitui.
Si enim in benefactis in rempub. compen-
sands ipsi locus est, vtique & in malefactis
in eandem puniendis, hac vtendū est. Con-
trariorum enim eadem ratio esse videtur;
& alioquin vtraque ex parte illata quedam
conspiciuntur. Vt vero hominis priuati,
vel certè quatenus priuatus, ad emendati-
uam seu commutatiuam iustitiam perti-
nere existimant. Quæ quidem solutiones
omnes, mihi (vt ingenuè fatear) non satis-
faciunt, tum quia Aristotelis verba inter se
repugnantia non conciliant, tum quia no-
strorum Iureconsultorum placitis repu-
gnant. Quis enim ignorat, non tantum
eas personarum differentias spectari quas
modo recensui, sed etiam, an nobilis sit ali-
quis, an ignobilis, seruus an liber, pater vel
extraneus; & in cæteris earum discriminib.
eodem modo. Ideoque rectè Vlpianus in
l. moris. §. pen. ff. de pœn. discrimina esse pœ-
narum inquit, neque omnes eadem pœna
affici posse: nam in primis decuriones in
metallū damnari nō posse, nec in opus me-
talli, nec furcæ subiici, vel viuos exuri. parē-
tes quoq; & liberos decurionum in eadem

258 PRINCIPIOR. IVRIS

caussa esse. Et Macer in *l. sequenti*, in seruorum persona ita obseruari, vt exemplo humiliorum puniantur. Ex quibus enim causis liber fustibus cæditur, ex iis seruus flagellis cædi, & domino reddi iubetur. Et ex quibus liber fustibus cæsus in opus publicum damnatur, ex iis seruus sub pœna vinculorum ad eius temporis spacium flagellis cæsus domino reddi iubetur. Idem rescripsit, quædam delicta pagano aut nullam aut leuiorem pœnam irrogare, militi vero grauiorem. Nam si miles artē ludicram fecerit, vel in seruitutē se venire passus sit, capite puniendum Menander scribit. Atque Callistratus in *l. Capitalium*, §. *¶* *ut generaliter. eod.* omnia admissa in patronum, patronive filium, patrem, propinquum, maritum, vxorem, cæterasque necessitudines, grauius vindicanda esse ait, quàm in extraneos. Multoq; præclarius Claudius Saturninus in *l. aut facta. eod.* dicta, scripta, facta atque consilia, quæ iniurias continent, septem modis cōsideranda semper iubet: causa, persona, loco, tempore, qualitate, quantitate, euentu. atque personam quidem cōsiderandam esse non tantum eius qui fecit, sed & eius qui passus est; aliter enim puniri ex iisdem facinoribus seruos quàm libe-

liberos: & aliter quicquid in dominū parentem ve ausus est, quā in extraneū; in magistratum, quā in priuatum. Ex quib. facile perspicui potest, non tantum in hac iustitiæ parte quātitatis delicti aut noxæ, sed & personarum cæterarumq; circumstantiarum quæ enumeratæ iam sunt, rationem haberi oportere. Atque hæc quidem vera sunt omnia in iis contractibus seu obligationibus ferè omnibus, quæ personas respiciunt, & contra voluntatem, aut vi, aut exigua ratione nobis obueniunt, in quibus poenæ & supplicia locum habent: in his enim non tam iustitia emendatiua, quæ primò quidem ac per se, quā distributiua, sed ex accidenti cernitur, propterea quod omnium circumstantiarū ratio haberi solet, quæ vel delictum aggrauant, vel mitigant. At in iis quæ voluntate nostra fiunt, vt in venditione, emptione, locatione, conductione, ac simpliciter in propriè dictis contractibus, vbi res vel inter se, aut nummo permutantur, in iis propriè iustitia cōmutatiua seu emendatiua vsurpatur, quæ excessum & defectum, damnum & lucrum ad quandam æqualitatem citra respectum personarum redigit. Quod ad Aristot. loca superscripta attinet, dicendum est, apud

veteres olim, anteq; nostrorum Iureconsultorum constitutiones, vt in emptione, venditione, locatione & conductione, nullum habitum fuisse personarum discrimen, est probabile: ita etiam nihil inter pulsationē nobilis aut ignobilis, serui aut liberi interfuisse esse credibile. Quod autem is qui senatorem percussisset, grauiori poena multatus sit, nil mirum est; cum non priuatæ personæ, sed reipubl. toti illata esse iniuria videatur. Sed vt ad id reuertamur vnde digressi sumus, dicimus hanc emendatiuā iustitiam propriè in arithmetica comparatione spectari, in qua Iudicis partes sunt, inæqualitatem ad æqualitatem reducere, cum scilicet ab eo qui plus æquo ab altero accepit, multa inflicta lucrum aufert, illiq; qui damnum passus est adiungit. Atq; nomen quidem *damni & lucri*, quandoq; improprie vsurpatur; vt in eo qui noxam aut damnum vulnere vel morte dedit; lucrum accepisse dicitur: qui eadē passus est, damnum. Et simpliciter plus boni & minus mali, Aristot. lucrum, & vice versa, damnum appellat. Inter hæc ergo duo tanquam extrema, medium est ius correctiuū & emendatiuum, quod excessus ac defectus corrigit, & ad æqualitatem reuocat. Cuius rei indicium esse potest,

potest, quod cum de hoc iure ambigitur, & inter partes de æquitate litigatur, ad iudicem itur. Ad iudicem autem ire nihil aliud est quàm ad ius & ad iustū ire; esse enim iudex animatum ius videtur, vt Græcè *ἰὺς δῖκαστον*, & *δῖκαστής* iudex dicitur. Perinde quoque res se habet atque in arte medica. Vt enim in animo medici absolutæ perfectæq; sanitatis notio, a multis quædā & norma est, ad quā, quæ à mediocritate recesserunt corpora examinantur atque corriguntur; ita & in animo iudicis rectæ rationes & notitiæ regula sunt quædam, qua iniusta exploramus, & id quod plus vel minus equo est, deprehendimus; fitq; vt qui absolutiores huiusmodi notitias menti infixas habeant. simulq; viri probi sint, ad eos magis cōfugiat, tanquā verè medii sint, nec in hāc neq; in illā partē declinantes Et Aristot. hinc iudices *μεσοςδίκας* appellatos ait, quasi *medii iuris*, à medio & iure cōposito vocabulo: quoniam qui mediū consequi potuerunt, ii ius rectè distribuisse videntur: ideoq; & *δῖκαστον*, quasi *δῖκατος*, hoc est, bipartitum dicitur, & iudex *δῖκαστής*, quasi *δῖκαστής*, hoc est, *bipartitior*. Quomodo autem iustū hoc mediū sit inter excessum & defectū, itemque qua

262 PRINCIPIOR. IVRIS

ratione in arithmetica proportionem constat, exemplo à numeris cōtinuis sumpto, ostendamus. Sumantur tres senarii, hoc modo, 6 6 6. Primus is sit qui iniuriā est illaturus, vel plus sibi vsurpaturus; vltimus is qui iniuria est afficiendus atq; pluris vsurpatione diminuendus; medius vero iudex, ad quem contendentes illata iniuria sunt accessuri. Primus igitur senarius, hoc est, iniuriam inferens, tria ab vltimo iniuria nimirū afficiendo auferat sibiq; vsurpet, ita vt nonarius efficiatur: alter vero à quo detractio facta, ternarius. Qui igitur sibi tribus arrogatis nonarius fuerit effectus, senariū, qui est iudex, vno ternione excedet; iniuria vero affectus, duobus. Nam si tria ab vltimo senario demātur, neq; adiungātur primo, vna tantum parte, id est, vno ternione, vt & iudex, vltimum superabit: si vero adiungatur, duabus, ita quidem vt additione facta, eodem modo se habiturus sit nouenarius, hoc est, pluris vsurpator, ad senarium, hoc est, ipsum iudicem, quemadmodum senarius idem iudex ad ternarium, hoc est, iniuria affectum, hoc modo:

Iniuria

Iniuria affe-
ctus

Index

Iniuria affi-
ciendus

6

6

6

Iniuria afficiēs


Index

Iniuria affectus

9

6

3

Exce-
ditExco-
ditur.

Excedit duabus partibus

6

6

3

Sinon adiungatur

Excedit una parte.

Ex hoc ergo medio quod in comparatione arithmetica consistit, facile colligere possumus, quomodo excessus ad equalitatem sint reducendi, & quid demendum primo termino sit, & tertio adiungendum. Quanto enim medius terminus, id est, senarius superat ternarium, qui est ultimus & iniuria affectus, tantum ultimo quoque addendum est; medius autem, ut dictum est, superat ultimum trib. additis ergo tribus ternario, senarium efficiemus, medioq;

ita æquabimus, qui & ipse senarius est. Rursus, quanto primus, id est, nouenarius excedit medium, excedit autem tribus tantum, id est, tria, de primo detrahendum est, atq; tercio adiungendum, ut æqualis medio euadat, & senarius etiam ipse fiat. Sic ergo vterque numerus vltimus & primus æquales efficiuntur, propter medium; cui vterq; æqualis est. Ex quo perspicuè apparet, ius ipsum emendarium, & æquum, atq; etiam iudicem, medii vicem obtinere, regulamq; etiam ac mensuram esse, qua quantum iniuriam facienti demendum, iniuriaq; affecto addendum, ut æquales euadant, cognoscere optimè valemus. Atque hæc quidem de ea iustitiæ priuatæ parte, quæ emendatiua seu correctiua & commutatiua appellatur, & in comparatione arithmetica spectatur, dixisse sufficiat. Altera iustitiæ priuatæ seu particularis pars, ut antea dixi, *distributiua* dicitur, quæ nihil aliud est, quam ordinatio in omni vita publica & priuata, iuxta proportionem geometricam, videlicet qua gradus officiorum & personarum constituuntur, & idoneis aptæ functiones tribuuntur. *Geometrica* vero *proportio* dicitur, cum excessuum ratio seu qualitas, non quantitas, eadem est; vel cum tres aut plures termini

ita

ita collocantur, vt sicut primus ad medium aut sequentem, ita medius aut succedens ad vltimum in qualitate seu ratione respōdeat. verbi gratia: ponantur tres termini 9. 6. 4. In his quam rationem primus, id est, nouē, ad succedentem, senarium nimirum habet, eandem medius, id est, sex, ad vltimū quaternarium: vtrobique enim sesquialtera est proportio, & ratio quidem eadem est; quantitas autē qua alter alterum excedit, diuersa: inter nouem enim & sex, tria: inter sex verò & quatuor, duo intercedunt. Est autē & hæc proportio duplex, cōtinua & disiuncta. *Continua* est, vbi tres tantum sunt termini, vnus autem & medius bis & pro duobus sumitur, vt in collatione antecedit & sequatur, hoc est, vt in priori comes sit, & in altera dux. Huius exemplum nuper attuli. *Disiuncta* seu discreta proportio est, vbi quatuor termini diuersi habentur, neque vllus bis repetitur: verbi causa, sint 6. 3. 4. 2. In his conspicitur proportio disiuncta: vt enim se habet senarius ad ternariū, ita quaternarius ad binarium, vtrobique enim est ratio dupla, etsi quantitas excessuum vtroque loco sit diuersa. In hac ergo comparatione & iustitia habetur ratio dignitatis & meriti personarum, conferunturq; personæ perso-

M

nis, & res rebus. Nam si personæ sint eiusdem ac paræ dignitatis, necessario quoque servabitur distribuendarum rerum, honoris puta aut pecuniarum, æqualitas. ita quidē, ut id quod utrique dabitur, nulla ex parte quantitate qualitateve alterius præmium excedat, excedaturve: quæ certe æqualitas inter ciues, aut nunquam, aut certe per quā raro in republ. inuenitur. Cum enim fieri nequeat ut officia, res gestæ, consilia, itemque personæ, ipsæq; adeo dignitates & honores atque præmia, non tantum quantitate, ut sic dixerim, sed & qualitate ac virtute sint inæqualia, in iis profecto comparatione opus est, ut æqualitas respectu personarum atque rerum, non quantitatis, sed qualitatis ac rationis, servari possit. verbi gratia; sumantur quatuor termini, sit primus Achilles, Ajax secundus, statuaturque Achilles duplo dignior esse quam Ajax: sit præterea tertius nummi octo, quartus nummi quatuor: sicut igitur Achilles ad Aiace se habet, ita etiam se habent octo ad quatuor. Et quia Achilles duplo est dignior Aiace, munus quoq; Achillis duplo debet esse dignius munere Aiace. quæ ratio dicitur *alternæ*, ubi antecedens cum antecedente, quasi subsequente, & subsequens quasi antecedens,

dens, cum subsequente connectitur. Itaque
ius huiusmodi inter quatuor minimū in-
tercedit, quæ analogia geometrica vocatur,
in qua contingit totum ad totum ita se ha-
bere, ut utrunq; ad utrunq;, hoc est, utrun-
que ad alterum. Semperque id spectatur,
ut æqualibus æqualia, inæqualibus secun-
dum comparationem inæqualia quoq; tri-
buantur. Nam si e contrario in repub. fieret,
ut æqualibus inæqualia, & inæqualibus si-
ne proportionem æqualia darentur, profecto
eueniret id quod Aristoteles scribit, pugnae
nimirum, conuicia atque seditiones, quæ
ciuitatem corrumpunt & euertunt: quod ne
fiat, in omni vita priuata & publica, gradus
negociorum & ingeniorum intelligere de-
bemus, & in quolibet peculiarem virtutem
animaduertere, considerare merita, inge-
nia, mores aliorum, ut suo quenque gradu
& loco collocemus. Recteque Plato fecisse
videtur, qui in libr. De repub. alios quidem,
quos animosiores natura ac robustiores a-
nimaduertisset, ad custodiam ciuitatis & ad
bella; quos prudentiores & ingeniosiores,
ad senatum; quos laboriosiores, ad agricul-
turam destinauit. atq; sapientissime inter
cætera dixit, *optimum reipub. statum esse con-
suetum geometrica proportionem*, additq; hanc

Dei potius beneficio, quàm hominum, in repub. inueniri. Ex his duabus iustitiæ priuatæ partib. facile totius natura colligi potest: quam tali descriptione liceat nobis depingere, vt nihil aliud sit hæc virtus, quam *ἀρετὴ πρὸς ἀλλοτρίαν ἰσότητος καὶ τὰ τυχερὰ ἀχαισκή.* id est, *virtus ad alterum circa fortuna bona aequalitatem confectans.* Ex qua duo colligi possunt. Primum est, quod in societate hominum inter sese; alterum, quod propriè in fortunæ bonis, vtputa honoribus dignitatibusve, pecuniarum atque rerum commerciis vt plurimum versetur. Sed de particulari ac priuata iustitia fortasse plura quam præsens institutum postulabat, differuimus: sequitur vt de altera illa, quam vniuersalem appellant, nonnihil dicamus.

CAPVT III.

De iustitia vniuersali.

EST autem iustitia vniuersalis, non ea quidem quæ in debita & æquali honorum vel premiorum distributione, aut etiam contractuum & commerciorum æqualitate atque fide spectatur, sed quæ omnis virtutis est quoddam receptaculum, cuiusque singulæ aliæ virtutes, quemadmodum & prio-

priores illæ, sunt partes: quam Aristoteles *dominam virtutum omnium*, & *reginam* appellat, quod ex ea boni viri absolutè simpliciterq; nominentur: de qua Theognis:

Ἐν τῇ δικαιοσυνῇ συλλήβδην πᾶς ἀρετὴ ὄσιν.
quod est:

Iustitia in sese virtutes continet omnes.

Hæc autem iustitia rursus duplex est; altera absoluta & altera relata, quæ quod in societate & repub. spectetur, *politica* appellatur. *Absoluta* iustitia dicitur omnium animæ virtutum comprehensio, & totius animæ quædam rectitudo. Vt enim sanitatē quandam & singularum corporis partium, & totius animalis, quæ à priori diuersa sit, ita & singulas animæ partes seu vires, proprias obtinere virtutes, & totius quandam esse absolutionem, quæ cæteras partium perfectiones & contineat & sequatur, vndeque & sani & viri boni simpliciter dicantur, esse necesse est. Quo in loco merito quis interroget; *Cum totum nihil aliud sit, quam partes omnes simul collectæ, quomodo totius alia virtus, extra virtutum partium comprehensionem constituatur? satisque esse, ut in quo reliquæ virtutes insint, is & iustus habeatur.* Cui dicendum est, totum aliud quiddam ratione esse, quàm suæ simul acceptæ par-

tes, et si partium simul acceptarum affectiones, totius perfectio consequatur. Exemplo nobis esse possunt res artificiosæ: domus enim totū quid est, cuius partes sunt, ligna, lapides calx, ferramenta, & quæcunq; tandē ad eius structuram desiderantur. Verum ut hæc omnia in promptu sint, recteq; affecta sint singula, non quomodocunque tamen compacta & conglutinata domus erunt, sed certa insuper requiritur compositionis ratio, quæ ad vsum & custodiam huius vitæ sit accommodata. Eadem, mea quidem sententia, de anima licet pronunciare, quæ totum quid est, huiusq; illæ sunt partes, quas superius cōmemorauimus, vis nimirū intelligendi, irascendi atq; concupiscendi; quæ certē non quacunq; inter se cōnexæ & compositæ ratione animam cōstituent, sed certo quodā modo, ipsiusque naturæ maximē conuenienti. Cum ergo anima præter suas partes diuersum quid sit, nil mirū si ut singularum partium, ita totius quædam perfectio, quæ reliquas superiorū consequatur, & ab illis diuersa sit, statuatur. Hanc ergo totius animæ perfectionem, quam iustitiā vocant, Theages sic definiuit: *Συνταγμα τῶν ἀρμόγιαι τῶν μερῶν τῆς ψυχῆς, καὶ ἀριστὸν*

ἀρετὰ πλεία καὶ παντὶ ταῦτα. id est, coniun-
tionem concertus anima partium & virtu-
tem perfectam atq; supremam. Ea enim est
consociatio quædam, in qua debitum sin-
gulis partibus tribuitur, ita ut inferiores ob-
temperent superioribus & ignobiliores no-
bilibioribus. Hanc descriptionem huiusq; vir-
tutis vim aptissimè explicasse videtur Plato
in quarto libro De republ. quem imitatus
est Aristot. quinto Ethic. his verbis: Κατε-
ρυν reuera huiusmodi ceriè quid (etiam vi-
deat): iustitia est, sed non externa actione con-
sistens, sed interna, & reuera in ipso animo,
quæq; ad ipsum pertinent, unamquãq; sui par-
tem aliena negocia agere non permittentem,
neq; quæ in animo sunt genera seu vires, curio-
sitate sibi mutuo molesta esse, sed re ipsa, sua re-
cte componentē, & sibi ipsi imperantem, & se
moderantem, ac sibi amicam redditum, con-
iungentemque & coagmentantem hæc gene-
ra, quæ tria sunt, tanquam harmonia tres ter-
minos sedulo, netes, hypates, & meses, & si
quæ alia inter hæc intermedia sunt, omnia hæc
connectentem, & prorsus ex multis unum af-
fectum, modestum & compositum, sic iam ad
agendum accedere, si quid agendum sit,
aut in comparandis opibus, aut curando cor-
pore, aut etiam publicis negociis, aut privatis

tis commercius, in omnibus his existimantem
 ac nominantem iustam quidem & hanc, tam
 actionem, qua hunc habitum conseruet, simul-
 que efficiat: sapientiam autem eam, qua huic
 actioni praesit, scientiam. Ex quibus Platonis,
 verbis facile huius virtutis vis ac natura co-
 gnosci potest: ea enim fit, vt quaelibet ani-
 mae pars in proprium opus intenta, aliena
 & ad ipsam minimè pertinentia negligat, i-
 taque cuncta gerantur, vt haec quidem im-
 perent & praescribant facienda, aut vetent
 non facienda, illae vero libenter & modeste
 superioribus pareant; ex qua administra-
 tione non secus ac in cantu harmonia, sic in
 anima tranquillitas & concordia oritur, quae
 iustitia appellatur. In cantu enim fides sin-
 gulae proprium edunt sonum: ex quarum
 inter se mutua contemperatione sympho-
 nia & harmonia nascitur, vnusque ex mul-
 tis veluti contemperatus sonus, qui mode-
 ratione & æquabilitate grauium, acutarum
 & mediarum permixtus, aures mira suaui-
 tate perfundit, & animum delectatione af-
 ficit. Quam harmoniam Plato per ὑψαπν,
 μέσων, & γένεον significauit. Hypate enim est
 infima & grauissima vox, quae quia certa
 est, regit cæteras, & veluti basis, vnde & no-
 men

men accepit, cæteras sustinet. Sic rationis iudicium certum est, regitque inferiores animæ vires. *Nete* est suprema & acuta vox, quæ paret, & significat appetitiones voluptatum in cibo & potu; quæ cum longissime à ratione absint, eidem minus obtemperant. Deinde inter has sunt μέσση φωνή, quæ sua mediocritate tum parent tum imperant, grauioribus parentes, acutioribus imperantes, & significant appetitiones cordis, eamque animæ vim quæ θυμοειδής, id est, *animosa* appellatur, qua ratio inferiores illos motus compescit. Cum ergo ratio sua virtute, prudentia nimirum, inferioribus duabus viribus imperet, appetitus vero seu pars concupiscendi sua temperantia atque modestia rationi vtilia distant & præcipienti paret; animosa denique altera sua virtute, modestia nimirum, quæ σοφροσύνη appellatur, rationi obtemperat; altera vero, quæ fortitudo est, cupidineam regit ac moderatur, quidam quasi cōcentus & harmonia in anima oritur, in qua multæ quidem partes & perfectiones, in vnam ultimam ac supremam cōpositionem ac perfectionem, multæq; adeo actiones in vnam perfectissimam atq; optimam & iustissimā actionem conspirant atq; coalescunt; atque sic homo

274 **PRINCIPIOR. IVRIS**

totus compositus, modestus & iustus redditur. Hæc ergo est brevis & succincta descriptio iustitiæ vniuersalis, quam absolutam, quod animæ tantum vires moderetur, neq; quidpiam aliud propositum habeat, appellavi. Eadem iustitia quatenus ad alium refertur, hoc est, quatenus societatis in consuetudine hominum vinculum est, ac omnibus reipubl. partibus, vt in anima viribus, debitum suum reddit, politica iustitia, seu legitima & vniuersalis quoq; appellatur. Politica, quod ciuilem administrationē sua actione conseruet; legitima, quod legibus obtēperet; vniuersalis, quod omnia officiorum genera comprehendat. Leges enim cum non de fortunæ tantum bonis, in quibus rerum commutatio & contractus versantur, sed de omnibus virtutum actionibus, ad societatis humanæ conseruationem vtilibus ac necessariis præcipiant, fit vt & obedientia erga leges omnium virtutum officia complectatur, quæ obedientia proprie *iustitia* dicitur. Neque tamen (vt rectè Aristoteles admonuit) à priori re & subiecto, sed ratione tantum differt: quatenus enim animæ habitus est, ipsiusq; partium concordia ac virtutum omnium complementum & receptaculum, eatenus iustitia abso-

absoluta : quatenus vero ad societatis ciuili salutem dirigitur, atq; ad exteriorē vitæ vsum accommodatur, *politica* dicitur: ac perinde se res habet, quemadmodum in intellectu contemplatiuo & actiuo, qui cum substantia & natura vnum sint, actione tamen & vfu differunt: nam cū ea quæ semper eodem modo sunt, & æterna nuncupantur, contemplatur, contemplatiuus: cum ea quæ in actionem cadunt, & aliter atq; aliter euenire possunt, considerat, & quo pacto cōmodè fieri possint, deliberat, *actiuus* nuncupatur. Quāquam vero natura & substantia vtriusq; iustitiæ eadem sit, ratione autem (vt nuper dixi) inter se differant, alia tamen & non leues earū præterea reperiuntur differentiæ: hæc enim posterior & politica, videtur esse perfectior absoluta. Quod vt intelligatur, sciendū est, perfectam virtutem trib. modis accipi posse: aut enim dicitur perfecta, quia ipsi vt sit & existat, nihil deest: qua ratione fortitudo, quæ recta ratione adhibita, maxima pericula in bellis sustinet, vt & cæteræ omnes virtutes perfectę dici possunt. Perfecta quoq; dicitur esse virtus, quæ omnia alia in se cōplectitur: qua significatione absoluta iustitia vniuersalis perfecta nuncupatur, quæ oēs virtutes in

se continet, suoque ambitu comprehendit. Tertio modo dicitur virtus perfecta, non tantum ea quę ad summum est perducta, & reliquas virtutes continet, sed quę perfectissimi est vsus, hoc est, cuius operatio & actio est hominum generi vtilissima; perinde vt medicum aut Iureconsultum perfectũ cum appellamus, non qui artis tantũ theorematata exquisitè perdidicit, sed qui artem dextere exercere, & ad vsum vtilitatemq; vitę præcepta deducere potest. Hac ergo significatione virtus politica dicitur esse perfectissima, quòd qui ea præditus sit, non tantum secum, sed cum aliis etiam virtute vti rectè ac iuste, & ad reipub. ac societatis humanę conseruationem eā accommodare possit. Et quia ad alterum spectat hæc virtus, ad constituendamq; & conseruandam ciuilem administrationem adhibetur, ab Aristotele omnium virtutum præstantissima, optima, pulcherrima atque difficillima appellatur. Præstantissima quidẽ; quod ex aliis omnib. perfectè constituta; optima, quod eius vsus sit vberimus & quālatissime patēs; pulcherrima, quod Venere seu Lucifero stella splendidissima, sit, ppter dignitatis eminētiā, maiori admiratione digna & veneranda. Denique dicitur esse difficillima, propter
vlu m.

usum & actiones iustitiæ, quæ longa experientia, ac multorum & variorum negotiorum tractatione, ut recte obeantur, indigent. Unde etiam plerumque fieri solet, ut multi quidem priuatis in rebus atque domi, animi sui mores formare, interdum etiã cum vxore ac liberis aliisque domesticis virtute uti possint; ad rempub. vero vel ad officia publica vocati, id propter rerum, negotiorum & commerciorum imperitiã, non possint. Ex quo intelligi potest, longè difficiliorem esse in societate quàm apud se, virtutis usum. Quam quidem rem & *Bi-*antis illud dictum cõprobare videtur, quod *Laertius* *Pittaco* adscribit, qui magistratũ, virum prodere dixit. Qui enim magistratum gerit, vel princeps est, non sui, sed aliorum curam gerit, & in reipub. administrationem ac societatis curam, quæ longe difficillima est, incumbit. Quia ergo hæc iustitia ad alterum refertur, ob id alienũ bonum sola (ut *Aristoteles* inquit) neque eius qui ea præditus est, esse videtur, atq; omnino eorum, ad quorum vsus utilitatesq; dirigitur; ut, si in principe inueniatur, regni; si in optimatibus vel populo, reipub. utilitatem respiciat. Huius virtutis præstantiam ac dignitatem cum animaduertissent

278 PRINCIPIOR. IVRIS

veteres, eam matrem ac nutricē virtutum,
 ex qua non tantum omnes gignerentur,
 sed etiam genitæ custodirentur, appellare
 consueverunt. Vnde Polus Pythagoricus
 Lucanus sic loquitur: *Iustitia inter homines
 videtur mihi mater & nutrix ceterarū vir-
 tutum appellanda: nam sine illa neque tempe-
 rantem, neque fortem, neque prudentem esse
 quenquam constat.* Est enim harmonia &
 concordia totius animæ cum concinnitate.
 Fiet autem eius vtilitas euidentior, si alios
 habitus considerauerimus, utpote qui par-
 ticularem solum sui vsum, & ad vñ quem-
 piam præbeant, iustitia vero vtilitatem in
 multitudinem, & vniuersas rerum com-
 prehensiones præstat: siquidem in mundo
 principatum omnem obtinens, præviden-
 tia vocatur, & harmonia & constitutio ge-
 neris cuiusdam deorum, qui ipsam ita dis-
 posuerunt. In ciuitate autem, pax & æ-
 quitas merito nominatur. In domo au-
 tem hæc est viri & vxoris concordia mutua.
 Item famulorum in heros beneuolentia.
 Dominorum autem erga famulos benigna
 curatio. - In corpore, sanitas & perfectio
 membrorum. Cæterum in anima est sa-
 pientia, quæ per scientiam & iustitiam ho-
 minibus comparatur. Cū igitur hæc

VIR-

virtus totum simul ac partes singulas ita moderetur, & in concordia conseruet, quomodo non mater & nutrix tum virtutum, tum rerum omnium communi iudicio dici deberet? Possem proferre multa antiquissimorum scriptorum præclarissima huius virtutis encomia, quibus eius nobilitatem, dignitatem ac præstantiam præcæteris celebrare nunquam desierunt, nisi res esset manifestior, & per se satis nota. Illud potius videndum est, quæ huius virtutis sit tradita ab iisdem descriptio, ut cognita ipsius natura, quisnam Iureconsulti ac legislatoris scopus statuendus sit, intelligatur.

CAPVT IV.

Virum iustitia reliquas virtutes in se contineat ut genus, an ut totum.

SEd opportune hoc loco sese nobis offert non levis, verum utilis & ad propositum nostrum accommodata quæstio, quæ ex superiori iustitiæ descriptione nascitur. Cū enim sæpenumero dictum sit, Iustitiam vniuersalem esse omnium virtutum perfectissimam, quod reliquas omnes (ut Theognis inquit) in se complectatur, meritò

ambigitur, qualis sit complexus & comprehensio, generisne, an totius. Videtur autem hæc res esse dubia ac controuersa, neque enim genus cæterarum virtutum iustitia esse videtur, propterea quod generis nomen ac definitio omnib. speciebus vniuoce, hoc est, secundum naturam attribuitur; at iustitiæ vniuersalis nomen, non ita propriè de aliqua virtute particulari, vtputa fortitudine aut prudentia, aut aliquauis enunciauereis, multoque minus eiusdem definitionem his attribueris: quippe cum multi fortes esse possint, iusti tamen minimè idcirco inueniantur. Adde quod perfectissima virtute esset aliqua perfectior: si enim iustitia vniuersalis est perfectissima, cuius definitio attribuitur fortitudini, aut alteri virtuti, quæ ab eadem est diuersa, certe & fortitudo vel alia quæuis erit perfectissima, & sic dabitur perfectius perfecto, idemq; erit perfectum & imperfectum, sibi que contrarium & repugnans, quod fieri non potest. Præterea ablata specie alicuius generis, nō aufertur propterea genus; veluti ablato boue, vel leone, nihilominus manet natura animalis, quæ in homine, cæterisque seruari potest speciebus; at ablata vna virtute, iustitia quoque auferetur. Cum enim

nim virtutes sese sequantur, vt ab Aristotele in lib. De moribus ostenditur, atque altera sine altera haberi perfecte non possit, fit vt vna alteram & constituat & perimat; aut si non sese sequantur, prudentia tamen ablata reliquæ peribunt, & iustitia & virtus auferetur: natura enim omnium virtutum in recta ratione cernitur; recta autem ratio nihil aliud est, quàm ipsa prudentia. Quod si quis dicat, iustitiæ vniuersalis nomen de particulari quoque dici, ac propterea genus esse posse, is non animaduertit ὁμοῦμας & æquiuoce id fieri, nō autem vniuoce, quod proprium generis est. Iam vero neque totum quiddam iustitia & virtus esse videtur, quia eius duplex habetur ratio: aliud enim est totum, quod similem, aliud quod dissimilium partium appellatur. *Similes partes* illæ dicuntur, quæ & totius nomen & descriptionem sibi vēdicant: vt caro: carnis enim partes, & caro sunt & dicuntur; sic ossis ossa, quæque his affinia sunt & cognata. *Dissimiles partes* dicuntur, quæ & nomen & descriptionem diuersam à suo toto obtinent: veluti manus & pes dicuntur partes dissimiles ipsius corporis seu hominis; rursusque caro & nervus, pedis vel capitis: neque enim caro caput aut pes dicitur, quæ-

admodū neq; neruus. Virtutes ergo partes iustitiæ similes esse non possunt, quia tum nomine tum descriptione non solum à suo toto, sed etiam inter se differunt. neq; dissimiles, quia altera ab altera dependēre, neq; totum absente harum vlla amplius constare posse cernitur, quod ex sententia Aristotelis sexto Ethic. cap. vlt. nuper dictum est. Quod si quis neque partes totius. neq; species generis, neque etiam voces multiplicis dictionis esse contendat, sed ambigentis naturæ inter genera ac voces homonymas, eius videlicet quæ ab vno & ad vnum dicuntur, cuius rationis & decem prædicamenta sunt, quæ *Entia* appellantur, & ipsa anima, quæ de rationali & vegetatiua hoc modo enunciat, is in alias multoque plures incidat necesse est difficultates. Nam in his quæ ab vno & ad vnum dicuntur, prius & posterius inuenitur; vt puta substantia prior est accidente: at in virtutibus res aliter se habet, vbi altera prior altera non est, sed simul omnes: adde quod sublato vno, alterum in illis non aufertur, vt ablato accidente, non tollitur Ens aut substantia, sed sublata vna virtute, tollitur etiam tota, & singulæ eius partes, cum sola harum nulla per se neque haberi, neque cogitari possit.

possit, sed necessarium sit, ut qui prudentiam adeptus sit, ceteras quoque adipiscatur. Quod si virtutes, species, vel partes iustitiæ non sunt, efficitur ut neque iustitia ut totum in partibus, aut ut genus in speciebus reperitur, multoq; minus in earum descriptione aut definitione. Sed neq; in iustitia sunt, ut forma in materia; quia forma est perfectior materia: at iustitia est perfectior virtutibus. Neq; etiam sunt in iustitia tanquam in fine; quia iustitia non est finis virtutum: virtutes enim per se expetuntur, & sunt per se fines: at quæ ad finem referuntur, ob aliud expetuntur. Nullo deniq; eorum quæ in aliquo esse dicuntur modo, in iustitia contineri videntur: ut ex his quæ iam dicta sunt facile appareat, quàm non leue sit huius difficultatis nodum dissolvere. His tamen non obstantibus, dicendum arbitror, virtutes omnes, in iustitia & virtute simpliciter, tanquam partes similes in suo toto contineri: virtutes enim omnes similes inter se sunt & cognatæ, quia reguntur ratione recta, quæ nunquam abesse potest, sed eas ita coniungit, ut qui unam earum perfecte adeptus sit, omnes alias possidere deprehendatur: qui autem omnes habet, is quandoq; secundum temperantiã, quandoq;

secundum fortitudinem, ex eodem habitu agere dicitur, cum in iis in quibus temperantia aut fortitudini locus est, pariter omnibus agat. Eodem enim modo se habet in virtutibus animique habitibus, atque in naturæ rebus: ut enim ex variis ac diuersis admixtionem coeuntibus humoribus, vnum tamen similarium partium totum, ut puta caro aut os, generatur, ita cum virtutes subiectis in quibus sunt & obiectis in quibus versantur, inter se differant, vnum tamen totum similium partium constituent: quod propter diuersitatem earum rerum quas tractat, diuersa quoque nomina fortitur, ac nunc quidē fortitudo, si in bello labores ac pericula sustineat; si in cibo & potu moderatē se gerat, temperantia; si in contractibus æqualitatem seruet, iustitia appellatur. Vnde fit, ut quemadmodum virtutis, ita & iustitiæ nomen omnibus tribuatur. Huic nostræ sententiæ ad stipulari videtur Zeno, qui iustitiam non malè definiuit, esse prudentiam in suumtribuendo cuique, in accipiendo temperantiam, in perpetuando fortitudinem; qua definitione omnes virtutes vni iustitiæ contribuit. Zenonem sequitur Menedemus Eretriensis, et sic Plutarchus, qui negabat plus vna vir-

tute

tute esse, sed eam diuersis quandoque nominibus appellari: vt vestis & penula. ensis & gladius eiusdem rei sunt nomina. Quæ virtus aut non potest vno nomine, aut debet appellari iustitia: ea enim iubet vt legibus obtemperemus. Leges autem viro forti, modesto, liberali & prudenti, vt Aristoteles ait, præscribunt quid facere debeat: neque vlla est honestatis pars, quæ earum vi & præceptis non comprehendatur. Iam vero si omne honestum legitimum dicitur, & legitimum quoque est iustum: neque vlla virtus quæ non iusta sit, siue in commerciis, siue aliis vitæ actionibus cernatur, deprehendi poterit. Quod si cui hæc nostra de iustitiæ partium natura durior videbitur esse sententia, is mediam viam eligat, ipsumque totum, partim similitum, partim dissimilitum partium statuatur; similitum, quatenus forma sua, hoc est, recta ratione & prudentia conueniunt; dissimilitum, quatenus propter diuersa obiecta diuersis nominibus appellantur.

CAPVT V.

Iustitia definitio explicata.

Sed de his satis: ratio enim postulat, vt quæ huius virtutis à veterib. philosophis

nostrisque Iureconsultis tradita fuerit de-
 scriptio atq; definitio, breuiter explicemus.
 Aristoteles ergo Ethic. lib. quinto, eam esse
 dicit, *ex qua homines volunt aguntq; ea, quæ
 iustæ sunt.* quæ definitio non naturam &
 substantiam iustitiæ explicat, sed potius e-
 ius vim & proprietatem. Cicero notationē,
 Aristoteles & Galenus *ἀνθρώπων* seu *ἐννοι-
 ας*, id est, descriptionem & notionē appel-
 lant, quæ ex notis & manifestis nobis, solet
 constitui. Cum ergo ea quæ sensib. exposi-
 ta sunt, vtputa actiones & effectus, nobis
 notiores sint causis & principiis rei alicu-
 us, merito Aristoteles eam ex actione & vi
 seu effectū interpretari voluit. Simili de-
 scriptione vsus est in lib. decem predicamē-
 torum, vbi qualitatē esse dixit, ex qua quæ-
 les esse dicimur; quia compositum notius
 est suo abstracto. Quod autem adiecit in
 definitione, volunt aguntque, id sane hanc
 rationem habet: quia non satis est, vt lib. 2.
 De moribus traditum fuit, actionem quo-
 quo modo probam studiosamve edi, quæ-
 que virtutis speciē præ se ferat, vt quis pro-
 pterea vir bonus ac virtute præditus sit &
 habeatur, sed eā à recta rationis iudicio &
 cognitione, liberoq; animi arbitrio & vo-
 lunta-

luntate profectam esse oportet. Cùm enim fieri aliquando possit, ut quis vel metu co-actus, vel vi compulsus, aut etiam ex igno-ratione, actionem iustam & laudabilem fa-cere possit, nec tamen illico iustitiæ habitũ adeptus, iustusque dicendus esse videatur, nisi etiã sciens & spõte id fecerit, quod pro-prium est virtutis. Recte enim (mea qui-dem sententia) Theages inquit, tria esse v-niuerse virtutis principia, cognitionem vi-delicet, potentiam & arbitrium. *Cognitio* est vis, quares contemplanur & iudicamus. *Potētia* vero, animi velut robur quoddam, quo negocia suscipimus, atque in iisdem constanter perseueramus. *Arbitrium* au-tem tanquam manus animæ quædam, quibus incitamur & agitamur, resque arri-pimus. Quemadmodum ergo scientia & artes, facultate atque cognitione, ita virtu-tes propriè voluntate & arbitrio distin-guuntur. Atque hæc de notione. Essen-tialis autem huius virtutis definitio ab eo-dem Aristotele in lib. De virtutibus tradi-tur, vbi sic inquit: Δικαιοσύνη δὲ ἐστὶν ἀρετὴ ψυχῆς, διατεμένη κατ' ἀξίαν. id est, *ius-titia est anima virtus, qua suum unicuique pro dignitate & merito distribuit. Quã defi-*

nitionem imitatus est noster Cicero, qui habitum animi, communi utilitate servata, suam cuique tribuentem dignitatem, id est, quo quisque dignus est, quodve ei debetur lege, cum a tribuendo unicuique quod suum est, Græci νόμον appellant, esse dixit. Quibus definitionibus congruit ea quam Ulpianus tradidit, qui sic ait: *iustitia est constans & perpetua animi voluntas, ius suum unicuique tribuens.* Quæ quidem definitio quia partim a quibusdam reprehenditur, partim a nostris Glossatoribus non rectè intelligitur, explicanda breviter & succinctè nobis est, & quo pacto cum Aristotelis & Ciceronis conveniat, perspicue ostendendum. Aristotelis definitio, ut & reliquæ duæ quæ iam allatæ sunt, proprio constat genere, ac propriis suis differentiis. Genus enim in definitione, est ipsa *virtus*, seu perfectio: quæ sequuntur, loco differentiarum adiecta sunt. Harum autem duplex est ratio: altera enim earum à subiecto in quo consistit virtus, altera ab actione seu officio sumitur. Ut enim reliquæ virtutes omnes in parte aliqua animi, sic hæc sola in tota anima, cuius, ut Theages inquit, concentus quidam & harmonia est, cernitur. Porro virtutis officium est, pro dignitate

tate & merito suum cuiq; largiri ac distribuere, quod sane non ita arcte, sed maxime cōmuniter & vniuersaliter intelligendum, vt non tātum de honorū ac dignitatum distributione, quod particulari illi iustitię, distributiue nimirum, τῇ ἐν τοῖς σωματάμασι *σὺν δυνάμει*, id est, emendatrici seu commutatiue opponitur, loquatur, sed potius vt eam animę rectitudinē atq; perfectionem significet; qua fit, vt primo quidem in homine tantū vnicuiq; parti tribuamus, quantum dignitas eius postulat, rectaq; ratio tribuendum censet; vel, vt significantius dicā, ita omnes animę humanę partes, certa quadā & cōcordi administratione gubernentur, vt iis quę suapte natura ad imperādum factę sunt facultatibus, vim imperādi quęque facienda sint, iubendi, nō facienda prohibendi; iis vero quę ad parendum factę, recta pręcipienti rationi modestē parendi obsequendiq; voluntatem tribuamus. Deinde vero sic cōpositis ac pręparatis animis, societatem huius ciuilis vitę & coniunctionem hominum inter se ex æquo diligamus ac tueamur, ita vt semper suū cuiq; tribuamus, neminē lædamus, rectāq; & legitimā æqualitatem non tantum in distributione pręmiorum ac pœnarum, sed etiam fidem

ac æquitatem in commerciorum & contractuum, omniumq; adeo officiorum & utilitatum generibus, constantes ad salutem & patrię felicitatem propagandam seruemus. Eandem propè vim habent posteriores illæ, Ciceronis dico & Vlpiani, definitiones. Sed hoc interesse videtur, quod hæ magis iustitię politicę. quę in hominum societate & repub. versatur, ac propria est Iureconsultorum & legislatorum; illa vero iustitię absolutę, quę partium animę concordia quędam est, conuenit. Sed & eo inter se differūt, quod Aristoteles genus iustitię proximum, virtutem nimirum, Cicero & Vlpianus remotius habitum esse tradiderunt: neque enim constans & perpetua voluntas aliud quid est aut significat, quam habitum; nisi quod voluntas aut vis quędam est & potentia quę ex habitu fluit, nobisque notior est, aut certè ipsius habitus subiectum. Duplex enim videtur esse voluntas; altera quę habitum sequitur, altera quę eundem antecedit: & proprie ad appetitum refertur, ex quo deliberatio seu cōsultatio & electio, quę omnium actionum sunt principia, oriūtur. Siue igitur tu hęc vel illam voluntatem accipias, nihil incommodi hęc definitio continebit, cum constans & perpetua voluntas descri-

descriptio habitus sit, ac propriè iustitiæ tribuatur, quippe quæ (vt multis iisq; nō indolis videtur) potissimum in volūtate posita sit, quæ tamen res non parū est controuersa, cum alii virtutibus moralibus appetitū sensitium, alii voluntatem, alii nō nunquam aliud, pro subiecto statuunt; nisi forte quis voluntatem etiam quendam appetitum esse dicat, nomēq; appetitus vniuersalius accipiat, & dicatur de eo qui rationem sequitur, & propriè voluntas nuncupatur; & de eo qui sensum, & propriè nomine generis *appetitus* vocatur: cuius sententiæ Aristoteles in libro De anima fuisse videtur, cum inquit: *Voluntas enim appetitus est quidam: at cum motus sit per rationem, & per voluntatem etiam sit, at appetitus absque ratione manet, &c.* Atque hoc in loco non satis possum mirari, quid Rhodolpho Agricolæ, homini alioquin eruditissimo, in mentem venerit, quod hanc nostri Vlpiani recte traditam definitionem, vt plerasq; alias, lib. 2. Dialecticatum Instit. conetur reprehendere; quam ego non tantū non reprehēdendam, sed laudandam potius existimo, quod & dialecticorum præceptionibus, & Iureconsultorum scopo maxime sit cōueniens atque consentanea. Dabitur enim Accursius,

sed satis ineptè, quomodo iustitia possit esse constans ac perpetua voluntas, cum non semper iustus recta & iusta agat, sed quādoque fallatur. Huic quæstioni ita satisfieri potest, vt constantem & perpetuam voluntatem hîc accipiamus, non eam quæ nunquā, sed perquā raro labatur, & vt plurimum id quod honestum & iustum est expetat. Vt enim nunquam errare solius Dei, ita perquam raro, artificis munus est. Adde, quod si vir bonus & iustus quandoq; ab æquo deficit, non tamen ob id voluntas & habitus animi tollitur, quippe cum vel ob errorem, vel ignorationem, vel incertitudinem & inconstantiam rerum quis labi ac decipi possit, voluntatem tamen iuste & bene agendi non amittat, sed ad se rediens erratum corrigat, rectaque ratione peccatum emendet. Quod si etiam id eueniat, vt ipsam adeo voluntatem bene agendi mutare incipiat, dicendum quoq; erit, iustitiam in eo non observari, atq; idcirco constantem esse ac perpetuam voluntatē. vt quādiu in homine fuerit, ipse quoq; secūdum hanc affectus sit. Si ita accipiantur, nihil incommodi habebunt. Quod autē de iustitia diuina, & concreta & abstracta nugantur interpretes, id partim à proposito alienum est, partim etiā

veritati minimè consentaneum. Atq; hæc quidem de natura iustitiæ, eiusque diuisione in vniuersalem ac particularem seu priuatam, dixisse sat sit. Quanquam non melatet, & aliam huius apud philosophos partitionem reperiiri, in eam nimirū quæ simpliciter & absolutè iustitia dicitur, quæque in animo hominis cernitur, & in repub. quæ politica; & in eam quæ cum adiunctione, herilis nimirū, patriæ vel maritalis, quod inter seruum & dominum, aut parentes & liberos, aut vxorem ac maritum spectetur, appellatur. Quæ quidem omnes iustitiæ superioris illius partes quædam esse conspiciuntur, ita quidē vt verè dici possit, potissimam iustitiæ diuisionem, ac summam eam esse, vt alia quidem totam virtutem, alia partem tantum virtutis, vt puta fortitudinem, temperatiam, aut herilem, aut maritalem æquitatem respiciat, complectaturve.

CAPVT VI.

*Vniuersalem iustitiam finem esse
Iurisconsulti.*

Iustitia ergo particularis, vt ex superiori disputatione liquet, absolutè & primo ac per se, bonum non est, propter quod extremum

& vltimum omnia expetantur; quippe cū virtutis tantum pars sit, quæ reliquas non complectatur. Vnde etiam fit, vt neque finis, neq; vltima perfectio ciuitatis, aut societatis humanæ esse possit; perfectio enim vltimum quoddam bonum est, quæ citra multarum virtutum adminiculum nō habetur. Quod si ciuitatis & reipub. perfectio non est, neq; legislatoris & Iureconsulti, qui reipubl. summum bonum conseruant, ac tuentur, finis aut scopus esse vnquam poterit. Quod autem summa reipub. perfectio citra cumulum virtutum consistere nō possit, ex eo ostenditur, quod perfectio ciuitatis est felicitas ipsa, cui⁹ gratia omnes omniū hominum societates congregantur, ad quā omnes leges & consuetudines diriguntur, cuius in reipub. cōseruandæ actuendæ causa, cōsilia, deliberationes actionesq; ciuiles atq; politicæ vniuersæ, tum à magistratu, tum à populo, suscipiuntur, gerunturque; hanc ita exoptant omnes, ita admirantur cuncti, vt sine ea, non tantum non commode, sed ne viuere quidem se posse arbitrentur: contra vero, & se & suos tantisper incolumes ac beatos existimant, quoad eius beneficio & subsidio adiuuantur atque proteguntur. Porro autem, vt rectè Aristot. De moribus,

& in

& in lib. Politicorum & Plato in lib. de Repub. & legibus, sæpissime admonent, felicitas humanæ vitæ trib. videtur constare necessariis partibus, sine quibus homines societatem inter se neque tueri, neque etiam commode viuere possunt. Sunt autem hæc tria bonorum genera, externa nimirū, corporis & animi; quæ omnia felici homini, vt beatus dici possit, adesse debēt: nemo enim felicem illū esse dixerit, qui nulla parte fortitudinis, aut temperantiæ, aut prudentiæ, aut iustitiæ præditus, etiam circunuolantes (vt Aristot. inquit) muscas timeat, aut ita intemperans ac dissolutus inueniatur vt edendi ac bibendi extrema cupiditate flagrans, vim & iniuriam manumve charissimis etiam inferat; deniq; tam stultus & rerum omnium ignarus sit, vt vel puerum vel insanum moribus imitetur. Eademq; inuenitur ratio in reliquis duobus bonorum generibus. Quis enim homo, quæve societas seu respub. beata dici potest, cui nō tantum earum rerum quæ ad splendorem & magnificentiam pertinent, sed etiam necessariarū, quæ ad victum attinent, abundantia ita deest, vt neque se tueri, neq; alios iuuare commode possit? aut quæ tales nutriet ciues, qui tam imbecilles animo & corpore inuenian-

tur, vt neque suæ reipub. limites tueri, neque etiam externam insidiantium vim repellere, interdum etiam quādo opus est bello alios laceſſere valeant? Profecto vt hæc omnia adesse felici homini ac ciuitati debere in cōfesso est, ita de quantitate & excessu atque moderatione harum rerum ab hominibus tantum ambigitur. Pleriq; enim tum se demum verè beatos fore arbitrantur, si propositis vtcunq; cæteris virtutū generibus, infinitam pecuniæ ac diuitiarū vim consequuti fuerint; eamq; felicissimam rempub. esse existimantes, quæ ad opes, ad potentiā eorum leges & consuetudines omnes diriguntur, sit comparata atque instituta. Ex quo fit, vt eiusmodi non virtutes externis bonis, quod tamen deberent omnes, sed potius externa bona virtutibus conseruent, atq; vt semel dicam, scopus & finis in externarum rerum copia & abundantia iis propositus est. At enim qui sic de felicitate statuunt, grauitex ex Aristotelis & Platonis sententia errare videntur: experientia nanque & quotidianus vitæ vsus, eos qui moribus & virtute quantum fieri potest, in homine præditi sunt, fortunæ autem bonis mediocriter ornati, ostendit feliciori ac tranquilliori vitæ genere frui, quàm eos qui externis bonis as-

fluen-

fluentes, virtute aut omnino carēt, aut eam non ita serio complectuntur. Sed & recta insuper ratio faciendum id præcipit semper, vt ea quæ digniora sunt & vtiliora, & ad quæ cætera referenda sunt omnia, in omni vitæ genere leuioribus anteponantur. Externa autem hominis bona cum instrumenti loco habeantur, ad virtutes earumq; actiones vsum tantum sui præbent: vnde etiam fit, vt quemadmodum in cæteris rebus, quæ vtilis tantum sunt, excessus earum vel noceat habenti, vel nihil profit; ita virtutes & bona animi quæ & honesta sunt, & per se expetuntur, quanto magis augentur, tanto etiam homini magis vtilia sint. Itaque in bene constituta repub. diligenter Plato & Aristot. monent, id in primis spectandum esse, vt horum omnium quæ ad huius vitæ felicitis vsum necessaria & vtilia sunt, nihil desit; deinde vt earum rerum quæ iam adsunt delectus instituat, ita quidem, vt nō omnia vno habeantur loco, sed ea præponantur cæteris omnibus, quæ & honesta sunt & vtilia, & per se expetenda; illa vero sequantur, quæ vtilia tantum sunt, & aliorum gratia quærantur. Semperq; cō nostra consilia dirigenda sunt vniuersa vt quo animus est dignior corpore, eo queque eius bonorum ac

virtutum maior quàm cæterarum rerum
 delectus atque ratio habeatur. Vt non im-
 merito sæpe & grauitè Zeno dicere soli-
 tus sit, decorandas esse vrbes non preciosis
 ornamentis, sed inhabitantium virtutib.
 Et Pythagoras eam tandem omnium ciui-
 tatum optimam esse statuerit, quæ bono-
 rum virorum multitudine repleta sit. Ari-
 stoteles quoq; lib. Polit. secundo, cap. nono,
 hac potissimum ratione leges & rempubl.
 Carthaginiensium reprehendit, quod primā
 curam opum in deligendo magistratu, non
 virtutis habuerint, ac ciuitatem non ad vir-
 tutis, sed pecuniarū studium conuerterint;
 ex quo factum postea est, vt maximi quique
 magistratus, imperium, & belli ducatus,
 totaq; adeo respubl. vel ciuitas venalis red-
 dita fuerit. Porro autem vt inter priora bo-
 norum genera, ita quoq; inter animi bona
 atq; virtutes non paruum interest discrimē:
 nam quemadmodū partes aliquæ aliis sunt
 nobiliores atq; præstantiores, ita & earum
 virtutes se habeant necesse est. ac proinde
 rectè monet Plato, fortitudinem ad tempe-
 rantiam, temperantiam ad prudentiam, hæc
 autem omnia ad vnam in mente & ciuita-
 te iustitiam referri oportere. Cum ergo sco-
 pus omnis societatis ac reipubl. finis, vt ex
 supe-

superiorib. patet, felicitas sit, ipsaque adeo beatitudo: beatum autem esse nihil aliud sit, quam bene agere; ac fieri nequeat, ut qui bona non agant, bene agant; nullaq; bona actio sine virtute atq; prudentia cæterisq;, fortitudine puta & iustitia & temperantia, habeatur, necesse profecto est, ut qui reipub. curam eiusq; administrationem rectè instituere desiderant, huius felicitatis ac virtutū omnium, quæ vno iustitiæ cōplexu cōprehenduntur, rationem habeant, ipsamq; sibi tanquam ultimū quendam scopum constituent: in quem quicquid deliberationis & actionis & consilii suscipiunt, intuentes, civilem societatem ac remp. hac ratione tueantur. Atqui & legislatores & Iureconsulti quid aliud obsecro spectant, quid aliud efficiunt moliunturq;, nisi ut hanc inter se hominum societatem tueantur? ut reipub. concordiam ac tranquillitatem custodiant? quā qui dirimunt, eos morte, exilio, vinculis, damno, coercent: eoq; diriguntur instituta, consuetudines, responsa, decreta, leges denique omnes, ut huius felicitatis & iustitiæ, omnium deniq; virtutū in rep. nomen saluū & incolume retineatur, quātūq; fieri potest, promoveatur. Cū ergo vna virtutis pars felicitatē neq; homini afferre possit, necessario ef-

ficitur, neq; ciuitatis neq; legislatoris aut Iurecōsulti vltimus & extremus scopus, quē intueatur, esse possit. Quapropter rectē Plato in lib. de Legib. Lycurgi & Minois leges tacitē reprehendit, quod non tam ad virtutem simpliciter, quā ad bellicam virtutem latae fuerint; neq; ciuium tranquillitatem, atq; iustitiā, quam Martis cultum respexerint. Cum enim leges cō potissimū dirigendae sint, vt id quod ab omnibus ciuib; maximē omnium expeti solet ac debet custodiant atq; praecipiant; pugna verō & victoria cum malorum laborūq; plena, non propter se quidem optanda sit, sed eligenda potius propter pacem, tutamq; vitæ tranquillitatē fieri profecto nō potest, vt ciuitas & respub. felix ac beata dicatur illa, quæ non ad virtutis, sed bellī vsum sit instituta; quemadmodum nemo ita exoptat viuere, vt in perpetua contra morbos pugna victoriaque versetur. Quare legislatori id curæ esse debet, ne studia pacis ad bellica, sed contrā, bellica potius ad pacis commoda officiaq; referat; pacē vero ad liberū & tranquillū reip. statū. Eadem scribit Arist. septimo lib. Polit. cap. secundo, his verbis: Sunt etiam qui aliis dominari, & tyrannicum reipub. modū, solum putant esse beatū. Et in quibusdā ciuitati-

tatibus hic est finis legum, ut finitinis dominantur. Itaque cum pleraque constituta passim, ut ita dixerim, iaceant apud plurimos, tamen si quid vnum leges respiciunt, id coniectant omnes ut ciuitas dominetur. Sicut in Lacedæmone & Creta, ad bellum ferè ordinata est disciplina iuuentutis, & legum multitudo. Præterea apud gentes omnes quæ cæteris præualere possunt, huiusmodi laudatur honoraturque potentia; ceu apud Scythas & Persas, & Thraes & Gallos. Quibusdam enim leges sunt, ad huiusmodi prouocantes virtutem; ut apud Carthaginenses ferunt, ornatum annulorum accipere, pro numero expeditionum in quibus militauerint. Fuit etiam quandoque in Macedonia lex, eum qui nullum hostem interfecisset, capistro cingi. Apud Scythas vero non licebat solennibus epulis pateram circumlatam accipere ei, qui nullum occidisset hostem. Apud Hæberos quoque pugnacem gentem, tot obeliscos erigere circa sepulchrum mos est, quot homines ex numero hostium quis necauerit. Et alia apud alios sunt huiusmodi complura, legibus aut moribus constituta. Atqui videtur forsitan nimis absurdum esse, si quis cōsiderare velit, an hoc propositum debeat.

esse eius, qui legibus instituit ciuitatem, prouidere videlicet vt illa dominetur finitimis & nolentibus & inuitis. Quomodo enim id ciuile, aut lege sancendum, quod ne legitimum quidem est? neque enim legitimum, nō solum iuste, verum etiam iniuste dominari. Nam imperium obtinere licet etiam non iure. Atqui nec in aliis scientiis ita fieri videmus. Neq; enim medici, neq; gubernatoris est, vel persuadere ægrotis, & nautis, vel vim afferre. Sed plerique tamen videntur existimare, ciuilem disciplinam nihil aliud esse quam dominari; & quod in seipsos fieri nollent, hoc in alios facere non erubescunt. Ipsi pro se iustitiam quærunt, pro aliis vero nulla eis iustitiæ cura est. Hoc autem absurdum, nisi tales sint natura, vt alter dominari debeat, alter non. Quod si est ita, non est conandum omnibus dominari, sed illis duntaxat qui vt parcant apti sunt: sicut neque homines venari ad mensam vel sacrificium, sed illud quod venabile est. Est autem venabile omne animal quod suapte natura ferum est, & esui aptum. Enimuero fieri potest vt sit ciuitas vna seorsum per seipsam beata, videlicet si gubernetur recte. Nam potest esse sita in loco penitus separato, & legibus

vti laudabilibus: cuius reipub. constitutio neque ad bellum, neq; ad superandum hostes sit idonea. Pater igitur quod rei bellicæ studia bona sunt existimanda, sed non vt finis supremus, sed gratia illius. Studiosi autē legumlatoris est cōsiderare urbem, ac naturam hominum, & omnē aliam societate vitæ laudabilis, quo quantum fieri potest, participes sint felicitatis. Differentia tamen erit in quibusdam constituendis: & hoc pertinet ad eandē disciplinam quæ est de legibus ponendis: videre, si qui sint finitimi populi, qualia erga quales exercenda sint, & quemadmodum cum singulis conuersandum. Hæc Aristot. de illis ciuitatibus, quarum leges non ad virtutem totā atque iustitiam, sed ad eius partem, fortitudinem nimirum ac bellicum robur conditæ erant, eo in loco differuit, easque iure optimo reprehendit. Quomodo autē cæterarum virtutum vsus & utilitas in repub. & societate necessario desideretur, his verbis eleganter sanè & copiose eodem libr. cap. decimoquarto aperit. Hoc vtique legumlatori intuendum laborandumq; est, vt boni viri efficiantur, & per quæ media & exercitia, & quis tandem optimæ vitæ finis existat. Diuersæ autem sunt par-

tes animæ nostræ; altera enim suapte natura ratione prædita est, altera quidem per se ratione prædita non est, rationi tamen obtemperare potest. Quarum partium virtutes diximus esse illas, à quibus vir bonus denominatur. Sedenim in vtra istarum finis statuendus est? An qui ita diuidunt hæc vt nos facimus, quomodo statuendum id sit, minimè dubitant? Semper enim id quod deterius est, melioris gratia existit, vt in iis quæ tum ab arte, tum a natura fiunt, videre est. Melius autem atque præstantius id est, quod rationem habet, quam id quod ratione caret. Possumus autem, vt & aliàs facere solemus, dupliciter id partiri. Est enim ratio alia quæ ad actionem dirigitur, alia quæ ad contemplationem. Eadem ergo ratione & hanc partem diuidere oportet, & actiones his eodem modo correspondere: ac necesse est eas actiones, quæ meliores sunt, suapte natura, magis expetendas esse iis qui hæc consequi possunt, aut omnia, aut illa duo. Semper enim id cuique maximè expetendum est, cuius potiri est summum. Diuisa est autem vita in negocium & otium, bellumque & pacem. Et eorum quæ aguntur, quædam sunt necessaria & vtilia, quædam honesta. In quibus
omni-

omnibus idem delectus faciendus est, & partibus animæ, & earum actionibus, ita quidem ut bellum gratia pacis, negocium autem gratia ocii, necessaria denique & utilia causa honestorum expetantur. Ad cuncta igitur hæc legislatorem respicere par est, ad partes nimirum animæ, & ad illarum actiones, præcipueque ad ea quæ meliora sunt, & fines. Eodemque modo & circa vitam atq; rerum diuisiones sollicitum esse oportet, ut & in negotio & bello versari quis possit, ac necessaria & utilia agere; præferenda tamen semper est pax & ocium, & honesta utilibus. Itaque ad hæc tanquam ad signum, & pueritia aliæque ætates quæ disciplina indigent, dirigendæ sunt. Nam qui nunc Græcorum populi rectè gubernari videntur, ac legumlatores qui eas respub. rectè instituere, illi neque ad optimum finem videntur respexisse, neque ad omnes virtutes suam disciplinam legesq; direxisse, sed violenter declinauerunt ad eas virtutes quæ videntur utiles, & ad quæstum parandum faciunt. Eademque ratione posteriores quidam scriptores, eandem suam esse sententiam declararunt. Laudantes enim Lacedæmoniorum repub. commendant legislatoris propositum, quod omnia ad po-

tentiam & ad bellum direxerit; quæ & ratione refelli possunt, ipsoque a se facto & experientia refutata iam sunt. Ut enim plurimi hominum dominari late cupiunt, quoniam ea ex re multa proueniunt fortunæ commoda; sic Thibron admirari laudareque videtur Lacedæmoniorum legumlatorem, omnesq; alii qui de illorum repub. scripserunt, quod propter exercitationē eorum ad pericula, multorum sibi imperium cōparauerint. Atqui patet, quod cum hoc tempore non imperent Lacedæmonii, nec felices amplius essent, nec legumlator eorum bonus. Præterea illud ridiculū quoque est; si permanentes in legib. eius, nulloque impediēte illis legib. uti, amiserunt ipsum bene viuere. At hi nō rectē sentiunt, neq; de imperio, ad quod respexisse legislator videtur, iudicant: nam imperare liberis hominib. melius est, quam seruis, atq; magis cū virtute coniunctū. Præterea non ex ciuitas felix existimāda est, neq; legislator laudandus, quod vincere docuerit, & finitimis dominari: hæc enim sine maximo damno effici nō possunt, propterea quod aduersus etiā proprios ciues, qui id poterit, agget, acciuitati suæ dominari conabitur. Quia in re Lacedæmonii Pausaniā accusant, lice

in tanta dignitate constitutum. Nec sane aliquahuiusmodi ratio aut lex ciuilis est, neque utilis neque vera: ea enim quæ & priuatim & publice optima sunt, legumlatorẽ inducere oportet in animos hominũ. Neq; rerum bellicarum exercitiũ ob id meditando est, vt in seruitutem immerentes adigantur, sed primũ, ne ipsi aliis seruire cogantur; deinde, vt imperium quærant gratia vtilitatis subditorum, nõ autem dominationis causa; tercio, vt iis dominantur qui seruire digni sunt. Quod autem oporteat legislatorem operam dare, vt eius studium circa res bellicas aliasq; restitutiones, ad ocium & ad pacem referatur, id attestatur, quod pleræque huiusmodi ciuitatum bellum gerentes tantisper custodiuntur donec dominationem adeptæ sunt, vbi tum demum concidunt. Splendorem enim veluti ferrum, per pacem amittunt. Causa huius mali est legislator, qui non ita instituit, vt in ocio quiescere ac stare possint. Hæc Aristoteles de rep. Lacedæmoniorum refert, quæ pacis artibus, quibus per philosophiæ cognitionem, luxum, auaritiam, ambitionem, quæ vitia multoque his plura plerunque ociũ solent comitari, vitarent minimẽ docta fuerat. Ideoq; cum ad bella gerenda

præcipue à legislatore instituta esset, factū est, vt cum in ocio & pace, amissa priori vitæ cōsuetudine, cœpisset viuere, degenerarit atque corrupta sit, ac non solam exterorum, sed etiam propriæ ciuitatis imperium amiserit. Quod etiam Romanis accidisse fertur. Nam cum sub Augusto, Tiberio, Caio, Claudio, Nerone, alijsq; partum imperium pacem illis constituisset: conuersis belli artibus, quibus Romani assueuerant, ad ocium, luxus, ambitio, ciuilia denique bella consequuta sunt, quibus rerum gestarum monumenta, atque clarissima tandem respub. labefactata est, quod nimirum magis belli quàm pacis muneribus instituta ab initio esset. Quæ incommoda cum cognosceret Scipio Nasica, vir suo tempore longè prudentissimus, Carthaginis euerisionem populo Romano dissuasit, ne eorum imperium ad bellum natum & educatum, aut ocio periret per luxum, aut in se, sublato externo hostis metu, arma conuerteret. Rectè ergo ac sapienter monet Aristoteles, legislatori non tam ad belli, quam pacis tempora respiciendum esse, vt & foris & domi feliciter ac beatè ciuitas viuere possit. Quem imitatus est noster Imperator Iustinianus, qui *Imperatoriam maiestatem*

non solum armis decoratam, sed & legibus armatam esse oportere ait, ut utrunque tempus, & bellorum & pacis, recte possit gubernari: & Princeps Romanus non solum in hostilibus praeliis victor existat, sed etiam per legitimos tramites calumniantium iniquitates expellat: & fiet tam iuris religiosissimus, quam victis hostibus triumphator maximus. Quaratione autem & in pace & in bello legislatoris munus & officium sit, non vnus, sed omnium virtutum rationem habere, Aristoteles hisce verbis aptissime ostendit sic inquit: Cum ergo idem finis esse videatur publicè & priuatim hominibus; & eandem definitionem esse necesse sit, viro optimo & optime reipub. manifestum est oportere virtutes eas, quæ ad ocium pertinent, illi inesse. Finis est enim, vt sæpe diximus, belli, pax; negotii, ocium. Sunt autem viles ad ocium & quietem virtutes, quarum opus in ocio est, & quarum in negotio. Oportet autem multa negotia nobis existere, vt liceat in ocio esse. Quapropter temperatam ciuitatem esse oportet, ac fortem & patientem: nam vt est in prouerbio, Nullum ocium seruis. Qui vero nō possunt fortiter pericula subire, serui sunt inuadentium. Fortitudine igitur & constan-

tia opus est ad negocium, philosophia vero ad ocium. Temperantia autem & iustitia in utroque tempore sed magis in pace & ocio. Nam bellū quidē ipsum cogit homines esse iustos ac tēperatos. Fortunæ autē prosperæ fruitio, & ocium cum pace, petulantes magis efficit. Multa igitur iustitia, multaque temperantia indigent hi, qui in optimo statu constituti videntur, & in fruitione omnium rerum, quæ beatos facere putantur; veluti si qui sunt, ut Poetæ tradunt, in beatorum insulis: maxime enim hi philosophia, & temperantia, & iustitia indigerēt, quanto magis ociosi sunt, in abundantia talium bonorum. Qua igitur de causa beata & studiosa futura ciuitas his indigeat virtutibus, manifestum est. Turpe est enim, non posse frui bonis, sed in negociis quidē & bello, viros probos videri, in ocio autem & pace seruiles. Quamobrem oportet (non quidem ut Lacedæmoniorum ciuitas) virtutem exercere. Illi enim non eo ab aliis differunt, quod non existiment eadē esse maxima bona quæ cæteri, sed quod acquiri ea putent ex vna aliqua virtute. Quod igitur maiora sint hæc bona, quàm ea quæ belli, & fruitio harum virtutum, & quod istarum gratia, cætera omnia, manifestum

festum ex his est. Ex his satis apparet, felicitatē ciuitatis & reipub. non in vna virtutis parte, sed in tota spectari oportere. Cum enim id conandum sit, vt omni tempore sibi similis eodemq; in statu permaneat, tēpus autem & ocii & negotii existat, profecto vtriusq; ratio habenda erit ita, vt & illæ quæ ciuitatem in ocio seruant virtutes, & quæ eandem in bello non eueriūt, inter ciues exerceantur seruenturque, hac adhibita moderatione, vt quemadmodū suscipiuntur à nobis bella ob eam causam, vt in pace viuatur, ita quoque virtutes eæ quæ ad belli vsum conducunt, ad pacis & tranquillitatis commoda referantur. Huc pertinet quod Serinus scribit, Persarum reges ante sacrificia de pietate differere; antequam bibant, de temperantia; pugnatueros vero, de fortitudine. Hanc eandem fuisse sententiam Platonis nostri, ex diuisione illa partium liquet, cuius in lib. De reipub. & legibus, non vno loco mentionem facit; eumq; sequitur Aristoteles. Etenim Plato, & ante illum Hyppodamus Pythagoreus, omnē ciuitatem in tres præcipuos ciuium ordines diuisam esse arbitrati sunt; & vnum quidem esse bonorum ordinē publica negotia administrantium; alterum ex viris

robustis constare, tertium ex illis, qui res ad victum necessarias ciuitati afferre atq; sup-
 peditare possunt. Primum βαλευκόν, id
 est, *consiliarium* appellant: secundum ἐπι-
 χερν, id est, *auxiliarem*: tertium vero βάρ-
 ναυσον, id est, *mechanicum*. Ac priores qui-
 dem duos, vitam liberam degere oportere;
 tertium, victum labore quærere aiunt. De-
 inde, consiliarium optimum esse, mecha-
 nicum deteriolem, auxiliarem medium. I-
 tem consiliarium imperare, mechanicum
 parère, auxiliarium vtrunque facere. Quam
 quidem reipub. partitionem Plato ex ani-
 mæ humanæ constitutione, cuius natura
 repub. prior, mutuatus est: anima enim, vt
 sæpe antea dixi ex sententia Platonis, tres
 habet vires, intelligendi nimirum, cui pru-
 dentia tribuitur, irascendi, cui fortitudo &
 modestia; concupiscendi, cui temperantia.
 Quæ vires ita apud sibi connexæ sunt, vt in
 iis quoddam appareat imperium, quo aliæ
 alias suavi ac facultate regant, ille vero par-
 eant. Ratio enim sua prudentia, & vires i-
 rascendi & concupiscendi moderatur: hæ
 vicissim rationi recta dictanti libenter ob-
 sequuntur, sed non eodem modo: nam cu-
 pidinea pars semper paret, quia longius à
 ratio-

ratione recedit, ac brutorum naturam imitatur. Irascendi autem facultas, partim quidem rationi paret, quatenus impetum & feruorem animi modestia compescit; partim vero imperat, quatenus iubente eadem ratione, appetitiones illas immoderatas fortitudine sua coercet ac refrænât. Non secus igitur rem publ. tribus his partibus earumq; virtutibus constare illi arbitrati sunt; magistratum nimirum, qui quid agendum sit, consiliis definiat, deq; rebus & salute totius ciuitatis diligenter cōsultet, suaq; prouidentia ac sapientia solus reipub. gubernacula regat, præscribens recta & vtilia, vetasque horum contraria, iniusta & inutilia. Et militibus, qui robore virium, animositate & audacia præditi ciuitatis salutem ac concordiam manu tueantur, atque pericula belli, & iniurias quæ ab externis hostibus inferri solent, fortiter à capite reip. propellant. Et mechanicis, qui partim labore agriculturam exercendo, in regionis cultu occupati, partim inueniendis exercendisq; artibus & commoditatibus destinati, partim etiam peregrinationib. propter mercaturam dediti, quæ in ciuitate quidem abundantia in exterâs regiones euehat, aliaque aliunde in patriam conuehat, omnia quæ ad huius

vitæ necessitatem, & ad voluptatem cōmoditatemq; & victus & amictus pertinent, sedulo quærant ac importent. At qui & magistratus imperare cæteris possit, prudentia certe opus est, quæ cum nihil aliud sit, quam recta ratio, ea quæ facienda sunt aut non facienda, sola ostendere potest. Mechanicus autem ordo, ne vel nimium ea quæ ad voluptatem vel luxum reipub. faciant, cōfietur, iisq; operam det, temperantia indiget, vt mediocritate quadam contentus viuat. Deniq; militum & propugnatorū multitudo, vt insidiantium hostium impetus animose reprimat, nec imminetia pericula metuat, fortitudine; vt vero ciuiū suorum discordias placide componat, mansuetudine & clementia præditus sit necesse est. Deniq; vt singulæ iam enumeratæ partes propriam & particulare virtutem, si respub. salua & incolumis futura est, requirunt, ita in his omnibus iustitia & æqualitas diffusa sit oportet, quæ reliquarum virtutū omnium quasi regina, in omni actione tum magistratus, tum propugnatorum, tum etiam mechanicorum cernatur, atque non secus harum reipub. partium virtutes, ac sanitas totius corporis omnium eius partium sanitates, vel vna harmonia omnium aliarum
fidi.

fidium sonos equabili ac decora iuris moderatione complectatur.

Eadem scribit Aristot. septimo Polit. vbi de natura reipub. & quales in ciuitate oporteat esse ciues, docet: vult enim eos nō tantum corporis, sed etiam animi viribus esse præstantes. Animi quidem, vt artes ad vitam vtilis ac necessarias excogitare; corporis vero, vt libertatem suam aduersus aliorum impetus tueri valeant. Quapropter & ciuitates Græcorum ea potissimum laude dignas existimat, quod solæ præ cæteris his virtutibus maxime ornatae esse videantur, ac respub. bonis legib. recteq; institutas possideant. Nam quæ frigidas regiones incolunt gentes, vt Europam, animoq; abundant, ingenii vero & artificii parum habent. etsi libertatē suam tueantur, disciplinam tamen reip. difficul. errecipere, ac finitimis dominari minime posse inquit: rursusq; eas quæ Asiam incolunt, ingenio & arte abundare, sed animositate destitui, & ob id parēre dominantibus, & seruire semper. At Græcorum genus, quod mediam regionem locorū sortitum sit, sic etiam amborum esse participem: nam & animosum & ingeniosum esse; hincq; fieri, vt non solū in libertate degere, & disciplinam reipub. optime recipere,

sed & vnus reipub. cōstitutionem sortitum, imperare omnibus possit. Quam equidem laudem concedamus Aristoteli, & suis Græcis, qui in recitandis ac decantādis propriis virtutibus, solent, vt multis aliis in rebus, quandoq; esse profusiores ac leuiores. Porro autem vt superiores illæ reipub. partes inter se coniungi ac vniri, ita & earum omnium virtutes tribus potissimum rebus custodiri posse, prisci illi philosophi ac legislatores arbitrati sunt; doctrina nimirum, & rationibus, bonis consuetudinibus ac legibus. Aristoteles naturam, consuetudines, & rationē numerat; sub qua & leges comprehendit & disciplinam. Putat enim homines naturā aptos nasci debere ad societatem huius vitæ, & virtutis vsum, quemadmodum & cetera animalia, quæ partim naturam ducem sequuntur, vt efferatiora illa; partim etiam consuetudinem adhibent, vt quæ disciplinæ capacia sunt, vt elephanti, equi, canes, & nonnulla in volucribus; at homo solus præter naturam & consuetudinem, ratione & intelligentia regitur, & iusti, & iniusti, veri & falsi cognitionem rationemq; habet. Rationes ergo docent, induntq; desideria, vt Hippodamus ait, ad virtutem incitantes: leges partim metu deterrētes coercent, par-

cim

tim honoribus & præmiis allicientes inui-
rant. Cōsuetudines autem & studia animū
formant, & quasi cereum fingunt, naturali
habitu ob assiduam actionē imbutum. At-
que ut virtus tribus ex causis promouetur,
metu nimirum. cupiditate atq; pudore, ita
metum incutere lex potest. pudorem con-
suetudines: bonis enim moribus imbutos
turpe quid admittere pudet. doctrina vero
desiderium parit; reddita enim rei causa, a-
nimum allicit attrahitq;, maxime si cū ad-
hortatione vel admonitione iūcta est. Quo-
circa hæc tria cō diriguntur omnia, ut non
tantum reipubl. partes singulas, sed earum
quoque virtutes vniuersas, moderētur tue-
anturq;. Ex quo fit, ut quemadmodum to-
tius reipubl. felicitas non in vno aliquo ho-
nestatis genere consistere, ita neq; ipsi legi-
bus, quæ rempub. continere, ac felicitatem
eius tueri & custodire debēt, vna aliqua vir-
tutis pars, scopus propositus esse possit. Re-
at̃ ergo Plato Syracusanis leges eas accipi-
endas suasit, quæ non ad quæstum & diui-
tias & cupiditatem animos eorum conues-
terent, sed quæ ad omnia bonorum genera
spectarent; atq; inter hæc tria, animam di-
co, corpus & pecuniam, animæ virtutē pre-
ciosissimam efficiant; secundam vero cogi-

poris, animę virtute inferiorem; tertium ac postremum pecunię studium quod corpori simul & animę inferuiat. Quas quidem hæc efficientes leges seu constitutiones, optimas futuras esse, ac reipub. iis vtentem reuera beatam ac felicem fore existimauit. Hinc quoq; est quod libros illos decē, quos de Republica formanda conscripsit, non de Republ. sed de iustitia & iusto inscribi maluit, totamq; adeo ab initio disputationem ab ea virtute exorsus est, eam vt arbitror ob causam, quod nimirum omnem actionem tam publicam quàm priuatam, non ad copiam, non ad potentiam, non ad victoriam, sed ad ipsam omnium virtutum matrem ac reginam iustitiam referendam esse putauerit. Quæ quidem iustitia, omni sublata perturbatione, expulsiſque contentionum impedimentis, ciuium animos, ipsūmq; adeo ciuitatis ac reipub. statum vniuersum paratissimum atq; felicissimum reddit, ita quidem, vt non tantum inter se beatè ac tranquille viuant ii qui in eadē ciuitate versantur, sed etiam ad inuestigationē veri, & Dei optimi maximi cultum paratiores prōptioresq; reddantur. Atq; hoc quidem de vltimo & extremo, & reip. & legislatoris fine seu scopo, veteres philosophi nobis scriptum relique-

liquere. Quorum sapientissimorum hominum placita nostri quoque Iureconsulti legumque interpretes secuti sunt, qui eadem ratione non de vna aliqua virtutis aut vitii parte, sed de omnibus iis quę reipub. statum aut conseruare aut lædere possunt, leges saluberrimas sanxerunt, ipsamq; iustitiã vniuersalem virtutemq; vniuersam, scopũ suarum constitutionum esse professi sunt. Vnde Vlpia. *in l. iustitia.* ait, iuris præcepta hæc esse *honeste viuere, alterum non lædere, summi cuiq; tribuere.* ad quæ tria præceptorum genera, omnes profecto leges, instituta, cõsuetudines ac principum sanctiones diriguntur. Quorum primum quidem omnem virtutis vsum complectitur, omnesque vitæ nostræ honestates, qua, vt Cicero inquit, quatuor illę virtutes continentur, nec eas vlla actionum nostrarum, siquidem laudabilis & honesta futura sit, expers esse potest: hoc enim monet. vt fortiter, temperatè, benigne, comitèr, moderate, mansuete, vere, & omni omnino virtuti congruenter nos geramus, & quęcunq; tum philosophorum præcepta, tũ rectæ rationis iudicium iubent, operib. nostris præstemus, aut fugiamus. Atque hoc maxime præceptũ ad priuatæ ac proprię vitę

320 PRINCIPIOR. IVRIS

moderationem valere videtur, quæadmodum reliqua duo in societate ac communitate civili hominumq; inter se potissimum spectantur, quorum alterum quidem cum in delictorum correctione positum sit, neminem videlicet ut lædamus, vetat; alterum in rerum contractarum fide, & officiorum exhibitione cernatur, ut suum cuiq; tribuamus, iubet. Alterum autem *non ledere*, ita late hoc loco accipiendum est, ut nō solum sub sese eam quam Græci vocant ὕβρις, id est, ignominiam & contumeliam, quæ hominis existimationem & famam imminuit, sed etiam βλάβη, quæ ad externa bona refertur, & corporis oblætionem spectat, ut verbera, vulnera, cædes, furta, rapinæ & quæ his sunt affinia, comprehendat. Tertium quoque, quod *unicuiq; suū tribuamus*, præcipit, id vniuersæ iustitiæ ac vitæ politicæ naturam continet, atque ita latè accipiendū est, ut superius in definitione dixi: quod non animaduertenterunt hoc in loco interpretes. Neq; illorum sententia mihi probatur, qui hæc duo præcepta re coniuncta asserūt, ut alterum altero contineatur. Etsi enim is neminem lædat qui suum cuiq; tribuit, non tamen illico qui neminem lædit, suum cuique:

LIBER V.

33

que tribuit; ac proinde, alterum non lædere, non tam ad iustitiæ politicæ habitum, quàm ad iniustitiæ fugam pertinet: quam latiori quandoq; vocis significatione, vt Aristoteles in Rhetoricis scribit, iustitiam appellare solemus: quemadmodum Horatius noster stultitię inopiã sapientiam esse monstrauit, his verbis: *Sapientia prima est, Stultitia caruisse*. Quapropter scitè Aristot. lib. 4. De moribus, capite 1. ait, leges de omnibus honestatis ac virtutum generibus præcepta præscribere, eius habita ratione, vt præsentis status ciuitatis felicitati ac saluti consulat. In populari enim statu communem omnium vtilitatem spectare; in optimatum administratione, id quod optimis quibusq; utile est; in repub, verò, quod confert iis qui in magistratu sunt. Ad hæc iubet, inquit, omnis lex, & quid viro forti agendum sit, ne videlicet ordines deferat, ne fugiat hostes, aut abiiciat arma; & quid tēperanti, ne committat adulteriū, ne cōtumeliose se gerat: & quid mansueto, ne aliquē verberibus afficiat, aut maledicat; & quid iusto, vt neminem lædat, suum cuique tribuat, ne aliena bona, mala fide possideat, neminemq; suo iure defraudet. Ac de cæteris quidem virtutum generibus tum vniuersis, tum singu-

O ;

lis, eodem modo sanciunt boni legislatores, hæc quidem iubendo, illa autem vetando. Et ut semel dicam, hoc spectant leges, hoc volunt, incolumem esse civium coniunctionem; quæ cum citra officiorum & virtutum communicationem consistere nequeat, eos qui illam dirimunt, morte, exilio, vinculis ac damno coercent. Constituunt autem optimas ac salutare rei-pub. leges, non eam ob causam, ut ipsarum naturam, causas proprietatesq; tantum cognoscant, sed ut civium ac rei-pub. utilitati ac saluti consulant: ad hanc enim tanquam scopum collimantes, exercere iubent virtutes, hisq; contraria vitia prohibent. Quod si quis hæc, quæ à nobis ratione demonstrata sunt, oculata fide cognoscere desideret, is legat veterum Imperatorum ac Iureconsultorum leges, quas nos *Ius civile* appellamus, multoq; prius quas XII. *Tabularum* vocant, ubi omnem virtutis partem non tantum leviter degustatam, sed exactissimè ab iis explicatam adinueniet, ut hac in re longiori confirmatione opus non sit. Legum ergo omnium, quæ bene constitutæ sunt, ultimus scopus, ad quem dirigendæ sunt, est virtus uniuersa, quæ *iustitia* appellatur, quæ ab Aristotele non vno in loco eam ob causam legitur.

giti-

gitima, quod videlicet legis anima & mēs & principium & finis sit, appellatur. Ex quo fit, vt & legislatoris, & I. C. & magistratus, qui illarum custodes & conditores sunt, hęc eadem virtus vltimum & extremum, ad quod & consilia & deliberationes & responsa referantur vniuersa, sit propositum.

CAPVT VII.

Quaratione I. C. iustitia fruatur.

CVm igitur hęc iustitia ciuilis & politica sit quidā scopus ac perfectio, & quoddam, vt dixi, bonum suapte natura ac perfectum bonum autem omne per se sit expetibile, & quod expetibile, habeat vim mouendi & alliciendi ad se, idcirco fit, vt hoc bonum lureconsultum & legislatorem moueat, & ad se sua bonitate aduocet, ipsumq; is appetat; appetit autem vt acquirat, acquisitoq; fruatur. Quoniam non satis est artifici mēte gerere hoc bonū, vel ideā huius summi boni, sed multo magis enitendum ipsi est, vt extra se & in alio adipiscatur ac fruatur. Verbi gratia; ædificator sola domus ideā mēte formata & conclusa, cōtentus nō est, sed eadē extra se cupit potiri, opusq; aliquod, quod inhabitantium commoditatib. inseruiat, ac re-

vera sit, post se relinquere. Et medicus non tantum sanitatis formam animo concipit, sed expetit quoq; illam extra se in alio; ut in corpore humano efficiat & conseruet, vel amissam reuocet. Quoniam ars, ut dicebat Aristot. est principium externum, ut natura internum, & habitus effectiuus operis in alio. Pari ergo ratione Iureconsulto nō multum utile fuerit, iustitiæ imaginem mente ac intelligentia formatam conceptamque retinere, nisi quoq; extra se & in alio hoc est, in ciuili societate, cuius ipse custos est, & ad quam hæc virtus referenda est, potiatur fruaturq; : tum vero ob id maxime, quod cum reliquæ virtutes habitusq; fere vniuersi, in homine potissimū spectentur, ipsiusq; qui agit, sint perfectiones; iustitia aut ciuilis sola ad alterū, ut superiori loco dictum est, referatur, & alienum bonum, societatis nimirum, existat. Expedit itaq; Iureconsult' hanc iustitiam, quæ ab idea mentis diuersa est, & huius simulachri & exemplaris expressa & viua quædam forma, in alio. ut ipso fruatur : expetere enim alteram illam non potest, cum iam mente conceptam habeat; illaq; expetantur cupianturq; tantum, quæ nondum habentur neq; parta sunt. Quapropter si expetit hoc bonum, ut fruatur in alio.

(fr

(fruitur autem legum occasione, quarum ipse custos est) necessario cōcluditur, ut aut ipse leges ciuitati condar, aut conditas iam & constitutas exequatur aut interpretetur. Sedenim neque condere Iureconsultus leges quatenus Iureconsultus, potest, cum ad legislatoris officium pertineat; neq; etiam exequi, quod ad magistratus spectare superiori loco à nobis demonstratum sit: reliquum igitur est, ut adeptio, & ut ita dicam, fruitio huius iustitiæ legitimæ, ex vera & utili legum interpretatione, vltimus Iurecōsulti finis statuatur, quo tanquam termino à superioribus sanè distinguitur. Quod autem hic sit vltimus eius & extremus finis, ex eo perspicui potest, quia omnis finis, ut Aristoteles inquit, est quoddam extremum, & in qualibet re vltimum expetibile, quò posteaquā artifex sua actione & opere peruenit, agere tum & operari desinit. Sic medicus acquisita sanitate, à medicatione abstinet; & ædificator erecta domo, amplius non ædificat; & legislator conditis legibus, ac Iureconsultus dato consilio, & explicata legis mente, ab actione cessat. Hinc quoq; Iureconsulti nomen à consulendo traxisse videntur, quod æquitatem & iustitiam in repub. rectis consiliis tueantur Quæ au-

326 PRINCIPIOR. IVRIS

tem hunc ultimum finem consequuntur, fructus & utilitates potius, quam fines ipsi, ut multi perperam existimant, iudicandæ sunt; ut puta, tranquillitas & pax societatis, reipublicæ, concordia ciuitatum, & quæ his sunt similia. Non enim omne quod extremum & ultimum est, id illico etiam finis est; quia tria necessario ad constitutionem naturæ alicuius finis requiri videntur. Primum est, ut is primò & per se expetatur; quia multa expetuntur non per se, sed alterius, finis nimirum gratia. Alterum est, ut cum artifex ad eum actione vel contemplatione peruenit, quiescat; hoc est, sit ultimus & extremus actionis terminus. Tertium est, ut hoc fine à cæteris artificibus, tanquam propria nota ac differētia distinguatur. At enim Iureconsultus non primo & per se expetit tranquillitatem reipubl. sed iustitiam & æquitatem in repub: causisq; ciuilibus, quam nititur in interpretatione legum & dandis consiliis utilibus & salutariibus conseruare. hanc custodiam iustitiæ & æquitatis sequitur tranquillitas, quemadmodum sanitatem bona habitudo, robur, pulchritudo, color decorus totius corporis, itemq; sanæ & illæ sæ actiones. Ex hoc loco satis apparet, non sine causa ab Aristotele repræ-

reprehenſum fuiſſe primo De moribus libro Epicurum, qui ſummum bonum opinabatur eſſe voluptatem, ſed non rectè: voluptas enim ſequitur felicitatem hominis, quemadmodum umbra corpus. quāquam alia quoq; ſunt, quæ voluptati vt fini conuenire non poſſunt, quæ hoc loco præmitto. Iam vero etſi tranquillitas reipub. vltimum & extremum, quod in ciuitate ciuiliſque ſocietate deſiderari poſſit, eſſe videatur, tamen hæc non diuidit actiones Iureconſulti, à cæterorum artificum operib. Nam & magiſtratus & legiſlatoris, & militum & mercatorum actiones ſequitur tranquillitas & concordia ciuitatis, & ciuium inter ſe; vnde manifeſte concludi poteſt, hunc Iureconſulti vltimum finem propoſitum eſſe minime poſſe.

CAPVT VIII.

Officiū & ſcopus Iurisconſulti.

EX hac noſtra cōmentatione perſpicuum eſſe arbitror, qui nam verus Iureconſulti ſit finis, & quis eius ſcopus, quodq; ipſius officiū; quæ tria vt non parum inter ſe differunt, ita à plerisq; aut nunquā, aut certeraro diſtinguuntur. Finis enim, vt Gale-

328 PRINCIPIOR. IVRIS

nus in lib. De optima secta ad Thrasybulū refert, nihil aliud est, quam terminus ultimus & extremus, in quo cessat omnis actio, & in quem desinit omnis motus. Scopus autem est, in quē dirigitur actio: & dicitur ἀπὸ τοῦ σκοπεῖν, id est, à speculando & contemplando: quādoquidem ante omnia artifex speculator naturam finis, qui cum aut mente sola concipitur, aut extra mentem proponitur, ita ut in illum omnis actio dirigatur, scopus fit. Deinde scopus propriè, cum res movetur, & adhuc quidpiam agimus; finis, cum moveri res & artifex agere vel operari desinit, appellatur, iamq; illo, quod aut mente concepit, extra aut intra se; vel quod extra se proposuit, extra quoq; se fruitur. Exempli gratia: Artis certandi cursu scopus est meta, quæ non animo concipitur, sed oculis a cursore proponitur: finis est victoria, quæ consistit in adeptione, seu, ut ita dicam, fruitione huius metæ: hanc enim adeptus, a cursu quiescit. atq; hic finis non re & subiecto, sed ratione tantum a scopo differt: quatenus enim meta proponitur, *scopus* dicitur; quatenus autem acquiritur, *finis*. Verum in arte medendi & ædificandi aliter res se habet; quia scopus medici est sanitas, & ædificatoris ipsa domus.
sanitas

nitatis inquam non illa, quæ in alio quæritur, aut domus quæ ædificatur, sed notio & idea sanitatis, vel domus mente animoque formata, in quam intuens semper artifex actiones suas in medicatione vel ædificatione regit ac moderatur: Finis autem medici proprius est, frui hac sanitate in alio, ut ædificatoris ædificii constructio, qui certè tota natura & substantia a scopo differt, quia non mentis conceptio, sed res existens extra animum dici potest. Eadem ergo ratione de Iureconsulti & legislatoris & magistratus fine ac scopo statuendum est. Scopus enim his omnibus, vnus propositus esse debet, iustitia nimirum ciuilibus & politica, vel eius notio & conceptus animo formatus. Finis autem legislatoris, adeptio huius iustitiæ in repub. ea. vtilium legumlatione. Iureconsulti, ex recta & legitima earum interpretatione. Magistratus vero, ex earum æquabili & iusta executione. Porro autem officium artificis, neque scopus neque finis est, sed ab his separatum, quandoquidem ut scopum sequitur finis, ita officium actio, veluti facultatem operatio. Rursus, ut scopus antecedit officium, & officium actionem, ita actio finem. fineque tandem omnis actio clauditur ac termina-

tur. Exempli gratia: Oratoris scopus est persuasio; officium vero bene & appositè dicere; hoc sequitur actio, & ex actione nascitur adeptio persuasionis. Sic medici scopus est sanitas; officium, omnia medicamenta vtilia & salubria, & quicquid ad adipiscendam sanitatem vim habet, adhibere; finis, sanitate in alio frui. Et artis certandi cursu finis est victoria; scopus ipsa meta; officium, velociter currere. Deniq; Iureconfulti scopus est iustitia; officium, recta consilia consulere posse; finis, adeptio iustitiæ legitimæ, parta & acquisita ex recta & salubri legum interpretatione, ac consiliorum communicatione. Verum enim vero id hoc loco annotasse non inutile est, finem alicuius rei apud veteres scriptores variis modis, vt Aristoteles in Physicis libro secundo annotavit, concipi solere. Etenim aliquando dicitur finis cuius gratia aliquid fit; aliquando, cui quidpiam fit. veluti ædificatoris finis, cuius gratia domum extruit, est custodia corporis ab imbre, vento, frigore, caloreque, & cæteris cæli tempestatib. cui vero paratur hoc ædificium, est ipse homo. Sic medici finis, cuius gratia medetur est ipsa sanitas; cui vero, ipse homo. Atq; Iureconfulti finis cuius gratia de iure respōdet, est

est adeptio iustitiæ & æqualitatis legitimæ in causis ciuilibus conseruatio; cui hæc iustitia acquiritur, est ipsa respub. & societas ciuilis. Ex his iam perspectū esse arbitror, qua ratione Iureconsultus à legislatore & magistratu differat, quidq; cum iisdem cōmune habeat: scopus enim omnibus communis est, finis & officium diuersa. Atqui ne quis fortasse hanc nostram de Iureconsulti fine, scopo & officio sententiam emētitam, & à nostro Iure ciuili alienam existimare possit, is præter ipsam rei naturam, quæ rationibus declarata iam est ac confirmata, etiam veterum philosophorum ac Iureconsultorum hac de re loquētium audiat consentientes nobiscum opiniones. Plato equidem in lib. de Legib. sexto, frustra leges in ciuitate salutare inueniri opinatus est, si non suum, ad quem conditæ sunt, effectum sortiantur. Et si enim quidē ipsæ per se, quid faciendum aut non faciendū sit, ostendant, homines tamen ab iis deflectentes, neque vi sua corrigere, neque ad meliorem mētem reducere possunt. Idcirco necessarium esse iudicauit in optima repub. custodes quosdam cōstituendos, qui non tantum à legibus præscripta executioni mandare, sed & mentem legislatoris

332 **PRINCIPIOR. IVRIS**

perspicuam reddere, quandoque etiam, si ita res ferret, eas emendare possent, his verbis. **A T H.** An nescis idem in hac re, quod in pictorum facultate contingere? illa quippe nullum in pingendis animalibus terminum habere videtur, sed semper in umbrando & de umbrando, vel quomodocunque aliter à pictoribus id vocetur, exornare conatur, nec cessat vnquam. Non enim potest fieri, ut ad pulchriora expressioraq; incrementum non habeatur. **C L I.** Intelligo fermè audiens quæ dicis: nullum enim artis huius usum habeo. **A T H.** Nihil tibi obfuit. Sed hac forte nobis allata similitudine sic utamur. Si quis pulcherrimum animal pingere voluerit quod non ad peius, sed & ad melius futuro semper tēpore progrediatur, nonne vides cum mortalis sit, nisi aliquem artis successorem reliquerit, qui si quid vel tempore ex animali abolitum fuerit, instaurare, vel per imbecillitatem artis ab artifice prætermissum, adicere possit, atque ita fulgentius indies animal reddere, laboriosum illud animal paucotēpore duraturum? **C L I.** Prorsus. **A T H.** An non legislatoris voluntas tibi hæc esse videtur? Principio quidem, ut leges sibi sufficienter & exquisitè pro viribus conscriban-

bantur; deinde procedente tempore & periculo rerum facto putas ne sic amicum legistatorem aliquem esse, ut ignoret necessarium esse talia multa sibi relinqui, quæ commendatione successoris alicuius indigeant, ne peior quidem, sed melior respub. semper ornatiorque efficiatur? C L I. Probabile est: nā quomodo nolle id potuerit? A T H. Quacunque igitur via poterit, tam re quam verbis, alium siue maiorem siue minorem docebit, quomodo conseruandæ & corrigendæ leges sint, nec vnquam in his dicendis defatigabitur, nisi ad finem perduxerit. C L I. Ita certè. A T H. Nonne id mihi & vobis in præsentia faciendum? C L I. Quid ais? A T H. Quoniam leges laturi sumus, & legum custodes creati sunt, nos autem ad occasum vitæ appropinquamus, & custodes isti nobis iuniores sunt, oportet nos ut diximus, leges ferre, simulatque hos tam legumlatores quam custodes, quoad possumus, facere. C L I. Quid ni? dummodo id satis fieri queat. A T H. Veruntamen impensius annitamur. C L I. Nihil prohibet. A T H. Sic ergo ad eos dicamus: O amici legum conseruatores, per multa in singulis nos qui leges ponimus, necessario relinquemus, quæ tamen non

334 PRINCIPIOR. IVRIS

parua erunt; imò & rem omnem pro viribus exteriore quadam circumscriptione significabimus, quam quidem impleri a vobis oportebit. Quò verò id facturis nobis respiciendum est, audite. Megillus, egoque & Clinias hæc inter nos sæpenumero diximus, & probe nos dixisse conuenimus, vosque rogamus, vt & indulgere nobis, & imitari quasi discipuli magistros velitis, ad ea ipsa respicientes, ad quæ legumlatori & custodi respiciendum concorditer nos consentimus. Huius consensionis caput est, vt homo bonus efficiatur, habens virtutem animi hominis propriam, studio aliquo partam, &c. His verbis diuinaus noster Plato, quod proprium legislatoris & custodis legum, quem & magistratum & Iurisperitum esse constat, officium sit, ad viuum descripsisse, & quo omnes hi in gubernanda ciuitate & repub. vt quam felicissimè viuat, respicere debeant, perspicue indicasse videtur. Nam hoc conandum est, & in id omnes animi cogitationes intendendas esse vult, vt homines boni, hoc est, prudentes, iusti, fortes, atque temperantes efficiantur. Quod vt adipisci possis, initio legum exactissima, quantum fieri potest, descriptione opus est. Deinde quoque earum,

rum, ut ad salutem & concordiam civium inter se retinendam conducant, conseruatione atque propagatione. Quid enim, ut ille inquit, iuuaret, multa studio ac diligentia quæsiisse, si eorum quæ iam labore parata & acquisita sunt, nulla esset utilitas, nulla conseruatio, nullumque eorum incrementum? Atqui & pictores cum pulcherrimū aliquod animal pingere volunt, non prima illa atque rudi & obscura lineamentorum designatione contenti sunt, sed indies magis atque magis artificiosa colorū deumbratione, eorūque adiectione & detractiōne, imaginem speciosiore pulchrioremque reddere conantur. Quid est autem in hac tota rerum vniuersitate præstātius, quid magis secundum naturam optabilius, quam societas & coniunctio hominum inter se, cuius neque congregandæ, neque conseruandæ & agendæ terminus ullus reperiri potest? Recte ergo Plato non tantum rem pub. bonis ac salutaribus legibus instituendam sed & in iisdem retinendā atque adeo omnibus temporibus ad felicitatem promouendam esse existimauit. Cum autem fieri nequeat ut legislatores, ac primi illi ciuitatis conditores cum mortales sint, perpetuo uiuant, aut si quā maxime uiuāt,

336 PRINCIPIOR. IVRIS

iustamen ciuibus administrare, legumque
præcepta pro dignitate exequi, quandoque
etiam constituta in meliorem statum tra-
ducere & emendare non possint; idcirco &
magistratu, qui iura reddere & præscripta
à legislatore ad effectum perducere valeat,
& successore aliquo, qui partim nonnulla in
prima positione legum peccata & errata usu
& experientia rerum edoctus, emendare at-
que corrigere, partim vero legislatoris men-
tem ex æquo & bono ad commoditatē rei-
pub. explicare, necessario requiri opinatus
est. Vnde recte *Pomponius in tit. de orig. iuris*
ait: Per eos qui iuri dicundo præsunt, hoc
est, magistratum, effectum rei accipi; pa-
rumq; esse ius in ciuitate esse, nisi quoque
sint qui iura reddere possint. atq; constare
ius non posse, nisi sit aliquis Iurisperitus,
per quem possit quotidie in melius produ-
ci. Et *Aristot. libr. sexto Polit.* scribit, nihil
prodesse de rebus iustis iudicia dare aut sen-
tentias ferre, nisi quoque sint qui eas execu-
tioni mandent: ideoq; *νομοφύλακες*, id est,
custodes legum ac reipubl. tum à Platone
tum à Iureconsulto hi appellantur. quod al-
ter constituta à legislatore, sua autoritate
ad effectum deducat & executioni mandet,
alter mentem legislatoris ex æquo & bono
inter-

interpretetur, & quæ omiſſa vel ex ignorantia vel rerum imperitia ab eo ſunt, adiiciat, atq; interdum etiam malè conſtituta corrigenda ſuadeat. Hæc tamen ſingula propterea in ciuitate reperiri manifeſtum eſt, vt ſocietas hominum, atque in hac ipſa, iuſtitia & felicitas, vt Plato & Ariſtot. præcipiunt, conſeruetur, & augeatur ſemper: & ad hanc tanquam ſcopum, referantur conſilia, deliberationes, actionesq; & ſtudia, & inſtituta huius vitæ vniuerſa. Marcus Tullius Cicero, lib. primo De Oratore, apertius Iureconſulti ſcopum & officiū nobis deſcripſit. Scopum quidem, cum inquit, *Iur: civili nullum aliud propoſitum eſſe quam legitima atq; uſitata in rebus cauſisq; ciuium aequalitatis conſeruationem; neq; enim legitima aequalitatis conſeruatione aliud quiddā eſt, quam iuſtitia, ad quā omnis legū diſciplina dirigitur. Iuſtitia. n. in aequalitate quadā cernitur, iū arithmetica, tum geometrica. at aequalitas eſt legitima, legitimum autem omne, iuſtum.* Finem verò & officiū his verbis: *Nihil proſpecto clariuſ eſſe pot. ſt, quam honoribus & reipub. munerib. perfunctum ſenem, poſſe ſuo iure idem, quod apud Enniū dicit ille Pythius Apollo, ſ. eſſe eum, unde ſibi, ſi non populi & reges, at omnes ſui ciues conſilium expetant:*

*Suarum rerum incerti, quos ego mea ope
Incertis certas, compotesq; consilii*

Dimitto, ut res ne temere tractet turbidas.

Est enim sine dubio domus Iurecōsulti, totius oraculum ciuitatis. Testis est huiusce Q. Mutii ianua & vestibulum, quod in eius infirmissima valetudine affecta; iam ætate, maxima quotidie frequentia ciuium ac summorum hominum splendore celebretur. Eodemq; in libro Iurisconsultum illum esse inquit, qui legum & cōsuetudinis eius, qua priuati in ciuitate vtuntur, & ad respondendum, & agendum, & cauendum peritus est. Et in lib. de Legib. Iurecōsultos esse ait, qui cōsuluntur, & respondent de iure, & ius interpretari populo ac respondere solent. Quibus conuenit Stoicorum descriptio, qui legis peritum eum esse volunt, qui legē recte interpretari calleat. His enim omnibus officium ac finis Iureconsulti vere exprimitur: suntq; Ciceronis & Platonis dogmata, nostrorum Iureconsultorum placitis & decretis consentanea. Nam & Vlpian. ius a iustitia appellatum esse ait, quod ius nihil aliud sit, quam ars boni & æqui; & Iuris ciuilibis scientia iustitiæ conseruandæ causa inuenta; meritoq; Iureconsultos sacerdotes appellari debere, quod iustitiam colant, boni & æqui

natu-

naturam profiteantur, æquum ab iniquo separantes, licitum ab illicito discernentes, bonos non solum metu pœnarum, verum etiam præmiorū exhortatione efficere cupientes, & veram nisi fallor philosophiā affectantes. Quos hîc Vlpia. *sacerdotes*, eos Imperator constit. *secunda, optimos reipub. ministros, & maximos iustitiae satellites* appellat. Vt ergo sacerdotes Deo opt. max. dicati ad sacrificia facienda sunt, ita Iureconsulti iustitiæ omnium virtutum reginæ ac principi mancipati, illam quasi deam colunt, in Iure velut in sacro quodam & templo eius sacrosancto versantur, & responsa instar Apollinis sacerdotum dare solent. boni & iusti tam civilis quam naturalis, honesti & legitimi naturalis cognitionem profitentes, æquum ab iniquo, & natura & conuentione, iustum ab iniusto discernentes; bonos iustosque ciues, tam propositis virtuti præmiis, vt honoribus, dignitatibus, pecunia, quàm pœnis corporalibus & pecuniariis ad vitia coercenda, efficere cupientes: veram profecto philosophiam (cuius iustitia & felicitas humana scopus & finis est) nō simulatā, & imaginationibus & speculationibus, sed actionibus dicatam, neq; ad opes, potentiā, voluptatesque cōstitutam, affectantes. Atqui hæc qui-

dem de iure publice respondendi facultas, ut *Pomponius lib. de orig. iuris*, scriptum reliquit, ante tempora Augusti, non à Principib. dabatur, sed qui fiduciam suorum studiorum habebant, consulentibus respondebant: neq; responsa utique signata dabant, sed plerunq; iudicibus ipsis scribebant, aut testabantur, qui illos consuluerant. Primus diuus Augustus, ut maior Iuris autoritas haberetur, cōstituit ut autoritate eius responderent: & ex illo tempore peti hoc pro beneficio cœpit. Et ideo optimus Princeps Adrianus, cum ab eo viri prætorii peterent, ut sibi liceret respondere, rescriptis eis, *hoc non peti, sed præstari solere*: id est, non tantū honeste peti, sed etiam præstari solere; & ideo si quis fiduciam sui haberet, delectari se, populo ad respondendum se præpararet. Idem ergo hoc nostro tempore Iureconsultorum de iure respondendi officium, eandemque iustitiam illis rāquam scopum propositum esse debere in dandis consiliis, quis non videt? Sed hoc interest, quod veterum illorū Iureconsultorum responsa vim legis habebant, ut Iustinianus annotat, à quibus recedere non licebat; nostrorum verò Dd. sententiæ probabiliter iudici persuadere possunt, cogere non possunt, ut rectè Accursius

in

in *Instit. de iure naturali, gentium & civili.* item, l. 1. C. de *Legib.* admonuit. Quinimo omnes quinquaginta Pandectarum libros, ex variis variorum responsorum libris, Imperator in epist. de veteri iure enucleando, collectos atque cōpositos ait. Ex his omnibus veritas nostræ de fine, scopo & officio Iureconsulti sententiæ perspicui potest. Statuamus ergo, finem Iureconsulti nullum aliū esse posse, neq; vnquam fuisse, quam conseruationem & adeptionem iustitiæ æquitatisque in rebus causisque ciuilibus, exacta & legitima legum interpretatione, responsioneque oriundam.

CAPVT IX.

Cur non semper fruatur suo fine Iurisconsultus.

SEd hoc loco statim rogauerit quispiam, *Qua ratione hic possit esse finis Iureconsulti, cum fieri nequeat, ut semper hac iustitia potiatur, eaq; fruatur, sed quādoq; ipsa frustretur.* Huic sic interroganti respondendū esse puto, finem esse duplicem, interiorem & exteriorem. Interior est idea exterioris, in quam quia respicit in actione artifex, *scopus* dicitur. Exterior, cuius gratia quidpiam fit, ap-

quibus utitur; quæ quia mutantur & variant, sua inconstantia ac mutabilitate actionem artificis impediunt. veluti medicus et si diligentissime omnia quæ ad comparandam sanitatem pertinent, admoveat, attamen sæpenumero vel ægroti vel astantium vitio, vel proprietate corporis, ad optionem sanitatis potiri nequit. Quod etiam in ipsa natura locum habet: ea enim non ex semine mare, quod tamen propositum habet in efficiendo animali, gignere potest semper, sed quandoq; vel foeminam vel monstrum eius loco producit; quod quidem accidere videtur propter vitium & culpam materię, quę huiusmodi formę capax esse non potuit. Sic Orator non semper persuadet, quoniam animi auditorum & iudicium, affectibus, amore vel invidia præpediti, vel pecunia & honoribus corrupti de rebus non recte iudicare solent. Itaque I. C. et si aliquando suo fine frustratur, nihilominus tamen bonus artifex esse, quia ut plurimum id quod voluit assequitur, iudicandus atq; censendus est. Hanc ego mea quidem sententia, arbitror esse veram scopi, finis atq; officii Iureconsulti explicationem, eamq; & veterum philosophorum & Iureconsultorum placitis, ipsique adeo rerum veritati conformem atq; consentaneam.



PRINCIPIORVM IURIS LIBER VI.

CAPVT I.

Varia definiendarum artium ratio.



VM ars ac disciplina omnis fine quodam ultimo, ad quem præcepta & theoremata referuntur vniuersa, & materia seu genere subiecto, cuius vel passionēs & affectiones contemplatur, vel modum acquirendi & fugiendi eas ostendit, constet; sit vt ex horum duorum consociatione atque coniunctione, eius natura non coalescat tantum, sed etiam perfectè cognoscatur. Cognoscitur autem vnaquæque res, quæ vel ex his definitur, vel in suas partes ac proprietates dissoluitur. Definitur, inquam, ac dissoluitur, quia duo sunt præcipua cognoscendarum rerum instrumēta, definitio & demonstratio; quæ ita inter se differunt, vt res quæ cognoscuntur & queruntur, Cognoscuntur & que-

queruntur aut rerum essentiae & naturae, aut earum proprietates. Essentia & natura definitione explicatur; propriae affectiones, demonstratione de genere subiecto probatur. Bene ergo est, si post generis subiecti & finis explicationem, iurisprudencia propria sua definitione, ut eius natura exactè perspicui, & perspecta in suas partes facilius diffundi ac resolui possit, describatur. Recte enim Cicero, in omni disceptatione, quid vnaqueque res sit, initio aperiendum esse censet, ut non tantum qua de re tractetur, non ignoretur, sed etiam animus ad discendum, perspecta alicuius artis vel scientiae natura, magis inflammetur. *Omnis ergo definitio nihil aliud est, quàm brevis quaedam oratio, qua naturam & substantiam rei alicuius declarat.* Natura & substantia rei, ex causis, principiis, & elementis cernitur; ideoq; omnis definitio ex principiis petenda est. Ut autem aliarum rerum causae, & materia, & forma, & efficiens, & finis sunt, ex quibus constant, ita artium ac disciplinarum principia sunt genus subiectum vel materia, & finis; atq; ex his etiam definiendae nobis sunt, earumq; partes investigandae. Hinc colligi potest, varias vnius & eiusdem rei vel scientiae descriptiones afferri posse. Aliquando enim à ge-

346 PRINCIPIOR. IVRIS

nere subiecto vel fine tantum, vel utroque, fit definitio. verbi causa: Artis medicæ genus subiectum & materia, in qua modum agendi & acquirendi passionis ostendit, est corpus humanum, quatenus sanitati & morbo est obnoxium: finis, sanitatis acquisitio, & custodia vitæ. Et philosophiæ subiectum est *res diuina & humana*, quatenus res est; finis *similitudo Dei*, quatenus fieri potest; vel, ut Plato inquit, *meditatio & cogitatio mortis*. Rursus, astronomiæ materia in qua versatur, est corp⁹ vel corpora cælestia; finis, motus ac mutationis eiusmodi corporum cognitio. Hæ ergo disciplinæ omnes tribus modis definiri possunt, quorum duo à materia & fine, tertius ab utrisq; coniunctim sumitur. A materia & genere subiecto; veluti, medicina est ars, quæ versatur circa corpus humanum, quatenus sanabile & ægrotabile. *Philosophia est diuinarum atq; humanarum rerum, ut res sunt, scientia*. Et astronomia, *cælestium corporum comprehensio*. A fine: ut, *medicina est ars tuenda valetudinis ac profligandi morbos*. Et, *philosophia est vel meditatio mortis, vel similitudo Dei*. Et, *astronomia est scientia, qua contemplatur motiones cælestes*. Ab utroque: ut, *medicina est ars tuenda valetudinis in corpore humano*. Philosopho.

losophia, humanarum & diuinarum rerum scientia, ut habeatur similitudo Dei. Astrologia est ars corporum celestium, eorumq; motionum cognitio. Sed hoc inter huiuscemodi definitiones interest, quod illæ quæ à solo fine & genere subiecto sumuntur, imperfectæ sunt, neque totam rei naturam & substantiam explicant. Quæ vero ex utroq; composita est, omnibus ex partibus est absoluta, ac plenissime quid res sit, demonstrat.

CAPVT II.

Triplex Iurisprudentia definitio.

EX his duob. quasi fontibus, nostræ quoque Iurisprudentiæ deductæ sunt descriptiones: Vlpian. enim *Ius artem boni & æqui esse dixit*, qua finem Iurisprudentiæ complexus est, *Ius* hoc in loco pro Iurisprudentia, & arte Iuris ac iustitiæ accipiendum est. hæc .n. vox, ut notat Paulus Iureconsultus, varias habet significationes. Vna est, cū id quod semper æquū ac bonū est, designat, ut est *ius naturale*. Altera, quum id quod omnibus aut pluribus in quacunq; ciuitate vtile est: ut est *ius ciuile*, & *ius honorarium*. Prætor quoq; ius reddere debet, etiam cum inique decernit, relatione scil. facta, nō ad id.

348 PRINCIPIOR. IVRIS

quod prætor ita fecit, sed ad illud quod præ-
torem facere convenit. Alia quoque signi-
ficatione ius dicitur *locus*, in quo ius reddi-
tur, appellatione collata ab eo quod fit, in
eo ubi fit. Nonnunquam etiam ius pro ne-
cessitudine dicimus: veluti, est mihi ius co-
gnationis vel affinitatis. Ad hæc & pro fa-
cultate & potestate concipitur: quo modo
servitutes prædiorum, actiones, obligatio-
nes, hæreditates, iura dicuntur, id est, pote-
states aliquid faciendi iure factæ; quæ res &
in iure consistere dicuntur, quod ius faciat
eam potestatem. Sic iure stirpis, iure agna-
tionis, iure gentis, iure patris, iure domini,
iure hæredis, iure magistratus, iure pigno-
ris, iure optimo, iure suo, iure alieno quid
facere dicimur, quod ius faciat nobis illam
potestatem, vel ei cuius iure facimus. De-
niq; pro habitu animi & præceptis iustitiæ
in artem redactis accipi solet, qua significa-
tione hoc in loco usus est Celsus & Vlpianus:
neq; enim per artem, habitum effectivum
& *ποιητικόν*, sed disciplinam, & quæ præce-
pta ac theoremata ordine ac methodo inter
se coherentia ad usum huius vitæ utilia cō-
tineat, intelligere oportet. Ius enim nil ef-
ficiendum, sed agendum tantum præcipit,
omnisq; eius consultatio ac deliberatio in
actio-

actione posita est. Iuris ergo genus in definitione est *ipsa ars*; differentia & finis, *bonū & æquum*: his enim ius à cæteris habitibus ac disciplinis distinguitur. Bonum autem & æquum nihil aliud est, quàm iustum & iustitia ipsa, quæ est scopus & mens & ratio legis: Græci vna voce *δίκη* appellant, quasi quæ omnia moderetur ex præscripto rationis, & de suo iure facile cedat iustitiæ ac bonitati. Porro bonum latius patet quàm æquum: multa enim bona sunt, quæ æqua non sunt; atque idcirco videtur esse genus ipsius iusti & æqui: vnde etiam omne æquū est bonum, sed non omne bonum est illico æquum: nam & instrumenta, vt honores, diuitiæ & artes, & res naturales, sunt bona quædam, non tamen dicuntur æqua; quia æquitas propria est ipsius iustitiæ & legis, quæ idcirco dicitur bonum, quod vt illa in æquabilitate & paritate, ita hoc in facilitate consistit. Est autem propria ipsius legis hæc *δίκη*, propterea quod iusti legibus comprehensi, quædam est interpretatio, & correctio, & emendatio. Nam primum eius munus est, vt legem non ex verbis interpretetur, sed ex eorum qui eam tulerunt, sententia & consilio: quippe cum, vt

350. PRINCIPIOR. IVRIS

Celsus ait, *scire leges, non sit verba tenere, sed earum vim ac potestatem. quam expositionem Iureconsulti benignam Iuris interpretationem vocant: Cicero laxamentum legis, in oratione pro Cluentio appellat. Celsus: Benignius leges interpretanda sunt, inquit, quo voluntas earum conseruetur.* Huic opponitur dura illa earum interpretatio, quæ verborum angustis, & literarum ac syllabarum inclusa angulis, non ad salutem & commoditatem hominum, sed ad seueritatem & duritiam producitur: Græcis ἀκεῖ-
 ῶδες ἰκαιο, quique hac utuntur, ἀκεῖ ῶδες ἰκαιο
 nuncupantur, id est, acerbi & maligni Iuris interpretes, de quo Tullius in Officiis: *Existunt etiam saepe iniuria calumnia quadam, & nimis callida Iuris interpretatione: ex quo illud, Summum ius, summa iniuria, factum est iam tritum sermone proverbium.* Terentius summam malitiam, Columella summam crucem veteres putasse ait. Iureconsulti nostri proprie ius strictum vocant, quod non in æquitate & benignitate, sed in verborum angustis & exacta illa vocum ac literarum obseruatione positum est, & menti ac rationi legis planè est repugnans & aduersarium. verbi gratia: *Lex est, qui muros transcenderit, capite puniatur.*

niatur. Accusatur qui in summo ciuitatis periculo, transcendens murum hostem fugauit: hic certe ex scripto & verbis legis damnandus videtur, sed tamen voluntate & sententia legumlatoris defenditur. Alterū huius æquitatis ac bonitatis officium, in rerum quæ legi deesse videntur, emendatione & additione positum est. Duplex autem habetur legis correctio & emendatio. Vna est, quæ propriè *abrogatio* appellatur, cum autoritate magistratus, voluntate Principis, suffragio legislatoris, quandoque etiam tacito consensu omnium per desuetudinem, vt Iulianus ait, penitus tanquam perniciosa & inutilis tollitur; atque hæc ad æquitatem minimè pertinet, quæ leges nō subuertit, sed earum mentem tantum seruat. Altera emendatio legis est, quæ in supplendis his quæ legi abesse videtur, cernitur. Quod ita accipiendum est, *Leges*, inquit Vlpianus, *non in singulas personas, sed generaliter constituuntur.* Et Iulianus, neq; leges neque senatusconsulta ita scribi posse ait, vt omnes casus qui quandoque incidant, comprehendantur, sed sufficere ea quæ plerunque accidunt, contineri: cuius rei ratio partim ex rei natura, partim ex persona legislatoris pēdet. rei quidem natura,

propterea quod plura sunt negocia, quàm rerum vocabula, vt dicit Vlpianus *de præscript, verb. & actionum* humanarum vis & natura non eodem modo se habet semper, sed est varia & mutabilis, ita quidē, vt quod secundum se iustum est, quandoq; iniustum fiat: veluti, reddere depositum secundum se iustum est, sed reddere furioso gladium depositum, iniustum. Atque incidunt, teste Cicerone, sæpe tempora, cum ea quæ maximè videntur digna esse iusto homine, eoque quem virum bonum dicimus, cōmutatur. Hæc ergo negocia quia propter multitudinem circumstātiarum, loci puta, temporis, personæ & aliorum, subinde variant ac mutantur, lege ad amissim comprehendi non possunt: satisq; est legem generaliter ac simpliciter loqui, vt æquitati quæ pro natura & genere actionis omnia rēperet ac moderetur, locus sit. Persona vero legislatoris tum in causa esse solet, cum quādoque imprudentia, quandoque voluntate aliquid ipsius legibus prætermittitur. Imprudentia, cum nemo tanto iudicio præditus esse possit, qui omnia quæ possunt accidere, queat præuidere & quasi diuinare: satisque sit earum rerum genera quæ plerunque cernere solent, simpliciter animaduertisse.

tiſſe ac notaſſe. Conſulto denique ac induſtria legumlatores multa omittūt, in quorum deſcriptione & difficilis & infinitus continetur labor, & ſtudio inuſile, vt Ariſtot. primo Rhet. tradit: veluti ſi quis non modo deſcribat vulnera, ſed & ferrum, & modum, magnitudinem & genus ferri, quo vulnus eſt illatum: hic ſit infinitus oportet, ſi velit ad extremum omnia perſequi, & operam præterea luſerit, cum res infinite, neque enumerari, neq; ſcripto comprehendī vnquam valeant. Quare ſi ratio hæc omnis dubia & incerta, leges autem ſcribere ac ſtatuerē ſumma vitæ neceſſitas flagitet, verba earum ſimpliciſſime ac generatim concipienda ſunt, atque ea adhibenda diligētia eſt, vt quæ comprehendī lege volumus, idonea voce complectamur, ne quid omiſſum, ad peccandum homines inuitet: aut ita ſtriſte & anguſte concludantur ſingula, vt cū res poſtulabit, non ſit æquitati, non ſit veniæ aut acerbitati locus. Eſt enim cum exacerbationem poenæ æquitas ipſa poſtulat; eſt cum remiſſionem aut ex toto, aut ex parte deſiderat. Quapropter ab Ariſtotele hæc *ἄνεκκα* normæ Leſbiæ comparatur, quæ quod plumbea eſſet, & in omnes partes flexibilis, nō ad regulam ſuam ſtructuræ exi-

gebat, sed cedebat ipsis, & ad lapidis formam sese subinde immutabat atq; accommodabat. Ita pro rerum negotiorumq; ciuilium natura & conditione, vim legum mutat æquitas, & aptat unicuiq; actioni congruenter, inuestigans diligenter quo cōsilio, quo animo, quo loco, quo tempore, qua vel occasione vel necessitate vnumquodq; factū dictumve sit. Quo in loco mihi non recte sentire videntur illi, qui existimant æquitatem esse clementiam proprie, aut clementiæ finitimam, atq; seueritati contrariam: æquitas enim semper legi coniuncta est, sequiturq; eam, siue tēdat ad humanitatem, siue ad acerbiteriam. Sæpeq; fieri solet, vt seuerius quàm lex præscripserit, delicta & facinora puniantur; neque iniuste, sed iustissime & æquissime faciant illi, qui pro rei atrocitate vel magnitudine poenas metiuntur. At clementia non legi vicina est, sed eidem contraria; neque iustitia innititur, sed à libera voluntate tantum proficiscitur. Vnde illi quoque falluntur, qui clementiā iudici attribuūt, cum hæc sola Principis sit, aut illius magistratus qui parē habet cum Principe in iudicando potestatem. Æquitatis autem studium vtriusq; est. Æquitas ergo, si id quod res est spectamus, nil aliud

aliud est, quam recta ratio quæ & *ius naturale*, & *ius gentium* a nostris Iureconsultis appellantur. Vnde Tullius in Topicis inquit: *Æquitas est, quod naturalis ratio persuasit*. Et Paulus Iureconsultus: *ius naturale pluribus modis dicitur: uno modo quidem, quod semper æquum ac bonū est, dicitur, &c.* Hoc tamen interest, quod ius naturale per se spectatur, & quid faciendum, aut non faciendum sit, præcipit. *Æquitas* ex eorum numero est, quæ cum alio conferuntur; quippe cum ad legem referatur, cuius vel emendatio vel interpretatio est; neque vlla æquitas est, quæ alicuius legis æquitas non sit; neque vlla lex est, quæ, ut sic dixerim, alicuius æquitatis lex non sit; perinde ut pater nullus esse potest, ubi filius non sit; vel filius, ubi pater. Lex autem ut duplex est, civilis nimirum & naturalis, ita duplicem quoque æquitatem esse necesse est: nam & naturalis illa, quæ *ius gentium* appellatur, æquitate quandoque temperari solet. verbi causa: *ius naturæ* præcipit, dictorum omnium fidem præstandam esse; *ius gentium* ad eos tantum contractus restrinxit, qui & frequentiores sunt, & ad hominum usus magis necessarii, quos nominatos vocamus: & ad eas conventiones, quas iam rei.

interuētus aliquomodo firmasset. quo quidem iure gentium iudex ita tenetur, vt ab eo discedere, neque contrarium decreto statuere possit. Et lex ciuilis eam stipulationibus vim addit, vt illa obligatum condemnet, nudo pacto constrictū absoluat. Homines tamen omnes æquitas naturalis inuitat, ad conseruationem omnium pactorum & dictorum, siue stipulatione, siue nudo tantum pacto atque simplici promissione contracta sit. Qua ratione & Prætor, qui addixit se pacta seruaturum, dicitur ab Vlpiano secutus naturalem æquitatem Ex quo facile colligi potest, omnem æquitatem etsi legi adhibeatur, scriptis tamen nunquam comprehendi; vel si quandoque scribatur, æquitatis nomen amittere, non quod iustū id non sit, vel à suæ naturæ proprietate discedat, sed quod nominis vim amittat, quæ in relatione cernitur, perinde vt seruus mortuo domino, nō hominis, sed serui naturam mutat. Quæ ergo in legibus explanandis *æquitas* nominatur, eadem in contractibus *bona fides* appellatur, quæ aut in natura, aut in legibus posita est, de qua Trypho: *Bona fides in contractibus summam æquitatem desiderat, &c.* Ex his patet, æquitatem nihil aliud esse, quam iustitiam

scu

seu ius ipsum, quod in legum, vt recta ratio dictat, interpretatione, earundemve correctione, & contractibus dictorum factorumque bona fide obseruandis, cernitur. Probe igitur admonuit Aristot. æquitatem nō esse a iure & iustitia genere diuersam, sed ratione tantum differre, quatenus æquitas iure legitimo perfectior est, eiusq; quasi mēs & sententia: cuius sententiam si quis exactius intelligere desideret, libros ab eo De moribus conscriptos adeat, vbi perfecta eius, sicut & aliarum rerum similium, natura & proprietas explicatur. Atq; hæc quidem Iurisprudentiæ descriptio ex fine petita est, vt nuper dixi.

Altera vero eius quæ genere subiecto & materia constat, a Iureconsultis, ni si fallor tradita non est. Potest tamen hoc modo commode definiri: *Iurisprudentiam esse habitum quendam, seu artem, qua in moderatione actuum & negotiorum civilium versetur.* actiones enim & negocia ciuilia, sunt materia Iurisprudentiæ, vt sæpe antea cōfirmatum est. Sed vtraque hæc definitio integra non est, neque perfectam Iurisprudentiæ naturam explicat, cum alteram tantum eius partem complectatur. Quapropter Vlpianus exactam proprio genere sub-

iecto atque sine constantem tradidit descriptionem, cum inquit, *Iurisprudentiam esse diuinarū atq; humanarum rerum notitiam, iusti & iniusti scientiam.* In qua quidem definitione debitus ipsarum partiū ordo seruatur, & res per omnia sua membra explicatur. Quid enim aliud hæc ars proficitur, quam cognitionem iustarum & iniustarū actionum? quæ inde ortum habent, quod intelligamus qua ratione homines sint sociati diis, & homines ipsi inter se; in quibus tanquam subiectis, quid iustum iniustumque sit, scientia demonstrari, hisque explicatis, fons legum & vtriusque Iuris inueniri potest. Quod Cicero lib. primo de Legib. erudite ac luculenter tractauit, inde nimirum Iurisprudentiæ cognitionem petendam esse iubens, vt animaduertamus, quo vinculo homines sociantur diis, & ipsi adeo inter se. Ex his enim præceptis, & quæ officia Deo præstare debeamus, cognoscere, & quæ homines hominibus, non plane intelligere. Porro *diuinarum harum atque humanarum rerum cognitionem*, ipsamque hominum cum diis & hominibus coniunctionem ac societatem, simpliciterq; actionum ex his duobus fontibus descendentiū comparisonem seu analogiam, Vlpianus

ausaptissima voce *notitiam* nuncupauit; quandoquidem omne genus subiectum, & materia artis seu scientiæ, nō scientiademōstrationis, sed notitia quadam meliori cognoscitur, & vt Aristot. inquit in libro *Analyt. posteriorum*, tanquam notum & manifestum ponitur; de quo proprietates ac passionēs postea scientificè demonstrantur, earumque comprehensio *scientia* appellatur. Quod & in Iurisprudētia locum habet, in qua actiones earumque differentiæ initio ratione distribuuntur, & quid iustum vel iniustum in iis sit, demum ex veris & politicis causis ac rationibus ciuilibus demonstratione ostenditur; quarum præceptionū habitus parit scientiam. Atq; hæc quidem de naturalis Iurisprudētiæ, eius fine ac genere subiecto, & docendi ordine; itemq; an ars vel scientia, & in quo genere artium habenda sit, dixisse impræsentiarum sat est.



PRINCIPIORVM IV- RIS LIBER VII.

CAPVT I.

*Varia doctorum de constituenda iuris
arte opiniones.*

CVM multæ res non inutiles in Iure
ciuili nequaquam satis adhuc expli-
catæ sint, tum perdifficilis & perob-
scura quæstio est, de methodo atque ordi-
ne docendi discendique Iurisprudentiam;
quæ cum non tantum ad constitutionem
perceptionemque omnis artis ac disciplinæ
utilis esset, sed & necessaria, factum est vt
multi, iique non indocti hoc nostro tem-
pore Iure consulti, hac de re multa, sed pa-
rum feliciter scripserint: tanta enim est &
tam varia sententiarum opinionumq; va-
rietas ac discrepantia, vt vere dici possit, quot
capita, totidem fuisse sententias. Pleriq;
(vt dicam quod res est) in eo errore consti-
tuti sunt, vt ne artificiose quidem tradi præ-
cepta Iuris posse existiment. Quidam etsi
id fieri posse intelligant, ipsi tamen & de
suis

suis & aliorum ingeniis in constituenda arte desperant; ac proinde relictæ regia & magnifica & plana atq; perspicua, quæ ordine progreditur via, inueteratam pene, sed barbaram, perplexam & infinitam sequuntur docendi scribendique consuetudinem; qui eo grauius quàm priores illi peccant, quod à re, quam & fieri & vtiliter fieri posse sciūt, tam negligenter abstineant. Sunt præterea non pauci, qui in infinitate illa causarum ciuiliū certas quasdam rerū classes ac principia, artis similitudinem referentia, animaduertunt, eamq; rem si non perfectè, quod difficillimum est, vtiliter tamen, & ad studiosorum commoditates & ingenia adiuuanda, vtrunq; accomodate facere aggressi sunt. Huius controuersiae causam extitisse nullam aliam inuenio, quam quod ordinis & methodi vis & natura, eius partes vsus & officium, itemque res ad constitutionem artis necessariae, plerisq; non satis fuerunt cognitæ; quæ si omnia homini non adsint, fieri nequit vt de hac quaestione quæ in dubitationem cadit, certi quidpiam affirmetur aut constituatur. Quid enim cæcus de coloribus, aut surdus de sonu iudicabit, cum vterque, & quid color & sonus sit, & quot eorum sint differentiae, non intel-

Q

ligat? Ac ne architectus quidem, ut & cæteri artifices omnes, domum aut quamvis aliam structuram ædificaturus est, nisi prius quæ ædificii natura, quot eius partes, & quis singularum partium usus sit, exactissime cognouerit. Quapropter ut via quadã actione, nostra hac de re instituatür disceptatio, initio ipsius negotii, de quo disputatur, natura explicanda est, & utriusque termini, prædicati inquam & subiecti, vis declaranda. Quæ enim multorum hodie in discutendis dubitationibus seu quæstionibus in utranque partem differendi solet esse consuetudo, illa non inutilis solummodo, sed & superuacanea est, si intra dubitationis tantum terminos cõstituta, vltius inuestigatione veri non progreditur. Nã & sophistæ & rhetores probabiliter, etiam non perspecta rei natura, contendere & litigare possunt; verum inuenire, rerumque principia & causas cernere non possunt; quod tamen facerent, si certa & vera docendi ratione vterentur. Vnde Aristot. in Metaphysicis, ut aliàs sæpissime admonuit, probabili in utranq; partem disputatione, obscuritatem ac difficultatem propositæ rei potius indicari, quam libere & sine fucō dissolui. Verum de Iurisprudentiæ natura, satis in superiori tractatione

tionē à nobis dictum est. De ordine, metho-
do, ac docendi viā, ea afferam quæ ad præ-
sens institutum pertinere arbitrabor; qui-
pe cū proprios de methodis & ordinibus
scribere commentarios, iurisq; nostri exem-
plis illustratos, commodiori tempore in a-
nimum induxerim.

CAPVT II.

Definitio methodi.

Placet igitur, quoniam omnis quæstio de
methodo futura est, ante definire, quid
sit methodus. *Omnis enim*, vt Tullius in-
quit, *quæ à ratione suscipitur de aliqua re in-*
stitutio, debet à definitione proficisci, vt intel-
ligatur quid sit id, de quo disputetur. Sed ali-
cuius rei definitio duplex afferri potest: vna
quæ essentiam & naturam, altera quæ pro-
prietates & accidentia explicet. Prior *scienti-*
fica, quod scientiam pariat; & *substantialis*,
quod substantiam monstret: posterior, *no-*
tio & descriptio, quod probabilem & rudem
quādam ingerat animo cognitionē, appel-
latur. Sed definitionē substantiālē præcedit
notionalis, quæ & notior est, & magis eui-
dēs, atq; hominib. qui recte & animo & cor-
pore valēt, perspicua, Essentialis & substan-

tialis ab iis tantum intelligitur, qui artis aut scientiæ præcepta exactè iam antea didicerunt, & alicuius disciplinæ artifices sunt.

Nemini itaque dubium est, quin, ut Galenus medicorum princeps ait, quippiam methodo quærere & inuenire, aduersetur illi quod fortuito & temere quæritur & inuenitur. Illud autem temere & fortuito quæritur, quod sine aliqua via, sine ratione & modo inuestigatur. quapropter methodo quærere nihil aliud erit, quam via & ordine quodam, seu certa & determinata rerum inueniendarum, & inuentarum iam collocatione & distributione facta, recto rationis iudicio adhibito, quidpiã indagare, ita quidem ut aliquid in inuestigatione ista primũ sit a quo ordiatur omnis inuentio, & secundum, & tertium, & quartũ, & sic deinceps reliqua ordine sese comitentur, & ex se mutuo fluant ac dependeant omnia, donec ad aliquod mente & cogitatione perueniatur extremum seu vltimum, in quod superiora dirigantur vniuersa, & in quod desinat omnis propositæ rei inuestigatio. Vnde fit ut methodus nihil aliud sit, quàm brevis & succincta cognoscendi seu faciendi via & ratio, quod ipsius nominis vis satis ostendere potest: videtur enim esse translata vox à castris

stris & Imperatoribus, & quasi *ἐπεσθῆναι* dici, hoc est, compendium & diuerticulum, quo solent vti boni & vigilantes Imperatores, cum excubias & custodias in castris inopinato & repente occupant, militum suorum fidem ac diligentiam exploraturi. Quam rationem secuti sunt philosophi, ac breuem quandam & compēdiolam inuenerunt docendi viam, quam ex similitudine hac *methodum* appellarunt, qua res numero prope infinitæ, confusæ atque dispersæ, ad certa & definita capita, quæ theoremata & præcepta vniuersalia appellant, redigi, & quadam ratione conglutinari ac constringi possent, ut earum postea haberetur cognitio, quæ antea vel cognitionem omnem fugiebant, vel experientia & vsu comprehendebantur tantum. Vnde Quintilianus *methodum* verit, *breue compendium*. Et Theodorus Gaza, *viam ac rationem docendi*. Qui igitur experientia quadam seu peritia, quæ tantū multarum legum cōgerie memoriæ tradita constat, Iurisprudentiam dici & doceri debere opinantur, illi mea quidem sententia non recte faciunt, dum neq; inuentioni neq; doctrinæ hunc ordinem necessarium esse profitentur; experientia enim sola, ratione & artificio vacat, soliusque fortunæ beneficio in

inuestigatione rerum opus habet. Atq; idcirco qui hunc docendi modum sequuntur aut defendunt, fortunæ & rei confusæ & incertæ amatores esse, eosq; nihil solidi & veri vnquam comprehendere aut iudicare posse credendum est. Alii vero qui in rerum inuestigatione rationem ducem sequuntur, nihilq; quod eius arbitrio comprobatur non sit, statuunt, ordine & via rectæ rationi consentanea, à primis & simplicissimis quibusdam principiis exorisi, ad singularum alicuius artis vel scientiæ partium inuentionem collocationemq; progrediantur, necesse est.

CAPVT III.

De duplici methodo.

ORdo aut & partium rei aut scientiæ alicuius collocatio, duplex est: vna *accidentalis et arbitraria*, altera *naturalis & essentialis*. Accidentalis seu aduentitia dispositio inconstans est & varia, & pro arbitrio cuiusque hominis eiusdemq; conceptione diuersa. vt enim idem faber lignarius aut ædificator, pro dissimili mentis conceptu sibi oblato, alio atq; alio modo fabricat arcam aut domum, sic mens nostra pro diuersa conceptione, diuersos cōstituit ordines ac methodos.

dos. Quamobrem & in arte medica nō ul-
li medici, quia mente sua concipiebant atq;
cogitabant vniuersalia esse nobis notiora, &
ordine doctrinæ præponenda, idcirco de
morbis vniuersis siue generatim primo scri-
plerunt, deinde de propriis siue particulari-
bus. Alii vero, vt Auicenna, conuerso or-
dine vsi sunt, propterea quod mentis con-
ceptionem habuerunt inuersam: animo e-
nim concipiebāt, proprios morbos facilio-
res esse ad discendum & curandum, vtpote
sensibus proximiores & exploratiores Exor-
si igitur à propriis morbis, ad cōmunes pro-
gressi sunt. Et in nostro Iure ciuili doctissi-
mis viris, vt Cic. lib. i. de Legib. refert, à lege
Iuris sciētiam proficisci, sed nescio an recte,
placuit. Cicero vim legum ab hominis na-
tura repetendam, non Prætoris edicto, aut
xii. Tabulis hauriendam putauit; videbat
enim honestatis fontes non aliter patefieri
posse, quam si quid homini à natura tribu-
tum sit, quantam vim rerum optimarum
mens humana contineat, cuius muneris co-
lendi efficiendique causa nati, & in lucem e-
diti, quæque coniunctio hominum & deo-
rum, quæ naturalis societas inter ipsos esset,
prius explicaretur. Imperator quoq; Iusti-
nianus Ius ciuile traditurus, de personis ini-

tio earumque officio differendum sibi proposuit : quia existimauit, personarum causa ius omne constitutum esse, easq; & res & actiones dignitate lōge superare. Et, vt semel dicam, quicumq; ex recentioribus hoc tempore, quorum quidem videre mihi cōmentarios licuit, de Iuris arte & methodo scribere attentarūt, illi pro diuersa atq; varia mentis cogitatione, eius præcepta in ordinem vnāq; consonantiam redegerūt. Hæc scribendi & inueniendi ratio vt immensa & infinita & incerta, ita vera & propria non est; quia infinitæ sunt hominum conceptiones & sententiæ, atque ob id modi quoq; & ordines docendi infiniti. Naturalis autē methodus & ordo is est, qui à natura insitus est rebus, & constans, finitus atque perpetuus est, & vno atq; eodem semper se habet modo, nec ad conceptionem & imaginationem mentis flectitur, hunc ipsa quoq; natura in producendis gignendisq; rebus seruat: quā obrem iure vocatur *essentia* & *anima rerum*. à Platone. Vt enim animal sine anima esse non potest, neq; etiam viuere; sic cognitio rerum sine hoc ordine neq; constare, neque recte doceri potest; quinimo neque dici doctrina aut cognitio debet, sed rectius confusio. Et quoniam ordo est veluti quædam anima

anima & vita, ideo qui sustulerit hunc ordinem, continuo doctrinam rerum sua essentia & quasi vita priuabit. Nam vt Aristot. scribit secundo Phys. omne bonum pendet ex ipso ordine, tum in rebus artificiosis, tum in rebus naturalibus. Artificiosis quidem, quia artifex intuens in res naturales, earumque structuras perpetuas ac necessarias, ordinem harum accommodat ad suas actiones & opera; quia ars est imitatrix naturæ recte & bene operantis. De hac ergo methodo naturali constanti & finita dicendum nobis est, quæ sola rerum naturas earumque proprietates inuenire, recteque inuestigare potest. Alia docendi via, vtraque, illa nimirum quæ experientia sola, aut etiam arbitrario ordine constat, quia incerta, infinita, naturæ rerum repugnans & aduersa est, hoc loco præmitteretur, & commodiori tempore, in eo videlicet libro vbi de tribus Iureconsultorum, empirica, methodica & dogmatica differemus sectis, confutabitur. atque hæc de notionemethodi persequamur, modo ipsius essentiam & naturam, quæ cognoscitur ex suis causis atque principiis, quam sequuntur differentiæ & proprietates & vsus, de quibus omnibus sigillatim, breuiter tamen & perspicue & methodo differendum est.

Q s

CAPVT IV.

Natura methodi inuestigatio.

Sententia est Aristotelis & priscorum philosophorum, hominem ipsum à natura eius rei causa natum, & in hanc lucem editū esse, vt seipsum, resq; vniuersas quæ ipsius gratia productæ & genitæ sunt, earumque vsus commoditatesq;, assidue contempletur, atque in his supremi opificis potentiam ac sapientiam in efficiēdo, bonitatē in conseruando, admiretur, vt ex admiratione ista rapiatur quodam desiderio animiq; cupiditate imitandi hæc, similisq; genitori tādē fiat: deinde vero, vt aliis prosit, cōmunes vtilitates in medium afferat, societatem hāc & coniūctionem hominum inter se studiosa & laudabili actione tueatur, sibi que non tantū vxorem & liberos, sed & amicos, propinquos, patriam & rem pub. vniuersum deniq; humanum genus, quoad eius fieri potest, beneuolentia omniq; officiorum permutatione, tum artibus, tum opera, tum facultatibus deuinciat atq; coniungat. Hæc enim vera & vnica, in quam natura humana tendat, & ad quā facta est, felicitas ac beatitudo, hoc, inquam, est supremum & vltimum

num illud, quod omnes nos expetimus, quodque expetere debemus bonum: cuius adipiscendi gratia, sola ex tot animantium generibus atq; naturis, participē rationis & orationis, quib. cætera omnia sunt expertia, Natura ipsa fecit. hisq; sensus tāquam satellites attribuit ac nuncios, figurāq; corporis habilem & aptam ingenio humano dedit, ac cum cæteras animantes abiecisset ad pastum solū, hominē erexit, ad cæliq; vt Tullius inquit, quasi cognationis domiciliiq; pristini conspectum excitauit; tum speciem ita formauit oris, vt in ea penitus reconditos mores effingeret, & oculos nimis argutos, qui quidē quo animo affecti essemus, loqueretur. Itemq; opportunitates, habilitatesq; reliqui corporis, moderationē vocis, orationis vim largita est, quæ omnia ad docendū, discendū, cōmunicandum, disceptandū, iudicandū, intelligendūq; sunt accommodatissima, & quasi fundamēta quēdā sciētię; coniungūt & conciliāt homines inter se naturali quadā societate, & ad officia mutua, beneuolentiā, amicitia, familiaritatesq; ineūdas, conseruādas atq; augēdas, nos oēs alliciunt & impellunt. Quā quidē ob rem & Aristot. & priores illi philosophi omnes duplicē philosophiæ vel sapientiæ partem, qua felicitas

Q 6

372 PRINCIPIOR. IVRIS

ac beatitudo hominis describeretur, cuiusque præceptis illa doceri posset, arbitrati sunt; alteram quæ scientiæ & cognitioni, alteram quæ moribus & vitæ inserueret. Sed enim omnis contemplatio vel scientia, veri intelligendi, actio autem boni adipiscendi gratia instituitur; ac cognitionis finis veritas est, actionis & officii, bonū. Vero autem contrarium est falsum, & mendacium; bono, ipsum malum. sæpeq; fit ut ea quæ vera & bona sunt, nos lateant & obscura sint, atq; interdum animus specie reſti & veri decipiatur. Vnde fit, ut cōtemplari nihil aliud sit, quàm discernere ac distinguere verum à falso: agere autem, appetere bonum, & euitare malum. Hæc separatio & secretio, est quædam actio & opus, ut sic dixerim, rationis & intelligentiæ. Omnis autem actio ut recte ab artifice fiat, proprio & idoneo opus habet organo seu instrumēto. Ideoq; & homo, ut propositam sibi felicitatem adipisci posset, atque sine errore verum cernere, & in ciuili societate rectum à prauo distinguere, medio quodā indiguit. Medium autem & instrumentum hoc nihil aliud est, quam methodus ipsa & habitus, via & ordine res contemplandi & efficiendi, hoc est, inuestigandi veri, & adipiscendi boni.

ni. Quod Eustratius Aristotelis interpres secundo posteriorum Analyticorum satis expressisse videtur. cum inquit: πᾶσι μὲν ὁδοῖς μὲν εἶναι ἐπινοημάτων δὲ αἰνὸς αἰθρώπιος. νῦν τὰ εἰρηῖα καὶ λαμβάνει ζητήματα. ὡς λυταί, δὲ ἴν' αἰσιν ὁδεῖ τῇ νῦν τῇ αἰθρώπιαν. πρὸς τὴν τῇ ἀφανῶν εὐρεσι. Cum enim rerum natura adeo involuta tenebris & abscondita sit, ut multi ex priscis illis philosophis, an alicuius rei scientia haberi possit, dubitare ausi quandoque fuerint; tantaque honestarum & inhonestarum actionum varietas, ut quæ maximè videntur digna esse iusto homine, eoq; quem virum bonum dicimus, sæpe commutentur fiantque contraria; necessaria profecto harum methodorum fuit inuentio, ut mens humana, quæ suapte natura facile ad cōtraria deflectere, & labi plerunque solet, in cognitarum difficillimarumq; rerum cognitionem, atq; bonarum fruitionem, facili quodam compendio sine errore perduceretur. Patet igitur methodum nihil aliud esse, quam instrumentum cognoscendi & agendi, quo diiudicamus verum à falso, & bonum a malo. Porro omne instrumentum ex eorum numero est, quæ cum alio conferuntur: est enim tum a-

licuius rei, tum artificis instrumentum: atque ut instrumentum sine artifice, ita artifex sine instrumento esse non potest; omnisque actio siue naturalis siue artificiosa sit, organo ut obeatur recte, indiget. Opifex igitur qui hoc instrumento non tantum utitur, sed eius quoque est auctor, *mēs hominis* appellatur, quæ ratiocinando & contemplando, atque perpetuo in rebus particularibus discernendo, in iisdēque vniuersalia notādo, & hoc aliis indiuiduis applicando, frequenti usu & exercitatione habitum quendam rationalem sibi parat, quo ordinem rerum animaduertere, & via quadam earum differentias, progressiones, similitudines, dissimilitudines, causas, effectus, vires potestatesque cernere ac docere potest. Qui quidem rationalis habitus, ordine progrediendi, *methodus* dicitur. Et hæc est vera & propria forma methodi, ipsiusque differentia, qua à reliquis omnibus animi habitibus, prudentia nimirum, sapientia, intellectu, arte & scientia distinguitur; qui omnes habitus sunt & mentis perfectiones, & hac methodo tanquam proprio instrumento acquiruntur. Itaque cum hoc habitu ac via rationali cæteri omnes habitus comparentur, vere dici potest, hunc esse *habitum habituum*. Et

cum

cum habitus illi dicantur etiam instrumenta adipiscendæ felicitatis, sequitur ut methodus sit instrumentum instrumentorum, & methodus methodorum, perinde ac manus dicitur esse organum organorum, quod reliqua organa ac instrumenta, manus beneficio fabricentur. Hinc est quod Cicero methodum, viam ac rationem quandam, id est, viam ratione institutam appellauit. Et Philoponus Aristotelis interpres, ἐξιν ἑδοσσοινηκὼς μετὰ λόγου, id est, habitum qui sibi viam cum ratione molitur & parat: alii que nonnulli λόγον εὐρετικὸν ἀπὸ τῶν ὁμολογούμενων μετὰ τῆς οὐκ ὁδὸς καὶ τάξεως ἐπὶ τὰ ζητούμενα ἀφ' ὧν οὐκ ἔστι, id est, *orationem inuentricem à confessis via & ordine ad quasita progredientem*, esse dixerunt. Quæ quidem omnes superscriptæ descriptiones, methodi opificem formamque & essentiam in ordine & via ratione instituta positam, declarant. Hæc igitur methodus seu ratio progrediendi adhibetur à mente, ad contemplationem & actionem rerum, hoc est, ad acquirendum habitum scientiæ vel artis. Ars autem & disciplina omnis, duabus ad minimum rebus, in quibus methodi officium versatur, constat, partium nimirum eius inuentione collocationeque, &

earum explicatione. Qui enim scientiam constituere aut docere nititur, is primum quidem partes eius vniuersas certo quodā ordine inueniat, inuentasque disponat & collocet necesse est, quemadmodum natura disponit in corpore humano cæterisque in rebus, initio membra; & ædificator columnas in domo, vel gradus in scala: quæ quidem partes ita inter se hæreant vt altera ordine sequatur alteram, vnaq; aliam producat & gignat semper, donec generis subiecti alicuius natura, & mēbra vniuersa sint exhausta atq; dissoluta. Quam dispositionem alii *ordinem*, alii *doctrinam* appellant. Deinde vero sic collocatas partes recta ratione earum naturam ac vim proprietatēq; inuestigando explicet, & in hac quoq; re imitetur industriam naturæ artifex, quæ membra iam genita, sed rudia & informia adhuc, solet indies magis magisque absolueret perpolireq; & ædificator vel statuarius confusam domum vel statuam exornare, atque compositione membrorum, conformatione lineamentorum, pulchriorē reddere. Hæc autem partium explicatio rursus duabus rebus cōstat, via seu modo progrediendi diiudicandiq; singula, & instrumentis quibus naturæ & proprietates & disse-

differentiæ inuestigantur ac docetur. Cum enim rerum naturæ proprietatesque variæ sint & diuersæ, & auditorum ingenia dissimilia, non eodem semper modo & via in earum inquisitione & doctrina utendū est, ut suo loco fusius dicam. Ex hac commentatione apparet, quid sit methodus, & quot eius inueniantur partes. Methodus ergo nihil aliud est, quam habitus mentis, ordine, via, & instrumentis consistens, quibus artis, disciplinæ, actionisque omnis partes inueniuntur, inuentæ apposite collocantur ac docentur, à recta ratione frequenti usu & exercitatione comparatus, ut hoc quasi medio & organo huius vitæ felicitatem in cōtemplatione veri, & adeptione boni positam, homo adipiscatur.

CAPVT V.

*Ad quem habitum animi methodus
pertineat.*

EX qua descriptione dubitare quis iam posset: Cum methodus habitus esse statuatur, & habitus animi, ut in prima sectione dictum est, sint quinque, scientia nimirum, sapientia, intellectus, ars, & prudentia, an ad aliquem istorum referri possit, an

vero genere diuersus ab his sit. Et breuiter dicendum arbitror, methodum ad sciētiam pertinere, quemadmodum & dialecticam. Habitus enim mentis aut habent obiecta necessaria, aut contingentia: contingentia vt ars, & prudentia: necessaria, vt intellectus, scientia & sapientia. Methodus igitur neque ars neque prudentia est, quamuis ars & prudentia methodo vtantur; quia methodus inquit principia & causas artis & prudentiæ, & theoremata necessaria & vniuersalia, ex quibus postea ars vel prudentia gignitur. Quod si habet obiectum necessarium, erit profecto intellectus, sapientia vel scientia. Non intellectus, quia est habitus primorum principiorum, quæ sine aliqua commentatione comprehenduntur; at methodus ratiocinando atque cogitando acquiritur. Neque etiam potest esse sapientia, quia sapientia est comprehensio rerum maximarū & diuinarum tantum; at methodus, omniū Reliquū igitur est, vt sit scientia, quia est via ad sciētiam, quemadmodum motus ad formam dicitur forma, & via ad generationem generatio. Neque obstat quod eadem methodus dicatur instrumentum: vocatur enim organum & instrumentum relatione facta ad alios habitus,

tus, qui ipsius beneficio comparantur. Sciētia aut quatenus in se & sua natura consideratur, est habitus circa principia & theorematavniuersalia ac necessaria. ratione acquisitus,

CAPVT VI.

De partibus methodi: deq; ordine.

PArtes autem huius methodi, vt nuper dixi, sunt, ordo, via & modus atque instrumenta, de quibus, vt res manifestior fiat, iam dicendum est. Ordo igitur est recta omnium artis vel disciplinæ partium inuentio & dispositio, quam quidam veteres, vt Galenus, & nonnulli recentiores medici, διδασκαλία, id est, doctrinam appellant; non illam intelligentes magistri vel præceptoris actionem docendi quæ in discipulum transfunditur, & μάτρος, oppositam habet, sed viam quandam rationalem, quæ in scientiæ partibus vniuersis spectatur & docetur. Quidam neque doctrinam, neque ordinem, sed methodum vniuersalem vocarunt; ea nimirum ratione, quod totius disciplinæ partes hac inueniantur ordinēturve; atq; huic particularē methodum, quā nos superiori loco instrumen-

tem appellauimus, quod particulariū theorematum explicationi adhibeatur, vt paulò post dicam, opposuerunt. Siue igitur *ordinem*, siue *doctrinam*, siue *uniuersalem methodum* appelles, non multum laboro, modo quid his nominibus significetur, intelligas. Ego utar voce *ordinis*, tanquam nostro instituto magis conuenienti. Ordo ergo est, vt ad rem redeam, partium vniuersæ artis apta & secundum naturam conueniens dispositio. veluti in arte differendi, est prædicabile, prædicamentum, propositio, syllogismus, & demonstratio: his enim partibus vniuersa Dialectica absolvitur; & qui artem hanc inuenire aut docere instituit, hac dispositione utatur necesse est. Sic in arte ædificandi, est fossio telluris, positio fundamenti, exstructio parietum, & cæterarum rerum, & impositio tegumenti seu tecti. Rursus in prædicamento Substantiæ, est Cicero, homo, animal, corpus. Et in arte medica sunt elementa, humores, partes similes, & dissimiles. Et in iure ciuili est persona, res, actio. Harum ergo partium series atque distributio, proprie dicitur *ordo*, quæ artifex aut in inueniendo aut docendo a tem sequitur. Qui quidem ordo nō simplex est & vniformis sed multiplex & varius;

NON

non tamen infinitus, vt multi ineptè sentiunt, sed triplex tantū; nec in plures vel pauciores funditur species, vt ex natura rei atq; veterum philosophorum autoritate ostendi potest. Nam ordo est in genere relationis, vt ait Aristot. 8. Physicorum, & 8. Metaphys. Est ergo ad aliquid, & habet *ἁίσις*, id est, habitudinem, seu vt Cicero vertit, comparisonem. Itaque quot generum est habitudo partium alicuius artis vel scientiæ, totidem quoq; ordinis species reperiri necesse est. Sed habitudo partium triplex est tantū, triplex igitur ordo; quandoquidem ad se mutuo referuntur, vel vt posterius ad suum prius, vel vt prius ad suum posterius, vel vt multa ad vnum, veluti caput & principem. Prior *resolutiuus*, secundus *compositiuus*, vltimus *definitiuus* ordo nominatur. Idem ordinum numerus demonstratur ex iis quæ ad perfectam disciplinæ cuiusvis perceptionem necessario requiruntur; quorum quidem primum est, earum rerum quæ discendæ sunt, & ex quibus ars constat, omnium inuentio; alterū, earum quæ iam inuentæ sunt, apposita ad docendum ac discendum collocatio atque demonstratio; tertium, compendiosa omnium theorematum ac præceptionum

(quam *πρωτοῖ*, Græci vocant) quæ memoriae seruiat comprehensio. Resolutius igitur ordo ad inuentionem partium disciplinæ, omniumque præterea theorematum, excogitatus est. *Compositiui* ad docendum inuentus, quæ à priore sunt excogitata, tum inter se, tum cum principiis demonstrationis vi coniungens, & quasi connectens, in scientiæ formam coalescere faciēs. Appellatur autem hic ordo non tantum *μεθόδος συνθετικὴ*, sed etiā *συνδιδασκαλική*, quod in hac potissimum demonstratio clucescat, ac primas quodammodo partes obtineat. *Definitiuus ordo*, quem *ὑπερκρινὸν* appellant, propter summam breuitatem memoriæ consulit; quippe cum sub vnica ac compendiosa definitione, omnes artis partes spectandas exhibeat, moxque definitione comprehensas explicet, explicatasque rursus diuidat, ac sic per summa quædam artis capita decurrat semper, donec vniuersa ars prius explicata ac demonstrata, in *πρωτοῖ* redacta fuerit. Huc accedit autoritas priscorum philosophorum & medicorum, qui neque plures nec pauciores ordines reperiri posse scriptis tradiderunt. Galenus in libro quem *Artem paruum* vocant, sic in-

quit

quit: Τρεῖς εἰς τὴν αἰτίαν διδασκαλίας τὰς ἐξ ἡμῶν
 ἔχουσιν· πρώτη μὲν, ἡ ἐκ τῆς τῆς τέλους ἐν-
 νοίας κατ' ἀνάλυσιν γινώσκουσα· δευτέρα δ', ἡ
 ἐκ συνθέσεως τῆς κατ' ἀνάλυσιν εὐρεθέντων·
 τρίτη δ', ἡ ἐξ ὅρου ἀσαφείας διὰ νοῦν αἰσίου θ.
 id est: Tres sunt omnes doctrinae, in quibus or-
 dinis conservatio intelligitur. Prima, quae
 ex finis notione per resolutionem fit. Secun-
 da, quae in componendis iis versatur, quae per
 resolutionem sunt inventae. Tertia, quae ex
 definitionis dissolutione est, quam nunc insti-
 tuimus. Huic sententiae ad stipulatur non
 tantum Plato in finitibus locis, sed & Ari-
 stoteles & tota Peripateticorum schola, ut
 in Ammonii & Simplicii in Praedicamentis,
 Philoponi & Eustratii in Analytica postero-
 ra Aristotelis commentariis, satis abunde licet
 intelligere. Quinimo quicquid unquam ab
 Aristotele, Hippocrate, Galeno cæterisque
 philosophis ac medicis, de natura rerum,
 de moribus, de disciplinis differendi, de sa-
 nitate & morbis hominum, scriptis tradi-
 tum fuit, id omne aut resolutione inven-
 tum, aut compositione & definitione est tra-
 ditum. Ex his autem omnibus, Galenus
 methodi & ordinis magister solus totam
 artem medicam triplici hoc ordine tradidit.

Aristoteles vt plurimum compositiuo vsus est, vt nuper dixi ad docendum accommodatissimo. Cum ergo non sint plures neque pauciores quam tres ordines, singulos persequar ea breuitate & perspicuitate, quam præsens oratio patitur, a resolutorio exorsus.

CAPVT VII.
De Resolutione.

Resolutio igitur, quam Græci ἀνάλυσις appellant, sicut & compositio, est vox ambigua, atq; idcirco distinguenda, ne nominis ambiguitate decipiamur. Etenim Eustratius ac Philoponus & Alexander in Commentariis Priorum & Posteriorū Analyticorum, & Ammonius & Simplicius in Prædicamentis, itemque Alcinous Platonius in libello περὶ φιλοσοφίας, scribunt resolutionem aliam esse, quæ in cogitatione & intelligentia consistat, aliam vero quæ quod natura fiat, naturalis appellatur; ad quam & organicam, quæ sensu percipitur, referimus. Intelligibilis resolutio rursus est multiplex: est enim resolutio quædam Categorica, quam prædicamentalem liceat nunc appellare, cū nomē aliquod

com.

compositum resolvimus in sua Prædicamēta. veluti, Cicero est totius & cōpositi quædam nota, quæ secundum notionem, cogitatione hoc modo in simplicia quædam primaque principia diduci potest. Nam ipsum & substantiam quandam, quod per se ac suapte vi consistat, intelligimus quantitatem omnino aliquam habere, tum quod unus sit numero, tum quod certam definitamque habeat corporis magnitudinem. Adhæc & qualitate affectum animaduertimus cum nimirum eius animus prudentia ac sapientia, corpus autem sanitate & pulchritudine sit præditum. Iam vero & dominus & filius omnino veletiam pater est, atq; idcirco ex eorum numero quæ cum alio conferuntur. Consimilique ratione & in reliqua Ciceronis notio potest resolui prædicamenta, quæ resolutio intellectu & cogitatione fit, quod hac ipsa, quæ re & natura separari nequeunt, animo ac mente distinguantur. Huic resolutioni opponitur compositio, quæ ex iisdem principiis ac prædicamentis constituitur. Altera intelligibilis resolutionis species est, quæ vocatur *οριστική*, id est, *definitiva*, quæ duplex est: aut enim definitionem iam factam in sua solvit principia, genus videlicet ac differentias, ut, ho-

R

minis definitionem in animal rationale æ mortale; vel in suas causas, vt materialem, efficientem, formalem & finalem; aut nomen, id est, notionis compositæ symbolū, in simplicia quædam & ipsum symbola: vt, Iustitiam in constantem & perpetuam voluntatem, ius suum cuiq; tribuentem; & libertatem, in facultatem naturalem faciendi quod cuique libet, nisi iure aut vi prohibeatur. Tertia species vocatur *sylogistica*, quæ rursus duplex est; aut enim resoluit syllogismum in suam figuram, aut problema aliquod & quæstionem in sua principia, ex quibus postea necitur demonstratio, quæ & *geometrica* dicitur, & à Gemino *inuentio demonstrationis* appellatur: secundum quam significationem Aristoteles posteriora resolutoria inscripsit: in iis enim docetur ignotæ alicuius rei principiorum ac causarum inuentio, quæ ad demonstrationem pertinent. Quod enim luna deficiat terræ interiectu, à posteriorib. ad priora progressi cognoscimus, ac postmodum inuenta causa ex ea demonstrationem colligimus. Nam lunam quidem deficere sensu comprehendimus, huius autem causam cogitatione inquirimus & inuenimus, nimirum oportere aliquid interiectum esse, vt deliquium

hoc

hoc causari possit; nihil autem obici præter terram. Inuenta hac causa regredimur, demonstrationem necendo hoc pacto: *Cuiusque aliquid obiicitur, deficit: Luna terra obiicitur, Ergo deficit.* Prior resolutionis species idcirco syllogistica dicitur, quod iā facta ratiocinatio in sua principia, propositiones ac terminos, atq; etiā proprias figuras tanquā regulas quasdā artificiosas dissolvatur. Huc referatur cōpendii gratia & illa resolutio, quę est propositionis in suos terminos, prædicatū videlicet & subiectū. Quarta resolutionis species orationis statuatur, siue rhetorica illa, siue grammatica fuerit, quo & dictionis tū solutio tū cōpositio procūbit. hæc aut diuiditur in periodos, cola, membra, dictiones, syllabas, literas. Quinta aut & vltima hui⁹ resolutionis quę intellectu fit, species est, cū artifex cognitione finē alicuius rei, artis vel sciētię, itēq; genus subiectū, resoluit in simplicia quædā principia & elemēta, ex quib. res, ars vel scientia, tanquam partib. constituitur. Porro naturalis compositio priorib. his opponitur, neq; cogitatione & intelligentia, sed natura fit; veluti cū res dissoluuntur in materiā formatā vel informē; formatā, vt homo in carnē, nervos, ossa; & hæc in humores, & hi in ele-

menta. Informem, vt materiam primam, & formam. Huic resolutioni opponitur cōpositio ea, quæ ex iisdem principiis orditur. Huc referatur organica cōpositio & resolutio, cuius materia similia sunt corpora, forma autem vniuscuiusque similis corporis magnitudo, conformatio, figura, adhæc & certus earum numerus, ac postremo apta omnium coniunctio atque collocatio. Tot modis, ac fortasse pluribus, vt Platonicus volunt, ad nostrum tamē institutum parum hoc in loco facientibus, concipitur resolutio. Differunt autem hæ species omnes potissimum rebus subiectis, quæ dissoluuntur; ordo autem & modus progrediendi fere vnus & idem est. Etenim omnes à posterioribus ad priora, à cōpositis & confusis ad simplicia, ab effectibus in suas causas, à fine ad principia, ex quibus vnumquodque constat, progrediuntur; videturque hæc vox resolutionis, translata esse ab his, qui post peregrinationem ad proprios lares reuertuntur: nam qui patria egressi reuertuntur, proprie ἀναλύνει dicuntur. Cum tot modis cōcipiatur resolutio, nos de illa dicemus, quæ est finis & generis subiecti in sua principia, qua omnes artes ac disciplinæ vniuersæ cōstituuntur, earumq; problemata ac præcepta

pta inueniuntur. Resolutio igitur hæc seu ordo resolutiuus, à notione finis, vt Galenus ait, ducit initium: nam finis est primū principium artis, cuius conceptio statuitur in mente artificis, tāquam quoddam bonum; quia finis expetitur, aut quia verum bonum est, aut quia apparens, & specimen boni præ se ferens; & ideo cum sit expetibile, mouet efficientem ad appetendum. Quemadmodum in medicina finis est fruitio sanitatis, & in Iure ciuili iustitiæ legitimæ adeptio: concipitur enim à Medico & Iurecōsulto pro quodam bono, alioqui non expeteretur. Vbi vero hoc bonum, siue huius boni conceptio, mente constituta est, adiungitur suo subiecto seu materiæ in qua reperitur, vt sanitas corpori, & iustitia actibus hominum ciuilibus seu politicis, ex quibus quasi duobus fontibus vniuersæ artis vel sciētiæ constitutio emanat. Et si autem finis istius conceptio & subiecti vna est, tamen in multa, quæ ad hæc referuntur principia & theoremata tantisper dissoluitur, ac singula quæ ad artis seu professionis cognitionem attinent, ordine producuntur inueniunturque omnia, donec ad vltima & extrema peruentum sit elementa, quæ in alia resolui adhuc minimè queant, quæque vltiorem scēti-

nem non admittat. Quærentur ergo in hoc ordine, omnia quæ ad finem conducunt; conducunt autem ad finem cognitiones partium ipsius subiecti, & causarum efficientium finis; quoniam finis est veluti forma materiæ subiectæ. Itaque inuestigantur initio principia subiectæ materiæ, veluti in arte medica corporis humani partes, ~~et similes~~, similes, humores, ~~elementa~~: & in Iure civili principia actuum civilium, persona, res, quæque ex his oriuntur actiones; deinceps ipsius finis. Vnde ab Arabibus interdum hic ordo *Quæsitum* nominatur: est enim ille, quæ studiosè inquirimus, & cuius gratia subimus laborem inueniendi vel docendi artē; finem autem non inquirimus, sed tanquam notum animo possidemus; quia resolutio, vt Aristot. in lib. De moribus inquit, imitatur, vel potius est quædam consultatio: cōsultatio autem nulla de fine instituitur; vt, medicus non deliberat secū, an debeat sanitem tueri, aut morbum profligare: & Iureconsultus non dubitat, an iustitia sit sibi in repub, tuenda, & propellenda iniustitia, sed simpliciter hunc finem tanquam bonum quoddam animo concipit, ea quæ ad illum spectant ordine rectaque ratione inquirat ac resoluit, donec omnia quæ ad fruitionem

huius

huius necessaria sunt adinuenerit. Est enim veluti amussis & regula omnium quæ in arte tractantur, ideoq; per hunc artes non solum distinguuntur & separantur, sed etiam constituuntur. Nam artium aliarum tantum in rerum contemplatione, atq; inuestigatione veri constitutæ sunt, quæ & Græcis (vt Galen. in lib. de Constitutione artis medicæ inquit) *θεωρητικαὶ* appellantur; in quo genere tota physiologia, cuius finis in rerum naturalium scientia positus est, sine vlla corporis actione, consistit. aliarum præter contemplationem, actionem quoq; corporis vel animi, extra animum sese proferentem, adiungunt. atq; hæc duplices sunt: aut enim acquirunt aliquid, aut efficiunt; acquirunt, vt ars aucupatoria, venatoria. & piscatoria; efficiunt, aut opus post actionem relinquentes, aut nihil relinquentes. Quæ opus relinquunt, *ποιητικαὶ* proprie, id est, factiuarum vel effectiuarum dicuntur, & hæc aut nouum opus efficiunt, vt ædificatoria: aut quod vitium fecit; reficiunt ac reconcinnant, vt ars medendi. Artes quæ nihil post actionem relinquunt, *πρακτικαὶ* vocantur, vt saltatoria, cantatoria, quo referuntur omnes illæ artes politicæ, ex quarum numero hæc nostra Iurisprudentia est.

Omniū igitur harum artium genera, finis resolutione inueniuntur: vnde Galenus vocat *instrumentum & methodum inueniendi & constituendi omnes artes*: quam quidem methodum testatur nono Therapeutices, se à Platone didicisse. Est ergo resolutiuus ordo, progressus ex notione finis vniuersalis ad principia vltima ipsius artis: nam exacto huiusmodi progressu, statim ars ex notione finis constituitur. Exigitur autem & perficitur per seriem principiorum seu partium, quæ aliquando est simplex, aliquando composita & multiplex. Simplicem manifeste conspiciamus in resolutione logicæ contemplationis, cuius finis est cognitio veri; sed veri concludendi & efficiendi opifex est demonstratio: omnis autem demonstratio est quædam ratiocinatio & syllogismus. Cæterum syllogismus consurgit ex propositionib. rursus propositiones ex vocibus simplicib. & hîc non datur vltra progredi resoluendo, cum voces sint vltima huius resolutionis & facultatis prima principia. atq; hæc partium series simplex & vniuersummodi est. Aliquando vero constitutus finis, per plures ac diuersos ordines resoluitur. verbi gratia: Finis politicæ facultatis sit pax & tranquillitas; resoluamus modo hûc finem

finem in sua principia. Pax igitur quæritur, aut victoria, aut amicitia : & hîc iâ finis incipit resolui in duo principia. Rursus, victoria quæritur bello, bellum geritur milite, miles colligitur pecunia. Iam vero pecunia (nunc deflectit à sua simplicitate) pecunia inquam, aut in promptu est, aut aliunde quærenda. Quæritur aut à subditis, tributa vectigaliaq; exigendo, vel mutuo accipiendo, vel dominia ac possessiones oppignerando, vel diuendendo. Quod si his modis pacem quærere non libeat, aliæ attentandæ sunt viæ, quibus ea potiri possit. Cum igitur propositum finem in victoriam & amicitiam resoluerimus, victoriam autem nullo modo, aut certè difficile assequi possimus, ad alteram resolutionis partem, amicitiam nimirum, transeundum nobis est; quæ comparatur aut beneficiis & officiis, aut hosti de iure cedendo; vel id redimendo. Redimetur autem vel pecunia, cuius quærendæ ratio modo exposita est, vel permutatione, vel matrimonio. Hic ergo ordo partium quæ ad finem, hoc est, pacem referuntur, vbi habeat multiplicia principia, cuiq; planum fit; & quo vtimur ordine resoluendi vnum finem vnius rei, eundem accommodamus ad resolutionem cæterarum rerum. Nā quem-

admodum multæ & diuersæ sunt artes, ita quoq; varii sunt fines; alii enim aliis propofiti sunt artibus, quæ quidem artes solo fine & constituuntur & distinguuntur, vt sæpissimè Galen. nos commonuit. Verum apud Aristotelem, quod ad totam facultatem aut scientiam cognoscendam attinet, nusquam in operibus quæ ad nostras manus peruenerunt, reperitur resolutio; partium autem alius artis, multis in locis, vt paulo post dicam: vt in principio lib. Politicorū, Physicorum 3. & 8. Meteororum lib. 1. & aliis infinitis in locis. Id tamen constat, omnes ab eo artes ordine inuentas esse ac constitutas, quemadmodum & artem medicam à Galeno, qui in libr. De constitutione artis. hanc methodum est secutus. Quemadmodū autem omnes scientiæ ac disciplinæ, ita & artes vniuersæ quæ manuum ministerio funguntur, hoc ordine constituuntur inueniunturque: verbigratia, in arte ædificandi sic resolui-
 mus: Nam artifex primo mente concipit finem domus, sub notione boni; intelligit enim bonū & salutare esse homini, si à ventis & imbribus, à frigore & calore, cæterisque tum cæli tum aliarum rerum iniuriis se tueri possit; ex qua conceptione boni mouetur, vt inquiret omnia principia & causas, quibus

bus se aduersus tot mala defendat. videt igitur tegumēto opus esse; quoniam autem tegumentum suapte vi consistere nequit, quia graue omnino est & pōderosum, idcirco sustentacula ac fulcimentā parat, quę tegumentum sustineant. Fulcimenta autē sunt parietes; quę cum & ipsę eius naturę esse debeant, vt non facile loco moueri, sed contrariis resistere possint, idcirco basi & fundamento nitantur necesse est; at enim fundamenta citra telluris fossionem iaci nō possunt; fossione igitur opus est, quę est finis huius resolutionis, qua domus partes ac principia sunt adinuēta. In Iure ciuili sic resoluiamus: Iuris finis & scopus est conseruatio iustitię & æquitatis, vel salus reipub. & priuatorum quies. hæc autem pendet ab executione legum, quę fit à magistratu. executionem antecedit sententia, sententia non nisi in iudicio dicitur: iudicium fluit ex forma agendi, forma ex facultate agendi, hæc ex actione, actio ex obligatione vel quasi, obligatio ex contractu vel quasi contractu, & hi ex dictis factisq; dicta & facta ex cōsensu, consensus à mente & homine seu persona. Ex his iam manifestum est, quis & qualis sit ordo resolutorius: persequamur modo composito-
rium.

CAPVT VIII.

De compositione.

Compositiuus igitur seu compositorius: Cordo, est progressus cōtrarius resolutorio: nam principiū vnius, est finis alterius, oriturq; ex habitudine prioris ad suum posterius; quandoquidem vbi desinit resolutio, ibi orditur compositio. & quod primum fuit in destinatione siue resolutione, id vltimum est in effectione seu cōpositione. Quapropter imitatur naturā regię viæ, quæ certo quodam tramite à principiis & elementis resolutione adiuuentis, ad finem artis nos deducit. verbi gratia: artifex in resoluendo, & consultando, concipit bonum esse defendere se & alios ab iniuria ventorum & imbrium, vt nuper dixi: ex qua conceptione finis, mouetur, quia bonum omne est expectabile; mouetur ergo ad inquirenda omnia principia, quæ ad finem conceptum referuntur. Itaq; artifex resoluta ipso fine in testū, parietes, fundamenta, & telluris fossionem, deinde sese accingit compositioni; primum terram fodit, deinde fundamenta ponit, tū vero ducit parietes, postremo imponit tectum, & peracta compositione finem destinationis

matum

natum in ipsa resolutione est consequutus, nimirum defensionem siue tutelam aduersus iniurias cæli; & ita quod primum fuit in inuentione & resolutione, id vltimum & extremum offenditur in compositione & actione & contrâ. Quare eodem calle progredimur componendo & resoluendo, solaque habitudine inter se differunt compositio atque resolutio, quemadmodum ascensus & descensus scalarum, & concauum & conuexum in circulo. Sed tamen difficilius est resolvere quam componere, quemadmodum difficilius est ascendere quam descendere. Præterea semita compositiui ordinis nota est per resolutiuam; atq; idcirco qui nouit resolvere, idem quoque nouit componere; sed non reciprocatur, quia resolutio & antiquior & difficilior est ipsa cōpositione. Huc accedit etiam, quod vt resolutius est aptissimus ad inueniendum, ita compositius ad docendum. Et hoc ordine docuit Aristoteles physiologiam vniuersam, hoc est, scientiam rerum naturalium: quandoquidem exorsus est a causis ac primis rerum principiis, a quibus deinde ad elementa progressus, ab his ad mixta imperfecta, ab imperfectis ad perfecta, a perfectis ad hominem ipsiusque partes & membra.

Eademque methodo vsus est in lib. De vita & moribus. Nam initio de causis virtutum differuit, deinde de earum natura, postmodum de variis ipsarum speciebus. Et in lib. De repub. primum de simplicibus domus partibus, viro nimirum, vxore, possessione ac liberis disputauit, deinde de domo, mox de ciuitate, eiusque speciebus. Et in lib. De arte differendi, initio de simplicibus vocibus egit, post hæc de propositione, deinde de syllogismo, ad extremū de demonstratione, syllogismo topico & sophistico, qui sunt partes ratiocinationis. Galenus quoque & Auicenna artem medicinalem hoc ordine conscripserunt: etenim primo de elementis disputarunt, secundo de humoribus, tertio de partibus similibus, ultimò de dissimilibus, earumque affectionibus. Patet igitur hunc ordinem aptissimum esse ad res tractandas atque docendas; est enim fusior resolutione, quia rerum natura & proprietates latissimè hoc explicari potest. Explicantur autem res commodissimè hoc pacto, si primum quidem earum definitiones producantur, deinde vero ex generis eiusque partium diuisione theoremata inuestigentur. Vt enim totū genus subiectum sibi proprium aliquod accidens &

pecu-

peculiare habet, ita & eius partium quolibet proprio informetur necesse est. Quod cum de subiecto demonstratur, primaria ex eo conficiuntur theoremata seu præcepta, quæ Græci *θεωρηματα* appellant: cum verò de proprio, subiectum prædicari posse constituitur, *αιπρποφα*. Quod hac potissimum ratione ab autoribus fieri solet. ut intelligamus has esse veras proprietates, quæ cum suo subiecto reciprocantur, ex quibus propria demonstratio gignitur, ut autor est Aristot. primo lib. post. Analyticorum, qui has leges, ut & alii, non semper tam anxie obseruat. Quoniam igitur priorum & accidentium huiusmodi cognitio, ut diximus, ad scientiam est necessaria, hæc autem sine medio aliquo inueniri nequeant, idcirco qua ratione inuestigentur, artificii considerandum est diligenter. Ad quam quidem rem plurimum contulerit, post generis subiecti diuisionem, similium ac dissimilium rerum cōsideratio, quam Aristoteles lib. 1. Topicorum inter dialectica instrumenta connumerat, & duo facit, *ὁμοίῳ* videlicet *οὐέψιν, καὶ διαφορῶν εὐρεσιν*. Hippocrates autem in totius artis medicæ præfatione cōiungit; quod & Plato, cum multis

400 PRINCIPIOR. IVRIS

in locis secutus, facit. Simile autem & dissimile inuenire, nisi adhibitis *κρυμμέναις*, quas *normas* vocant, non possumus. Sunt autem *normæ* certitudinis, omnibus quidem confessæ, mens & sensus tanquã fontes; ratio & experientia, tanquam scaturigines. Platoni autem & Academicis exactior quædam Critiriorum instituitur diuisio, ut mentem quidem ipsam rursus diuidant, in mentem quæ cum genere idem nomen obtinet, & *διάνοιαν*: sensum autem in sensum proprie dictum, & *εἰκασίαν*. Alii nonnulli hoc modo etiam partiuntur, ut a superioribus auspicando, primum quidem *νοῦν* esse dicant, deinde *διάνοιαν*, postea *δόξαν*, hinc *φαντασίαν*, post hæc sensum. Quibus nonnulli etiam *εἰκασίαν* adiiciunt, id est, simulachri in aquis & speculis perceptionem. Prior tamẽ partitio exactissima esse videtur, quod reliquas quodammodo continere videatur, & substantialis sit, hæc autem *κελευν* tantum. Sed de his aliàs exactius differendum est.

Cæterum rationes quibus propriæ passionis de subiecto demonstrantur, aut resolutiuæ sunt, aut compositiuæ. Resolutiuę duplices sunt; aliæ enim deducunt conclusionem.

sionem ad principia iam demonstrata, aliæ ad ea quæ cum principiis pugnant, & reductiones ad impossibile appellantur. Constitutiæ quoque bipartitæ sunt, non eo quidem modo quo priores, sed tantum ratione; aliæ enim ex ipsis principiis rem demonstrant, aliæ vero ex iis quæ per principia antea sunt comprobata atque demonstrata. Atque hæc quidem demonstratio vtrique præcipuum locum habet in hoc ordine compositorio, qui est aptissimus ad docendum. Quod cum imperiti quidam non animaduernerent, existimarunt non tantum compositorium, sed & resolutiuum ordinem esse demonstrationem, cum tamen plurimum inter ordinem & suum instrumentum intersit. Nam demonstratio est abdita in suo ordine, quia in ipso nectitur; & ut demonstratio, quæ proficitur causam, quam obrem res sit, familiaris est ordini compositiuo, sic demonstratio per quæ colligitur causa ut sit res, resolutiuo magis est accommodata. In utroque tamen ordine vtrique specie demonstrationis indiscriminatim uti licet, prout rei subiectæ materia postulat.

CAPVT IX.

De ordine definitiōis.

Tertius iam ordo superest, qui *definitiuus* appellatur; frustra enim & quæ discenda sunt inuestigaris, & cognoscendi perdiscendique laborē sumpseris nisi fideli memoriæ, quæ percepta & cognita fuerint, commendaueris. Itaq; tertia restat methodus, quæ memoriæ seruiat, quemadmodū prima inuēctioni, secunda perceptioni. Oritur autē illa quidem ex habitudine multorum, ad vnū veluti caput & principiū. Vt enim in bene instituta rep. sunt multi magistratus, vt Consulatus, Tribunatus, Ædilitas, Quæstura, & aliæ eius generis dignitates, ad vnum tamen Dictatorem velut principem referuntur: & vt in exercitu bene instructo omnia officia pendēt ex nutu & potestate vnus Imperatoris, ita in hoc ordine omnes artis partes fluunt ex vnica definitione, & ad hanc tanquam reginam & principem rursus rediguntur. Huius ergo ordinis ratio talis est, vt primum quidem artis seu disciplinæ substantialem ac perfectam definitionem, omnes artis partes sua vi complectentem, subiiciamus; eiusq;

iusque deinceps dissolutione seu diuisione proximè producamus membra, quæ rursus similibus definitionibus includamus; atque rursus dissolutis, partium partes similiter diuidamus tantisper, donec ad ea perueniamus, quæ quòd proximè indiuidua contineant, nullam amplius sectionem admittunt. Atque in hac quidem explanatione partium, non tantum diuidimus & subdiuidimus, sed etiam resolvimus causas in effectus, & vicissim effectus in suas causas, aut proprietates, vtroque genere demonstrationis, per causas veras & immédias generi subiecto inesse stabiliamus. Cum autem cognitæ sunt partes, tum eas in cōparationem vocamus, & ex cōparatione partium, vsus siue fructus, quos percipimus, exponimus. Postremò argumenta omnia ea refutamus, quæ definitionem traditam infirmare & demoliri valent; errata quoque ex illa definitione tradita ostendimus. Ad extremum, cuncta quæ explanando in partibus persequuti sumus, breui peroratione repetimus, ita quidē, vt quicquid molimur & conamur, id omne in vnam definitionem, veluti reginam & moderatricem actionum, contulisse videamur. Huius autē methodi seu ordinis præclarissi-

num exemplum apud Galenum quidem extat in lib. Artis medicinae, quam vulgo *Artem parvam* vocant: & apud Aristotelem in libro De virtutibus; itemque rudis & inchoata quædam eius apud Iustinianum in lib. *Instit.* imago. Et hi sunt tres ordines quibus solent inueniri, doceri ac memoriæ tradi omnes artes & disciplinæ, de quorum vtilitate ac vsu & præstantia multa dicenda essent, nisi propositi huius breuitas aliud postularet.

CAPVT X.

De via & modo inueniendi & descendendi res.

PARTIBUS igitur scientiæ his ordinibus inuentis atque dispositis, sequitur earum postea explicatio, quæ duabus in rebus consumitur, via nimirum seu modo atque instrumentis eas explicandi & tractandi. Via autem seu modus, vt scribit Aristoteles tertio Rhet. nihil aliud est quàm ratio recta progrediendi in doctrina, atq; etiam iudicandi. Progressus vero est quidam motus, à noto ad ignotum; hoc est, à rebus nobis notioribus, ad res suapte natura notiores, nobis autem ignotiores. Notiora autem sunt nobis

bis ea quæ sensib. sunt propinquiora & magis conspicua, vt composita, & confusa; ignotiores, vt res simplices, principia & rerum elementa. Seruauit ergo viam seu modū Aristoteles secundo libro de Anima, vbi ex rebus obiectis & sensilibus progreditur ad ipsos actus, & ab his ad potentias siue vires, à potentiis ad animæ substantiam & essentiam. Idem in libro primo Phys. fecit in inuentione materiæ primæ, & reliquorum principiorum: itemque in libro de Memoria & reminiscencia: nam ab obiecto ad actum, ab actu ad memoriam processit; eodemq; progressu sæpissime vtuntur in decidendis quæstionib. veteres tam medici quàm iureconsulti. Modus iudicandi versatur in re & persona. Persona enim non omnis eodem modo doceri & institui potest; quia auditorū ingenia omniū non sunt paria. Sunt quos exemplis tantū doceri oportet; alii solo sensu ducuntur, & institui possunt; alii in sola ratione conquiescunt. Res similiter dissimili quoque, sed proprio modo tradūtur: aliæ enim per solam formā siue causam formalem doceri debent, vt res mathematicæ, quæ quia intellectu à materia abstrahuntur, & efficiente & fine & materia carent. alię vero per formam & materiam & efficientē in-

teritui obnoxiam, ut omnis res naturalis commodissimè per hoc genus traditur: aliè per finem, ut res moralis, siue omnis actio quæ dependet ex nostra voluntate, quemadmodum & tota Iuris ciuilis nostri scientia, & omnis res quæ cadit sub contemplationem artificis. Oportet igitur in docendo prænoscere & viam progrediendi, & modum iudicandi naturas rerum, & dignoscendi ingenia auditorum; ex quo apparet, quid sit via & modus.

CAPVT XI.

De instrumentis methodi.

CÆterum nulli vsui essent via & modus, nisi etiam nobis præsto essent instrumenta accommodata ad docendum; quandoquidem ut admonet sæpe Aristoteles, nulla actio siue corporis siue animi sit, quæ sine instrumento proprio rectè obiri potest. Instrumentis ergo quib. res explicantur & docentur, opus est. Neq; vero eadem esse, ut multi perperam tradunt, existimanda sunt ordines & instrumenta, propterea quòd hæc ordinib. concluduntur continenturq; quæadmodum ascensus & descensus in scala. Ordo enim, ut sæpius dixi, nihil aliud est, quàm
apta

apta & conueniens omnium artis vel disciplinæ partium inuētio, dispositio atq; collocatio, veluti in scala graduū singulorū series & distributio. Instrumenta autē seruiūt explicationi partiū hoc modo dispositarū. Iam vero ordo istarum partium semper est vnus & perpetuus; omnisq; artis dispositio, aut resolutione aut cōpositione aut definitione fit: at modus vtendi hæc instrumenta varius est & inconstans, ita quidē, vt pro diuersis scientiæ partib; aliis atq; aliis semper vtendū sit instrumentis. Ex quo colligi potest, non vnū esse genus horum instrumentorum, sed varium & multiplex; quāquam si diligentius res consideratur, & vnum & plura harum methodorū genera esse adinueniemus. Methodus enim concipi potest pro via & ratione quadā docendi; qua notione vnus tantum erit genere habitus, sub quo multæ species atque differentiæ continentur, qui habitus à philosophis *Dialectica* siue *Logica* appellatur. Quod si per methodum, cognoscendi & sciendi modum sub *Dialectica* cōprehensum intelligamus proculdubio non vnus, sed multiplex genere habitus statuendus nobis erit. Sed hæc fortasse minutiora sunt, quā vt fusius tractentur. Id cōstat apud omnes, plura esse instrumē-

torum genera: quot autē sint, a multis ambigitur. Nos, relictis aliorum opinionibus, quid Plato & Peripatetici, qui de hac re & docte & copiose scripserunt, senserint, paucis explicare conabimur. Itaque cum hæc instrumenta sint cognoscendi quidam modi, modi autē sciendi sint multiplices, quot erunt modi, totidem quoque & instrumentorum & methodorum genera reperiri necesse est. Rursus, quoniam omnis cognitio alicuius rei est cognitio, & ad aliud refertur, sit ut ex rerum cognitarum differentiis, cognoscendi quoque modi & instrumenta intelligantur. Sint ergo hi duo scopi & fontes, ex quibus numerus instrumentorum depromitur; res nimirum cognitæ, & modus cognoscendi. Res autem quas cognoscimus, aut sunt substantiæ, aut accidentia. Substantiam intelligi volo non eā, quæ per se subsistit, & suapte vitatur, sed essentiam & naturam alicuius rei; & accidens non quod alteri tantum hæret, & suapte natura per se solum in rerū natura subsistere nequit, sed etiam id, quod ad constituendam alicuius rei essentiam non nihil conducit. verbi gratia: Trianguli naturam & substantiam esse dicimus, formam & structuram trium sese inuicē tangentium linearum.

linearum; & stipulationis, verborum conceptionem & interrogationem: quam sequitur conueniens & legitima responsio. Rursus eiusdem trianguli esse proprietatem ponimus, habere tres angulos. duobus rectis æquales; & stipulationis, consentientes inter se ligare & cōstringere, vel simile quippiam. Quoniam igitur res, quas contemplamur, sunt diuersæ & variæ, idcirco etiam varia & diuersa necesse est esse cognoscendi instrumenta. Substantiam enim & naturā alicuius rei, ope definitionis inuenimus; affectiones vero demonstrationis beneficio. Atq; hæc quidem duo cognoscendi instrumenta, sunt præcipua, tum quia ex his reliqua scaturiūt oriunturq;, tum quia ad hæc rursus destinantur. Quoniā definitio constat ex genere, proprio, & suis differentiis; genus autem est duplex, summum seu supremum, & infimum; summum resoluen- do, infimum diuidendo inuestigatur. Ex quo efficitur, non esse plura neq; pauciora, quam quatuor cognoscendi instrumenta, definitionem nimirum, demonstrationem, diuisionem, atque resolutionem. Idem numerus ex modis cognoscendi ostēdi potest. Sed quia modi cognoscendi opponuntur modis querendi res, & quæ sita notiora nobis sunt

quam cognita, propterea ex numero quærendarum, numerum quoque cognoscendarum rerum (quod oppositorum ratio ac disciplina eadem sit) intelligemus. Eorum autem quæ quærentur, ut Aristot. 2. libr. post. Analy. scribit, quatuor sunt genera: aut enim quæritur an res sit, aut quid res sit, aut qualis sit, aut propter quid res sit. Cum ergo quatuor sint quæsitæ, totidem quoque modos quærendi & cognoscendi, itemq; res cognitæ haberi dicendum est. Prima igitur quæstio, *an res sit*, commodiori instrumento inueniri quàm resolutione non potest; quia resolutio, ut sæpe antea dixi, seruit proprie inuentioni, & aptissima est ad quærenda artium ac scientiarum principia. Altera quæstio, qua quid res sit, quæritur, definitione explicatur. Qualis aut sit, diuisione ostenditur: quia diuisione partes rerum fuse proponuntur, & res quæ vna esse videtur in multa membra & capita distenditur. Denique propter quid res sit, sola demonstratio ostendit: nam hac quæstione sola rei causa interrogatur; causa aut, ut Aristot. eod. lib. inquit, scientifica ratiocinatione inuenitur. Cognito numero horum instrumentorum, de eorum natura dicamus necesse est. Atq; de demonstratione & definitione dicam pauca, quoniam ab-

unde

unde de his à Peripateticis & Dialecticis recentiorib. disputatū est. De aliis duobus, hoc est, instrumēto resoluendi & diuidendi differam vberius, quia obscuriora sunt, & à nostris Dialect. nunquā, aut perperā, explicata, aut ad vsum reuocata: vt nō sine causa à Platone in Philebo dictum sit, *eum qui hac ad vsum reuocare valeat, aut Deum esse, aut Deo, quam simillimum.*

CAPVT XII.

De demonstratione.

ITaq; vt à prioribus exordiamur, demonstratio est ratiocinatio, vt Aristot. definit, pariens scientiam, hoc est, συλλογισμός, ἐπιστημονικός. Parit autem scientiam, quia inuestigat causam veram & necessariam, cur subiecto generi aliqua affectio siue passio insit; habetque vim concludendi efficiendiq; veri: quia non solum continet causam conclusionis, sed & rei demonstratæ; hoc est in causa est cur aliquid concludatur, & cur id quod concluditur, sit verum; nam veritas est finis scientiæ speculatiuæ, quemadmodum practicæ, quæ actiua dicitur, bonum; & habitus factiui, ipsum opus. Siue igitur per causam effectus, siue per effectum causa

demonstretur, semper demonstratio causa est, cur verum concludatur. Est enim duplex demonstratio; altera cum ex causa effectum, ut fumum ex igne; altera cum causam ex effectum, ut ignem ex fumo, colligimus atque demonstramus. Ex his perspicuum est, uniuersam demonstrationem tribus partibus minimis absolui; nimirum genere subiecto, de quo aliquid probatur; & affectione siue passione, quæ subiecto inesse ostenditur; & principiis propriis. *Principia* appello ea, quæ *complexa* dialectici, ut *propositiones*, nuncupant. Sunt autem principia propria, prima quædam ac necessaria & uniuersalia pronunciata, quæ quod notissima sint, demonstrationem non recipiunt, per quæ passionem subiecto inesse demonstramus. Ex his enim solis demonstratio, cuius effectus scientia est, gignitur; atque ideo hoc genus principiorum *ἀπὸ τῶν ἀρχῶν* à medicis & philosophis appellatur: quandoquidē quatuor ab his lemmatum & propositionum, ex quibus ratiocinationes confici possunt, esse statuuntur. primum est earum, de quibus dictum est; alterum *dialecticum* seu *ἐπικρῶν*, seu gymnasticum, vel quomodocumque tandem quis appellare velit, nuncupatur; quo quidem

dem non perfecta rei scientia, sed probabilis quædam notitia nobis comparatur. Huius usus varius est & multiplex : nam primum quidem, ut scientiæ capaces simus, prius nos idoneos ac instructos efficit; deinde impedimenta & dubia, quæ animū hominis ligare solent, qua ratione amouenda ac dissoluenda sint, ostendit; deniq; perite nos in vtranque partem dubitare, & difficultates rerū ostendere, ac cum hominib. de qualibet re proposita ingeniose & probabiliter colloqui docet. Tertium aut̃ *rhetoricum*, quod rhetores & oratores eo potissimum vrantur, dicitur; idque nō iam amplius ad scientiam rei parandam, vel ad gymnasian idoneum aut utile est, sed vulgò tantū & crassiorib. ingeniis accommodatū, quibus quouis modo rem aliquā probari cupimus, ut vel officiū præstent, vel ab eo quod contra officiū est, absistant, vel oratio, qua apud iudices, quib. parum fidimus, nec satis peritos, & rerum cognitione instructos putamus, iniuriam à nobis propulsare possimus, & innocentiam aduersus nocentes defendere; aut omnino pulchrum aliquid laudare, aut e contra, id quod turpe est, vituperare. Et hoc quidē propositionum genus admodū, ut Cic. de Oratore scribit, periculosum est, si in virū aliquem improbū,

num exemplum apud Galenum quidem extat in lib. Artis medicinae, quam vulgo *Artem parvam* vocant: & apud Aristotelem in libro De virtutibus; itemque rudis & choata quædam eius apud Iustinianum in lib. *Instit.* imago. Et hi sunt tres ordines quibus solent inueniri, doceri ac memoriæ tradi omnes artes & disciplinæ, de quorum vtilitate ac vsu & præstantia multa dicenda essent, nisi propositi huius breuitas aliud postularet.

CAPVT X.

De via & modo inueniendi & docendi res.

PARTIBUS igitur scientiæ his ordinibus inuentis atque dispositis, sequitur earum postea explicatio, quæ duabus in rebus consumitur, via nimirum seu modo atque instrumentis eas explicandi & tractandi. Via autem seu modus, vt scribit Aristoteles tertio Rhet. nihil aliud est quàm ratio recta progrediendi in doctrina, atq; etiam iudicandi. Progressus vero est quidam motus, à noto ad ignotum; hoc est, à rebus nobis notioribus, ad res suapte natura notiores, nobis autem ignotiores. Notiora autem sunt no-
bis

bis ea quæ sensib. sunt propinquiora & magis conspicua, vt composita, & confusa; ignotiores, vt res simplices, principia & rerum elementa. Seruauit ergo viam seu modū Aristoteles secundo libro de Anima, vbi ex rebus obiectis & sensilibus progreditur ad ipsos actus, & ab his ad potentias siue vires, à potentiis ad animæ substantiam & essentiam. Idem in libro primo Phys. fecit in inuentione materiæ primæ, & reliquorum principiorum: itemque in libro de Memoria & reminiscencia: nam ab obiecto ad actum, ab actu ad memoriam processit; eodemq; progressu sapissime vtuntur in decidendis quæstionib. veteres tam medici quàm iureconsulti. Modus iudicandi versatur in re & persona. Persona enim non omnis eodem modo doceri & institui potest; quia auditorū ingenia omnium non sunt paria. Sunt quos exemplis tantū doceri oportet; alii solo sensu ducuntur, & institui possunt; alii in sola ratione conquiescunt. Res similiter dissimili quoque, sed proprio modo traduntur: aliæ enim per solam formā siue causam formalem doceri debent, vt res mathematicæ, quæ quia intellectu à materia abstrahuntur, & efficiente & fine & materia carent. alię vero per formam & materiam & efficientē in-

teritui obnoxiam, ut omnis res naturalis commodissime per hoc genus traditur: alique per finem, ut res moralis, siue omnis actio quæ dependet ex nostra voluntate, quemadmodum & tota Iuris ciuilis nostri scientia, & omnis res quæ cadit sub contemplationem artificis. Oportet igitur in docendo prænoscere & viam progrediendi, & modum iudicandi naturas rerum, & dignoscendi ingenia auditorum; ex quo apparet, quid sit via & modus.

CAPVT XI.

De instrumentis methodi.

CÆterum nulli vsui essent via & modus, nisi etiam nobis præsto essent instrumenta accommodata ad docendum; quãdoquidem ut admonet sæpe Aristoteles, nulla actio siue corporis siue animi sit, quæ sine instrumento proprio recte obiri potest. Instrumentis ergo quib. res explicantur & docentur, opus est. Neq; vero eadem esse, ut multi perperam tradunt, existimanda sunt ordines & instrumenta, propterea quod hæc ordinib. concluduntur continenturq;, quæadmodum ascensus & descensus in scala. Ordo enim, ut sæpius dixi, nihil aliud est, quàm:
apta

apta & conueniens omnium artis vel disciplinæ partium inuētio, dispositio atq; collocatio, veluti in scala graduū singulorū series & distributio. Instrumenta autē seruiūt explicationi partiū hoc modo dispositarū. Iam vero ordo istarum partium semper est vnus & perpetuus; omnisq; artis dispositio, aut resolutione aut cōpositione aut definitione fit: at modus vtendi hæc instrumenta varius est & inconstans, ita quidē, vt pro diuersis scientiæ partib; aliis atq; aliis semper vtendū sit instrumentis. Ex quo colligi potest, non vnū esse genus horum instrumentorum, sed varium & multiplex; quāquam si diligentius res consideratur, & vnum & plura harum methodorū genera esse adinueniemus. Methodus enim concipi potest pro via & ratione quadā docendi; qua notatione vnus tantum erit genere habitus, sub quo multæ species atque differentiæ continentur, qui habitus à philosophis *Dialectica* siue *Logica* appellatur. Quod si per methodum, cognoscendi & sciendi modum sub *Dialectica* cōprehensum intelligamus proculdubio non vnus, sed multiplex genere habitus statuendus nobis erit. Sed hæc fortasse minutiora sunt, quā vt fusius tractentur. Id cōstat apud omnes, plura esse instrumē-

torum genera: quot autē sint, a multis ambigitur. Nos relictis aliorum opinionibus, quid Plato & Peripatetici, qui de hac re & docte & copiose scripserunt, senserint, paucis explicare conabimur. Itaque cum hæc instrumenta sint cognoscendi quidam modi, modi autē sciendi sint multiplices, quot erunt modi, totidem quoque & instrumentorum & methodorum genera reperiri necesse est. Rursus, quoniam omnis cognitio alicuius rei est cognitio, & ad aliud refertur, fit ut ex rerum cognitarum differentiis, cognoscendi quoque modi & instrumenta intelligantur. Sint ergo hi duo scopi & fontes, ex quibus numerus instrumentorum depromitur; res nimirum cognitæ, & modus cognoscendi. Res autem quas cognoscimus, aut sunt substantiæ, aut accidentia. Substantiam intelligi volo non eā, quæ per se subsistit, & suapte vitatur, sed essentiam & naturam alicuius rei; & accidens non quod alteri tantum hæret, & suapte natura per se solum in rerū natura subsistere nequit, sed etiam id, quod ad constituendam alicuius rei essentiam non nihil conducit. verbi gratia: Trianguli naturam & substantiam esse dicimus, formam & structuram trium sese inuicē tangentium linea-

linearum; & stipulationis, verborum conceptionem & interrogationem: quam sequitur conueniens & legitima responsio. Rursus eiusdem trianguli esse proprietatem ponimus, habere tres angulos, duobus rectis æquales; & stipulationis, consentientes inter se ligare & cōstringere, vel simile quippiam. Quoniam igitur res, quas contemplamur, sunt diuersæ & variæ, idcirco etiam varia & diuersa necesse est esse cognoscendi instrumenta. Substantiam enim & naturā alicuius rei, ope definitionis inuenimus; affectiones vero demonstrationis beneficio. Atq; hæc quidem duo cognoscendi instrumenta, sunt præcipua, tum quia ex his reliqua scaturiūt oriunturq;, tum quia ad hæc rursus destinantur. Quoniā definitio constat ex genere, proprio, & suis differentiis; genus autem est duplex, summum seu supremum, & infimum; summum resoluen- do, infimum diuidendo inuestigatur. Ex quo efficitur, non esse plura neq; pauciora, quam quatuor cognoscendi instrumenta, definitionem nimirum, demonstrationem, diuisionem, atque resolutionem. Idem numerus ex modis cognoscendi ostēdi potest. Sed quia modi cognoscendi opponuntur modis querendi res, & quæ sita notiora nobis sunt

S

quam cognita, propterea ex numero quærendarum, numerum quoque cognoscendarum rerum (quod oppositorum ratio ac disciplina eadem sit) intelligemus. Eorum autem quæ quærentur, ut Aristot. 2. libr. post. Analy. scribit, quatuor sunt genera: aut enim quæritur an res sit, aut quid res sit, aut qualis sit, aut propter quid res sit. Cum ergo quatuor sint quæsitæ, totidem quoque modos quærendi & cognoscendi, itemq; res cognitæ haberi dicendum est. Prima igitur quæstio, *an res sit*, commodiori instrumento inueniri quàm resolutione non potest; quia resolutio, ut sæpe antea dixi, seruit proprie inuentioni, & aptissima est ad quærenda artium ac scientiarum principia. Altera quæstio, qua quid res sit, quæritur, definitione explicatur. Qualis aut sit, diuisione ostenditur: quia diuisione partes rerum fusc proponuntur, & res quæ vna esse videtur in multa membra & capita distenditur. Denique propter quid res sit, sola demonstratio ostendit: nam hac quæstione sola rei causa interrogatur; causa aut, ut Aristot. eod. lib. inquit, scientifica ratiocinatione inuenitur. Cognito numero horum instrumentorum, de eorum natura dicamus necesse est. Atq; de demonstratione & definitione dicam pauca, quoniam abunde

unde de his à Peripateticis & Dialecticis recentiorib. disputatū est. De aliis duobus, hoc est, instrumēto resoluendi & diuidendi differam vberius, quia obscuriora sunt, & à nostris Dialect. nunquā, aut perperā, explicata, aut ad vsum reuocata: vt nō sine causa à Platone in Philebo dictum sit, *eum qui hac ad vsum reuocare valeat, aut Deum esse, aut Deo, quam simillimum.*

CAPVT XII.

De demonstratione.

ITaq; vt à prioribus exordiamur, demonstratio est ratiocinatio. vt Aristot. definit, pariens scientiam, hoc est, *συλλογισμὸς ἐπιστημονικός*. Parit autem scientiam, quia inuestigat causam veram & necessariam, cur subiecto generi aliqua affectio siue passio insit; habetque vim concludendi efficiendiq; veri: quia non solum continet causam conclusionis, sed & rei demonstratæ; hoc est in causa est cur aliquid concludatur, & cur id quod concluditur, sit verum; nam veritas est finis scientiæ speculatiuæ, quemadmodum practicæ quæ actiua dicitur, bonum; & habitus factiui, ipsum opus. Siue igitur per causam effectus, siue per effectum causa

dem non perfecta rei scientia, sed probabilis quædam notitia nobis comparatur. Huius usus varius est & multiplex : nam primum quidem, ut scientiæ capaces simus, prius nos idoneos ac instructos efficit; deinde impedimenta & dubia, quæ animū hominis ligare solent, qua ratione amouenda ac dissoluenda sint, ostendit; deniq; perite nos in vtranque partem dubitare, & difficultates rerū ostendere, ac cum hominib. de qualibet re proposita ingeniose & probabiliter colloqui docet. Tertium aut̃ *rhetoricum*, quod rhetores & oratores eo potissimum vrantur, dicitur; idque nō iam amplius ad scientiam rei parandam, vel ad gymnasian idoneum aut utile est, sed vulgò tantū & crassiorib. ingeniis accommodatū, quibus quouis modo rem aliquā probari cupimus, ut vel officiū præstent, vel ab eo quod contra officiū est, absistant, vel oratio, qua apud iudices, quib. parum fidimus, nec satis peritos, & rerum cognitione instructos putamus, iniuriam à nobis propulsare possimus, & innocentiam aduersus nocentes defendere; aut omnino pulchrum aliquid laudare, aut econtra, id quod turpe est, vituperare. Et hoc quidē propositionum genus admodū, ut Cic. de Oratore scribit, periculosum est, si in virū aliquem improbū,

414 PRINCIPIOR. IVRIS

qui libertate loquendi abuti velit, ceciderit. Quartum autem, quod *sophisticum sumptionum genus* appellatur, inutile prorsus & vitiosum censendum est, atque cognoscendum id quidem, nō vt eo vtamur, nisi quod dici solet, clauum clauo pellere, propositum nobis sit, sed ne ab aliis qui eo vtuntur, decipiamur. De his propositionū generibus Aristot. in lib De sophisticis Elench. de prioribus in Topicis & Rhetoricis & Analyticis posterioribus abunde disputauit. Vtile ergo est nouisse has propositionum differentias, ne quis illis deceptus, altero pro altero vtatur, seq; demonstrasse & scientificè de re disputasse arbitretur, quum probabiliter, vel etiam (quod plerisque accidere solet) apparenter & fucatè tantum dixerit. Ex prioribus igitur propositionibus, quæ solæ perpetuæ & veræ sunt, demonstratio & scientia comparatur. Illustremus rem exemplo philosophico & legali. Subiectum, de quo demonstratur passio, sit anima; affectio autē immortalitas; principiū siue axioma, quod per se mouetur esse immortale. Ex quib. partibus ita positis & constitutis, ad hunc modum fabricatur demonstratio: *Quod per se mouetur, est immortale: anima per se mouetur, ergo anima est immortalis.* Rursus in Iure

cui.

ciuili esto genus subiectum, miles reip. causa
 absens; affectio aut damnum seu præscrip-
 tio; principium siue axioma communis il-
 la regula, *Absentia à repub. neq; sibi neq; al-
 teri damnosam esse debere.* Ex his partib. in lu-
 re ciuili talis nectitur ratiocinatio: *Absentia
 à repub. neq; sibi neq; aliis debet esse damnosa:
 Sed miles reipub. causa abest, ergo militi absen-
 tia in præscriptione, verbi gratia, non debet esse
 damnosa.* Ad hūc igitur modum omnes ar-
 tium demonstrationes constituuntur. Sed
 hoc inter Iuris ciuilis & aliarū scientiarum,
 quæ res necessarias & perpetuas contēplan-
 tur, præcepta interest, quod harum demon-
 strationes semper sunt veræ & necessariae &
 æternæ, maximeq; illarū quæ quātitatis na-
 turā & mathematicæ illæ speculantur; at Iu-
 ris ciuilis probationes, vt & moralis philoso-
 phiæ, non demonstrationes proprie, sed pro-
 babiles potius ratiocinationes, vt Aristot. in
 Ethicis statim in initio admonuit, appellan-
 dæ sunt: earum enim omnis fons & origo ex
 ratione ciuili & politica, quæ non semper v-
 na & eadem est, petitur. Quapropter in his
 & similibus artibus aut nunquam, aut certe
 perquam raro veræ demonstrationes repe-
 riuntur; & qui has in iis necti posse contē-
 dunt, nec subiectæ materiæ, nec principio-

rum naturam satis intelligunt Quid igitur sit demonstratio, & ex quibus partibus constet, iam breuiter & perspicuè explicatū est. Vberiore enim atq; copiosiore eius translationem, ab Aristotele dialecticisque petendam esse arbitramur.

CAPVT XIII.

De definitione.

Sequitur vt de instrumēto definiendi eodem compendio dicamus. *Definitio igitur est oratio qua breuiter & absolute, quid res sit, explicat: vel, quæ rei insunt, in unū colligit: quibus hāc ab aliis separat, ac distinguit. Quæ autem rei insunt, ea vel substantiam & naturam alicuius monstrant, vel vt accidentia & proprietates inhzrent. Definitio ergo quæ naturam rei per propria principia explicat, substantialis & essentialis appellatur: quæ vero proprietates tantum, notionalis, & νομαλὴ, quod rem velut inspiciendam intelligendamque sensibus obiiciat, dicitur: ad quam & vocis interpretamentum seu notationem referendam puto, quoniam altera ex altera ducitur. Nam qui tenet notionem alicuius rei, eundem quoque tenere vocis interpretamentum oportet. Quin-*

imo vocis explicatio semper antecedit notionalem descriptionem, quemadmodum & hæc veram, & substantialem definitionē: nam vt priores illæ & faciliores & notiores sunt, ita ad inuestigandam rei naturā, vt Aristoteles in lib. de Anima, & Galen. in lib. de Hip. & Platonis dogmatibus, multum emolumētū afferunt. Vnde etiam fit, vt qui intelligit vocis interpretamētum, & notionalem definitionem, nō illico teneat essentialē; quoniā multarū rerum reperiuntur notationes ac notiones, quæ quidē res sunt commentitiæ, & in rerum natura non exant: vt monstri alicuius, Scyllæ, Charybdis, Chimæaræ, quarum omnium & nomina & notiones nobis formamus. Sed definitio est proprie rerum illarū, quæ reuera sunt & subsistunt. Præterea vocis interpretamenta orta sunt ex vsu loquendi hominū: nam vsus nomina rebus peperit, vnde & notationes & notiones ortum habuerunt. Proinde Auerrois in secundo libr. Aristot. de Generatione & corruptione, vsum appellat *famam*. idcirco ait, Arabibus vocis interpretamenta verius intelligi & concipi, quam esse nominibus expressa: quia lingua Arabica est valde inops verborum à quibus ortum acceperunt. At Græci nominum diuites sunt, &

418 PRINCIPIOR. IVRIS

ideo & concipiunt, & res conceptas multis sæpe nominibus exprimunt & notant. Deniq; notiones & vocis interpretamenta Poëtis & Oratorib. sunt valde peculiaria; essentielles autem, philosophorum qui rerū causas & principia quærent, magis sunt propriæ ac familiares: his tamen & Philosophi & Medici & Iureconsulti, non tantum vbi verarum differentiarum penuria laborant, aut aliter res exprimere non possunt, sed etiā vbi obscurę alicuius rei natura inuestiganda est, sæpe numero vtuntur. Quinimo Galenus omnis methodi & ordinis magister, frequenter admonuit, omnib. cuiuscunq; disciplinæ tyronibus non esse prius definitionem essentialem tradendam, quam notionalis sit expressa: quoniam essentialis consentit cum notionali, & ex notionali paratur quidā adiutus ad definitionem essentialem. Itaq; vt primum locum in docendo obtinet vocis interpretamentū, ita secundum occupat ipsa notio siue notionalis definitio: tertium, vera & essentialis descriptio. Eodem in docendo progressu antiqui Iureconsulti variis in locis vti sunt. Nam cum Imperator de testamentis dicturus esset, initio eius interpretationem subiecit, esse nimirum *testationem mentis*. Et de tutorib. acturus, à tuendo quasi

si mi-

furtitores: itemq; de furto, quod à *furuo*, id est, nigro, quod nocte fiat, appellatos esse scripsit: deinde paulatim horum notiones & descriptiones subiiciendo, ad earum substantiam, veramque tutelæ, testamenti & furti naturam progressus, quot ex partibus illa constet, quotque ad eam requirantur conditiones ac proprietates, exactissimè ostendit. Estque harum notionum & descriptionum in nostro iure civili, sicut & in cæteris disciplinis, ingens utilitas atque copia. Essentialis autem seu substantialis definitio est illa, quæ cõmonstrat quid sit res, & quæ eius sit natura. Substantiam constituunt genera & differentiæ substantiales, ex eadem omnino classe & ordine, si fieri potest, depromtæ. Substantiales autem differentiæ non ex solum dicuntur, quæ ex substantiæ genere sumuntur, sed quæ rei alicuius naturam ac vim explicant, ex quocunq; tandem genere sint profectæ; atque ob id nomen substantiæ latius hîc, vt & apud philosophos aliosq; artifices, & simpliciter pro re absolute atq; per se considerata, accipitur. qua ratione & accidentia à suis subiectis abstracta per seque expensa, substantiam habere dicimus; veluti substantiam obligationis, tutelæ, actionis, morbi, febris, & reliquorum. Quoin-

loco reprehendendi sunt non pauci, qui in Iure civili substantiales definitiones, quod accidentia tantum contempletur, reperiri minime posse existimant: habent enim & accidentia hæc suam naturam, essentiã, & vt barbari tradunt, suam *quidditatem*, quemadmodum & substantiæ, quæ suapte vi in natura rerû subsistunt. Optima ergo definitio illa est, quæ coalescit ex proprio suo genere & propriis differentiis. Generis inveniendi certa est regula ac methodus, eaq; duplex; altera est, vt proposita re definienda cõsideres, ex qua classe sit deprompta; deinde illi proximum genus inveniendû; quod fiet, si summum genus in propinqua semper genera, vsquedum ad speciem definiendã peruentum sit, diuidas. Diuidendi autẽ rationem mox trademus. verbi gratia: sit propositus nobis definiendus homo. Homo igitur cum in prædicamento Substantiæ, quod per se subsistat, sit, ea nobis diuidẽda in simplicem & compositam; composita, in animatam & inanimatã; animata, in sentientem & sensu carentem; sentientem, vt animal. Animal igitur est proximum hominis genus, quod in definitionẽ assumitur. Rursus Iurisprudentiæ genus hoc modo inuestigatur. Est. n. hæc in genere qualitatis, eiusque

que prima specie, dispositione nimirum: omnis dispositio aut facile aut difficile mobilis est. difficile, ut habitus. Habitus autem aut est corporis aut animi; animi, practicus vel speculatiuus; practicus vel operis, ut ars; aut bonæ actionis ut prudentia. Prudentia aut est priuata, aut publica. publica, aut ciuilis aut œconomica. Prudentia igitur ciuilis, est proximum genus Iurisprudentiæ. Altera querendi generis via huic prorsus est contraria: ut enim illa à superioribus ad inferiora diuidendo, sic hæc ab inferioribus ad superiora colligendo progreditur; sumit enim omnia speciei definiendæ indiuidua, aut generis definiendi species ultimas, & quid his commune sit, querit. Verbi gratia: Fingamus ipsius quæritatis discretæ, hoc est, ipsius numeri ultimas species esse ternarium numerum & binarium, neque plures, neque pauciores reperiri; aut fingamus ipsius anguli species esse tres dūtaxat, acutum, obtusum, & rectum; aut fingamus lineam diuidi in rectam & circularem; aut in nostro Iure ciuili tutelam in testamentariam, & eam quæ sine testamento; denique furtum, in manifestū, & non manifestum. Sint igitur horum omnium ultimæ species à nobis docendi gratia sic constitutæ. Post-

422 PRINCIPIOR. IVRIS

eaquam species hunc in modum constitueris, tunc singulae nobis sunt definiendae; in qua definitione diligenter considerandum nobis est, quid ipsae inter se habeant commune; & illud est sumendum, ac loco generis statuendum. verbi causa; linea recta est longitudo sine latitudine, cuius extremae sunt duo puncta; circumducta vero est similiter longitudo sine latitudine, à cuius centro ad ambitum pares lineae ducuntur. Nimirum commune apparet esse ambabus lineis, longum & latum. Longitudo itaque & latitudo, erit illud in quo conueniunt istae species ultimae. Vbi autem inuenta fuerit haec natura communis, postremo perlustranda nobis sunt decem summa rerum genera, hoc est, praedicamenta, ut sciamus in quo genere reponatur illa natura communis; & hanc naturam communem cum illo genere iungere oportet. verbi causa; linea est in genere quantitatis; lineis, hoc est, ultimis speciebus inuenta est longitudo & latitudo esse communis; ergo lineae haec erit definitio inuenta, hoc est, genus definitionis, ut linea est quantitas continua, longa, sine latitudine & profunditate. Item binario & ternario commune est, discretum esse: nam binarius est quantitas discreta, par; ternarius discre-

ta, im.

ta, impar. Numerus igitur erit quantitas discreta. Rursus anguli obtusi, recti & acuti cōmunis natura est, linearū sese mutuò tangentium ad alterutram inclinatio. *Rectus* enim *angulus* est, cum linea recta super rectam lineam inclinat, & utrobique facit angulos æquales. *Obtusus*, cū recta super rectam inclinat quidem, sed angulos facit impares, estque maior recto, acutus autem eodem minor. Rursus, testamentariæ tutelæ, & eius quæ sine testamēto accidit, communis natura est, vis ac potestas in capite libero; & furti manifesti & nec manifesti, fraudolenta contrectatio. Quare & tutelæ vis seu potestas, & furti fraudolenta contrectatio, genus erunt proximum. Remoto autem (est autem remotum horum omnium genus, relatio) in his opus non est: adhibetur enim tum demum genus remotum, cum genus proximum propria voce caret, & differentię nomen sibi vendicat, ut in lineæ & numeri definitione dictum est. Continuum enim & discretum, non genera, aut species, sed differentię quantitatis propriæ sunt. Hæc igitur est altera generis inuestigandi vltima, sed mea quidem sententia admodum fallax & periculosa. Nā primū quidē, nō omnium

424 PRINCIPIOR. IVRIS

rerum, sed generum ipsorum tantum genera inuenire docet, vt tutelæ, furti, lineæ, & reliquorum; specierum autem non docet. Cum enim inferiorum semper prius definitiones tradendæ sint, in quibus quid commune illis sit, perspicui potest, indiuidua autem definiri nō possint, profecto neque speciei genus vnquam inuenietur. Deinde, vt indiuidua sunt numero infinita, ita species, etsi numero finitæ sint, tamen vix dinumerari possunt: ex quo fit, vt non omnes definiri semper valeant: etsi enim tres aut quatuor definias, quidque his simile sit reperias, non tamen sequitur, eādem similitudinem cæteris quoque inesse debere, eritque genus ipsum arctius, quam vt singulis adaptari speciebus possit. Huc accedit, quod hac regula videmur petere principium, remque ignotam per ignotiorem deinde ostendere. Qui enim definitionem, aut genus in definitione hoc pacto quærit, is ipsa definitione & genere, quæ quærentur, & ignota sunt inquirat necesse est. Certior igitur inueniendi generis, vt Plato docuit, via est diuisio, seu instrumentum diuidendi; quod tamen suis quoque difficultatibus non caret, vt Aristoteles primo de Partibus animalium lib. satis copiose demonstrauit. Tradamus modo

modo regulam inueniendi differentiam. Est autem differentia duplex, quemadmodum & definitio; alia enim ex natura & essentia rei fluit, ipsamque indicat; alia vero non monstrat substantiā rei, sed quod hanc vel sequitur, vel antecedit, & rem tantum à re distinguit; priorem internam, posteriorem externam differentiam philosophi appellant. Differentia igitur interna & essentialis sumitur aut potius cognoscitur ex actione prima, quam definienda res siue species depromit. Primam intelligo actionē, ad quam aliæ actiones omnes referuntur, & cui famulantur. Neque tamen hoc loco existimandum est, actionem hanc esse proprie differentiam, sed rei differentiam nobis prode & indicare, formā nimirum abditam, à qua proficiscitur hæc actio, & nomē ab ea accipit: quod exemplo illustrabitur. Ipsum quidem ratiocinari, est primaria hominis actio, quia in illam reliquæ omnes conspirant & referuntur; eius enim rei gratia viuit, & ad vitæ custodiam nutritur & alitur: ob alimoniam capit cibum & potum, aliaque vitæ necessaria cæterarum corporis partium, manuum videlicet, pedum, oculorum, linguæ, & similium actionibus quærit; quæ actiones omnes ad prin-

cipem illam actionē, nempe ratiocinationem, ut dictū est, referuntur, ipsique famulantur. Et quamvis forma sit principium omnis actionis, & à forma initium sui motus ac generationis habeat, aliæ tamen magis ad materiam, aliæ ad formam, aliæ ex æquo ad utrumq; referuntur; ut, progredi est opus proprium corporis; ratiocinari, animi; sentire vero, utriusq;: nam sensus est actio cōmunis tum corpori, tū animo. Sed differentia, quæ sumitur ab actione primaria, est formæ propria; si iungatur cum genere proximo, speciem ipsam cōstituit; cōmunis & materiosa non item, sed cum aliis iuncta; ut homo est animal rationale: nam ratiocinari est differentia petita à forma, quæ si iungitur cū animali, quod est genus proximum, certè constituit speciem humanam. Huius differentiæ vsus præcipuus est apud philosophos & medicos, qui rerum naturas, vires & causas contemplantur; apud Iureconsultos non item, ut paulò post dicam. Verum quia nos sæpe laboramus penuria huius differentiæ quæ sumitur à forma, idcirco loco ipsius utimur aut causâ, aut effectū, aut accidēte proprio, aut officio, aut partib. rei definiendæ, quæ non aliter atq; veræ differentiæ, rerum substātiâs discer-

cernunt, sed earum naturā, vim atq; proprietatē minus exprimunt. Causarum autem aliæ sunt *interna*, alię *externa*. *Externa*, vt efficiens & finis. *Interna*, materia & forma. *Efficiens causa*, vt finit Aristoteles, *est quæ primum mouet*. quæ definitio non satis latè patet, quia non omnem causam efficientem suo ambitu continet. Nos ergo latius vsurpantes, causam efficientem esse dicimus, nō solum à qua primo fit motus, sed simpliciter quæ rei efficiendæ præbet operam; præbet autem causa operam, aut per se, aut per accidens. Per se, vel primò, vel vt instrumentum; nam & instrumentum vel instrumentalis causa, vt Plato & Galenus primo de Locis affectis censuit, ad efficientem referri debet, quod & Aristoteli in *Physicis* placuit. verbi gratia: Cruditatis prima causa efficiens est debilitas seu defectus natiui caloris; vel morbus, læsæ actionis; putris humor, morbi; putredinis, obstructio. Eiusdem læsæ actionis putredo & obstructio causæ per accidens sunt. vel, vt apertius res demonstretur, faber lignarius est propriū efficiens ipsius domus, securis instrumentum; musicus autem vel grammaticus per accidens, quia accidit fabro lignario esse musicū vel grammaticum.

428 PRINCIPIOR. IVRIS

Sic Iuris ciuilis causa efficiens primaria, est Senatus, prætores, populus, plebs, Iureconfulti; per accidens autē flagitiosa & peruersa hominum ingenia, quemadmodū rectē dici solet, *Ex malis moribus bonas leges oriri* eff. Est etiam alia causæ efficientis diuisio, in coniunctam & separatam quā Græci *συνεχά και χωριστά*, id est, euidentem & externam appellant. Coniuncta semper effectum comitatur, & interna est; antecedens non semper effectui hæret, neque perpetuo adest. verbi gratia; causa efficiens interna actionis est obligatio; externa, pulsatio & traditio, vel delictum, & contractus. rursus, febris externa causa est calor solis. Ab his igitur causis efficientibus internis & cōiunctis, siue per se siue cum aliis iunctæ sumantur, veræ differentię promuntur; ab aliis non item, nisi reliquis quoq; adiungantur. Finis est, cuius gratia aliquid fit; vt, Iurisprudentia iustitiæ, & æqualitatis tuendæ in repub. Et medicina, sanitatis in corpore humano retinendæ vel recuperandæ gratia est inuenta; nam sanitas est finis medicinæ quemadmodum iustitia Iurisprudentiæ. Finis autem, omnium causarum prima, eademq; vltima est. Prima quidē, quia initio in omni actione & contemplatione, animo

illam

illam concipimus & cōsideramus: quę consideratio à philosophis *scopus* seu *propositum* dicitur. Ultima vero, quod in executione seu actione, ultimo accadat, quemadmodū paulo antè in tractatu de resolutione satis abunde dictū est. Finis quoq; perfectissima ac potissima causa à philosophis nuncupatur, quia aliarū omnium causa est, eiusq; gratia fiūt omnia, quęcunq; fiunt, & cæteræ omnes causæ in hāc ultimam & extremam diriguntur. quapropter Aristot. *ἐν τῇ τελευτῇ*, id est, cuius gratia vocavit: materia enim formam, finis desiderio, expetit; formam, agens propter finem inducit. A finali igitur causa sæpissime petuntur differentię, maximè in Iure ciuili, vbi & *substantiales* merito appellari debent; & demonstratio quę ex huiusmodi definitionib. necitur, est vera & propria. Vt enim in mathematicis formæ, in physicis, efficiētis & materiæ, ita in politicis, iisq; quę ad formandos mores & vitam hominum spectant facultatibus, finis præcipua est consideratio, aliarum autem causarum non item: neque enim tantopere refert, à quo vnumquodq;, aut qua ratione constitutum sit, quam cuius rei gratia factum sit intelligere. Et vt semel dicam, omnes Iureconsultorū nostro-

430 PRINCIPIOR. IURIS

rum probationes & rationes ut plurimum à
 fine & peti debet & solent. Causæ internæ,
 ut nuper dixi, sunt duæ; materia, & forma.
 Materia propriè dicitur, quæ formas recipit,
 siue à natura, siue ab arte proueniant. Est
 autem materia duplex, altera propria &
 vera, ex qua aliquid fit; altera non propria,
 sed translatitia & apparēs, & secundū simi-
 litudinē sic appellata. Propria aut est natu-
 ralis, aut artificiosa. Naturalis, vel simplex,
 vel composita. Simplex & impermixta, quæ
 naturales formas simplices, & elementorū
 & corporum simplicium species recipit, ab
 Aristotele *materia prima* vocatur. At com-
 posita ex quatuor elementis constat, quo-
 rum contemperatione omnia gignuntur,
 ut quatuor humorum elementa, partium
 similium humores, dissimilium similes,
 materia dici possunt. Artificiosa mate-
 ria est, ex qua artifex aliquid facit, ut pan-
 nus ex quo vestis fit, & lapis ex quo domus,
 & lignum ex quo arca. Huc referantur af-
 finia & similia, veluti virtus & consensus:
 nam ex virtute honor, ex consensu con-
 tractus oriuntur. Translatitiè quoque
 materia appellatur res subiecta, in qua ar-
 tes & scientiæ versantur, ut Medicina in
 corpore humano, Iurisprudentia in repub.

vd

vel actionibus ciuilibus & politicis. Forma est, per quam res vnaquæq; est & subsistit, atque habet, vt sit id quod est, & non aliud. Hæc duplex rursus est, naturalis & artificiosa. Naturalis, quæ & omnis motus principium est, & causæ efficientis rationem habet, aut simplex est, aut composita. Simplex, vt forma quatuor elementorum; composita, vt hominis & stirpis, & animalis. Hæ autem dicuntur compositæ formæ: non quòd ex pluribus formis constituentur (forma enim qualiscunque illa sit, vna est tantum & simplex) sed quod plurius & perfectiorum motuum, quàm simplex, principium sint. Plures enim actiones stirpes quàm elementa, animalia quàm plantæ, & homo quàm bruta, edere possunt. Artificiosa forma, est veluti statua æris; & certa verborum conceptio, ipsius stipulationis. Ab his igitur causis tum vniuersis, tum singulis, rerum differentia sumuntur; interdum etiam accidente proprio, vbi substantialis differentia deest vtimur. Proprium dico, quod cum re definienda reciprocatur; vt, homo est animal aptum ad ridendum & ad flendum. Hoc tamen inter proprium & differentiam interest, quòd proprium rem à re tantum di-

stinguit; differentia vero non solum distinguit, sed etiam naturam rei exprimit. Rursus, ab officio sic petuntur definitiones atque differentiæ; ut, medicus est artifex recte curandi vel tuendi sanitatē; vel, medicus est artifex reficiendi id quod deest, & recidendi id, quod superuacaneum est. unde *medicinam esse appositionem & detractionem* Hippocrates definiuit. ut, orator est artifex bene dicendi, & Iureconsultus de iure respondendi; & Consul, magistratus, qui consiliū rogantibus præbet, & ius dicere solet. Denique partes pro differentiis vsurpantur. Sunt autem partium aliæ substantiales, quæque rem statim constituunt, ut materia & forma; quibus similitudine respondent genus subiectum & finis in scientiis seu artibus. aliæ vero integrantes, ex materia & forma iam constantes. Et hæc aut sunt vniuersi modi & similes, hoc est, simplices, & eiusdem generis, nominis, rationis & naturæ, quæ quia vndique in sui similes partes diuiduntur, Græcis ὁμοιομερεῖς dicuntur, quales sunt nerui, caro & ossa. Omnis enim nerui vel ossis pars, nerui habet naturam & nomen. eademque aliarum partium est ratio. Aut non sunt vniuersi modi, sed diuersi nominis & naturæ, & ex
 simpli-

simplicibus ortæ, Græcis ἐν ποσὶ καὶ χερσίν, id est, multiformes & diuersi generis partes appellantur, quales sunt, pes, manus, oculi, quarum omnium partes nō pedes aut manus aut oculi dici possunt. Ab his igitur partibus hoc modo ducuntur differentiæ & descriptiones; vt, *Medicina est scientia salubrium & insalubrium, corporum, signorum & causarum*: vel, *Rhetor est artifex tractandi res ciuiles*: vel, *musculus est pars corporis ex neruis & carne consurgens, & lus ciuile, scientia tractandi res, personas & actiones*. Atq; hætenus de definitione eiusque partibus. Proximum est ab his, vt ad reliqua duo instrumenta aggrediar, nimirum diuisionem & resolutionem, quæ vt præcipuum in artibus & actionibus locum obtinent, ita & difficilioris sunt tractationis.

CAPVT XIV.

De diuisione.

Diuisionis igitur utilitas & excellentia non parua & exigua est, sed ad docendum & discendum accommodatissima, iuxta illud: *Qui benè distinguit, benè docet*. Nam ad scientiæ & artis tum actiuæ tum

T

factiuae perfectionem nō parum affert momenti, vt quæ sine confusione omnia in omni genere disciplinarum rectè & certo ordine collocet disponatque & dilucidè ac perspicuè, non aliter atque definitio, rem explicet, separetque ac reiiciat ea, quæ ad artem tractandam nihil attinent. Quò etiam pertinet, quòd à principiis exorſi, beneficio diuisionis, vniuersas artis partes inueniendo & speculando, ad finem tandem progrediēdo peruenimus, & memoria iam enumeratas collocatasq; ordine partes facilius retinemus. Iam verò diuisio dux est & ratio inueniendæ definitionis, vt scribit Aristoteles secundo Posterior. resol. cap. 18. & 19. itemque in primo lib. de Anima, vbi animæ definitionem diuisione adinuenit. Præterea cum definitio medium in omni demonstratione effestatuatur, ad definitionem autem diuisio sit utilis & necessaria, vtique nec demonstrationem sine diuisione constare posse indubitatum est. Huc accedit, quod neque resoluerè, neque componere sine arte diuidendi, rectè & utiliter possumus; quia resolutio & compositio quasi propagines diuisionis esse videntur; totaque adeò ars Dialectica, & omnia ad veritatem indagandam necessaria instrumenta,

menta, à diuisione oriuntur. Sæpe etiam multa nobis occurrunt, quæ etsi videantur esse vnum, tamen plura re ipsa sunt, quæ diuisionis ope nos separamus ac distinguimus. verbi causa: Si mihi occurrat substantia, eiusque conceptum, qui multiplex est, in animo formatum habeam. nunquam profectò exactè & bene illum intelligam, nisi substantiam diuidam, quæ multiplex est; diuidam dico tantisper, donec ad speciem indiuiduam substantiæ peruenero, in qua iubebat Plato nos quiescere. Ad extremum, diuisione omnes scientiæ ac disciplinæ vniuersæ constituuntur; maxime verò illæ, quæ in actionibus particularibus & indiuiduis, vt hæc nostra Iurisprudentia & medicina, versantur. verbi gratia: vt si propositum alicui sit, omnes eas scientias quæ quantitatis naturam cōtemplantur, inuestigare, & quot earum numero sint, inuenire, is ex diuisione quātitatis, facile id consequi poterit. Quantitas enim aut est continua, aut discreta. discreta, vt numerus. Numerus rursus aut per se, aut relatus cōsideratur. si per se spectetur, arithmetica gignit; si ad alium relatus, musica. Cōtinua aut est mobilis rei, aut immobilis; immobilis geometriā, mobilis astro-

nomiam parit. Quòd si vniuscuiusq; rursus membri, vtputa numeri, & reliquorum notiones compositas diuiseris, tandem illarum omniũ artium partes illico adinuenire eadẽ methodo poteris. Rursus, vocem quæ multiplex est, in suas formales differentias hac ratione diuidamus. Vocum alia sunt absonæ, alia consonæ. *Absona* est, quæ articulis caret, vt vox bouum, & brutorum animantium; *consona*, quæ habet articulos, vt humana. Hæc igitur vox aut est simplex, aut est cõposita: simplex, vt litera, *m*, vel *b*, vel *c*. Composita, vt syllaba, *be*. Rursus vocum compositarum alia nihil significant, alia significant aliquid. Quæ nihil significant, sunt syllabæ, vt *buf*, *baf*. Quæ significant, aut significant substantiam, aut qualitatem, aut modũ, aut tempus; quædam aliquid circumscribunt horum. Si igitur fuerit vox composita significans substantiam, nomen est; quæ tempus & modum, verbum: quæ circumscribũt, reliquæ partes orationis. Ex qua diuisione oritur ipsa Grammatica, eiusque partes. Quod si rursus huius vocis cõpositæ differentias amplius vestigare voluerimus, certè alias quoque disciplinas, quæ à voce dependent, vtputa Dialecticam, Rhetoricen, &

Poeti-

Poeticen, eadem diuisione adinueniemus: nam Dialectica voces compositas, id est, orationem, quæ verum aut falsum indicat; Rhetorica, quæ ad persuasionem; Poetica, quæ ad delectationem accommodata est, considerat. Hac nos diuisione & in superioribus sectionibus vsi sumus, cum non solum omnium habituum differentias, sed & prudentiæ partes vniuersas methodo produximus. Ex quo manifestum cuique esse potest, quomodo ex instrumento diuidendi, omnes artes ac disciplinæ earumque partes oriantur & emergant, quæque magnus eius sit vsus, præcipuè iis in scientiis quæ in actionibus consistunt, in quibus cum magna & plerunque confusa sit omnium commixtio, facile erratur, nisi in promptu sit tale aliquod instrumentum, ad quod quasi perpendiculum cuncta examinentur. Quapropter apud Platonem in Sophista & Philebo & Phædro, longa diuisionum laudatio extat, vbi tandem inquit Socrates: *Si nactus fuerit ducē, qui recte partiri sciat, se ipsius tanquam Dei vestigia secuturum; propterea quod, ut est facilis hac diuisio ad discendum, ita ad usum renocata est difficillima.* Vnde qui hanc artē negligunt, & prorsus ignorāt, illos putat esse viliores &

deteriores coquis, non diuidentibus a
 quam partem per suos articulos, sed potius
 lacerantib. & frangētib. Aristoteles quoque
 quod decimo Ethic. cap. primo, grauiter coar-
 guit priscos philosophos, qui de voluptatibus
 disputaturi diuisionē neglexerunt: te-
 statur enim ipsam non contemni, nisi à vi-
 ris indoctis, & ab imperita plebecula. Cur
 igitur tanta vtilitas nascatur ex diuisionem
 primū diuisionis nomen, & notio bre-
 uiter est explicāda: deinde quid ipsa sit, de-
 cendum. Diuisio igitur à Græcis appella-
 tur διαίρεσις, *ἡ ἀπὸ τῆς διαίρεως*, quod est, di-
 ducere siue discernere. Est ergo diuisio
 vt nomen indicat, nihil aliud, quàm diductio
 siue secretio. Secernitur autem & diuisio
 ducitur aut nomen aliquod multiplex, aut
 res composita. Nomen, vt vox ambigua,
 distinctas suas significationes. verbi causa
 Canis significat sydus cæleste, aut animal
 aquatile. & adoptio est qua principis aucto-
 ritate eos qui sui iuris non sunt, adoptamus,
 vel generale & commune nomē, quod
 & de arrogatione dicitur. Et hæc diductio
 propriè nominatur διαστολή, id est, disti-
 ctio, & nō resolutio, vt multi falso opina-
 tur: quia resolutio, vt paulò pōst dicam, est

exp

explicatio cōceptionis multiplicis, & composite notionis quasi evolutio. Porro diductio nominis non solum utilis, sed etiā necessaria, ne nominis ambiguitate delusi, vel in docendo vel in disceptando decipiamur, & à Sophistis incauti opprimamur. Conducit etiam ad perspicuitatē orationis, facitq; vt de re, nō de nomine, suscipiatur disputatio. Eorum autem quæ multis modis dicuntur distinctio, quemadmodū Aristoteles primo Topicorum scribit, sumitur à sex potissimum locis. Primus est *ab oppositis* (sunt autem opposita, contraria, affirmatio & negatio habitus & priuatio & relata) quoniam si vnum oppositorum multipliciter dicitur, alterum quoque multis modis dici necesse est. verbi gratia: Si iniustitia vox multiplex est, ergo & iustitia. Secundus sumitur à *casibus* & *coniugatiōe*: nam si nomen aliquod variis modis dicitur, & casum qui à nomine descendit, totidem accipi par est, & contrā: vt, si iustum multa significat, vel sanum, ergo & iustè & salubriter; iustè enim quis iudicare dicitur, vel quoad se, vel simpliciter; sic sanum, quod efficit sanitatem, vel quod conseruat, vel quod iudicat; quare & salubriter, tot modis concipitur. Tertius locus

440 PRINCIPIOR. IVRIS

est generum, cuius regula talis tradi potest:

*Quod si unius nominis significata in diuersis generibus seu pradicamentis reperiuntur, ipsum quoque multiplex esse; veluti, bonum, est vox æquiuoca, quia in edendo, refertur ad actionem; efficit enim voluptatem vel sanitatem: in iustitia, vel alia quauis virtute, quæ etiam bona sunt & dicuntur, ad qualitatem. Est etiam bonum tempore, vt occasio; & in relatione, vt tutela; itemque in quantitate, vt commensuratum & finitum; & sic in reliquis prædicamentis. Eadem ratio est si alicuius vocis contrariæ significationes, in diuersis generib. aut prædicamentis existant: nam ex tunc nomen quod illi vocis multiplici opponitur, variū sit oportet. Quartus locus est *compositarum rerum definitio*. exempli gratia: Canis dicitur de cælesti, & de animali quadrupede, & aquatico. Definiendæ igitur sunt hæ voces compositæ, & postmodum rescindendæ differentiæ, atque inter se comparandæ; quod si eadem sint, vox quoque simplex; si diuersæ, multiplex futura est, hoc pacto: Canis est sydus cæleste, per cuius accessum ad nos, magni calores in aere accenduntur. Canis vero terrestris, est animal quadrupes, domesticū, latrabile, aptum*

ad.

ad venandum. Aquaticus canis, est piscis marinus esui aptus. Demantur ergo iam voces compositæ & definite, conferanturq; inter se differentiæ; differentiæ autem sunt, *sydus celeste* calorem afferēs, & *animal quadrupes domesticum*, latrans, ad venationem aptum, itemq; piscis marinus esui aptus: hæc igitur differentiæ valde inter se dissident, nihilq; commune habēt: quare maximum indicium est, vocem hanc *Canis*, quæ de multis dicitur, multiplicem & compositam esse. Quintus locus in *comparatione consistit*. Etenim si vna eademque sit vox, quæ de multis enunciatur, illaq; omnia de quibus dicitur, inter se conferri, vel secundum magis & minus, vel æquale & simile nequeant, tum æquiuvoca sit ipsa necesse est: vt, acutum dicitur de sapore & voce, sapor autem nec eadem ratione, nec magis vel minus acutus est, quam vox, quare *acutum*, est vox composita. Vltimus inuestigandæ multiplicis loci à *diuersitate* sumitur, tum generum, quorum sunt differentiæ, tum differentiarum, tum etiam speciei & differentiæ. Cum enim diuersorum generū & non subalternatim positorum diuersæ quoque specie sint differentiæ, vt animalis & sciētiae, videre oportet, an ea quæ eodem

442 **PRINCIPIOR. IVRIS**

nomine significantur, diuersorum generū
& non subalternatim positorum differen-
tiæ existant; vt, acutum dicitur de voce, sa-
pore, & mōte: differt enim vox à voce, quòd
hæc acuta sit, illa grauis. Itemq; sapor à sa-
pore, & mons à monte. Quare acutum æ-
quiuocum erit, quia est differentia generū
diuersorū nec subalternatim positorū: alte-
rum enim ex substantiæ, alterū qualitatís,
tertium ex quantitatis ordine sumptum
est. Eadem est ratio differentiarū; quia si
illarū rerum, quæ vna voce continentur, di-
uersæ sunt differentiæ, vox quoq; multiplex
erit. vt, color dicitur de corpore, & oratione
Rhetorica: coloris autem in corpore diffe-
rentiæ sunt, congregatio & disgregatio ra-
diorum visualium. In oratione rhetorica
eiusdem coloris differentiæ reperiuntur di-
uersæ: color igitur significat plura, quia ea-
rundem rerum, eadem quoque sunt diffe-
rentiæ, quemadmodum diuersarum, di-
uersæ. Ad extremum, ad significata vo-
cis recurrere oportet, exacteque viden-
dum, an vna eius parte species, altera diffe-
rentia indicetur: fieri enim non potest, vt
species differentia sit, vel cōtra: vt, τὸ λευκόν,
id est album, apud Græcos est multiplex,
quia in voce differentia est, in colore spe-
cies.

cies. Hi ergo sunt loci ex quibus multiplicitas alicuius dictionis methodo inuestigari atque deprehendi potest, persequamur modò diductionem seu diuisionem rei. Huius differentia sumuntur à diuersitate rerum. Res enim alia sub intellectum, alia sub sensum cadunt; hoc est, rerum alia sunt sensiles, alia intelligibiles. *Intelligibiles res* sunt, vt genera & species, & simpliciter notiones & conceptiones mentis, quæ animo formantur. *Res sensiles* aut sunt accidentia, aut subiecta. Ex quorum membrorum complicatione, numerus diuisionis rerum ostenditur: nam diuidimus aliquando speciem indiuiduam in sua singularia; quandoque genus in suas species per veras & oppositas differentias, aut subiectum aliquod in substantia, quæ appellatur *totius diuisio in partes*: aut subiectum in accidentia, aut accidentia in sua subiecta, aut accidentia in alia accidentia. Speciei quidem diductio in sua singularia, rectius vocatur *enumeratio*, quàm *diuisio*, quia caret arte & methodo. Et quamuis utilis sit tum medicis tum philosophis, frequentius tamen vsurpatur ab Oratoribus & Poetis, itemq; nostris Iurecōsultis. Generis verò distributio propriè vocatur *diuisio*: in ea

444 PRINCIPIOR. IVRIS

enim omne id qđ vtile est, accipitur, quod inutile atq; superuacaneū, reiicitur. Porro, genus aut est *uniuocū*, aut *analogū*. *Analogū*, in quo partiū reperitur disparilitas: nā aliæ partes sunt priores, aliæ posteriores, alię nobiliores, aliæ ignobiliores. verbi causa: *Ens* analogicè dicitur de substātia & accidente: nam Substantia est *Ens*, & Accidens est *Ens*; sed prius cōuenit substātiæ, deinde Accidēti, quia Substātia est prior natura ipso Accidente; quinimo accidēs est propter substantiā *Ens*, quia pendet & nascitur à Substantia. Ad eundem modum anima est genus analogum rationalis, sensitivæ & vegetatiuę; quia primū dicitur de rationali tanquā nobiliori, postmodū de sensitiva, ad extremū de vegetatiua. Similiter natura dicitur analogicè de forma & materia. Itaq; hæc diuisiones omnes sunt diductiones generis analogi in suas species analogas: vt, *Ens* aut est substātia, aut accidēs. Anima aut est rationalis, aut vegetatiua, aut sensitiva: vel, natura aut est materia, aut forma. Sedenim in genere vniuoco species omnes sunt tempore pares, & æquabiliter sui generis, à quo deducūtur, participes. & hæc diductio maximè ppriè & verè *diuisi* appellatur. Fit autē duob. modis; aliquando .n. genus in suas species,

species, aliquando in differentias distribui-
mus. Species, vt adoptionē in arrogationē &
adoptionē; vel qualitātē in habitū, natura-
lem potentiam & impotentiam; passibilem
qualitatem, formam & figuram. In differ-
entias (quæ & vera diuisio est) vt, animal
in rationale & irrationale. Differentiæ vn-
de sumantur, prius dictum est. Itaque illæ
veræ sunt diuisiones, quæ habent differen-
tias essentielles, & à formis rerū ductas, velu-
ti est prior illa: & hæc, propositio aut est sim-
plex, aut composita. Itemq;, furtum aut est
manifestum, aut nec manifestū. Quoniam
autem paucae (vt sæpe antea monuimus)
sunt veræ quæ à formis ducuntur differen-
tiæ, idcirco illarum loco quandoque mate-
riam, quandoq; efficiens, interdum finem,
quandoque etiam effectum sumimus, velu-
ti cum actiones diuidimus in ciuiles & præ-
torias, efficiente causa vtimur; cum in per-
secutorias rei, & pœnales, & mixtas, fine;
cum in simplicis, dupli, tripli, quadrupli, vel
bonæ vel malæ fidei, forma; deniq; cum in
cas quæ persequuntur solidum propter pri-
uilegia competentia vel alias causas, effectus.
Sed in hac diuisione multa solent committi
errata, vt Aristoteles lib. i. de Partibus ani-
malium copiose scriptum reliquit. Hæc ta-

446. PRINCIPIOR. IVRIS

men inter reliqua magnopere sunt cauenda. Primum est, ne differentias longè diffitas, id est, mediatas accipiamus, sed proximas & oppositas, quales sunt, quæ ducuntur ab actionibus formarum, aliisve. Hæc enim non est perfecta diuisio: Substantia sentit, aut non sentit: vel, homines aut sunt liberi, aut serui: quia nō diuiduntur per proximas differentias. quare illi diuisioni nihil deest: Substantia est aut corporea, aut incorporea: &, hominum vel personarum aliæ sui iuris sunt, aliæ alieno iuri subiectæ: & harum rursus, quædam in potestate parentum. quædā vero in potestate dominorum. latius enim patet hæc diuisio altera illa, atq; idcirco præcedere debebat priorem: quem tamen ordinem Iustinianus non obseruauit. Quod si quis dixerit, eam ob causam Iustinianū Imperatorē personas hoc modo diuisisse, quod libertas sit iuris naturalis, seruitusque iuris gentium, patria autem potestas Iuris ciuilis tantum, is sciat se multum decipi. Etenim cum dicimus libertatem esse iuris naturalis, tum minime vt differentia alteram partem seruituti opponimus, sed potius vt habitum priuationi: nam seruitus naturalem libertatem adimit ac tollit. Igitur hæc diuisio hominum in seruos & liberos, de iure gentium intel-

intelligenda est: neque enim alii serui; alii liberi, iure naturali sunt, sed liberi omnes, serui autem nulli. Itaq; hæc personarum differentia tota est iuris gentium, ita vt libertas duplex sit; altera quæ à iure naturali inuēta & orta est, quæ omnib. conuenit; altera autē à iure naturali relicta, & iure gentium confirmata, ita quidem vt perinde se habeat ad posteriorem illam, quemadmodum materia ad formam, suntq; inter se æquiuocæ & homonymæ. Nā si quis exacte diuidere velit, ita faciat necesse est, nimirum corū qui iure naturali liberi sunt, alios in libertate illa iure gentium permansisse, & confirmatos esse, aliis autem eodē iure libertatem ablatā esse. Quare libertas quæ seruituti, vt differentia opponitur, & ex aduerso respondet, iuris gentium censenda est. De patria autem potestate, quod & illa simpliciter & natura sua sit iuris gentium, nemo qui vel minimum historiarum lectionē degustauit, ignorat: forma tamen & certa eius ratio, iure civili primum adinuenta est, quemadmodū & contractuū & multarū aliarum rerum. Alterum vitium quod fugiendū, illud est, ne sumamus differentias quæ cōtineātur intra species generis diuisi; veluti si animal diuidamus in foeminam & marem, quia mas & foemina,

448 PRINCIPIOR. IVRIS

siue vterq; sexus est accidens magis commune quam differentia : nam omnibus accidit, & terrestri, & aquatili, & volatili. Rectius ergo diuiditur *animal in terrestre, aquatile & volatile*. Rursus vitiosa diuisio est, si partiamur tutelam, in filiorum vel nepotum, quia in omnibus tutelæ speciebus id reperitur. E-contra bona est illa, si dicamus, tutelam aliã esse quæ ex testamento, aliam quæ ab intestato datur. Tertium diuisionis vitium est, si differentiæ sint accidentales & aduentitiæ vel communes, veluti si diuidamus stipulationem in Græcam vel Latinam : Græce enim vel Latinè loqui, ad essentiam stipulationis nihil momenti habet. Sæpe etiam fit, vt non oppositæ, sed disparatæ tantum in partiendo sumantur differentiæ, quod & ipsum reprehensione non caret. veluti si diuidamus res in communes omnium, publicas, vniuersitatis, nullius, & singulorum. Est enim similis simplici partium enumerationi, quæ nihil necessitatis in se continet. Illud etiam pro vitio apud autores haberi solet, si quis in diuidendo ad vltimam & indiuiduam speciem non descendat, sed tantum in vniuersalibus & generalioribus mēbris conquiescat : veluti si quis homines in seruos & liberos diuidat tantum, & iam vltimam.

timam se speciem adinuenisse existimet. Quare cum in liberis variæ adhuc reperiantur diuersitates, vtrique & illæ ex diuisione promendæ nobis sunt; nam horum alii ingenui sunt, alii libertini. Et libertinorū status rursus triplex est, *maior, minor, & mediū*, vt rectè Imperator annotauit. Deniq; illud fugiendum diuidenti est, ne existimet vnica diuisione vniuersum genus exhaustum esse, aut species alicuius generis reperiri posse. Quare ne quid omittatur, plures sæpe nobis instituendæ sunt diuisiones, cum vnica reperiri singula nequeant. Hanc legem seruauit noster Imperator in Institutionibus, maxime in titulo *de actionib.* & multis aliis in locis, vbi inuicem rem. sæpe variis partitionibus est persecutus. hanc à capite rursus repetitam diuisionem, Græci *ἑνδαίρεσις* appellant: differunt enim inter se, *δαίρεσις*, *ἑνδαίρεσις*, & *ὑποδαίρεσις*. quia *δαίρεσις* est prima & principalis alicuius rei vel generis in suas species per oppositas differentias dissolutio. *ὑποδαίρεσις* est iam factæ diuisionis vel speciei alicuius, quæ ex primaria diuisione resultat, subdiuisio. *ἑνδαίρεσις* autem est altera principalis, seu iterata eiusdem rei vel generis partitio. verbi causa:

διαίρεσις est, cum homines diuidimus in seruos & liberos. *ὑποδιαίρεσις*, cum liberos in ingenuos & libertinos. *ἐκ διαίρεσις*, cum homines in sui & alieni iuris personas secamus. Qui igitur in diuidendo ratione progredi nititur, is hæc multa; alia fugiat vitia necesse est, de quib. dicere nunc supersedeo; quia postulat hæc res methodum peculiare, & longiorem orationem, quandoquidem est perdifficilis & obscura, in qua sæpe, vt fatetur Aristoteles primo de Partibus animalium libro, Plato philosophiæ princeps hallucinatus est. Redeo igitur ad rem propositam. Dixi res sensiles esse duplices, subiecta & accidentia. Subiecta igitur diuiduntur in alia subiecta, cum secatur totum aliquod in suas partes. Partes autem sunt duplices, alia essentialia, hoc est, substantiam & essentialiam rei constituentes, & alia integrantes. In essentialia partes diuidimus tum, cum elementum in materiam & formam, aut hominem in animam & corpus partimur. quam partitionem imitatur illa, quæ mente & cogitatione fit, videlicet propositionis alicuius in terminum subiectum & prædicatum, vel syllogismi in propositiones præmissas & conclusionem. Integrantes aut partes sunt, vt in homine caput, thorax &

& venter inferior: in arbore, radix, caudex, rami, folia, flores. quanquā de foliis & floribus plerique diuersum sentiant, videntur enim potius esse extremēra, vt pili in homine, quā veræ partes. hoc genus diuidendi nuncupatur propriè partitio, quam Græci *αἰσθητὴν* appellāt. Diuidimus etiā subiectū aliquod in sua accidentia. dicuntur autem accidentia, quæcunque alieni sunt generis à re subiecta. Quoniam autem nouem sunt genera quæ de altero dicuntur, nouē quoq; erunt diuisionis subiecti in accidentia, differentiarū. Aut, n. diuidimus subiectū *in quantitatem*: vt, animal aliud est bipes, aliud multipes; & hominū alii sunt magnæ, alii parvæ staturæ. Aut *in qualitatem*: vt, animalium alia sunt fera, alia māsueta: vel, hominū alii sunt probi, alii improbi. Aut *in relationem*: vt, homines alii sunt liberi, alii serui. Aut *in passionem*: vt, animalia alia sponte, alia à patre generantur. Aut *in actionem*: vt, animatum corpus aliud sentit, aliud non sentit. *In tempus*: vt, flores alii æstate, alii autumnō, alii hyeme nascuntur. *In locum*: vt, animal aliud in aquis, aliud in terra, aliud in aëre degit. Aut *in situ*: vt, animalia alia prona, alia rectā incedunt. Aut *in habitum*: vt, animalia vel pelle vel testa teguntur. Super sunt alii duo diuisionis modi, qui in nostro Iure

452 PRINCIPIOR. IVRIS

ciuili sunt frequentes & vsitatissimi, cum videlicet diuidimus accidentia in accidentia, vel accidentia in sua subiecta. Ad accidentis enim in accidentia diuisionem referuntur omnes ferè actionum, & obligationum, poenarum, delictorum, magistratuũ, & cæterarum pene rerum omnium diuisiones. Ad accidentis in sua subiecta diuisionem pertinet illa, cum diuidimus actiones in rem vel personam; & sanitatem, in similitum & dissimilium partium bonam affectionem; & candorem, in albedinem niuis, lactis, cerusæ & eboris. Sunt igitur variaz rerum diuisiones, propter varios & diuersos hominum diuidentium scopos atq; sententias: alii student finem ostendere per diuisionem, alii autem modum (modum dico aut contemplandi, aut agendi) alii materiam, alii instrumenta, & alia id genus plurima.

CAPVT XV.

De resoluendi instrumento.

ATque hactenus quidem de diuisione seu instrumento diuidenti: persequamur modo instrumentum resoluendi, quod superiori est proximum & cognatum, atque
ita

ita simile, vt multi alterum ab altero, quo discrimine separentur, intelligere non poterint, ob idque sæpe confundant; etenim vtrunque versatur in progressu, inter vniuersalia & particularia, vnamque rem partitur vel diffundit in multa. Multum tamen inter hæc duo interest: quia ex diametro opposita est resolutioni diuisio, duab. potissimum de causis; altera quidem, quia diuisio vtitur contrario progressu quam resolutio, quia diuisione reperitur genus inferius, resolutione superius: nam resolutio exordiū sumit à particulari aliquo composito, illudque reducit in suas causas proximas, & has rursus in alias atque alias, tantisper, donec ad vltimum aliquod principium, illudque primum, quod in alia resolui minime queat, peruentum sit, quod vel contemplatur artifex, vel ad actionem & opus postmodum reducit. Sed diuisio non resoluit particulare aliquod in suas causas, sed potius vniuersale in suas species atq; differentias; qui progressus est priori valde contrarius. Quemadmodum autem progressus inter se sunt contrarii, ita etiam termini horum progressuum inter se sunt oppositi: principium enim resolutionis est ipsum particulare, finis vniuersale; at diuisionis principium est ipsum

454 PRINCIPIOR. IVRIS

vniuersale, finis vero species infima & res indi-
 uidua. Altera vero huius diuersitatis cau-
 sa est, quia diuiditur id, quod etsi apparet ef-
 se vnum, reuera tamē in se est multiplex; vt,
 substantia, corpus, animal, obligatio, actio.
 Hæc quidem sunt multiplicia, idcirco diui-
 sione explicantur & diducuntur in suas sub-
 iectas species & indiuidua, per oppositas dif-
 ferentias. Resoluitur autem quod apparet
 multiplex, quia est confusum, sua tamen
 natura est vnum; qualis est notio seu conce-
 ptio finis alicuius confusa quæ potius expli-
 catur, quàm diuiditur, per causas & principia
 vltima: vt, homo est natura quædam com-
 munis, & notio quædam formata ex omni-
 bus singularib. hominibus: hæc igitur no-
 tio vt intelligatur, debet resolui in suā sim-
 plicitatem. *Simplicitatem* voco principia il-
 la, quæcunq; illi sunt attributa ordine quo-
 dam. verbi causa: iure resoluitur homo in
 mortalitatem, rationem, animal, corpus &
 substantiam. Substantia autem est simpli-
 citas illa in quā vniuersa resolutio decum-
 bit. Quemadmodum autem diuisio oppo-
 nitur resolutioni, ita etiam reliquis duobus,
 demonstrationi nimirū & definitioni. De-
 finitioni quidem, quatenus quod definitio
 contractum proponit, ipsa in partes dissol-
 uit,

uit, & omnino posterior est ipsa definitione. Demonstrationi vero, quia demonstratio plura in vnum componit, & passionem suo generi subiecto iungit: diuisio autem ea rursus diuidit, & in plura dissecat. Resolutio igitur seu instrumentum resoluendi est quoque multiplex & homonymum, vt & tria priora instrumenta; alia enim est finis & effectus in suas causas, alia causarum in suos effectus & fines; vtraque maxime utilis & necessaria, non tantum philosophis & medicis, sed etiam Iureconsultis & cæteris artificibus, qui proposito fine eiusque notione, speculando vel consultando illum resoluunt in sua principia vltima. Vltima dico, quæ in alia non queunt resolui: & hoc instrumentum ordini resolutiuo est simillimum; quinimò ab hac specie ordo resoluendi & nomen & originem traxit, & progressus à fine ad principia est idem in vtroque. In eo tamen differunt, vt antea quoque dictum est, quod ordo est dispositio partium totius alicuius scientiæ vel artis. Instrumētum autem resoluendi in ipso ordine velut vis quædam & methodus continetur; atque idcirco à recentioribus Græcis hoc instrumentum resoluendi, plerunq; *via*, plerunq; *methodus resoluendi* dicitur. Porro autem resolutio

effectuum in suas causas, propria & maximè peculiaris est medicorum & philosophorum, qui cum principia & causæ rerum obscuræ sint, & nos plerunq; lateant, effectus autem ante oculos positi & conspicui omnib. conantur methodo seu instrumento hoc inuenire prima elementa & principia rerum, iisque inuentis vel contemplari ortus & generationes rerum, vel remouere, vt postmodum tollantur illarum causarum effectus, qui inde fluunt & gignuntur. Iureconsulti raro hoc genere vtuntur, propterea quod existimant causas suorum effectuum esse politicas & morales & in communi vsu ac vitæ consuetudine positas, nec magna ob id inquisitione indigentes. Vt autem res exemplis patefiat, sic habeto. Medici cum volunt remouere febrem ardentem, quam *causam* appellant, sic eîus causas inuestigant. Febris est quoddam incendium. Incendium autè non excitatur à calore natiuo, qui benignus est & blandus, sed ab acri & mordaci; mordax autem fit propter magnā putredinem. Putredo oritur, quia prohibetur transpiratio seu ventilatio; quia compressus calor cū nequit libere ventilari, rapit alimentū suum ad putredinem. Inhibetur porro ventilatio propter obstructionem meatuū in corpore.

Quod

Quod autem obstruit, peccat aut quantitate, aut qualitate. Quantitate, ut abundantia humorum; qualitate, ut humorum crassitie vel lentore. Crassitie, quia cum non possint liberè excuti, obstruunt; tenacitate, quia suo lentore adhærescit, & propter hanc pertinaciam locus obstruitur. Hoc igitur modo, & hac mirabili gradatione, febris, quæ est effectus, resolvitur à medicis in causas proximas atq; principia vltima, ut cognitis iis à corpore humano arceatur atq; tollatur. Etsi autem nostri Iureconsulti hac specie resolutionis raro utuntur, est tamen & ipsa utilis & accommodata ad docendum & inuestigandum res ad cōstitutionem seu essentiam alicuius necessarias. verbi causa: si propositum nobis sit inuenire essentiam & substantiam nuptiarum seu matrimonii, hoc modo progrediendum erit; atq; initio quidem statuendus matrimonii finis; finis autē nuptiarum vel matrimonii nullus alius est, quam propagatio sobolis, & societas vitæ, ut hac humano generi (quemadmodum Imperator in *constit. de iis qui nup. iterant*, ait) quadam veluti arte conquisita immortalitas inducatur, & nos pro sapia filiorum procreatione renouata, in perpetuum viuamus ac duremus. Ut autem procreatio sobolis habeatur omnino,

V

procreatore seu genitore, & ex quo soboles
gignatur seu procreetur, hoc est, mare & fœ-
mina opus est. Porro soboles procreari non
potest, nisi vterque & mas & fœmina apti
sint ad generandum & procreandum. Sunt
autem tum demum apti & idonei cum de-
bitum & idoneo tempore & ætate coniūgun-
tur. Debitum & idoneum tempus est pu-
bertas, quam natura nemini ante decimū-
quartum in masculis, vel duodecimum in
fœminis tribuit. Eademq; natura simul in-
generat magnam quandā illecebram amo-
ris erga eos qui procreantur, vt non tantum
ea quę genita sunt, esse, sed bene quoq; & fe-
liciter esse atq; viuere, omniaq; quę nō mo-
do nobis, sed & coniugi & liberis suppedi-
tent ad vitæ cultum, adesse cupiat: quibus
comparatis, & idoneè constituta re familia-
ri, tum demum de vxore cogitamus & libe-
ris. nec est fere quispiam, qui maritus & pa-
ter esse velit, antequā bene parata & instru-
cta habeat ea, quę adsint ad vsum futurę fa-
milix necessaria. Tempore igitur commo-
do & opportuno, atq; ætate ad generandum
apta, in matrimonio opus est. Porro autem
omnis procreatio sine coniunctione maris
& fœminæ debitæ ætatis, non fit, atque id-
circo cohabitatione & consortio quodā in-
diget.

diget. Coniunctio aut vaga est & incerta, ut bestiarum; aut certa & legitima. Vaga & incerta ad usum matrimonii, ad propagationem sobolis, ad retinendam amicitiam ac familiaritatem nihil conducit, propterea quod coniunctio citra amorem non fit. Vnde natura mutuum quendam amorem tam viro quam uxori ingeneravit, quo se inuicē complecterentur. quod autem amamus, id volumus esse nostrū, & quidem totum nostrum; quare ut cum ea iucundissime & ardentissime, quam diligimus & amamus, atque sine rivali (cū socii impatiens omnis amor sit) viuamus, nemo nō suam, natura duce, habere cupit. Adhæc cum matrimonii finis sit procreatio sobolis aut prolis, eiusdēque tum nutritio tum educatio, cura & fides atque disciplina, fit ut filii neque educari, neque etiam generari valeant, nisi certi sint, ex quibus gignantur parentes. generari quidem, quia fornicatio & vagus concubitus, ut cuique patet, non ad generationem, sed ad explendam animi & corporis libidinem, more bestiarum, apta partui est. Educare verò, quia tam matrem in nutrienda, quam patrem in educanda prole sollicitum esse oportet. Educare autem & instituere nō possunt, nisi suos esse intelligāt. Intelligunt esse suos,

vxore maritus vtatur necesse est. Et quamquam hæc coniunctio inter certa esse debeat, non tamen eam inter quasvis personas, prudentes legislatores contrahendam existimauerunt, sed quasdam nuptias ipsa instigante natura rectaq; ratione prohibuerāt: veluti inter parētes & liberos, siue proximos, siue vltioris gradus sint, vsq; in infinitum: tum quia ab huiusmodi coniunctione pudore quodam naturali. & homines & bruta animantia, teste Imperatore in *tit. de incest. & nefariis nuptiis*, Nouell. 12 abhorrent: tum quia, vt Plato ait, si permitterentur, ex discrepantium ætatum cōiunctione nimium imbecilles partus ederentur; parentū enim iam prouecta ætas, adolescentulorum matrimoniis haud bene conueniret. Neque solum inter parentes & liberos, sed & alios affinitate vel cognatione sibi iunctos quædam matrimonia coerceri placuit. Primum quidem, ne semina & cognationis nomina confunderentur, idemq; fiat & frater & pater, eiusdemq; sit vxor & mater: deinde vero, ne familiæ afficerentur iniuria, deniq; vt hominum inter se familiaritas ac necessitudo quam latissime spargeretur. Eorū enim qui respub. instituerunt, hoc vnum semper studium fuit, vt magna & arctissima ciues suos

amicitia inter se conciliarent: quoniam autem nullum vinculum ad stringendā fidem arctius est eo amore, quē quisq; nostrū habet in suum genus, ob id consanguineorum nuptias, magna imposita pœnalis qui contra facerent, prohibuerunt, quo alienis sibi sociandis, istum cognatorum inter se amorem quamplurimis cōmunicarent. Sunt & nuptiis impedimēta interposita, vt peregrinitas, & conditio vitæ, de quibus nostri Imperat. sacratissimæ leges nonnullæ extant. Patet igitur coniunctionem hanc cōiugum nō tantum certam, sed & legitimam esse oportere. Porro autē vt propagationi & educationi liberorum, itēque societati coniugum, quoad eius fieri posset, consuleretur, idcirco non momentaneam, sed firmam & perpetuam, & vt nostri loquuntur, *indivisiuam*, voluerunt legislatores hanc esse coniunctionem atq; vitæ consuetudinem, quæque non nisi morte, aut secundum præcepta legum facto diuortio dirimeretur: ex hac enim diuturnitate ac perpetua conuersatione futurū esse conspexerunt, vt & liberi plures gignerentur, & ex nobis nati iam facilius & maiori fide atq; diligentia educarentur, instituerenturq;. Denique & coniuges ipsi inter se tutius & commodius, tam prospera quam

quam aduersa, diuina & humana iura inter se communicarent, vitamq; tranquillio- rem & honestiorem traducerent. Iam vero quia hæc coniunctio & consuetudo vitæ nihil aliud est, quam societas quædam, omnis aut societas citra consensum non ineatur, idcirco matrimonium consensu eorum qui contrahere cupiunt, constitui par est, maxime cum nulla alia res ad custodiendam & firmandam pacem ac tranquillitatem aptior sit, quam animorum & voluntatum inter se conspirantium coniunctio. Ex hac igitur breui resolutione, matrimonii seu nuptiarum essentia & causæ & principia sunt adiuuenta, quæ sibi inuicem iuncta eius definitionem continent. *Matrimonium enim est maris & feminae legitima coniunctio, in diuinam vitam consuetudinem continens.* Eadem ratione omnes effectus in Iure ciuili, sicut & in cæteris artibus, ad sua elementa diduci possunt; quæ tamen docendi ratio nostris plane est ignota: eam enim si intelligerent, non tantum felicius Iuris præcepta iuuentuti proponerent, sed etiam Iurisprudentiam methodo doceri posse proculdubio animaduernerent. Sed ad rem propositam reuertamur. Altera resolutionis species est, cum finem aliquem resoluiamus seu diducimus

464 PRINCIPIOR. IVRIS

in suas causas, quæ eadē est cum priori quoad progressum & modum ratiocinandi; exigitur enim per seriem & repetitionem principiorum & causarum. Sed in eo differt, quod hæc à fine, illa ab effectu exordium sumit. Huius posterioris resolutionis exempla, cum de ordine resolutionis differerē, quo, qua ratione vniuersa artis capita inueniri debeant, perspicue exposui. Exemplo tamen ex iure nostro desumpto, nostris pragmaticis familiari rem illustrabimus. verbi causa: Sit mihi vendita res aliqua, & nondum à venditore tradita; hanc igitur rem cupio mihi acquirere, & meam esse; hic enim esto finis, quem sic resolvimus. Acquiritur nobis res, aut consentiente aut inuito aduersario: consentiente, si rem venditam ipse tradat: inuito, aut vi, aut officio iudicis. Si igitur acquirendam officio iudicis existimamus, certe iudici executio facienda est. Executionem autem facere nō potest iudex, nisi sententiam prius dixerit, mihi que rem adiudicari. Sententia fertur de re controuersa inter actorem scilicet & reum: controuersia ergo aperienda est. Aperitur autem probatione contractus venditionis: quæ sumitur à fide instrumentorum vel testium. Quoniam vero probatio, alicuius rei probatio est,

est, idcirco prius id proponendum nobis est, quod probare intendimus. Proponimus autem causam seu accusationem iudici; accusatione igitur prius opus est. Sedenim accusare non possumus, nisi aduersarium initio in ius vocemus. vocandus ergo à ministro, & citandus primo reus. Et hoc pacto resolvitur finis in suas causas, & prima principia, à quib. incipit actio: nam initio citatur reus, deinde proponitur iudici accusatio, voce vel libello, mox producuntur probationes, his auditis fertur sententia quam sequitur executio. Tertia resolutionis species est quæ vititur contrario progressu, quam priores illæ de quibus modo dictum est; nanq; causas & principia reducit in suos effectus, quã quoq; imperiti aliqui philosophi & medici cōfundunt cum ordine compositiuo, cum tamen eodem modo differat & distinguatur, vt ordo resolutiuus ab instrumento resoluendi: nam quemadmodum prima species continetur in ordine resolutiuo, ita secunda continetur in ordine cōpositiuo, vt propria via: & vt ordo compositiuus opponitur resolutiuo, ita prima species opponitur secundæ. Sunt etiam qui postremam speciem non separant à diuisione, sed vehementer errant; quia diuisio est instrumētum diuidendi ge-

466 PRINCIPIOR. IVRIS

nus per differentias oppositas atque proximas. Hęc vero resolutio est instrumentum dissoluendi & reducendi causas & principia in suos effectus, nec opus habet differentiis oppositis, sed sola causarum in suos effectus repetitione. Ne lōgius progrediamur, pleuritis apud medicos, hoc est, dolor lateris, resoluitur in difficultatem spirandi, in tussim, in febrim continuam, & dolorem pungentem latus. Horum omniū effectuum causa est pleuritis. Sic apud Iureconsultos, incestæ nuptiæ & nefariæ efficiūt ne habeantur pro vero matrimonio, nec vocentur ii, qui contraxerunt, mariti & vxores, itemq; nec dos nec donatio propter nuptias debeat, neq; liberi ex iis geniti sint in potestate parētum, cum neque legitimi, neq; naturales, sed incestuosi sint, ideoq; paterna hæreditate & alimonia secundum Ius civile indigni. hi enim effectus omnes fluunt ab incestis nuptiis. Hęc resolutionis species Iureconsultis est quidem valde vsitata, sed eius vis & ratio non probè & fatis intellecta: est enim non minus artificiosa quàm prior illa, si quis recta & perpetua quadam disquisitione effectuum à suis causis proficiscentium in ordine vti velit. Et hi sunt tres ordines, quatuorque instrumenta, quibus solent inueniri at-

que

que doceri omnes artes & disciplinæ. Superest modo, vt quemadmodum de vsu & præstantia ordinum diximus, eadem ratione de instrumentorū dignitate, breuiter nonnulla differamus, ipsaq; inter se conferamus; deniq; illorum vsum, & quæ disciplinæ his omnibus aut aliquibus potissimum vtantur, paucis explicemus.

CAPVT XVI.

De vsu instrumentorum, & quomodo disciplina his vtantur.

QUod igitur ad primū attinet, illud statuendū est, quod & Eustrat. Aristot. interpret. 2. post. Analyt. innuere sentireq; videtur, inter hæc quatuor instrumenta primū locum sibi vēdicare definitionem; quia definitio, vt antea dictū est, aperit substantiam & naturam alicuius rei, ex qua postea fluunt proprietates & passionēs. quare si substantia dignior est proprietate & accidente, dubio procul instrumentum cognoscendi substantiam instrumento inuestigandi accidentia nobilius & excellētius esse necesse est. Est aut instrumentū vestigādi accidētia, demōstratio: definitio igitur demōstratione p̄stātor. Deinde definitio est causa & quasi anima

468 **PRINCIPIOR. IVRIS**

totius demonstrationis; quia, vt Aristoteles in Anal. docet. est medium per quod in demonstratione conclusio colligitur. Huc accedit, quod cognitio per definitionem est certior & firmitior, quam per demonstrationem acquisita, & à nobiliori quoque animæ facultate apprehenditur; quia definitio cognoscitur citra discursum rationis, seu ratiocinationē. quinimo est firmum & perpetuū omnis ratiocinationis principium. Demonstratio tota in inquirendo & cogitando posita est: atq; vt definitio à mente, quæ animæ potissima pars est, ita demonstratio à cogitatione, quæ mente inferior est, dependet. Itaque principatum ratio concedit definitioni; hanc sequitur demonstratio, quippe quæ ex definitione oriatur: reliquæ duæ, diuisio nimirum & resolutio; quia prioribus seruiunt, ministræ & auxiliares statuendæ sunt. Etenim diuisione non tantū genera infima, sed & differentiæ, ex quibus definitiones fabricantur, inueniuntur. nam cum genera cōmunia & indefinita sint, assumit illa diuisio, atq; propriis differentiis distinguit, idoneaq; ad formādam ex his definitionem efficit; ex his ita elaboratis, definitiua methodus conuenienti ordine & compositione adhibita, definitiones conficit. Eodē modo resolutiua

mc-

modus, ab indiuiduis ad specialissima ascēdit, & ab his ad superiora genera, semperq; inferiorum communia inquirat, & hæc inuenta definitiuæ suppeditat, quæ deinde ipsa definitiua accipiens conuenienterque & concinnè coniungens, ex his quidem quæ singularibus sunt communia, specierum definitiones fabricat: ex iis vero quæ speciebus, generum definitiones constituit. atq; vt prior resolutionis species maximè ad inueniendam definitionem, ita posterior ad fabricandam demonstrationem conducit. Cùm enim demonstratione proprietates & accidentia de rebus subiectis probentur, ad has autem inueniendas necessaria sit posterior, vt antea dictum est, resolutio, quis nō intelligat huius in demonstratione maximum vsum esse oportere? Porro autem an diuisio investiganda definitione resolutioni præferenda sit, hoc loco explicare superuacaneum existimo: est enim quæstio satis difficilis, & à maximis viris, Aristotele nimirum & Platone, in vtraque partem probabiliter disputata; proinde de altero illo, hoc est, de vfu istorum instrumentorū, quæ disciplinæ singulis his commodè vrantur, breuiter dicendum est; neque enim omnes artes ac disciplinæ passim quibuslibet vtuntur.

tur; quia aliæ diuisione & resolutione, aliæ definitione & demonstratione magis gaudent. Sunt etiam nonnullæ quæ demonstrationem vel omnino, vel certè rarò admittunt. Nam disciplinarum aliæ in cognitione, aliæ in actione positæ sunt. Quæ in cognitione & contemplatione rerû versantur, habent præcepta seu theoremata necessaria & vniuersalia; vt mathematicæ, & tota physiologia. In his igitur principatum obtinet ipsa demonstratio, quia demonstratio est syllogismus & ratiocinatio pariens scientiã; scientia autem est rerum necessariarum & vniuersalium, quæ aliter se habere non possunt. Demonstrationi adiungenda est definitio; quia definitio, vt nuper dicebam, principium & medium est in demonstratione; omnesq; scientiæ antequam demonstrent, prius definiunt: quod in mathematicis præcipuè ostendi potest. Demonstratio igitur & definitio propria sunt instrumenta scientiarum. Quæ verò disciplinæ in actione & operatione positæ sunt, ad artem & prudentiam pertinent; hæ non sunt rerum necessariarum, sed contingentium, quæ non eodem modo semper habere se cōsueuerunt; veluti sunt res & actiones particulares & indiuiduæ. Ad opera autem effici-

efficienda, & peragendas actiones, summo-
pere utilis ac necessaria est diuisio atque re-
solutio; vtraq; enim methodo in his opus
est: cum enim quandoq; genera reperiatur,
quæ cum multiplicia sint, & diuisionē non
admittant, resolutione tamen in sua prin-
cipia atq; elementa diduci possunt: ad hæc
multa non bene resoluuntur, quæ commodius
diuiduntur. Vnde Galenus nono De placi-
tis Hippocratis & Platonis libro, & Plato in
Philebo, duo hæc instrumenta medicis af-
firmarunt esse necessaria: quia & medicina
ars est, & versatur in actione particulari,
quemadmodum nostra Iurisprudētia. Cur
autem ad opera artis & actiones prudentiæ
maxime vtilia & necessaria sint hæc duo in-
strumenta, duplex ratio afferri potest. Pri-
ma est, quia artes & disciplinæ, quæ sunt re-
rum particularium, omnes in electione
eorum quæ meliora, & reiectione seu re-
pudiatione eorum quæ deteriora sunt, con-
sistunt. Electio autem fieri non potest si-
ne iudicio, iudicio discernim⁹ rē à re, quod
fit ratione & intelligentia. quare si eligere,
si iudicare volumus, prius ea quæ eligenda
sunt & iudicanda cognoscim⁹ necesse est. co-
gnoscere verò nō possumus, nisi pri⁹ ea, quæ
multiplicia sunt, diuidam⁹, vel in suas cau-

472 PRINCIPIOR. IVRIS

fas, principia & elementa resoluamus. habita enim resolutione seu diuisione ista, prompti efficiamur ad agendum seu efficiendum opera artis & prudentiæ. Atque hæc diuisio ac resolutio nihil aliud est, quàm consultatio; & omnis, vt Aristoteles in lib. De moribus ait, consultatio est inquisitio & resolutio, qua ars & prudentia nititur. Altera ratio est, quia actio artificis suscipitur de re particulari & indiuidua, non quidem fortuito & casu, sed cum ratione, quæ est rerum vniuersalium. Nam artifex cum insitas habeat notitias & præcepta vniuersalia, in actione postmodum & opere illa applicat ad particularia. quæ applicatio rationatione perficitur. Porro nulla methodus huic applicationi seu adiunctioni inseruit præter resolutiuam & diuisiuam. Diuisiua enim ab vniuersalibus progreditur vsque ad particularia, & indiuidua; resolutiua vero ab his ascendit ad prima eorum principia, causas atque elementa. Atq; ista quidem est ratio; cur veteres Iureconsulti, & Iustinianus noster in tradenda Iuris arte potius diuisione & resolutione, quàm demonstratione atq; definitione vsi sint. quàmquam non negauerim, & in artibus & Iure civili his instrumentis quandoque locum esse

esse posse, quemadmodum & resolutioni & diuisioni in scientiis: non enim singulis disciplinis singula adiudicamus instrumenta, sed quæ magis his illisve familiaria sint, ostendimus: nam & iureconsulti & medici suas habent demonstrationes & definitiones, si præcepta & vniuersalia artis theoremata spectes, non tamen ita firmas & perpetuas, ut quandoque subuerri non possint & cum ad actiones se conferunt, tum resolutione & diuisione ut plurimum utuntur. Hinc est quod Vlpianus dixit, omnem definitionem in Iure civili periculosam esse: rarum enim esse, ut subuerri non valeat: de quo postea fusius dicetur.

CAPUT XVII.

*Ius civile non minus quam alias
artes methodo doceri posse.*

EX his igitur perspicuum est, quid sit methodus, & quæ eius sint partes, quot ordines atque instrumenta, quis eorum usus & utilitas, dignitas & præstantia. denique quæ unicuique scientiæ & arti potissimum familiaria & utilia; quibus omnibus explicatis facile perspicui poterit, id quod initio

quærebatur, *utrum videlicet Ius nostrum ciuile ordine & methodo conscribi decerique, an vero nullis artis finibus circumferibi, sed fortuito disci tantum pesset ac debeat.* Hoc igitur nunc demonstrandum, & aperiendum nobis est. Atque ut ordine ista progrediatur disceptatio, initio quæ nostra hac de re, & veterum fuerit sententia breuiter explanata, quæ ab aliis deinde contra hæc afferri solent, pro virili confutabimus. Existimo igitur, ut & multi alii viri docti, Ius ciuile nostrum non minus quàm ceteras artes disciplinasve ordine doceri, & ad scientiæ seu artis normam redigi posse. Cui sententiæ in primis ad stipulari videtur M. T. Cicero, qui libro primo de Oratore sic scribit: *Omnia fere, quæ sunt conclusa nunc artibus, dissipata & dispersa quondam fuerunt, ut in Musicis numeri & voces & modi: in Geometria, lineamenta, forma, interualla, magnitudines; in Astrologia, calicōuersio, ortus, obitus, motusque syderum: in Grammaticis, Poetarum pertractatio, historiarum cognitio, verborum interpretatio, pronunciandi quidam sonus. In hac denique ipsa ratione dicendi, excogitare, ornare, disponere, meminisse, agere, ignota quondam omnibus & diffusa late videbantur.* Adhibita est igitur ars quadam

extrin-

extrinsecus ex alio genere quodam, quod sibi totum Philosophi assumunt, quæ rem dissolutam diuulsamq; cōglutinet, & ratione quadam constringeret. Sit ergo in Iure civili hic, legitima atq; vsitata in rebus causisq; ciuium æqualitatis conseruatio. Tum sunt notanda genera, & ad certum numerū paucitatemque reuocanda. Genus autem id est, quod sui similes communione quadam, specie autē differentes, duas aut plures cōplectitur partes. Partes autem sunt, quæ generibus ex quibus emanāt, subiiciuntur: omniaque quæ sunt vel generum vel partium nomina, definitionibus quam vim habeant, est exprimendum. Est enim definitio earum rerum, quæ sunt eius rei propria, quæ definire volumus, breuiter & circumscripta quadam explicatio. Hisce ego rebus exempla adiungerem, nisi apud quos hac haberetur oratio, cernerem nunc complectar, quod proposui, breui. Si enim aut mihi facere licuerit quod iam diu cogito, aut alius quispiam, aut me impedito occuparit, aut mortuo effecerit, ut primum omne Ius civile in genera digerat, quæ per pauca sunt; deinde eorum generum quasi quadam membra dispertiat, tum propriam cuiusque vim definitione declaret, perfectam artem Iuris civilis habebitis magis magnam atque uberem, quàm difficilem & obscuram.

Atque ex his Ciceronis verbis perspicuè apparet, iuris ciuilis præcepta, quæ longo negotiorum usu, & rerum publicarum administrationibus obseruata sunt, & ab hominibus peritis animaduersa ac notata, non tantum verbis posse designari, generibus illustrari, partibus suis distribui, & vt semel dicam, artificio quodam conscribi, sed etiam id à se sæpe fuisse cogitatum atq; tentatum, cum nihil in natura rerum, siquidem cognitionem & intellectum hominis nō subterfugiat, reperiatur, quod ad artem redigi nequeat, si ille prius qui illa tenet, quorum artem institutere vult, habeat illam scientiam, vt ex iis rebus, quarum ars nondum sit, artem efficere possit. Nam & Iuris prudentia superiores & inferiores paresque dignitate discipline, cum antea dispersæ, ac partibus suis diuulsæ & dissipatæ essent, nec à quoquam perfectè cognitæ, ad extremum tamen conglutinatæ, cōpactæ, & methodo quadam colligatæ atque conscriptæ fuerunt. Artem medicam ab Æsculapio, qui in numerum deorum relatus est, vtcunq; ad inuentam Hippoc. medicorum princeps inchoatam, & voce traditam tantum expoliuit atq; perfecit, perfectamque scriptis primus commendauit, & iudi-

cio acri & diuino præditus in artem rede-
git, omniaque theoremata & communia
præcepta spectantia ad vnum finem, ratio-
ne conclusit. Mundi principia, ortus, obi-
tus, mo usque syderum, artesque magicas
hominum generi incognitas & incertas, à
Zoroastre Bactrianorum rege primum ad-
inuentas, & à Ptolomæo aliisque vetustio-
ribus autoribus ordine conscriptas testan-
tur historiæ. Naturalium rerum cognitio
à Pythagora & Anaximandro & horum præ-
ceptoribus. Pherecyde nimirum & Thale-
te, fluxit. Eam postea scriptis commen-
darunt & docuerunt Anaximander, Anaxi-
menes, Anaxagoras, Archelaus, Socrates,
tum in primis Plato, qui instituit Acade-
miam, Speusippus, Polemus, Crantes, &
Crates, Archefilaus qui mediam inuexit,
Lacydes qui nouam, Diogenes, Zeno, Cle-
anthes, Chrysippus, Xenophanes, Parmeni-
des, Democritus, Leucippus, & plerique alii,
qui monumenta sui ingenii reliquere, præ-
ceptaque Philosophiæ posteris tradidere.
Hos omnes ingenii acrimonia, cognitione
rerum, scribendi & commentandi industria
atque methodo, vnus superauit Aristoteles,
qui multa & pleraque non tantum in natu-
rali, sed & morali philosophia, ab aliis, à seq-

adinuenta, ornatius, copiosius, maiori & exactiori ordine tradidit. Idem totam differendi artem, bene & ornate loquendi & persuadendi rationem, antea voce & rudi quadam via à veteribus traditam, primus ad scientiæ & methodi modum redegit, suisque finibus conclusit. Hunc secutus est Theophrastus discipulus ipsius, qui neque facundia neque doctrina, neque rerum multarum experientia præceptore inferior extitit, & pleraque quæ ab aliis, ut Aristotele, aut emissa, aut negligenter tractata fuerunt, adiecit. Vnde non mirum cuiquam videri debet, si quemadmodum aliarum disciplinarum & scientiarum, quæ Iurisprudentia longe inferiores ignobiliioresque vel præstantiores habentur, ita & huius artis in perpetuam quandam seriem & consonantiam reuocari posse præcepta, Cicero existimavit. Quæ est enim ars & disciplina tam vilis tamque sordida, quæ si vel contemplari & cognoscere res, vel agere quippiam velit, non certa aliqua ratione, via & methodo id faciat? Testes huius rei esse possunt bubulci, coqui, fabri lignarii, ædificatores, & reliqui artifices ignobiles ac sedentarii, qui & præcepta suæ artis certa ac definita, tum ad materiæ in qua versantur, tum ad

ad instrumenta quibus utuntur, tū ad modum agendi spectantia, animo ordine cōprehensa habent, & cū ad actionem ventum est, ex habitu quodā perpetuo suisque præceptionib. firmato, prompte quicquid propositum est, parat: & agunt efficiuntq;. Nam & ædificatores antequam domum extruant, prius eius naturam resolutione, ut suprà dictum est, contemplantur, ex qua contemplatione, quæ ad eius constitutionem necessaria, quæ materia ad ædificationem idonea, quæ denique instrumenta ad actionem utilia sint futura perpendunt. Idem exemplum imitantur bubulci & pastores, qui tantam adhibent diligentiam in pascendis pecoribus, tantum habent passionis, ouium, terræ, regionis, temporis & cæterarum rerum rationem atque curam, ut omnia non nisi ex præscripto rationis, certo quodam ordine cuncta experiri & tentare velint aut cupiant. Ac ne coqui quidem & laniones fercula & carnes temere ac sine iudicio dilacerant aut condunt, sed commoda diuisione facta, mēbratim magno ordine dissecāt, & adhibita certa ac debita condimentorū mēsurā, fercula ita præparant, ut esui apta sint, & homines iis vescātur. Et ut semel dicam, nulla est ars

tam abiecta, humilis, & tam sordida, quæ non finem aliquem propositum, ad quæ præcepta ordine dirigantur, habeat: quæ non via & methodo & cognoscere & agere doceat: quæ non dictorum factorumque suorum reddere causas rationemque possit atque valeat. Nullam igitur dicere maximarum rerum esse artem, dum minimarum sine arte nulla esse possit, hominum est parum (ut Cicero ait) consideratè loquentium, atque in maximis rebus errantium. Venio nunc ad disciplinas illas, quæ maiorem cum nostra iuris prudentia familiaritatem atque similitudinem, ex quibus ipsa suam originem traxit, habent, Ethicam nimirum, quæ de moribus est; & Oeconomicam, quæ familiæ præest, & Politicam, quæ gubernandæ civitatis & reipublicæ rationem docet. Hæ scientiæ omnes, quæ methodo tum à Platone, tum ab Aristotele, aliisque philosophis conscriptæ, posterisque traditæ sint, nullus est qui nesciat. Nam quod ad mores attinet, finis ultimus hominis ab iis adinventus est, & media omnia, quibus ad ipsum facile ac tuto pervenitur, graviter fuerunt explicata: virtutum ac vitiorum partes seu species, objecta, causæ, principia & elementa, doctè & luculenter inuestigata; denique præceptis decenti

ordine coherrentib. omnia quoad eius fieri poterat demonstrata. Eadem quoq; in posterioribus disciplinis exactissime fuit docendi obseruata ratio, cum & priora domus ac reipub. initia, partes, partiumq; omnium affectiones, officia, vires, genera, & quæ his sunt affinia, sunt tradita, suisque præceptionibus comprehensa. Quare si istarum omnium disciplinarum, quarum Iuris ciuilis cognitio potissima pars, & certa earum propago est, olim ab eruditissimis viris certa potuit inueniri docendi ratio, earumq; theorematum & præcepta antea confusa ac dispersa, definitis quibusdam finib. circumscribi, quis obsecro hæc priuilegia nostræ Iurisprudentiæ, quæ & superiorum artium domina & aliarum disciplinarum regina est, iure adimere, tantaq; felicitate homines priuare poterit? Accedit vero, quo sicut & ceteræ multoque facilius artificiose doceri Ius ciuile possit (quod minimè pleriq; arbitrantur) miraque dā in cognoscendo facilitas atq; delectatio: omnia enim ita sunt posita ante oculos, collocata in vsum quotidianum, in cōgressione hominum atq; in foro, vt Scævola apud Ciceronem dicere solitus sit, nullius sibi artis faciliorem cognitionem videri. Sed omisis his leuioribus, accedamus ad maiora, magisque

482 PRINCIPIOR. IVRIS

necessaria, & ex natura rei petita argumen-
 ta. Dictum à nobis in superioribus est, con-
 stituendarum artium rationem, à duobus
 potissimum scopis sumi debere, proposito
 nimirum fine, & materia subiecta, seu obie-
 cto, in quo (vt philosophi loquuntur) que-
 libet disciplina versatur; nam ex resolutione
 tum finis, tum materie, omnis artis inueni-
 untur partes atq; capita; quia vt finis gene-
 ralis distinguit totā artem aut scientiam, ab
 alia arte vel sciētia, ita fines particulares, in
 quos generalis dissoluitur, distinguūt partē
 à parte scientiæ; & quot sunt fines proprii,
 totidem sunt partes artis. Eadem de genere
 subiecto statuēda sunt: ex singulis .n. subie-
 cti partibus, singulæ scientiæ partes oriun-
 tur. Quapropter si Iuris prudentia proprium
 genus subiectum habet, propriūq; finem, vt
 antea demonstratum nobis est, eaq; in sua
 principia, causas atq; elementa possunt re-
 solui, quis dubitat Iuris ciuilis artē resolu-
 tione constitui posse? Genus subiectum di-
 ximus esse actiones seu negocia ciuilia. ha-
 rum partes Imp. Iustinianus dixit esse, res,
 personas, & actiones, quod sc. ex his tribus
 fontib. oriantur. Personā resoluit in sua ele-
 menta eius videlicet statū seu cōditionem,
 & defensionem; conditionem seu statum in

liber-

libertatem & seruitutem; defensionem in
curam & tutelam. ex qua dissolutione, quot
sunt membra, tot reperiuntur partes artis,
quæ ordine postmodum explicantur. Ea-
demq; ratione & res resoluuntur, in earum
nimirum acquisitionem, retentionē, & ali-
enationē, & quib. has cōparamus, vel perso-
nas defendimus, actiones. Ad quæ tria ca-
pita seu tres fontes, quicquid in Iure ciuili
scriptum est, redigi potest. Quod si horū v-
numquodq; rursus in alia atq; alia mēbra
dissecare libeat, vniuersæ tandē artis capita,
partesq; quis adinueniet rerū. Hęc res pecu-
liarē tractatū postulat, quippe cum nō Iuris-
prudētiā hoc loco cōstituere, sed an cōstitui
arteq; doceri possit nec ne, ostēdere mihi p-
positū sit. Quod si Iurisprud. potest resolu-
tione constitui atq; inueniri, sequitur vt cō-
positione quoq; possit doceri, cum compo-
sitiuus ordo idem sit subiecto & natura cū
resolutiuo, differatq; habitudine ac ratione
tantū, quēadmodū descensus & ascensus in
scala. Deniq; si omnia quæ latè fuseq; expli-
cata sunt, rursus cōtrahi & in cōpendiū ali-
quod redigi possunt, sit vt eadē definitiua
methodo cōscribi queat atq; explicari. Quæ
n. res vno ordine tradūtur, eadē alios quoq;
admittant necesse est. Definitiua methodo

vtcunque Imperator Iustinianus vsus est in
 Institutionibus, in docenda Iuris arte. Reso-
 lutiua, vt arbitror, in inuenienda. Compo-
 sitiua nullum in Iure ciuili extat exēplum.
 Eius qualis sit ratio, antea expositum est. Ea-
 dem sententia ex natura & proprietate me-
 thodi ostendi potest; nam methodus seu or-
 do est breuis quædam vniuersalium in arte
 aut scientia aliqua præceptionum dispositio
 atq; collocatio, quæ non tantū inter se con-
 uenienter apteque hærent, sed ad vnū etiam
 finem vltimū & extremū destinantur. Porro
 nihil est in Iure ciuili, nihil in reliquis artib.
 quod non ad præcepta vniuersalia redigi, &
 ratione aliqua constringi possit. Aduersa-
 riorum argumētis, qui contrā sentiūt, post-
 ea respondebimus. Iam vero cum propriū
 scientiæ & artis sit causas rerum ostendere, &
 cur vnūquodq; & quale sit, aperire (princi-
 pium .n. artis, causæ inuētio est) quis est qui
 nostre Iurisprudentiæ artis & disciplinæ no-
 men denegare ausit? Certe vt reliquæ o-
 mnes, ita & hæc suas rationes tum ab ipsa
 natura, tum à ratione ciuili petitas habet.
 Huius rei signum esse potest, quod plerique
 Iureconsulti propter exercitationem, non-
 nulli propter peritiā quandam, callidius
 atque melius quàm cæteri de Iure respon-
 dent

dent & docent. Vnde dubium non est, quin si quis animaduertat, quid sit quare alii melius quàm alii id faciant, idq; possit notare, atq; in toto postmodũ genere præstare, is si non plane artem, artis tamen exemplar aut simulachrũ inuenerit. quãdoquidẽ causam cur hic bene, alter male doceat, ostẽdere poterit demonstratio, quæ artis principiũ est. Verum enim vero statim hoc loco obiiciat aliquis Iuliani & Neratii dicta, qui non omnium quæ à maioribus constituta sunt, rationem reddi posse, neq; rationes eorum quæ constituuntur, inquiri oportere aiunt: futurũ enim, vt multa ex iis quæ certa sunt, subuertantur. Hanc sententiam multi sæpe in ore habent, & cum de re interrogati, cuius rationem reddere nequeunt, hoc tanquam firmissimum suę ignorantie præsidium obtendunt. Verum isti qui hæc inculcant, non intelligunt, aliarũ quoq; artium præceptiones, causis & rationib. suis confirmari quandoq; nõ posse; hac. n. ratione nullus esset demonstrandi finis, daretur semper causa causæ, ratio rationis, & sic progressio in infinitũ, qua ratione scientiæ essent incertæ & infinitæ, quod à ratione est alienũ. Itaq; vt certi sint termini & fines scientiarũ principia statuenda sunt, quæ vel sensui, vel experientie

vel primæ intelligentiæ sint euidentiæ, nulla; demonstratione opus habeant; qualia sunt, definitiones, axiomata, postulata, & huius generis reliqua, ex quib. conclusiones postea & præcepta demonstrantur. Quare multa sunt in iure, quorū causas reddere & turpe, & nō necesse est: neq; enim cur vis vi repellenda, cur honestè viuendū, cur nemo lædendus sit, anxie inquirere oportet, sed hæc tanquā prima principia, cōtra quæ nulla disputatio admittenda est, nota & manifesta atq; indubitata ponenda sunt. Multa etiam à maioribus recto consilio, certisq; de causis statuta sunt, quæ nos latēt. In his igitur si nō exactè voluntatem & rationem immediatam, vt vocant, inuenire, cur vnumquodq; positum sit, valemus, probabilitate & coniecturis, ad hæc consuetudine & autoritate rerū iudicatarum cōtenti esse debemus. Idque semel tenendū nobis est, in scientiis & artibus, causas rerū atq; præceptionū magis esse necessarias & perpetuas; in civili, iisq; disciplinis quæ de moribus dere familiari, de rep. agūt, magis probabiles, & quotidianas, ab usu, ratione civili, circumstātiis & casibus aduentitiis, qui perpetuo mutari solent, petitas; non tamē aut omnino falsas, aut ita obscuras quæ cognosci minime possent.

sent, quod multi perperam opinati sunt. Et proinde nō sum nescius, certiori ordine scientias & reliquas artes, quam Iurisprud. aut Politicē, aut Ethicē, tractari posse. cui sententiæ adstipulatur Aristot. i. Ethic. qui satisfactum sibi esse tum putauit, si typo quodam, & rudi (vt aiunt) Minerua singula ea quæ ad mores vitamq; componendam spectant, tradantur. Ex his igitur satis apparet, Iuris ciuilibis partes atque præcepta ordine quodā inueniri, apteq; vt & cæterarum artium theoremata, doceri posse. Quod si .n. docere & cognoscere sine ratione & ratio sine ordine non est, certe neq; Ius ciuile (siquidem doceri & cognosci potest) sine via & ratione comprehendi vnquā poterit. Argumēto nobis esse possunt illi omnes, qui nostro hoc tempore tot discēdi Iuris rationes, tot methodos, tot cōpendia iuuentuti præscripserūt, qui oēs pro suo instituto varioq; animi conceptu, varias docendi vias traderūt. quod si nullā eius rei spē fructūq; fore intellexissent, certe neq; frustra in re tam ardua operā & studiū collocandū sibi putassent; neq; si id fieri nō potuisset, artis aut scientiæ finē excogitassēt. Cura aut id qđ voluerūt, assecuti nō sint, id in causa est, quod quæ ordinis & methodi ratio esset, nō satis recte

perspectum cognitumq; habuerunt. Eorū exemplo, quia rem admodum difficilem vident, multi à constituenda arte abhorrent, atq; deterrentur. Sed hoc insignis ignaviae & abiecti animi indicium est: cum enim omnia (vt in prouerbio est) pulchra, sint quoq; difficilia, vtilitatis magnitudo deberet homines ad suscipiendum discēdi laborem impellere & inflammare. Atq; vt semel dicam id quod res est, qui querunt an ius civile methodo conscribi doceriue possit, illi, an cognosci omnino possit, dubitant: neq; n. res sine via cognoscimus aut iudicamus. Iam vero vt ad instrumenta & modum docendi veniam, quæ suis ordinibus continetur, quarum rerum tanta est in Iure civili copia, tātus eorum vsus & necessitas, vt superuacaneum sit multa de his verba facere: nam & definitionib. omnia à Iureconsultis, Imperatoreque Iustiniano circumscribuntur; & diuisione ac resolutione partes & species rerum semper artificiose investigantur: tum vero singula scientificè, aut saltem civiliter & probabiliter demonstrantur: deniq; progressus & via docendi à notioribus ad ignotiora nunquam negligitur: quæ res manifestior est, quam vt longiori probatione à me illustretur.

CAPVT XIIIX.

Confutatio argumentorum contrariorum.

SVperest modo vt eorū argumenta remoueam, qui ius ciuile neque arte neq; methodo doceri posse, neq; etiam instrumētis docendi locum in eo esse contendunt. Quorum alii quidem opinātur hac potissimum ratione id fieri, quod methodus sit habitus præceptorum vniuersalium, Iurisprudentia habitus rerum particulariū; quia Iurisprudentia versatur in actione, quemadmodum prudentia; actio est rerum singularium & casuum, vt vocant: singularia sunt infinita; infinitorum nulla est comprehensio, nulla ratio, nullaq; disciplina vel methodus. Qui ita argumentantur, non distinguunt actionem artificis ab arte, quæ tamen longe lateque inter se differunt. Nam actio artificis, vt puta medici, aut Iureconsulti, aut ædificatoris, non est ars & habitus, sed fluit ex habitu & arte. & est rerum singularium; quia medicus medetur ex habitu, Socrati & Platoni, non homini: & Iureconsulti ex habitu Iurisprudentiæ de negotiis ciuilibus particularibus respondent, quidq; iustum vel in-

iustum sit, ostendunt. Habitus autem & ars ipsa est comprehensio præceptionū vniuersalium, quæ artifex rebus indiuiduis accommodat & applicat. Itaq; ars medica in vniuersum, quæ ratio curandi morbi sit, demonstrat: & legislator de omnib. iis quæ accidere possunt, generatim constituit. Quod si quandoq; (fit aut id sæpissimè particularia facta & casus suis præceptionibus admiscet, id nō alia de causa facere eos existimandum est, quàm quod exemplis rem propositam illustrare conentur, vt ad similia transferri debere ostendant. Hanc docendi rationem etiam exactissimæ disciplinæ imitantur, quales sunt mathematicæ: hæ enim (vt Aristot. 1. post. Analyt. inquit) non de hoc vel illo triangulo, quod in abaco depictū est, demonstrationes afferunt, sed de omni triangulo. quod cum artifex mente concipiat, ac proinde auditoribus ostendere nequeat, vtitur exteriori quadā descriptione, vt hac ratione mentis conceptum, de quo demonstratio nectitur, explicet. Itaq; cum lex statuit, vt posthumus natus patris testamentum rumpat, non de hoc vel illo, sed de omni posthumus loquitur. Quæ aut ratio sit quod Iurisprudētia & simpliciter nullus habitus artificiosus rerum singularium curam habet.

habeat, illud dici potest, quod indiuidua sint numero infinita; infinitum neq; ratione comprehendi, neq; cognosci potest. Vnde Plato precipiebat iis qui a generibus generalissimis ad species specialissimas diuidendo descendere vellent, vt ab vltiori inuestigatione, cum ad indiuidua peruentum esset, conquiescerent: fieri enim non posse vt hæc propter infinitatē ab artifice cōprehenderentur. Quapropter scientiæ & artes omnes, genera & species rerū contēplantur, indiuidua atq; singularia vsui & experientiæ relinquūt. Nam species & genera sunt finita & certa, iisque cognitis, indiuidua facillimè cognoscuntur. Finitatem aut̃ eorum, vt sic dixerim, ostendunt decem prædicamenta, quibus res omnes, quæ in natura reperiuntur, conclusæ sunt. ad hæc quoq; ratio ipsa; quādoquidem si species vel genera essent infinita, profecto esset infinito aliquid maius; quia cum quælibet species multa contineat indiuidua, vt hominis species multos homines, bouis boues, posthumi posthumos, & hæc sint infinita, multoq; plura speciebus & species generibus, quis non videt infinitū infinito fore maius, qđ est valde absōnū, & rationi minime consentaneū? Species igitur & genera sunt finita, & quia finita, ideo cognosci possūt: cognoscuntur.

tur autem, ut Aristoteles primo Physicorum ait, per sua principia, causas & elementa, ex quibus componuntur. At enim cognoscere compositionē rerum, nihil aliud est, quam intelligere ordinem earum, quo unaquæque est composita. Igitur qui cognoscit rem, ordine cognoscat necesse est. Sed Iurisprudentiam eiusque præcepta cognosci posse, nemo est qui diffiteatur; ordine igitur cognoscatur necesse est. Huc accedit, quod si Iurisprudentia contemplaretur tantum casus individuos, transitus & applicatio ad similia tolleretur: quia individuum id esse dicitur, cuius proprietates simul collectæ, alteri neque conveniunt, neque adaptari possunt. Hoc autem adversatur Iureconsultorum sententiis, qui ad similia procedendum esse, similesque casus similib. legibus decidēdos præcipiunt. Quod si dicta & facta negotiaque civilia sunt finito & certo numero comprehensa, utique & leges erunt finitæ quæ de his sanciantur. Quare Neratius noster respondit, & in ipsis etiam Pandectis occurrit, *Ius esse finitum, esseque non modo debere, sed etiam posse*. Nec vero refert quod longi sint eius libri, quod tam multi atque prolixi multorum Iureconsultorum commentarii, tam vastū scriptorum pelagus, tamque perplexa lententiarum.

tiarum obscuritas & cōfusio; sunt enim hæc aliis quoq; scientiis cum Iure civili cōmunia. Quid? an Grammaticorum libris non omnes penè bibliothecæ sunt refertæ? an non Dialecticorum scriptis? an non Medicorum pharmacis, cæterarumq; artium omnium commentariis, eorumq; copia atque multitudine, omnes omnium domus, vici, pagi, ciuitates denique omnes, sunt instructæ & infarctæ? sunt sanè, neq; eo tamē minus, vel propter obscuritatem, aut multitudinem, aut confusionem commentariorum & scriptorum, harū disciplinarum omnium, docendiac discendi, certa quædam ratio adinuenta atque tradita est: ars enim suapte natura brevis, & homini ingenio & diligentia prædito facilis est, etsi lōgi eius & confusi sint libri; nec disciplina hominum aut librorū magnitudine vel prolixitate, sed præceptorum suorum numero æstimandæ sunt. Fateor equidem ingenuè quod verum est, multum esse in his studiis, & fortasse plus quàm in aliis, difficultatis, tum propter vsum & experientiam rerum, qua multi & maximè iuuenes destituuntur, tum propter infinitatem illam quæstionum & repetitionum, inutilium ac leuissimarum, quarum copia, perplexitate &

confusione studiosorum ingenia non modò non erudiuntur & docentur, sed multò magis implicantur & confunduntur, atque irretitis animis, sæpissimè ab honestissimo proposito deterrentur. Sed hæc nō artis aut disciplinæ vitia sunt, sed hominum culpa & fraude, indoctorum inscitia, improborū malitia accidunt.

Alii propterea Ius ciuile artificiose tractari negant, quod ius ipsum non natura, sed sola opinione esse videatur; quod non idem sit apud omnes, sed alius aliopopulus, & ferè quisque suo, vtatur. Quod autem constans & æternum atque vnum non est, sed variabile, diuersum, sibiq; etiam sæpe numero contrarium, id perpetuo ordine doceri & circumscribi minimè posse. Exemplis & rationibus suam sententiam cōprobant. Nam apud Persas & Macedones olim fuit aduersus ingratos constituta actio, cū hoc malū apud alios sit impunitum. Lacedæmoniis eduliorum furta permittebantur, quæ alibi semper fuere prohibita. Ad hæc in seditione populari, qui neutrarum erat partium, tenebatur lege Solonis, cum is ceterarum ciuitatum instituto, probi quietique ciuis laudem mereatur. Ex rapto olim vixere Cilices; Massagetæ communes.

munes habuerunt vxores; & filiarum suarum matrimonio, Persæ quōdam vsi sunt. Atque ne id miremur valde, in tanta populorum infinitate, tantam esse diuersitatem iuris, aiunt, in eadem sæpe ciuitate ac per breui tempore leges ipsas corrigi ac mutari; quod hodie iustum sit & honestum, cras inhonestum & iniustum fieri. Hinc tam multas atque frequentes earum oriri abrogationes, derogationes, tot earum inter se repugnantias ac dissensiones; &, vt semel dicam, hæc omnia suapte natura eadem esse, neque iusta vel iniusta, honesta vel inhonesta per se esse, sed opinione hominū cum legibus sanciantur, talia fieri & vocari. Hæc opinio plurimos habuit assertores, etiam apud priscos philosophos, qui non tantum iusti & iniusti, honesti & inhonesti, sed cæterarum quoq; rerum naturas è medio tollere nitebantur, omniaque talia esse, qualia cuique viderentur & apparent, pronuntiabant. Defensa est hæc sententia primum à Protagora, deinde ac multò magis ab Aristone & Pyrrhone; ad hæc à Thrasy-macho apud Platonem, qui putabat ius nihil aliud esse, quàm quod potentiori est utile. Proinde quodcūq; is qui pl⁹ posset, lege sua iuberet aut vetaret, ius esse, & quidē so-

lūm ius, neq; vllam esse in eo naturæ veritatem. Quorum philosophorum rationes Plato multis in locis grauit̃ & copiose est insectatus. Iam vero quod à natura proficiscitur, æternum esse, & verum, & vnum, & idem, & vbiq; idem nunquam sibi repugnans, nunquam contrarium, nullo temporis cursu variabile & mutabile. Nam & ignē vrere apud Indos, & apud alios omnes populos, iisq; sicut & cæteris niuem esse albam, gratum omnibus rerum bene olentium odorem, cunctis mortalibus eadem dulcia & amara videri simpliciterq; & sensus & eorum obiecta semper apud omnes eadem esse, eandemq; retinere naturam, & nominibus tantum differre, atq; idcirco & cognosci, & ratione quadam doceri posse. Verum hæc res longe aliter se habet: nam & ius aliquod à natura petitur, nec omne legibus aut populorum scitis comprehenditur. Quinimò, vt Cicero ait, tota iuris ratio ab hominis repetenda natura est, & ex intima philosophia haurienda: cui tū demum fontem legū & iuris inueniri, atq; honesta patefieri placet, si quid sit homini à natura tributum, quantam vim rerum optimarū mens humana contineat, cuius muneris efficiendi colendique causa nati, & in lucem editi.

editi sumus, quæ sit coniunctio hominum, quæ naturalis societas inter ipsos, doceatur. Atq; vt res hæc perspicua fiat, initiò ius ipsum natura esse, deinde quæ causa diuersitatis ac mutabilitatis legum sit, perspicue ostendemus. Esse igitur natura, nō opinione, constitutum ius, planeq; nos omnes ad iustitiam natos, ex hominum inter ipsos societate coniunctioneq; perspicipote est. Nā vt cætera omnia animalia, natura duce congregantur, & commercium amant, ita & homo per se appetit societatem huius vitæ, nec doctrina aut consuetudine doctus, aut necessitate aliqua coactus, sed instinctu proprio, quem natura indidit, ad communicationem officiorum, voluptatum, dolorum, rerumque omnium trahitur; atque eo quidem magis, quod cum cætera animantia aliorum consuetudine priuata, quandoque per se & viuere, & diutius permanere quæat; homo sine societate neque educati, neque educatus iam, longo aliquo tempore vitam solus traducere potest. Huius rei indicium maximum est, quòd solus ex tot animantium generibus atque naturis, homo, præclara quadam conditione generatus à supremo Deo, particepsque rationis & cogitationis, composq; orationis, quæ *mentis*

interpres dicitur, factus est, cum cætera sint omnia expertia, quæ quidem conciliant inter se homines, coniunguntq; eos naturali quadam societate. Cui autem ratio à natura data est, eidem & recta ratio data est, ergo & lex. qua est recta ratio in iubendo & vetando. si lex, ius quoque. at omnibus ratio, lex igitur & ius datum est omnibus. neque enim dici potest, homines lege & iure quid indigere, sed ius natura non esse: nam sine quo aliquid, quod in nobis natura est, esse non potest, id etiam natura in nobis sit, oportet. verbigratia: visio natura animali tributa est, quæ cum sine oculis fieri nequeat, certè & oculi natura erunt, sicut & aures & cætera sensoria; neque enim sine his aut videre, aut audire, aut sentire quippiam possumus. Quare si homines à natura facti & in lucem editi sunt ad colendam societatem, societas autem sine lege & iustitia consistere nequeat, utiq; & legem & iustitiam natura existere necesse est: quod si legem & iustitiam, ergo & ius. Ex quo sequitur, ad participandum alium alio, communicandumque inter omnes, iustos natura factos esse homines. Quod autem societas iure & iustitia conseruetur, sineque illa consistere nequeat, argumento esse possunt homines etiam

etiam iniustissimi atq; iniquissimi, quales sunt prædones, quorum familiaritas & societas tantisper salua & incolumis est, donec iuri & iustitiæ apud eos locus est. Etenim quia alter alterum in partiendis spoliis non fraudat, quia non mentitur ullus, quia observant & obtemperant illi qui aliis præstantior videtur, quia conventiones atq; pacta servant, quia imbecillioribus opem ferunt, propterea illorum societas permanet neq; dissolvitur. Quorum omnium contrariis, aduersus eos quos iniuria afficiunt, vtuntur. Hæc igitur naturalia esse iura, perspicue ex eo demonstrari potest, quod ne, si paciscantur quidem contraria his inter se tanquam iusta, consistere diutius illorum societas potest, cum tamen rationi consentaneum esse deberet, vt vnumquodq; eodem modo societatem custodiret, quo pacto & lege seu constitutione factum esset. Quod si hæc quidem quæ vel lege vel absque lege constituta sunt, societatem & amicitiam custodiunt; opposita autem his, etiam si lege & pacto sancita sint, labefactent & evertant; certè ea quæ conseruant, naturalia erunt, quanquam ex conuentione fiant. Ipsa enim conuentio atque constitutio, videtur esse quædam naturalis iuris investi-

gatio, & consensus & approbatio rerum iam antea inuentarum. Præterea ius natura, & non opinione, constitutum esse, ex contrario ostendi potest, iuris nimirum naturalis transgressionem; quæ si est, certè & multo prius ius sit necesse est. Esse autem quædam iniusta suapte natura, inde patet, quod apud omnes, qui contrariis etiam legibus vruntur, communia quædam reperiuntur, quibus, qui iniusti esse volunt, afficiant eos, quibus iniuriam inferre conantur: omnia enim & prædones & sicarii & fere eadē apud omnes flagitia atq; scelera committunt. Quod si ita se res habet, profecto illa, quæ rebus iniustis natura contraria sunt, iura naturalia erunt; nam nihil aliud est iniuria, quam transgressio iuris. Quare si natura est transgressio quædam iuris, certè ius erit multo prius, cuius transgressio iniusta est natura: posterior enim est transgressio alicuius, quam illud cuius est transgressio. Iam vero quemadmodum ab aliis virtutibus, quæ omnes cum hac nostra iustitia, quarum ipsa princeps est, cognationem magnamque affinitatem habent, secundum naturam geruntur atq; fiunt omnia: natura enim fortitudinem, qui fortitudine præditus est & continens continentiam exercet; ita quoq; iura & iusta erunt

natu

natura, quæ aguntur à iustitia. Huc accedit, quod nullæ sunt gentes tam barbaræ, tam effratae, quæ non habeant instituta sua aliqua quibus regantur, cum cæteris communia, quibus pœnæ quidem improbis, bonis autem præmia & honores proponantur. Nam iustitiæ, pietatis erga Deum, parentes, patriam, & magistratum, opinio, per omnes populos peragrat, & in vniuscuiusq; animo tam est impressa atque insculpta, ut nemo, ne si solus quidem ferarum more, vel apud agrestissimos homines vixerit, vim iuris queat ignorare. Quæ autem natio non comitatem, non benignitatem, non gratum animum, & beneficii memorem diligit? quæ superbos, quæ maleficos, quæ crudeles, quæ ingratos non aspernatur, non odit? Hæc enim omnia ne legibus, quidem sancita, ab omnibus hominibus religiose observantur atque coluntur, retinenturq; non quia opinione, sed ipsa natura sint constituta. Itaque impii & scel:ati ut Cic. scribit, pœnas luunt non tam iudiciis, quæ quondam nusquam erant, hodie multifariâ nulla sunt; ut sint tamen, persæpe falsa sunt, sed eos agitant insectanturq; Furia, non ardentibus tædis, sicut in fabulis, sed angore conscientia, fraudisq; cruciatu. Quod si homines ab iniuria, pœna, non natura ar-

cere deberet, quæ nā solitudo vexaret impios, sublato suppliciorū metu: quorum tamen nemo tā audax vnquam fuit, quin aut abnuerit à se cōmissum esse facin⁹, aut iusti sui doloris causam aliquā fingeret, defensionēq; facinoris à natura iure aliquo quæreret. Quæ si appellare audent impii, quod tādē studio colētur à bonis? Quod si pœna, si metus supplicii, nō ipsa turpitudine, deterret ab iniuriosa facinorosaq; vita, nemo est iniustus, & incauti potius habēdi sunt improbi. Tum autē qui non ipsi honesto moveamur, vt boni viri simus, sed vtilitate aliqua atq; fruētū, callidi sumus, nō boni. Nā quid faciet is homo in tenebris, qui nihil timet nisi testē vel iudicē: quid in deserto loco, nactus quē multo auro spoliare possit, imbecillū, atq; solū? Noster quidē hic natura iustus vir ac bonus, etiā colloquetur, iuuabit, in viā deducet. Is vero qui nihil alterius causa facit, & metitur suis cōmodis omnia, videtis, credo, quæ sit acturus. quod si negabit se illi vitā erepturū. & aurum ablaturum, nunquā eam ob causam negabit quod id natura turpe iudicet, sed quod metuat ne emanet, id est, ne malū habeat. O rē dignā, in qua nō modò docti, verum etiā agrestes erubescant! Iam vero stultissimum illud, existi-

existimare omnia iusta esse, quæ sita sunt in populorum institutis, aut legibus. Etiamne si quæ sint tyrannorum leges? Si triginta illi Athenis leges imponere voluissent, aut si omnes Athenienses delectarentur tyrannicis legib. num idcirco hæ leges iustæ haberentur? nihilo credo magis illa quam interrex noster tulit, ut dictator quæ vellet ciuium indicta causa impunè posset occidere. Est. n. ius, quo deuincta est hominū societas, & quod lex cōstituit vna, quæ lex est recta ratio imperandi atq; prohibendi, quam qui ignorat, is est iniustus, siue illa est scripta vspiā, siue nusquam. Quod si iustitia est obtemperatio scriptis legibus institutisq; populorū, & si, ut iidē dicunt, vtilitate omnia merienda sunt, negliget leges, easq; perurpet, si poterit, is qui sibi eam rē fructuosam putabit fore: ita fit, ut nulla sit omnino iustitia, si neq; natura est, & ea quæ ppter vtilitatē cōstituitur, vtilitate illa conuellitur, Atqui si natura confirmatū ius nō erit, virtutes omnes tollātur; vbi enim liberalitas, vbi patriæ charitas, vbi pietas, vbi aut bene merendi de altero, aut referēdæ gratiæ voluntas poterit existere? nam hæc nascuntur ex eo, quod naturā propensi sumus ad diligendos homines, quod fundamentū iuris est. Neq; solū in homines obsequia, sed et-

iam in deos ceremoniæ religionesq; tollū-
 tur quas nō metu, sed ea coniunctione, quæ
 est homini cum Deo, conseruandas puro.
 Quod si populorum iussis, si Principum de-
 cretis, si sententiis iudicum iura constitue-
 rentur, ius esset latrocinari, ius adulterare,
 ius testamenta falsa supponere; si hæc suf-
 fragiis aut scitis multitudinis probarentur.
 quæ si tanta potentia est stultorum senten-
 tiis atque iussis vteorum suffragiis rerum
 natura vertatur, cur non sanciant, vt quæ
 mala perniciosaq; sunt, habeantur pro bo-
 nis ac salutaribus? aut cur, cum ius ex iniu-
 ria lex facere possit, bonum eadem facere
 non possit ex malo? Atqui nos legem bo-
 nam à mala, nulla alia nisi naturali norma
 diuidere possumus; nec solum ius à natura
 diiudicatur, sed omnino omnia honesta ac
 turpia: nam & communis intelligentia no-
 bis notas res efficit, easq; in animis nostris
 inchoauit, vt honesta in virtute ponantur,
 in vitiis turpia. Hæc autem in opinione ex-
 istimare, non in natura ponere demētis est:
 nam nec arboris, nec equi virtus quæ dici-
 tur, in quo abutimur nomine, in opinione
 sita est, sed in natura quod si ita est, honesta
 quoque ac turpia natura diiudicanda sunt:
 nam si opinione vniuersa virtus, eadē etiam
 cius

eius partes probarentur. Quis igitur prudentem, & (vt ita dicam) cautum non ex ipsius habitu, sed ex aliqua re externa iudicet? Est enim virtus perfecta ratio, quod certè in natura est; igitur omnis honestas eodem modo. Nam vt vera & falsa, vt consequentia & contraria, sua sponte, nō aliena iudicantur; sic constans & perpetua ratio vitæ, quæ est virtus, itemque inconstantia, quod est vitium, sua natura probatur. Nos ingenia iuuenum, non ratione ab ingenita naturæ virtute, sed vitia quæ existunt, ab ingeniis iudicamus. An ea nō aliter quam honesta & turpia, non ad naturam referri necesse erit? Quod laudabile bonū est, in se habeat quod laudetur necesse est; ipsum enim bonum non est in opinionibus, sed in natura: nam ni ita esset, beati quoq; opinione essent, quo quid dici potest stultius? Quare cum & bonum & malum natura iudicetur, & ea sint principia naturæ, certè honesta quoque & turpia simili ratione diiudicanda, & ad naturam referenda sunt. Hucusq; Cicero. Sequitur igitur, omnes nos ad iustitiam esse natos; neque opinione, sed natura constitutum etiam ius atq; iustitiam. Quod autem multos, vt id natura esse negent, perturbet opinionum varietas, homi-

numq; dissensio, quod apud alios aliud ius sit: quod aliis aliud, & quandoq; contrariū, honestum & iustum esse videatur: & quia non idem contingit in sensibus, eos natura certos putemus, illa quę aliis sic, aliis secus, nec quędam semper vno modo apparent, ficta esse dicant, illud longe aliter se habet. Nam initio quidem, vt recte Cic. eodem in loco scribit, sensus nostros non parens, non nutrix, non magister, non poëta, non scena deprauat, non multitudinis consensus abducit à vero. Animis tenduntur omnes insidię, vel ab iis quos modo enumeraui, qui teneros & rudes cum acceperunt, inficiūt & flectunt vt volunt, vel ab ea quę penitus in omni sensu implicata insidet imitatrix boni voluptas, malorum autem mater omniū, cuius blanditiis corrupti, quę natura bona sunt, quia dulcedine hac & scabie carent, nō cernimus satis. Deinde vero & sensus ipsi, nisi sani & valentes sint, nec vlla re impediuntur, verū cernere, atq; res diiudicare quales sint, nō possunt. Remus enim multis in aqua inflexus apparet; & nimio æstu laborantibus, tepet frigida; febricitantes saporem vini non sentiunt; iisdem res dulces, amarę videntur. Sunt & in hominib. qui acutius cernunt, sunt qui liquidius audiunt, sunt qui

qui sagacius odorentur, nec est fere quispiā, qui vel non deterius vel melius altero res sensibus percipiat, vel de iis iudicet. Similis est ratio in mente humana, quæ ut nuper dictū est, multos habet eosq; graues insidiatores, à quibus obcecata oneribus, nec semper verum cernere, & à falso distinguere, bonum à malo, honestum ab inhonesto, iustū ab iniusto secernere potest; estq; hoc malum non rerum ipsarum & naturæ, sed plerunq; ipsius animi, qui imbecillitate iudicii decipitur. vnde non res & iusta & bona, sed mētes hominum subinde mutātur, atque quo quisq; bonitate ingenii & virtute, rerumq; experientia instructus est, eo quoq; rectius omnia iudicare potest. Quam enim multa vident pictores in vmbriis & in eminentia, quæ nos non videmus? quam multa quæ nos fugiunt in cātu, exaudiunt in eo genere exercitati? neq; tamen alia est pictura indoctis, alia doctis: neq; alius cantus illis & nobis, sed ab iis, cum sit eadem, nobisq; diuerso modo iudicatur & sentitur. Ius ergo & id quod iustum est per se quidē & suapte natura cōstans, perpetuū atq; vnū est, sed non ab omnib. vno eodemq; modo cognitum: aut si sit cognitū, tamen qua ratione ad vsus hominū, ad mores, qui varii sunt & incerti,

accommodari queat, est difficile & arduum. Hinc diuersitatis legum, opinionum varietatis, iudiciorum ac sententiarum contrarietatis causa, fons & origo promanauit. Nam tanta est inter homines moram dissimilitudo, tanta locorum ac temporum discrepantia, tantaq; rerum mortalium mutatio, & perennis quædam inconstantia atque vicissitudo, vt necessitas iustam mutandarum legum occasionem præbere videatur. Neq; tamen ita omnia abrogantur, vt vel iusta & honesta penitus aboleantur, sed de modo, ratione, de facultatibus, de circumstantiis, maxime mutationes instituuntur. Nam & reuereri seniores, colere Deum, honorare atq; obseruare parentes, & præstantiores viros, nulla est gens tam barbara, quæ id faciendum non præcipiat; quæ impios & ingratos & immodestos non abhorreat & detestetur: quomodo autē, quo loco, quo tempore, quo ritu quauē occasione hæc vel sequēda vel fugienda sint, dubitant. Huc accedit, quod circumstantiæ rerum, & quæ ratione vnumquodq; obseruandum sit, nostro Iure ciuili est suis iisque certis limitibus circumscriptum ac determinatum; præterea & contradictiones seu contrarietates atque diuersitates legum, vt Imperator Iustinia-

nus testatur, vel omnino sublatae, vel admodum paucae, quae non difficile conciliari inter se & componi possint, relictæ. Patet igitur Ius ipsum non in opinione, sed in natura positum esse; aut si tale aliquod sit, quominus ad artem eiusve saltem simulachrum reuocari possit, nihil impedimento esse. Neque vero satis est signi, Ius propterea arte concludi non posse, quod in ea re neq; à veteribus, neq; à nostris Iurecōsultis, qui tamē summo ingenio, singulatiq; doctrina, experientia rerum incomparabili præditi fuerunt, sit elaboratum. Huic enim quæstioni Cic. noster in libr. de Oratore satisfacit, vbi inquit, primum quidem veteres illos, qui huic scientiæ præfuerunt, obtinendæ atq; augendæ potentiæ suæ causa, peruulgari artem suam noluisse; deinde posteaquam editum, expositis à Cn. Flauio primum actionibus, nullos fuisse qui illa artificiose digesta generatim componerēt: nihil enim esse quod ad artē redigi possit, nisi ille prius qui illa tenet, quorum artē instituere vult, habeat scientiam illam, vt ex iis rebus quarum ars nondum sit, artem efficere possit: multa enim sunt in rerum natura, quæ partim adhuc ignorantur, partim dissipata iacent ac dispersa sine artificio, neq; propterea

310 PRINCIPIOR. IVRIS

vere non existunt. Nos addamus & illud, multos olim extitisse, & extare etiam nunc Iureconsultos, qui si quam maxime velint, atq; id ipsum facere tentauerint, nō potuerint tamen, quod vel rationem methodi & ordinis, vel artis ipsius capita, non bene cognita perspectaq; habuerint. In eo nanque multi hallucinari solēt, quod vel incognita pro cognitīs, vel cognita pro incognitis habeant. Neq; tamen hæc vitia vel artibus, vel rerum naturæ, sed humanę mentis atq; ingenii nostri imbecillitati tribuenda sunt. Quam multa enim fallunt medicos? quam multa bonos gubernatores? sæpe decipiuntur optimi quiq; Imp. nō raro hallucinātur peritissimi edificatores; neq; tamē propterea aut medicina, aut ars nauigādi aut ædificādi deterior, artiūq; numero eiiciēda est.

Illud etiam à quibusdam sæpe obiici nobis solet. Etsi partes huius disciplinę vel genera vtcūq; ordine aliquo disponi, atq; via quadam constringi queant, non tamen eadem ratione instrumentis, definitione nimirum atque diuisione, explicari & doceri posse: quippe cum *omnis in Iure*, vt Vlpian⁹ ait, *definitio periculosa sit, rarumq; sit vt subuerri non valeat*: ad hæc definitiones esse proprias substantiarum, Ius ciuile accidentia

tia tantum contemplari. Verum hi non recte à difficultate ad impossibilitatem, vt sic dixerim, argumētantur: multa enim etsi difficilia & periculosa factu & cognitu sint, fieri tamen vel cognosci possunt. Estque hæc res cōmunis quoq; aliis artib. atq; disciplinis, maxime vero iis quę in contemplatione rerum naturalium posite sunt, in quibus quam magna inueniendi differentias, genera, vnde definitiones ac diuisiones cōstituūtur, sit difficultas, quam sepe diuinus Plato alique philosophi in diuidendo ac definiendo hallucinati sint, abunde in lib. I. de Partib. animalium Aristot. demonstrauit. Non igitur tollit Vlpia. definitiones, sed quā periculosum & difficile definire in iure sit, ostendit, maximè vero iis, qui nectendarum definitionum atq; diuisionū leges, discrimina generum atq; differentiarū, aut ignorāt prorsus, aut non recte didicerunt. Sæpe fallimur, dū aduentitias res à substantiis, dum communia à propriis non vere distinguimus ac separamus. Illud omnino reiiciendum est, quod definitio sit propria substantiarū: nam & accidentia & proprietates rerum definiri possunt. Causa huius erroris & paralogismi est, quod cū definitio dicatur explicare substantiam alicuius rei, multi accidentia, quia

substantiæ non sint, definiri posse dubitent. Sed hi non animadvertunt, substantiæ nomen duobus modis concipi, aut pro re quæ suapte vi & natura consistit, ut Socrates, saxum, planta: aut pro natura & essentia rei, posse. Definitio igitur non tantum est instrumentum explicandi substantiam, hoc est, rem quæ suapte vi nititur, sed etiam naturam atq; essentiam rerum: quapropter & accidentium, quia accidentia quoq; suam naturam & essentiam obtinent: alia enim est natura tutelæ, alia obligationis, alia actionis, alia servitutis. Illud autem sciendū est, quod sæpe antea dixi, Iuris civilis definitiones, præcepta, totamq; adeo artem, non iis scientiis quæ sunt rerum æternarum & necessariarum, sed ut Tullius aliq; tradiderunt, disciplinis, quæ probabiliter & pingui, quod aiunt, Minerva, & eatenus quoad rei natura patitur, de vnoquoque genere differere, tum quid in vnaquaq; re veri sit ostendere, & de rebus quæ plerunque accidunt disceptare, leges sancire, præcepta constituere possunt, annumerari debere. In quibus satis artificē officio suo fecisse existimandum est, si ea quæ partim à natura sunt, partim longo negotiorum usu, & rerum publicarum administrationibus observata, ani-

LIBER VII.

513

animaduvertere, & animaduërfa ac notata
verbis designare, generibus illustrare, par-
tibusq; suis vtcunq; distribuere possit. Vn-
de si non perfectam & absolutam quandam
artem, artis tamen egregium aliquod simu-
lachrum constituat doceatque necesse est.

EPILOGVS.

At quoniam hæc omnia non ingenii o-
stentandi, sed quærendi & inuestigandi ve-
ri causa à nobis disputata sunt; atque ex iis,
vt arbitror, satis quæ ratio tum inuenien-
darum tum docendarum disciplinarū, ma-
xime vero Iuris ciuilis sit, ostensum, finis sit
huic disputationi, quam ego cuperem ali-
quando à peritioribus doctioribusq; philo-
sophis atque Iureconsultis multo fusius &
doctius, in studiosorum gratiam explica-
tam, vt non tantum an Iuris aliqua scien-
tia, quod dubium amplius non est, sed
quæ & qualis eius esse possit ac
debeat, nobis con-
staret.

LIBRI SEPTIMI ET VL-
timi Principiorum Iuris

FINIS.

Y 3



RERVM ET VERBO- rum memorabilium,

I N D E X.

A	Brogiatio	Pagina	357
	Absoluta prudentia	qua	118
	Absoluta virtutes	anima	qua
			84, 85
	Accidentia	qua vocentur	451
	Accidentia &	proprietates probantur demō- stratione	469
	Accidentalis &	arbitraria collocatio vel dis- positio	366
	Acceſſus	indignus	350
	Actio	quid	228
		nulla sine instrumento pro- prio obiri potest	406
		prima	qua 425, 426
	Actionis &	operis differentia	66, 67.
		eius di- sciplina quatenus differant à scientiis con- templationis	238
		eius principium	55
		proprietates	113.
		eius & officii finis	quis 372
	Actiones bonæ	qua dicantur	97, 98.
		animatarum rerum	qua 196.
		inanimatarum	qua ibid.
		cur lex pertractet	195
		Iure con- ſultorū cur vocentur civiles	202 & qua 207
			quas-

INDEX

quasnam Iureconsultus tractet	200
Actionum diuisio & varietas 195. nomen multa significat 208, 209. animatarum rerum diuisio 196. ciuiliū duoge- nera	202
Administratio recta quib. constet	138
Aegrotum hominem quemnam vocet medi- cus	200
Aequitas 355, 356 in contractib. quomodo vo- cetur 356 quatenus à iustitia & iure diffe- rat	357, 358
Aequitatis munus	353, 354
Aequum & bonum quid	349
Aestimatrix anima pars quam comple- tatur	84
Affectiones propriae cur in disciplinis neces- sariae	217
Affinitas & cognatio artium inter se	189
Agathonis sententia de arte & fortuna	72
Agere 372. agere & efficere differunt 66, 67	
Agendi principium duplex 60. ratio diuersa cur	19
Agricoltura laus	135, 136
αἰσθησις	26
αἴτημα	30
Alexandrina mulieris partus secundus	206
ἀναλογία	153, 250, 251

Y 6

R E R V M

ἀναλογία geometrica	246
Analogum genus quod	444
ἀναλύειν	388
ἀνάλυσις	384
Anaxagoras sapiens cur	106
ἀνδρεία	87
Angulus rectus, obtusus	423
Anima rerum cur ordo dictus 1. eius partes tres 82 nostra partes diversa 303, 304. rationalis vis tripartita 24, 25, 28. vires quot & quae 19. vires ex Platonis senten- tia 312 virtutes & perfectiones 82, 83	
Animi bona à quibus petenda	138
Animosa hominis partis munus	85, 86
Animum quae nam accendunt ad officiū	134
ἀνὴρ πιπιδός τ	254
ἀνὴρ ῥοπος mulier viro	129
ἀνὴρ σφοδρ	399
ἀνὴρ ὑπὸ θεῶς cur dicta sapientia	46
ἀνὴρ ὑπὸ θεῶς cur sola metaphysica	232
αἰφαίρεσις καὶ πρὸς θεῶς ars medica	78
ὑποδεικτικὴ μέθοδος quae	382
ὑπολαυστικὴ potestas anima	85
Apollinis Pythae sententia apud Ennium quae	317
Appetitus	60, 290, 291
Arum prudentia	93
Ar-	

I N D E X.

<i>Arabica lingua verborum in ops</i>	419
<i>Arbitrium</i>	286
<i>ἀρχὴ τεχνικὴ ἢ prudentia quanta Aristoteli</i>	139
<i>ἀρχὴ τεχνικὴ ἢ sapientia cur</i>	40
<i>Argumentationis captiosa & sophistica origo</i>	39
<i>Aristonis sententia improbata, & qua in re</i>	495
<i>Aristoteles iniquior in diiudicandis veterum</i>	
<i>sententiis 255, 256. qua methodo usus</i>	384,
<i>397. totam differendi artē primus ad me-</i>	
<i>thodi modum redegit ibid. & 478. eius</i>	
<i>laus 477. sententia de quarundā ciuitatū</i>	
<i>legibus</i>	300, 301, 302.
<i>Ars quid 67. quibus in rebus cernitur 68. qua</i>	
<i>ratione resignat 71, 72. & quatenus à</i>	
<i>natura differat, ibid. à scientia 73, 74.</i>	
<i>quid differat ab artificis actione 489. an</i>	
<i>scientia sit iuris prudentia 10 & scientia</i>	
<i>ex fine & materia constituitur 15. imita-</i>	
<i>tur naturam 2, 66. suapte natura facilis</i>	
<i>& brevis 493. nomen multiplex 15, 16.</i>	
<i>eius officium quod 108. eius partitio apud</i>	
<i>Galenum 16. principium, causa inuentio</i>	
<i>habetur.</i>	484
<i>Artes nituntur coniectura</i>	76
<i>Artis proprium quid</i>	78
<i>Artes & scientia quatenus inter se diffe-</i>	
<i>rant.</i>	188

R E R V M

Artium cognatio & affinitas	189.	natura
quibus rebus aestimetur	193.	praecepta suis
propriis finibus circumscripta		211
Artifex ab arte iudicandus		187
Artificis actio qua de re suscipitur		472
Astragalizontes à Polycleto expressi		45
Astronomia definitiv à fine, à materia & ge-		
nere subiecto		346
ἐπιχρία 79 ἡ καὶ ἀπόφασις καὶ ἡ κατὰ δέ-		
δοσιν qua,		ibid.
Augustus primus constituit, ut autoritate e-		
ius de iure responderetur		340
ἀξιώματα	B	25, 30, 213.
Βανασσι qui inter ciues		312
Beatitudo vera & unica qua		370
Bellifinis pax		308
Benigna Iuris interpretatio qua dicatur lu-		
reconf.		350
βλάβη		320
Bona fides qua dicatur in contrah.		356
Bonum & aequum quid 349. quatenus dif-		
ferunt, ibid. Bonum primo ac per se, quod		
242. & propter aliud, quod		ibidem.
Βουλευτικὸς ordo civium quis		312
Brysonis demonstratio qualis		40

C

Calor mordax in febre unde oriatur		456
καπηλία	136	Captio-

I N D E X.

Captiosa argumentationis origo	33
Carthaginiſ euerſionem cur Romanis diſſuaſerit Scipio Naſica	308
Carthaginienſium moſ in ornatu annulorum accipiend 301. Reſpublica	ibid
Categorica reſolutio qua	384
Cauſa efficiens 427 huius diuiſio	328
Cauſa interna partiti 0	330
Cauſarum principiorumq; reſolutio in ſuos effectus	466
Cauſas velle reddere omnium rerum in lure. turpe, minimeq; neceſſarium	486
Cauſidici & rabula	4
Celſus & Vlpianus dicebant Ius artẽ eſſe	10
Cilices vixerunt olim ex rapto	494
Circularis probatio Philoſophis qua	47
Ciues quales eſſe oporteat in ciuitate	315
Ciuile imperium	84
Ciuilis prudentia	126. 138
Ciuitas optima qua Pythagora, & qua Zenoni	298
Ciuitatis ordinum diuiſio ſecundum Hippodamum	311
Clementia cur in magiſtratu requiratur	158
Clementia iudici non conuenit	354
Cogitatio 25 35. 55. huius vires	54
Cogitationis poenam nemo patitur	199
Cognitio quid 3, 120, 286. alicuius rei quo-	

R E R V M

modo fiat 344. circa qua versetur 17. ex facultate promittitur 18. per definitionem certior quam per demonstrationem 468. cognitio rerum in quibus consistat 181. eius finis quis	371
Cognoscendi instrumenta qua & quot 408. 409. modus dissimilis cur	19
Cognoscentis officium quod	111
Comercia inuoluntaria 248. voluntaria 246	
Communis sapientia qua	44
Comparatio, proportioq;	154
Complexa philosophis qua	45
Compositionem rerū cognoscere quid	492
Compositiuius ordo cur excogitatus 382. quic proprie dicatur	396
Conceptiones animi communes	29
Conclusio vera & necessaria	38
Consensus ex quibus rebus aestimetur	249
Consuetudinum, studiorum, exemplorumque effectus 134. vis in ciuitate	217
Consultatio 472. quot & quibus de rebus instituitur 140. Consultatio & ratiocinatio	25, 49, 53, 87, 89
Consultationis finis 87, 88. Consultationis & opinionis differentia	62, 63, 64, 65.
partes	66
Contemplari quid	572
Contemplationis finis	55

I N D E X.

Contingentes res	23, 24
Corporis partes similes, primæ & simplices, compositæ & heterogenæ quæ dicantur	174
Corruptæ cur multi iudicent	6
Cretensium disciplina iuventutis	301
Cupiditatis potestas in qua corporis partere- sides	85
Curiositas quanam dicatur	123
Custodis legum officium. 33. & deinceps	
Custodes legum quinam vocati	140
ΔΑΠΑΝΗ	86.
Definitio	345, 414, 475
Definitio à genere subiecto, à fine	435, 436.
Essentialis, substantialis & notionalis qua 416. Earundem differentia	417.
Definitio causa & anima demonstrationis est 467, 486. demonstratione præstantior, i- bid. optima qua 440. principium & me- dium est in demonstratione	470
Definitivus ordo	402
Definitionem omnem in iure cur periculosam dixerit Vlpianus	432
Definitiones ab officio	473
ΔΕΥΟΜΕ	89
Deliberatio quarum nam rerum sit	59
Demonstratio 401, 412, 470. duplex 411, 412.	
Demonstratio ex definitione oritur 468. ex quibus neclatur	39, 40.

R E R V M

Demonstratio & definitio, propria sunt instru- menta scientiarum 470. quæ proprie A- ristoteli 38. ubinam adhibenda	213
Demonstratione probantur, proprietates et ac- cidentia de rebus subiectis	468, 469
Demosthenes quomodo legem definierit	197
Descriptio	363
δεσποτικὸν imperium	127
Deus unus omnia gubernat	45
διαίρεσις	438, 450
Dialectici disputatio & sapientis	47
διαίρεσις	26, 37, 53, 40
διαβολή	438
διαθesis	17, 49
δικαιοσύνη	208
δικαίων & δικαστής	261
δίκη	208
διδασκαλία	379
Diductio nominis necessaria & utilis	438
Differentia duplex 424. externa & interna 465. substantialis quæ 420. Differentia à formis ducta sunt pauca 445. unde pe- tantur in iure civili 429. earum ratio du- plex	288
Dignitas scientia vel habitus quibus potissi- mum rebus æstimetur	145

de Dis

INDEX.

de Diis immortalibus cur constitutæ leges	131
in Disciplina quid præcipuum locum tenet	236.
Disciplina actionis & cognitionis quæ	470.
necessariæ & utiles quæ	190, 191
Disciplinarum longitudo causanda non est	187.
earum natura quibus rebus æstimetur	193.
usus ac fructus quis	23
in Disciplinis perdiscendis scopus statuendus	199
Discursus	35
Distinctio eorum quæ dicuntur multis modis,	
è quibus locis potissimum sumitur	439
Divina cur vocetur sapientia	46
Divisio 438. quot fiat modis 443. ad quæ	
necessariæ, & cur 470. dux & ratio est in-	
veniendæ definitionis 432. Divisio, & di-	
videndi instrumentum, certa est via inue-	
niendi generis 424. Divisio subiecti in	
accidentia quot modis fit 450. 451. Divi-	
sionis & resolutionis differentia 453. Uti-	
litas 433. vitia & errata 446, 447, 448	
à Divisione dependent resolutio & compositio	
433. Divisiones veræ quanam 444, 445	
Docendi progressus & via, à notiorib. ad igno-	
riora	480
Domus ac eius partes	126
δοξα 6, 49.	δωαπισ 196
δωαπισ πονηριον	81.
Effectuum in suas causas resolutio quib. pro-	
pria	455, 456

R E R V M

Efficiendi & agendi differentia	22, 23
Ehemius commentarios de methodo & ordine iuri scribere instituit 363. eius libri de se- ctis iureconsultorum 192, 369. scopus in his libris consiciendis	8, 9
εἰκασία	400
Electio, consultationis conclusio 62. sine iu- dicio non fit	471
ἐμπεία 136. εὐνοία	29, 286
εὐνοία κοινὰ	213
Enumeratio quae dicatur proprie	448
Enunciationes	38
ἐπιείκεια 345. cui comparata ab Aristotele 351	
Epicuri sententiam de summo bono cur repre- henderit Aristoteles	327
ἐπίκουρος ordo inter ciues	312
ἐπιδικασίς	449
ἐπιστημονικὸν genus principiorum quod	412
ἐπιστημονικόν	82
Essentialis vel substantialis definitio quae	420
ἐπεροχέως partes quae	413
Ethice, civilis facultatis pars & principium 178. huius cognitio iureconsulto & legis- latori necessaria 179, 180. Ethices com- moda	178
εὐβουλία 101	78
εὐμένεια	
	Exi-

INDEX.

recutionem quando facit iudex	464
Exercitatio & usus disciplinarum longa	188
ἐξίς 17. Experientia 88. in quibus locum habet	104
Explicatio rerum quam cōmodissima	397.
Facultas ab aliquo principio proficiscitur 18. eius principium duplex	ibid.
Facultates animae tres	82
Familiaris rei prudentia 125, 126. & deinceps.	
Finis quid 241, 242, 325, 326, 327, 428. va- riis modis dicitur 330. Finis & bonum reciproca 13. Finis exterior 341, 342. interior quis 341, 342. Finis alicuius re- solutio in suas causas 463, 464. Finis con- sideratio in artibus	12, 13
Forma 331. artificiosa, naturalis, ibid. prin- cipium actionis	426
Fortunam & artem cur coniunctas existima- uerit Agatho	72
Fugitiuus Tryphonio quis dicatur	201
Fundamentum iuris quod	503.
Galenus methodi & ordinis magister 383. Galeni partitio artis 16	(418
Genus quid Ciceroni 475. Genus subiectum in omni disciplina primo cognoscendum	172
Generis inueniendi methodus qua	420
Genera cum sint finita, cognosci possunt	492
ἡρώων	101

R E R V M

Gracos impensius laudauit Aristoteles	316
Gymnasticum genus propositionum	412, 413
H abitudo partium triplex	381
Habitus 27. Habitus & ars quid	490.
Habitus animi cur non sit longus 16. Ha- bitus artificiosus singularium rerum curam non suscipit & cur	490, 471. Habitus præcticus
Hercules cum pelle & hydra Polycleti	45
Herile imperium 54 ἡρεμον κόν	154
Hippocrates primus medicinam in artem redi- git	476
Hippodami diuisio ciuitatis	311
Homo ad societatem factus 152. cuius rei causa natus à natura 370. eius præstàtia 370, 371.	
Hominem doctum quanam efficiant 6. (174	
Homogeneæ et heterogeneæ corporis partes qua	
Honestè viuere quid	180
Humanitas magistratui adesse debet	1, 8
Hypate	272.
Amblichus quid vocarit prudentiam	120
I gnorantia duplex 198. Imaginatio 26	
Imperfectum in iure, ab Imperiali sanctione explendum	205
Imperialem fortunam rebus humanis cur præ- posuerit Deus	204
Impe-	

INDEX.

Imperium quatenus quarendum	306.	herile, ciuile	84
Inanimata possessio multiplex			135
Incomplexa principia qua			45
Indiuiduum quid			492
Indiuidua vel singularia sūt infinita	489, 490		
Iniuria quid	407.	Iniuria omnis duplici- ter aestimari posse videtur 256. Iniuriarū consilia, facta, scripta, quot modis conside- rari possint	257, 258, 259
Instrumentum	378 379.	Instrumentum in- uestigandi accidentia 467. Instrumētum resoluendi 455. Instrumentorum & ordi- num differentia 407. Instrumentorum plura genera 407, 408. numerus ex qui- bus colligendus	408
Integrantes partes qua			432, 450
Intellectus seu mens	25, 26, 30, 31, 35.	In- tellectus actiue quis 275. contēplatiue qs, ibid. cur rerum particulariū dicatur	28
Intelligibile, ibid.		Intelligibiles res qua dicātur	
Inuentio veri quid	22.		(443
Inuestigandi studium utile			8
Iraescendi facultas in homine	313.	Iraescibilis pars anime quāā complectatur	85
Id. xxi virtutes			20
Iudicandi modus in quib. versetur	404, 405		
Iudicia, actionum causa inuenta			235

R E R V M

quorundam corrupta cur	6
Iuliani Iureconsulti laus	204
Ius 120. in quibus rebus consistat	121, 122
Ius iurisq; ratio ab hominis natura est	496,
497. civile ad artis normam redigi potest	
474. correctivum & emendativum	260.
strictum	350
Iuris civilis studium cur hoc tempore infelicius tractetur	3, 4.
eius studiorum ordo	184,
185. fundamentum quod	503.
interpretatio benigna que	350.
dura, ibi d. precepta qua	221, 319.
precepta & initia inde repetenda	180.
significatio varia	347, 348
Iura in quibus constituentur	102
Iureconsultus quis Ciceroni	337.
quis Stoicis	338
quid primo & per se considerat	235.
quibus in rebus versetur	150.
Iureconsulti domus, oraculum civitatis	338.
finis ultimus quis	324 325, 340.
eius legislatoris que differentia	113, 142.
nomen unde	325.
officium	194, 330
scopus quis Ciceroni	337,
338. cur vocentur sacerdotes	Ulpiano
	339.
Iureconsultorum veterum responsa vim legis habebant	340
Iurisprudentia habitus agendi & prudentia pars 110.	huius finis quis
Ibid. consul-	tandi

INDEX.

trandi deliberandique habitus 112. an haec
ipsa arte tradi possit 5. 8. 9. cur singulariū
rerum curam non habeat 491. qualis sit
prudencia censenda 141. eius cognitio fa-
cilis 182. descriptio 357. professio 358. co-
gnitio unde petenda, ibid. laus & dignitas
5, 145. 146. subiectum & materia 194, 195,
207, 209 210.

Iurisperiti lenitiam cur opinari sunt quidam me-
thodo doceri non posse 489, 490 494.

Iusta non sunt omnia, quae in populorum insti-
tutis sita sunt. 502 503.

Iusti Velsii laus, & commentarii in Sebe-
stiani Tabularum 86

Iusti & sapientes qui vultu appellandi 158

Iustitia, ut iuris prudentiam credidit esse sci-
entiam 10. eius a se de iuribus sententia 242

Iustitia absoluta 268 269. civilis vel poli-
tica 274. legitima, ibid. cur difficillima vir-
tus: cur optima, praestantissima, & pulcher-
rima dicatur Aristotel. 276. cur mater ac
mistrix virtutum veteribus dicta. 278. ut
legitima dicatur Aristotel. 3. 2. dist. 11. u-
tina 263. 264. huius officium 288, 289.
particularis 245. uniuersalis 268. eius de-
finitio ab Vlpiano tradita quomodo intelli-
genda 288. descriptio ac vis à Platone ex-
pressa 271. Iustitia, pro ratione loci, varia

R E R V M

nomina 278. ad iustitiam omnes nati sumus 496. quomodo eam descripserit Aristoteles 285, 286. quomodo Theages 270. quomodo definiuerit Zeno 284.

Iuuentutis disciplina quanam apud Cretenses, Lacedamonios, Persas, Scythas 301
(tuant 301

Lacedamonii in quibus iuuentutem insti-
Legalis prudentia 138, 139.

Lex quid 298, 503. conseruatix iustitia 194.
cur de actionib. fertur 195. diuinarum humanarumq. rerum regina 161. Magistratui praest, ibid. humanae societatis vinculum & custos 163. magistratus mutus & tacens 195. vinculum humanae societatis 194. lex & legis erymon 151. eius correctio & emendatio duplex 351. descriptio ex Demosth. & Chrysippo 163. laxamentum quid Ciceroni 350. officium 195. subiectum & materia 207. eius virtus qua 221

Legem quid vocari Lycophron, quid Papinianus 164

Leges condere, quorumnam officium 325. de Diis immortalibus cur constituta 131. parum salutare in ciuitate, nisi effectum sortiantur 331. quid spectent 321. earundemque scopus ultimus quis 321, 322. leges scire quid 330. earum conseruandarum necessi-

INDEX.

has 17. custodes qui vocentur	141.	custodes constituendos in ciuitate existimauit Plato	332.	Legum vim unde petendā putauerit Cicero	367.	(viro	162
Legib. bonis cur potius parendum quam bono		Legislatoris cura quā esse debeat	300.301.	munus & officium	194, 309.	ei quid faciendum	165
Legumlatores multa omittunt consulto		Legislatores quam tractent	113.	à lureconsultis in quibus differant.	ibid. &		141
Legislatricis facultatis praestantia		Liberorum erga parentes officia		λογισμός	25, 53, 82.	λογιστήριον	85.
M Agistratus, lex loquens	161, 195.	eius officium.		M. T. Cicero lureconsultus	4	(495.	
Massageta uxores habebant communes	494.	Materia	430. 431.	propria & vera, impropria			
		430. prima Aristoteli quae	ibid.	est causa mutationis			47
Matrimonii finis quis		Mechanici ordinis munus		Mediocrитatis effectus quis			96, 97
μετρεσις	86	Memoria		Mens seu intellectus	25.	actiua	ibid.
		Mentis anima q; oculus vocata prudentia cur		120. diuiso secundū Academicos quae	400.		
Mese	172						

R E R V M

Metaphysica cur sola ἀνωτέρω	132	
μέθοδος ὁμοειδὴς καὶ ὁμοειδὴς, οὐκ ὁμοειδὴς	382	
Methodos quid 364, 365 & deinceps 371, 374, 483. ad scientiam pertinet 378. principia & causas artis inquirat 378. quare ratione dicatur organon & scia. tū ibid. diuisiua, resolutiua 472. Methodus & via resoluendi neotericis Græcis quid 455. naturalis 368. particularis, vniuersalis 379. vna & multiplex habens censens 407. eius partes quæ 379. Methodo querere, quid 363, 364	(46	
Methodus statua forma à Phidia facta qualis per duplā	136. Methodi etymon	1
Natura cur artifex vocetur à Zenone	2.	
natura & substantia rei unde cernatur 229. quare ratione res gignit, quare ars 71, 72. natura & artis effectus quo quis & à natura quod proficitur, æternū, verum & idem semper est	496	
Naturalium rerū cognitio a quib. fuerit	477	
Necessaria res 24. Negotii finis omnis	309	
Nēto	272	ὁμοειδὴς 28
ὁμοειδὴς definitio qua dicitur	416	
ὁμοειδὴς quæ	336	
ὁμοειδὴς, quid a Iurisprudētia differat	10	
ὁμοειδὴς & ὁμοειδὴς	160, 161	
Norma consuetudinis qua	400.	100

I N D E X.

νοῦς 25, 33	νοῦς θεωρητικὸς 25, 54, 70
Notionalis definitio quo loco habenda	418
Notio 363	Notiora nobis qua 405
Notitia 29.	notitia quid Vlpiano in de- scriptione Iurisprudencia 357, 358
Numerus	423
Nuptiarum ac matrimonii finis quis	458
O culum anima humana quid vocent phi- losophi	36
Oeconomice 175.	Oeconomica prudentia 126
Officium Iureconsulti	330
ὁμοιωμεναι, partes qua vocentur	432
Operis & actionis differentia	66
Opinatio vel opinio 25, 49.	opinandi vis 26
Opinionis & consultationis differentia 61, 62, 63, 64.	opinionis falsa origo 38
Opposita qua	432.
Ordo 378, 379.	varius 380. cōpositivus, resolutivus, definitivus ib. & 381, 382. or- do cur anima ipsarū rerū 1. ordo & col- locatio in scientiis duplex 132. cōpositivus aptissimus ad docendū 397. resolutivus a- ptissimus ad inveniendū, ibid. doctrina & lectionis 181. & deinceps. naturalis quis 368. essentia & anima rerū a Platone vo- catus, & cur 368, 369. eius conservatio in quibusnā doctrinis 383 eius & instrumen- ti differentia qua 407. & resolutionis diffe- rentia 455

R E R V M

De animi diuina, siue resolutio	338
Partes quæ Ciceroni 475. Partes generis subiecti quæ 216. integrantes, substantiales, quæ 432. similes & dissimiles quæ 231. earum habitudo triplex	382
Passiones 216. Passiones propriarum de subiecto demonstrationes quales	401
Peritiles	166
Perfecta scientia vniuscuiusq; rei quanta	112
Perfectio 48. 294. vniuscuiusq; rei duplex	53
Pericles cur prudens h. b. o. r. as	92 (405.
Persona diuersis instituitur ac docetur modis	
Perspicacia 102. quanta Cæ	26, 30
Philosæ cur appe. latus sapiens	44
Philosophia præcepta quoniam posteris tradiderunt 477. varia descriptio	345. 346.
Philosophia verã quid vocet Vlpianus	181
Plato	78
Plato ut iussit in indiuiduũ quiescendũ 498	
Plato lib. os deorum de iustitia & iusto, quam de Reo. maleceit inscribi 317. quas leges accipienda suaserit Syracusanis, ibid. eius lous 1. ei semper iniquior fuit Aristo. 250.	
Pleuritis quid	466
Poenarum discrimina	217
Prudentia civilis pars quæ	139
Politica iustitia	274

INDEX

πολιτικόν imperium quod	127, 128
Polycleus cur dictus sapiens	44
πλουτογυμοσιον	123
Pomponii iure consulti loci	336
ποετική vis animæ quæ	85
Possessio inanimata multiplex	136
Postulatum 30. Potentia 287. cur in ma-	
gistratu queratur	157
in Potestate nostra quamvis sine	92
ποταμὸς ποῖος	85, 84
ποταμός 87. ποταμός 209	
Prædicta in ceteris omnibus res, quæ in natura	
reperiuntur, conclusæ sunt	491
in Principatu quæ prædicta regantur 156, 157	
Principium, notissima cunctarum pars	8, 150
Principium prædictæ 30, 216. quæ vocanda	
412. cur non demonstrantur 154. quæ	
statuenda ad ceteros principatus terminos	
& fines 48. cognitionis ceteri quæ 21. in-	
completa 45. notiora debent esse conclu-	
sione 47. quibus modis confirmantur 32	
Principiorum, causarumq; resolutionis in suos ef-	
fectus	415
Priora sua natura, & quo ad nos, quæ	42
Prius esse, quorū modis dicatur	41, 42
ποταμὸς 61. Probatio circularis quæ	47
ποταμὸς κατὰ φύσιν causa	423

R E R V M

Progressus	404.	προνόμιον	399	
προνόμιον δυνάμει	81.	Pronunciata	39	
Proportio	250.	Arithmetica, ibid.	Geometri-	
ca, ibid.	264.	Proportio accōparatio	154.	
continua & disiuncta			248, 264	
Proprium quid			431	
Prudens quis habendus			92	
Prudentia	80.	huius multiplex significatio		
81, 93, 94.		Privata, communis	120, 121.	
ciuilis, & œconomica	126, 138.	legalis	139, 140.	
privata vel absoluta qua	118.			
Relata qua	120.	quatenus differt ab arte		
107.		eius finis	106.	
partes	119.	commu-		
nis species	125.	pars est iuris prudentia	10.	
vis & munus	101.	differentia eiusdem à		
ceteris animi habitibus			102, 103, 104	
Prudentiam quid appellauerit lãblichus	120			
Prudentissimus quis iure habendus			2	
Putredo unde oriatur			457.	
Q	Varēdi inuestigãdiq; res modi quot	56, 409		
R	Abula & proclamatores	4.	Ratio	93
	Ratio legis est forma & essentia			160
	eius munus in homine	312, 316.	Ratioci-	
	nandi vis	35.	Ratiocinatio & cōsultatio	25
Recta ratio				79, 1, 9, 160
Rei familiaris & reipub. similitudo				176
Relatiuorum natura qua				20
Res & rei nomen late patet	226.	quomodo		
		nobis		

INDEX

nobis acquiritur	408
Rei principia qua	28
Res aut sensiles aut intelligibiles 442. necess- saria quam dicantur, & qua cōtingentes	29.
quando cognoscuntur 181. quomodo	
tradantur 405. Respub. quid 170. 171.	
Respub. quibus conservetur	138
Reipub. finis & scopus 298. partes ac virtutes, quibus rebus uniuntur custodiunturq; 315. 316.	
salus in cōstituendis legibus posita 287. sta- tus optime constituitur geometrica propor- tione	267
Resoluedi instrumentum	453
Resolutio quid & quotuplex 384. anti- quior & difficilior compositione 397. ad qua necessaria, & cur 470. multiplex	
454. 455. a notione finis qua 389. 392. finis alicuius in suas causas 467. seruit inuen- tioni 470. aptissima ad artium principia querenda 410. Resolutionis & diuisionis & ordinis differentia	453. 454
Resolutivus ordo cur excogitatus	382
Rhetoricum demonstrationis genus quod	418
Rodolph. Agricola fallitur 291. laudatur ib.	
Sacerdotes cur appellauerit L. C. Vlpian. 338	
Sape et Rare, voces quomodo intelligenda 295	
Saxum hominem quem vocet medicus 198.	
quem Physiologus	200

R E R V M

pietates & iusti qui 159. Sapiencia 44, 46, 159
eius munus 105. finis 106

ἡσυχία & ἀρετή virtus 83, 381
Scientia 33, 34, 36, 37, 39, 470. Scientia iuris

quibus praesidia comparanda 6. eius finis

35. Scientia ac disciplina quid polliceantur

2. Scientiarum constitutio qualis 13
Scientifica & substantialis definitio qua 363

Scire leges quid 350. Scopus quid 327, 328.

Scopus & propositum quid philosophis 428

Scopus Iurisconsulti quis Ciceroni 348

Sensile 28. Sensiles res qua 443

Sensus 26. circa qua versetur 37. cur rerum
particularium dicatur 18

Sententia qua de refertur à Iudice 464

Singularia & individua cur vsui & experien-
tia relinquuntur 491

Societas homini maximè propria 151, 152. iure

& iustitia conseruatur 498. quibus exre-

bis concilietur 153. eius scopus quis 298

Solon cur nullum supplicium constituerit par-

ricidis 203. Solonis lege tenebatur is, qui

in ciuitate neutrarum esset partium 494

Sophistica argumentatio unde 38

Sophisticum propositionum genus 414

συνθεσις 87, 94 (491)

Species & genera sunt finita, cognosciq, possunt

Substantia vox late patet 420. Substantialis

INDEX.

Essentialis definitio qua	419.	differentia	
qua, ibid.		Substantiales partes	432, 451
ad Subiecti naturam alicuius scientia quot res			
necessaria			215
Suspensio & existimatio			76
Syllogistica resolutio	386.	cur ita vocetur	387
συναλλάγματα			226, 249
σώεσις	101	σώφισ	382
συνθετική μέθοδος	382	(317
Syracusani quas leges accipiendas suasisit Plato			
Ταμειεύκη	86.	Thales sapiens cur	106
Theognidis versus de Iustitia expeditur			279
θεωρητικός νοῦς	25, 54	πρακτικός	26, 54,
θείσις	30	(79
Thrasymachi opinio improbat			495
θυμωδὲς	82	τοκισμός	136
Transgressio quadam Iuris naturalis habetur			500.
Venable quid	3	Veri inuentio	22
Via & methodus resoluendi neotericis Graecis quid	455.	Via ac modus explicandi	404
Vinculum aptissimum & pulcherrimum quod			
154.		Vinculum humana societatis & iustus lex	155
Virtus	82, 83.	perfecta quot modis dici possit	
	275.	quibus ex causis promouetur	317.
Virtutes ac perfectiones animae			84

R E R V M I N D E X.

Vis opinandi	20	
Vita humana felicitas quib. cōstet partib.	295	
Vivere citra societatem quid Aristoteli	123.	
Vivere honeste quid	180	
Vlpianus cur dixerit omnem definitionem in iure ciuili periculosam	473. eius & Celsi de iure opinio 10. locus expēsus	319, 320, 339
Vniuersale	28	
Vocis explicatio quo loco adhibenda	416, 417.	
unde oriatur	417	
Voluntas constans & perpetua	291. duplex	
290. Voluntaria commercia	129	
Vtilitas sine meritis	240	
Vxor quales deligenda	131. in hac quid potissimum requiratur, ibid. Vxores communes habebant Messagera	494, 495.
Y B e u s	320. Ἰσοκλεις	208
Ἰσοκλεις	450. Ἰσοχραφὴ	286
Ἰσοχραφὴ	76. Ἰσοθεῖς	30.
Zeno quomodo definiat iustitiam	284	
Zenonis de natura sententia	3	
Quo cōstet quænam primus in artem redigerit	477.	

F I N I S.





